



Procœmium.

Um rerum gestarum in præteritis temporibus & retro-actis certa cognitio & fidelis conscriptio posteris, per continuas successiones sibi succedentibus, non paucam imo multam conferat utilitatem, idcirco ego *Johannes ortus de oppido Winterturn, fratrum minorum minimus*, decrevi scribere rudi tamen & inchoato sermone, cum salutaris & pompaticis verbis loquendi peritiam & eloquentiam non habeam, *acta & gesta meorum temporum & paulò ante habitis*, non semper secundum debitum ordinem, sed secundum, quæ mihi occurrerunt, summam, interdum & curtatim, quandoque singularius & diffusius annotare.

Quæ autem in principio præsentis operis scripturus sum, ad majorem perfectionem ejus faciendam, partim ex quibusdam Chronicis ante à me perlectis, partim ex relatione hominum ipsa scripta me attestantium & affirmantium hæc compaginavi.

Quæ verò posthæc per totum opus ponenda censui, prout visu proprio vel auditu didici, vel communis & fama celebris me edocuit, diligenter conscribam.

Novitatem & varietatem insuper historiarum scribendarum ab initio usque ad finem in margine libri hujus per paragraphum designabo, & si quando me contingat in prosecutione ipsarum aliquantulum exorbitare, ac metas plenæ meræque veritatis excedere, vel incautè, vel diminutè, vel superflue, seu præpostero procedere ordine, vel ab aliis, qui forte eorundem etiam temporum monumenta reliquerunt, discrepare, disertus testor, si placet corrigat, ut meæ fictioni vel temeritati

non imponat, sed potius meæ ignorantia, cum melius non intellexerim, aut in memoria non retinuerim, condonescat. Summos verò Pontifices & Imperatores contemporaneos *non alternatim more quorundam historicorum*, sed mixtim, prout mihi expedire in processu videbitur, collocabo.

Exordium autem narrationis meæ assumere cogitavi ab Innocentio Tertio illius nominis Papa, & à Friderico Imperatore Secundo hujus nominis, *qui non longè mea meorumq; progenitorum tempora antecesserunt*. Quamvis autem de plurium partium gestis scripturus sim, præsertim Alemannus cum sim, de Alemannia partibus. * *

Innocentius verò tertius fuit vir eruditus valdè & plurimum eloquens, sedit annos XXII, dies Hic opera multa famosa fecit, & libros composuit. Natus fuit de nobilibus Romanis : Sub eo cœpit ordo Teutonicæ domus oriri in Auone.

In hujus tempore capta est à Francis Constantinopolis & à Venetis. Amyrabolynus Sarracenorum cum innumerabili multitudine contra Hispanos veniens confusus ad partes suas reversus est. Hic Innocentius Papa in Lateranensi Basilico generale concilium celebravit pro subsidio terræ sanctæ, & pro statu terræ utili. In quo multas constitutiones edidit, etiam agnus Dei, orationes in Missa fieri instituit, pro terra sancta videlicet psalmum; Deus venerunt Gentes &c. cum collecta, Deus qui mirabili providentia; & cum his Abbatis Joachimi libellum, contra quem Magister Petrus Lombardus librum composuit, damnavit. Et Almarici doctrinam, sicut habetur in Decretali, damnamus.

Hujus tempore cœperunt duo ordines, scilicet Prædicatorum & Minorum. Prædicatorum incœpit beatus Dominicus in Tholosanis. Minorum initiavit sanctus Franciscus prope civitatem Asinatam.

Prædicatorum ordo inchoatus fuit Anno 1216. Pontificatus Papæ Anno VI. Sed Fratrum Minorum Anno Domini 1206. Pontificatus Papæ Anno XIV.

Iste Papa sicut Alexander tertius sententiam interdicti in personas & loca constituit. Hic

Hic etiam canonizavit beatum Thomam Episcopum Cantuariensem & Martyrem; Et sanctam Kunigundam virginem, scilicet Henrici Imperatoris sponsam.

Hic Papa declaravit, quod Principes Teutoniæ jus habeant in eligendo Regem & promoverendo ut habetur, Extra de electione Venerabilis & promovendo extra.

In Perusio obiit & sepultus ibidem.

Iste Papa Othonem de Brunswick coronavit in Imperatorem, & post eundem excommunicavit, suscitavitque illi adversarium Fridericum filium Henrici Imperatoris. Ratio autem movens Papam ad hoc faciendum fuit hæc videlicet. Quod Henricus per venenum noviter extinctus contra Ecclesiam Romanam in vita sua tyrannidem exercuit. Ideo eo mortuo Papa iste, ne Frater ejus Philippus Fraticus, Rex Alemanix, in regnum schismate promoveretur, se opposuit, & Othoni adhæsit, & eum Aquisgrani in Regem Alemanniæ fecit coronari. Deinde eum in Imperatorem coronavit, ut & jura Ecclesiæ servaret, ab eo juramentum exegit, qui statim ipsa die contra juramentum venit & fecit, nec non Romanæ Ecclesiæ terras fecit spoliari, unde Papa eum excommunicavit & ab Imperio deposuit, & Fridericum prædictum Henrici filium contra eum erexit, & ipsum ad sceptrum regni sublimavit. Sic Otho filius Henrici Ducis Baviaræ & Saxonum imperium adeptus, regnavit annis XI & usque ad mortem fuit excommunicatus. Cum in mortis articulo à Prælatiis absolutus obiit, sepultus in Braunschweig.

Fridericus vero secundus hujus nominis sæpè dictus, de propagatione Ducum Sveviæ imperium asscutus est, & regnavit annis XXX.

Hic Fridericus & sui prædecessores progenitores oriundi de Svevia per multa annorum curricula sine interruptione imperii gubernacula tenuere.

Honorius III defuncto Innocentio III natione Romanus sedit annos X. Hic confirmavit ordinem Fratrum Prædicatorum Anno Domini 1216 & sequenti anno ordinem fratrum Minorum. Hic Papa Fridericum Regem Siciliæ coronavit & consecravit Romæ in Imperatorem, sed

tandem ipsum sibi rebellem & Romanæ Ecclesiæ adversarium comperiens anathematizavit, atque Barones ab ejus fidelitate absolvit. Hujus tempore Damiatam Christiani ceperunt, sed Sarraceni fortuito casu, contingenter eam postea recuperarunt.

Hic Papa multas constitutiones edidit & Decretales compilavit.

Ejus tempore Engelbertus Coloniensis Archi-Episcopus, occisus à Friderico de Isenburg, qui in ultionem sanguinis in Colonia comite judicalem sententiam currifragio miserè interijt.

Iste Papa sanctitate & virtutibus plenus feliciter obiit, sepultus Romæ ad Sanctam Mariam Anno 1230. Beatus Franciscus continens in aëre Seraphim in cruce ex tunc in palmis latere & pedibus effigiem plagarum Christi tulit usque ad felicem exitum suum, multis utriusque sexus videntibus illa in eo stigmata.

Defuncto Honorio sedit GREGORIUS IX annis XVI, natione Campanus. Hic canonizavit Bononiæ beatum Dominicum, item beatum Franciscum, qui ordinem suum incepit sub Innocentio, rursumque sub Honorio perfecit gloriosum, succedens his Gregorius magnificavit amplius miraculis famosum. Hic Papa canonizavit de ordine fratrum minorum beatum Antonium Paduæ Patronum, item beatam Elizabeth relictam Domini Ludovici Landgravii Thuringiæ.

Item excommunicavit Fridericum Imperatorem, sententiam, quam suus prædecessor Honorius contra eum fulminaverat, roborando, objiciens sibi multa mala & constituit sententiam interdicti; nam tertius hanc pœnam Ecclesiæ introduxit.

Hic Papa secum habuit Prædicatores pro secretariis suis, & per fratrem Raymundum ex pluribus voluminibus Decretalium unum volumen compilavit dividens in V libros. Huic Papæ beatus Franciscus prophetico Spiritu prædixit, futurum Papam esse.

Item duos ordines confirmavit, quos beatus Franciscus ordinaverat. Unum Dominarum sanctimonialium sanctæ Claræ: Unum pœnitentium sexum utrumque scilicet virorum & mulierum capientem.

Item

Item confirmavit ordinem de Pœnitentia nuncupatum scilicet Mariæ Magdalena.

Hic Papa, cùm ab Imperatore Friderico, qui tunc ex magna parte patrimonium Ecclesiæ occupaverat, in urbe obsideretur, videns penè omnes Romanos per pecuniam corruptos esse, accipiens capita Apostolorum & processionem à Laterano usque ad sanctum Petrum faciens, animos Romanorum sic revocavit, ut ferè omnes contra Imperatorem cruce signarentur, quod Imperator, qui jam se credebat intraturum urbem, audiens, timens longè recessit ab urbe.

Item Anno Domini 1241. peregrina militia Barbarorum, gens ferocissima, cultibus idolorum dedita, *Tartari*, Ungariam & Poloniam invaserunt & multa millia hominum occiderunt : Contra quos crucem fecit Papa prædicari, similiter contra * Stenges, de quibus 5030 in ore gladii occisi sunt.

Item ut jam dictum est, quoniam stragem memoratam Tartari commiserunt in Ungaria & Polonia, ibique Dominos interfecerunt, quo facto tanta penuria subsequuta est in Ungaria, quod matres suos pueros manducarent, & pro farina quodam pulvere uterentur homines.

Item in Burgundia mons magnus ad alios montes longè translatus est.

Hujus etiam temporibus quidam Judæus in Hispania volens ampliari vineam, quoddam saxum amovit, in cuius spelunca cavata reperit tabulam continentem ab Adamo duplicem mundum, & in ultimo Christum nasciturum, & humanum genus redempturum, & se inveniendum tempore judicis tunc regnantis in Hispania, propter quod Judæus ad fidem Catholicam est conversus.

Gregorius IX demum multis pressus calamitatibus feliciter obiit, sepultus Romæ in Vaticano. Hic Papa Cœlestino successori suo, cùm adhuc foret Cardinalis, prædixit, quod post obitum suum sessurus esset in sede Apostolica.

Anno Domini 1243 Cœlestinus Papa sedit dies 16. Cùm esset Cardinalis & Episcopus, negotia pauperum Clericorum frequenter promovit

movit apud Papam Gregorium IX. Cœlestino hoc quarto Papâ defuncto feliciter, cessavit Episcopatus ferè duobus annis, & cum non essent nisi novem Cardinales, in electione Papæ concordare non poterant, & hoc in periculum totius Ecclesiæ.

Cœlestino quarto successit INNOCENTIUS IV natione Januensis, sedit annis duodecim.

Hic canonizavit beatum Petrum Martyrem de ordine Fratrum Prædicatorum, occisum ab Hæreticis apud Mediolanum; Inquisitor enim erat hæreticæ pravitatis, & cum una dierum Cumis Mediolanum pergeret pro inquirendis hæreticis, satelles Diaboli, nuntius hæreticorum loricatus ei obvians venerandum caput ejus impressis vulneribus fauciauit & Christi Martyrium fecit.

Iste Papa dedit Principibus Teutonia potestatem liberè eligendi Regem Romanorum.

Iste Papa contra Fratres Minores & Prædicatores iniquas constitutiones edidit, quas postea successorès sui retractaverunt. Hic in Lugduno celebrans concilium, Fridericum Imperatorem propter crimina sua omni honore destituit, ipsumque condemnavit & privavit imperio suo, procuravitque Landgravium Thuringiæ in Regem Alimanniæ eligi, & mortuo eo Comitem Hollandiæ.

Hujus Friderici condemnatio & ejus à regno depositio patet in VI Decretalium capitulo incipiente ad Apostolicæ dignitatis & infra guerrarum commotio Titulo, de sententia & rejudicata.

Hic Fridericus primò optimas leges pro libertate Ecclesiæ & contra hæreticos dedit: Supra multos Prædecessores suos divitiis & gloria abundavit, sed ei in superbia abusus fuit, nam tyrannidem contra Ecclesiam exercuit: quamvis enim ab infantia per Ecclesiam tanquam per matrem fuisset educatus, non tamen ipsam ut matrem fovit, sed tanquam novercam, quantum potuit, laniavit, & ideo in Concilio Lugdunensi convocato ab Innocentio IV, ut dictum est, Imperiali nomine & dignitate spoliatus est. Causas autem principales hujus depositionis in prædicto concilio promulgavit, scilicet perjurium, pacis violatio refor-

matæ

matæ frequens, duorum Cardinalium Romanæ Ecclesiæ captivatio, multorum Prælatorum submersio, venientium ad Concilium quod Papa Gregorius IX Romæ duxerat convocandum, quod & ipse Imperator convocari, Prælatos ab Ecclesiæ regimine destituit, sacrilegium commisit, nam cruces aureas, thuribula pretiosa, calices, pannos sericos & Ecclesiarum thesauros diripuit, Clericos angariis & parangariis afflixit, qui non solum tradebantur ad judicia secularia, sed & cogebantur subire duella, incarcerabantur, decollabantur, suspendebantur in patibulum in opprobrium ordinis Clericalis. De hæresi quoque suspectus habebatur. Nam postquam Gregorius Papa IX ipsum anathematis vinculo innodavit, & post captionem Cardinalium, Prælatorum & Clericorum, ad sedem Apostolicam venientium, claves Ecclesiæ contempsit, sibi faciens celebrari, vel potius quantum in eo fuit prophanari divina & sententias Gregorii Papæ IX, scripsit vel allegavit non vereri, & eos coëgit non servari. Præterea conjunctus amicitia detestabili Saracenorum nuntios & muneratorum hilaritate & honorificenter excepit, & munera eis pluries destinavit, ritus eorum amplectens, illos quotidie obsequiis secum tenuit. Existens quoque ipse in partibus transmarinis facta compositione *quadam cum Soldano Machometi nomine, in templo Hierosolymis diebus & noctibus proclamari permisit.* Bachario Regi schismatico inimico Dei & Ecclesiæ solemniter excommunicato filiam suam tradidit in uxorem. Ducem Baviaræ fecit occidi per Assinos, nulla hospitalia nec claustra, nec Ecclesias construxit, sed destruxit, religiosas personas jugiter attrivit, manum, sicut decet Principem, ad pauperes non extendit: Possessiones Romanæ Ecclesiæ sibi subjugavit, scilicet Marchiam Anconitanam, Ducatum Spoletanum, Beneventum civitatem nobilem in Apulia, cujus Archi-Episcopus habet sub se XXIV suffraganeos, diruit & præoccupavit præterea alias civitates Thuscæ, hæc de re promulgavit Innocentius Papa in decreto Concilii Lugdunensis.

Hic Fridericus, ut quidam ajunt, cum suis exercitibus, & etiam Papæ copiosis, id instantè ab eo fieri postulantis ad debellandum Solda-

num Regem *Aegypti*, qui *Hierosolymam* cum Christi sepulchro dudum *Christicolis* per vim abstulerat, dum semel transfretasset, & in proximo die cum ipso præclarum certamen committere decrevisset, ab eo celeriter revocatus est à suo proposito. Nam sibi significavit, quod frustra secum bellum inire disponeret, cum Papam suspicatum cooperatorem suum haberet adversarium. Dicebat enim, ego accepi Epistolas Summi Pontificis certissimas, suis exercitibus propriis directas & etiam sibi delatas, continentes hoc mandatum, videlicet quod quàm citò nos aggredi ad præliandum contingeret, quod juncti meo populo pro me & ipso contra te & tuum populum ad prosternendum te viriliter dimicarent. Ergo nullo modo expedit, ut nobis bellum inferas, ne in manus nostras corruas miserabiliter cruciandus. His auditis Cæsar territus cum Soldano pacem composuit, & mox furore magno succensus ad persequendum Papam iter rediturus arripuit, quod Papa audiens Romam reliquit, & in *Avenionem* secessit, ut sub protectione illic Regis *Franciae* tutò posset iram ejus effugere pertimescendam. Et sic per relatores memoratos sedes Papalis in *Avinionem* translata est, & illic sub multis Apostolicis per multorum curricula annorum perduravit.

Hic Imperator iniquitatem in excelsis est loquutus ponens in cælos suum. Nam dixit audiente *Henrico Landgravio*, tres seduxerunt totum mundum, *Moses* Judæos, *Christus* Christianos & *Mahometus* Barbaros, quamobrem si Principes imperii institutioni meæ assentirent, ego utique multò meliorem modum vivendi & credendi cunctis nationibus ordinare vellem.

Henricus Landgravius electus in Regem *Alimanniæ* in odium *Friderici*, *Conradinum* filium ejus apud *Frankfurt* cum exercitu suo in die sancti *Oswaldi* vicit, confudit & ignominiosè fugavit. Et ipse *Henricus* in eodem anno Rex existens in profluvio ventris interiit, & sepultus est in *Isnaco*, & sine hærede defunctus est, quamvis feliciter plurima bella superaverat.

WILHELMUS Comes *Hollandiæ* similiter contra *Fridericum* electus est, regnans annis tribus à *Frisonibus* occisus est.

Hic

Hic Imperator, quemadmodum fertur, à quibusdam cum magno exercitu & copioso tam Svevorum quàm aliarum nationum ad partes infidelium transfretavit, ubi Soldanum per bellum atrocissimum, quòd sibi intulerat, debellavit, eum autem pro triumpho accepto tam glorioso ab infidelibus, Domino cœli, à quo habuit, gratiarum actiones relaturus Monasterium intrarat Domini Jerosolomitaram, & victimas ac pacifica hostiarum munera unà cum optimatibus & primatibus suis & universa Catholicorum turma in templo Christi obtulisset, videns Templariorum & hospitalariorum cuneos non ad dandam Deo gloriam & laudem, præconia pro victoria tam solenni & laude digna & mirifica, ab omnium Dominatore data, paratos & intentos : sed æstu avaritiæ succensos, non posse concordare, in tam pacifica divisione ac æquali possessione, vel perceptione libaminum vel oblationum pretiosarum, inæstimabilium in Basilica prætaxata, cui præfuerunt, ut asseritur ad honorem & Dei reverentiam oblatorum, sed magis injuriosè disceptare, nec non ad vindicandas & usurpandas sibi oblationes, certatim ruere ac hostiliter invadere, esse studiosos : scandalizatus & offensus nimis in fide orthodoxa fuit in tantum, quod verba perfidiæ, blasphemiarum & erroris multa protulit, quibus fidei detraxit, & ejus salutarem ac firmam veritatem penitus annullavit, & sic id factum à justitiæ tramite alienum, cum aliàs in fide claudicaverit, sibi non modicum fomentum hæreticæ pravitatis ministravit. Unde agens in partibus, ut suspicor, transmarinis, triumpho jam potito, secundum opinionem istorum æ relationem astruitur, quadam dierum ipsum in Pompa præcellenti stipatum, undique corona procerum, missarum solenniis interfuisse, & ibidem à Soldano vel Principe quodam alio infideli, inquisitum ab eo fuisse : Quid in manibus sacerdotis elevaretur & cum adoratione tam reverenda ab eo & cunctis Christicolis tam diligenter conspiceretur, tale dicitur ei dedisse responsum. Sacerdotes nostri fabulantur id quod sursum erigitur fore DEUM nostrum. Ad quod ille, si fuisset DEUS ille tantæ magnitudinis ut mons maximus, dudum à presbyteris vestris ipsum quotidie in Missa manducantibus, consumptus fore potuisset.

Quod dixi jam ultimò, de ingressu Cæsaris Friderici ad terram sanctam, per conflictum habitum cum Soldano secundum assertionem quorundam, quod minus verisimile secundum prius enarrata est, imò minus ad comprobandum, sed tenendum est, quod per pacta quædam compositionis vel treugarum intraverit.

Quidam etiam de eo referunt, quod ad tantæ dementiæ foveam deciderit, quod ad hoc totis vellet niti viribus, ut ritus salutare hostiæ seu Eucharistiæ de medio tolleretur, & huic cogitatu malignissimo, iudicio meo, incitamentum præstitit, prædicti Principis Pagani venenosum verbum & plenum vesania dicentis ad eum, nisi hanc superstitionem pessimam abdicaret, tantam gloriam suam deturparat.

Fertur & de ipso, dum transiret quadam die cum exercitu suo campum propè fluvium Rhenum, plenum segetibus uberibus speltarum, quod dixerit, impiè & perversè sentiens de altissimo Sacramento Corporis Christi. O quot dii ex hoc frumento suo tempore conficiuntur.

Quidam quoque ajunt, eum per anni curriculum quotidie jejunasse, nisi semel in die comedendo, non intuitu divinæ retributionis, sed corporalis conservandæ causâ sanitatis. Fertur insuper, quod frequenter balneis usus fuerit Deo dicatis, per hoc patet, quod præcepta Dei & festa, & Sacramenta Ecclesiæ irrita censuit & inania.

Nihilominus aliqui testantur & affirmant de Friderico Imperatore, dum aliquo tempore in partibus remotis ageret, quod miserit pro consorte sua Imperatrice, quæ dum Mediolanum urbem transierat, à civibus ibidem putantibus ipsum forte mortuum, vel aliàs in statu quodam impossibilitatis redeundi, positum esse, in odium & contemptum ipsius turpiter tractaverunt. Nam istam vestibus detractis nudam ut in die nativitatæ suæ statuentes, posterioribus asinæ imposuerunt, & publicè coram universo populo ludibrio ignominiæ & extremæ confusionum tradentes, quia per * ypsima imò quasi scortum vel centonem abjecerunt : quod Imperator intelligens, & ab hoc ad furorem inæstimabilem accensus, in reversione sua postea acerbissimè vindicavit. Nam
civi-

civitatem cum grandi exercitu obsedit, & tam graviter & multipliciter afflixit, tandem cum eam cepisset, ac multum sanguinem effudisset hostium, & in ultionem injuriæ uxori suæ irrogatæ omnes cives dirisimis suppliciis absumere disponderet, difficillimè placatus factus est: Nam exteri cives perterriti res & corpora sibi supplicissimè subjecerunt, & emendam dignam cum humilitate profundissimam subderunt.

Fertur præterea de ipso, quòd dum eum quidam Comes Sueviæ quadam vice offendisse debuisset, & ob hoc sibi accusatum, persequi & infestare graviter cœpisset, & hoc Comes ultra ferre pertimuisse, amicos & consanguineos suos congregavit, & cum illis Cæsarem adiens, & sufficienter se à sibi falsò impositis expurgans, ipsum placavit & ad sui amicitiam gratam flexit. Cui dum postea in quodam pomerio reverneriam decentem exhibuisset & Imperator cum omnibus sibi cooperantibus & cohabitantibus illic deliciis, solatiis ac gaudiis operam daret, cistum pretiosum optimo vino repletum cum salvia ex incuria & negligentia non coopertum locatum in gramine, bufo grandis subintravit, quem dum prædictus Comes nescius de hoc Imperatori porrexisset, & cistum ori applicuisset, bufo ore distorto & aperto contra ipsum caput erexit, de quo nimis perterritus, de internecione Comitum suspectum habuit, quod timens Comes totus stupefactus in argumentum suæ innocentiae bufonem illico discerpebat, & coxam unam ejus mittens in os suum comedit, quod dum Imperator illæsum in hoc pertransire conspiceret, eum inculpabilem & alienum à crimine recognoscens, sibi pro suis meritis mox Comitatum donavit.

Insuper fertur de eo, quod dum esset in sede Apostolica, multatione anathematis percussus propter suam contumaciam & rebellionem, & cunctus Clerus tam Secularis quàm Religiosus arctatus per summum Pontificem ad pronuntiandum hoc distinctè teneretur, & medio tempore contingeret, eum cum magno comitatu quandam (ut puto) Sueviæ civitatem ingredi & ab universo populo ibidem sibi obviam procedente solenniter esse susceptum, quidam de Pratribus Minoribus

zelo fidei animatus, & anhelans palmam Martyrii attingere, sibi etiam juxta portam introeundam occursum dedit, & Spiritu DEI fortiter super eo irruente, coram tota multitudine habenas equi Imperatoris apprehendens, ipsum figere gressum coëgit, & aperta voce, erecto vultu ipsum hæreticum proclamavit, quod dum sui satellites eum occidendo vel ad minus fustigando vindicare vellent, ab ipso cessare cohibiti sunt & refranati. Dicebat enim, iste per me vellet martyrizari, sed certè per me suum propositum ferventissimum nullatenus assequetur, & sic permissus est illæsus abire.

Tempore illo, quo fuit anathematizatus Clerus & omnes Religiosi de civitate Thuricensi expulsi præter fratres minores, qui in manu forti retenti sunt & protecti. Nam propter dissensionem Papæ & Imperatoris schisma grande fuit in Clero: Quidam enim Papæ, quidam Imperatori adstant: Tempestas itaque ferocissimæ persecutionis in Clero sæviebat illis in temporibus: Tunc Fratres Prædicatores de conventu Thuricensi se receperunt in monte sancto ad tempus extra muros oppidi *Winthertur* sito.

Fridericus Imperator quondam sic anathematizatus, & Imperialis honoris apice privatus, cum Parmam in obsidione cingeret, victus in Apuliam rediit & Anno Domini c10 CCLII veneno extinctus est, & in die sanctæ Lucie virginis & Martyris sepultus apud Fodiam tam occultè, quod multi per annos XL vadiabant eum vivere, venturum in proximo in manu robusta: Alii famant, quod ad exhortationem suorum Astronomorum Europam reliquerit, & ad partes terræ longinquissimas per mare & per terram cum suis familiaribus & servitilibus dudum ante mortem suam devenerit, ne mala sævisima incurreret sibi imminencia Astrologorum suorum in astris certam per cognitionem, si remaneret, qui recedens ultra non apparuit in terra.

Post mortem Patris filius suus Rex Conradinus, cujus mentio sed sinistra habetur in VI Decretalium capitulo incipiente Fundamento, Titulo de Electione, post breve tempus miserè apud Patrem mortuus est, quemadmodum infra dicetur.

Iste Rex per Bregantiam Italiam devenit, & in Ravenspurg, antequam iter arriperet, longam contraxit moram, nec se ad prælia disposuit, quietem enim quæsit, & de hoc à vulgo igitominiam multam suscepit; nam de eo carmina prava decantarunt.

Fertur quoque de eo, quod ante introitum suum in Italiam, unâ die mater assurrexit, & eam debito aliâs honore, sicut decuit, suam magnificentiam prosecutus est. In crastino verò dum comperisset, quod Dominum de Tyrol in maritum traduxisset, commotus nimis & ultra, quod dici possit, consternatus est, honorem debitum & ante exhibitum subtrahit, & nulla reverentiæ indicia demonstravit: Quod admirans mater & molestè ferens, & causam sciscitans, ab eo responsum ejus habuit tale: Tibi heri adhuc assurrexi tanquam Imperatrici Romanorum, sed hodie tibi degeneranti tuam illustrem & præcellentem stirpem & Regiam honorificentiam contrahendo matrimonium cum viro longè te minore, teque minimè decentem, Ego Rex & Filius Imperatoris nego & in perpetuum recusabo.

Hic Rex dum vellet intrare Italiam, congregavit exercitum copiosum & fortem pugnatorum & expeditorum ad prælium, ut fertur, de regno Alimannia, & profectus est in Italiam, ubi dum Romæ & alibi honorificè susceptus & more Regio pertractatus in Apuliam properavit. Sed cythara sua versa est in luctum & organum suum in vocem flentium, nam dolo ipse sui que circumventi & irretiti, capti sunt, & caput abscissione deleti. Secundùm quosdam verò propter avaritiam suam nimiam interierunt: Qui dicunt ipsos quandam civitatem obsedisse, quam cum jam ferè cepissent, & de inimicis triumphare debuissent, ipsos concludendo, occidendo vel captivando. Nimis præsumentes de se adversarios conglobatos adtuendum se & sua in civitate parvi pendebant, prædam, catervatim insequendo, quod hostes intranei, jam desperati nimio præ pavore, videntes, confortati in ipsos minus circumspectos impetum facientes, eos crudeliter percusserunt, & spoliis tantum intendentes ceperunt. Quibus Rex ille, dictus Carolus Gallicus, illic à summo Pontifice Rex constitutus non pepercit. Nam

eos variis pœnis puniri & trucidari præcepit. Nam Principes Regis Conradini, cum de nocte secundum unam satis famosam assertionem fuissent repentino accessu convicti : Quibusdam virilia fuerunt amputata, quidam decollati, quidam alias malè tractati sunt. Ibi multi nobiles insignes, proceres, robusti & bellicosi viri de Alimania oriundi, heu ! truncatis capitibus miserabiliter perierunt : Cujus pectus tam saxum non contremiscit & stupefcit, attendens & animadvertens, inclytum Regem exspectabilem tam genere quàm corpore tam crudeliter omni ablata misericordia capite jugulari, cum tam egregiâ acie militum, ex millibus electorum ; qui si circumspecti & magis cauti fuissent, nec ipsos ad depradandum tantum accelerassent, cum Rege suo sine resistentia devorassent hostium cuneos.

Sermo famosus longè lateque divulgatus & in scripturam, ut dicitur, redactus testatur. Hunc Conradinum Filium Friderici à conflictu inter ipsum & Sicilia Regem Carolum inito, mortis timore perculsum ad oppidum cujusdam Domini, creati quondam à Patre suo, in militem confugisse, ut ibi latere possit sub umbra alarum suæ protectionis à facie inimici, animam ipsius perdere cupientis, qui immemor beneficiorum cunctorum sibi collatorum contra suam firmam confidentiam cum Regi Sicularum prodidit & tradidit puniendum, qui gavisus Conradinum *una cum suo proditore* sceleratissimo & XXXV Comitibus Alemanniaë victis & raptis in bello præfato, genere & corpore, ut dixi, exspectabilibus ad mortem sententialiter & ordine judiciario, coram maxima multitudine populi condemnavit, qui omnes mox caput ob truncatione plexi sunt, cæteris variis cruciatibus & tormentis consumptis.

Fertur quoque, quod dum Rex Conradino optionem dedisset, primò an in medio, vel in ultimo intra cæteros mortis supplicium obeundi : primus in ordine acephalandorum mori elegit, ne funestam necem gloriose suæ militiæ gemitibus inenarrabilibus perspiceret.

Adjicitur quoque præmissis, quod est stupendum nimis & admirabile in oculis meis, scilicet quod una aquila Conradini Regis passionis impa-

impatiens, de alto in imum citissimo volatu descenderit, & dextram alam suam coram omni populo circumstante & ad spectaculum terribilissimum congregato per cruorem suum traxerit, & taliter cruentatus effectus, in aëra, unde se præcipitaverat, revolaverit.

Præterea fertur, quod post decollationem Conradini Regis prædicti, miles quidam oriundus de Franconia, veniens de Lombardia, ubi militaverat, ad patriam suam reverti voluit, quem videntes cives Thuricenses, quos in repatriando præterivit, fore similem per omnia lineamenta corporis Regi Conradino tunc noviter perempto, suspicantes ipsum esse, in custodiam detruserunt, fortè per spatium unius mensis, donec de eo, an esset, vel non esset, certiores redderentur. Comperto autem quòd non erat, veniam ab eo postulantes pro offensa cum magna reverentia & sumptuum in itinere necessariorum exhibitione ipsum libertati suæ restituerunt. Circiter ista tempora Tartari partes Orientales Soldano subactas expugnaverunt, fugatis habitatoribus illarum regionum tam Christianis quàm aliis nationibus, scilicet Sarracenis & Judæis, ultra mare : De quo dolens Pharaò Rex Ægypti Soldanus resumptis civibus cum exercitu clam irruit Sarracenus castra Tartarorum, multa millia ex eis interfecit, quod factum fuit Anno Domini M CC LVI.

Anno Domini M CC LXII [1262] Rex Tartarorum misit solennes nuntios circiter XXX nobiles Tartaros, cum duobus fratribus de ordine Prædicatorum, qui essent Interpretes linguarum ad Regem Franciæ Ludovicum, ut se & totum regnum Franciæ ditioni subjiceret Tartarorum, alioquin Franciam impugnaret tempore procedente. Qui Ludovicus Rex habito consilio cum primoribus suis in regno, constanter restitit.

Item Anno Domini 1264 universitas Angliæ bellum inferentes Regi ipsorum propter graves exactiones suas & violentas populo illatas, ipsum cum fratre suo ceperunt, & multis aliis nobilibus, multaque millia hominum in ore gladii perierunt. A populo itaque Rex cum fratre suo & duobus filiis Regis & nobilibus plurimis captivi ducti sunt.

Hoc etiam tempore ferè inter multos Dominos Teutoniæ bellum acerrimum commissum est, in vigilia Simonis & Judæ, in quo Dux Albertus de Brunsvik, strenuus in armis, vulneratus est, & captus, & cum eo multi magnates & electa militia usque ad D. L. cum amissione armorum & equorum, & in vinculis sunt detenti circiter tria millia hominum memorata die in eodem bello prope Halle ceciderunt. Sed Dux Albertus redemit se à captivitate cum VIII millibus marcarum argenti & VIII castellis in Brunsvig.

Stella Cometes apparuit in illo anno, in Oriente ante ortum diei post stellam matutinam cum radiis multis, veloci cursu transivit usque ad meridiem, præcessit stellam Luciferum, à festo Mariæ Magdalenz apparuit usque ad festum S. Augustini.

Innocentio IV succcessit ALEXANDER IV natione Campanus, sedens annis VII. Hic Papa beatam Claram canonizavit, & Ezelinum tortorem Christianorum & interfectorem LX fratrum de ordine Minorum, & etiam aliorum hominum sanctæ fidei professorum, tanquam hæreticum & persecutorem sanctæ fidei Catholicæ condemnavit & excommunicavit in litera Apostolica, quæ sic incipit : Scandalum fidei, malum Italiæ & macula populi &c. Iste Ezelinus hæreticus publicus hostis Christiani nominis captivatus, cum crux Christi contra eum prædicaretur, traditus in reprobum sensum, nequaquam volens cibum capere, seipsum fame interfecit.

Hic etiam Papa reprobativè *duos pestiferos libellos*, quorum unus dicebat, quod omnes Religiosi etiam verbum DEI prædicantes de elemosynis vivendo salvari non possent. Alter quod Evangelium Christi & doctrina Novi Testamenti neminem ad perfectum perduxit. Et evacuato eo anno Domini M CC LX deberet inchoari *doctrina Joachimi*, quam Conditor libri *Evangelium æternum* nominavit & tandem perfectionem hominum salvandorum in illo ponendo. Nam quidam Theologi Parisienses duplici corde composuerunt librum infamiae contra venerabiles fratres Prædicatores & Minores, qui tale habuit initium : Ecce videntes clamabunt foris &c. Hunc librum Alexander

xander IV condemnans sententialiter combussit in audientia Domini *Alberti ordinis Fratrum Predicatorum*, eosdem errores principaliter expugnantis, destruit eosdem Magistros ab officiis & beneficiis, restituens fratres supra nominatos famæ sanctæ & honestæ, scribens universis regionibus de statu & numero salvandorum.

Hujus tempore scilicet Alexandri Papæ Manfredus filius naturalis quondam Friderici Imperatoris, gerens se pro pedagogo Conradi nepotis Friderici, ipso Conradino mendaciter publicato mortuo, sibi ipsi coronam assumpsit, quod quia factum in præjudiciū Domini Papæ fuit, primò excommunicatus erat, post contra ipsum magnus exercitus, sed in nullo proficiens, mittitur.

Hujus etiam tempore Principes Alemanniæ in duo se dividentes: Quidam Regem Castellæ, & quidam Richardum Comitem Cornubiæ ad Imperium elegerunt; quod schisma multis annis duravit. Hic Papa in die sancti Urbani Papæ defunctus est, & cessavit Episcopatus usque ad decollationem beati Johannis Baptistæ, discordantibus Cardinalibus in electione.

Anno Domini 1263 elegerunt Cardinales Patriarcham Hierosolymitanum nomine JACOBUM in Papam & vocatus est Urbanus IV. Hic congregata multitudine tam Cleri quàm populi cum Cardinalibus & Pontificibus XIV calendas Decembris solenniter incepit prædicare crucem in subsidium terræ sanctæ, & fratribus Prædicatoribus per litteras Apostolicas datas Viterbi, strictè dedit in mandatis eandem Crucem constanter & diligenter prædicando per DEI Ecclesiam cum longa indulgentia in subsidium terræ sanctæ.

Inter hunc Papam & Manfredum Principem Apuliæ, filium Friderici quondam Imperatoris, orta est contentio pro regno Apuliæ, & cum Dominus Papa quotidie suis stipendiariis donaret salarium mille marcas, defendere se non potuit.

His etiam temporibus venit quidam cum magno exercitu, dicens se esse Fridericum Imperatorem, qui ante decem annos mortuus fuerat, hic impugnavit Manfredum Principem Apuliæ, & strenuè

ipsum persequabatur, asserens se velle rehabetere regnum Apuliz & Siciliz.

Temporibus etiam illis Soldanus Rex Ægypti impugnans Christianos in terra sancta, cepit Azolum castrum firmissimum : Rabul domus hospitalis, quod alio nomine vocabatur Assur, in quo habitabant duo millia hominum, quos omnes occidit, sed & fratres milites domus hospitalis & domus templi 180 captivos strictè vinculos deduxit in Ægyptum, cepit Casariam & civitatem Raphas, quas nunc tenet violenter.

Hic Papa Urbanus IV devotione speciali corporis Christi affectus, piè statuit annuatim feria V proxima post festum Pentecostes, memoriam integro officio *Dominici corporis* fieri per universam Dei Ecclesiam, tribuens largas indulgentias agentibus, recolentibus & frequentantibus officium Missarum & septem horarum per totam octavam solennitatis corporis Domini : Sedit 11 annos tantum & defunctus est.

Post hunc ordinatur Clemens IV, qui ante fuerat Archi-Episcopus Narbonensis, sedit annos III, hic uxorem & liberos habuit, Consiliarius Regis Franciz fuit, post verò uxoris obitum in Papam electus est, propter vitam & scientiam suam laudabilem.

Hic Conradinum debellaturum Regem Siciliz, cui Papa regnum contulerat, superandum prædixit, & tanquam fumum transiturum, & ipsum tanquam ad victimam Apuliam intraturum, quod factum fuit, quia captus dein decollatus fuit.

Hic Papa bellum habuit cum Manfredo Principe Apuliz pro patrimonio beati Petri.

Hic Papa sub præcepto districtè *festum corporis Christi* fecit per Ecclesiam solenniter celebrari.

Post hæc anno Domini 1265 Ludovicus Rex Franciz cum Christiano exercitu contra consilium Papæ tunc sedentis transfretavit & fugientibus Barbaris à facie ejus, cepit Damiatam & eam pacificam habuit. Postea verò in brevi bello ipse à Soldano Babyloniz, id est, à

Pharaone

Pharaone Rege Ægypti captus est, & suus Christianus exercitus dissipatus est & occisus totus : Dedit autem Soldano pro redemptione sua C. M. marcas argenti & civitatem Damiatam; arma verò & tentoria, vasa pretiosa, equos electos, alimenta Christianorum Sarraceni in illo prælio obtinuerunt. Cùm autem Ludovicus Rex captus esset ultra mare, convenerunt multa millia pastorum, dicentes : quod venire velent in adiutorium Regi Ludovico, & habebant unum Capitaneum nomine Jacobum, peritum in multis linguis. Hic fuit *Apostata Cisterciensium* sceleratissimus homo, violentas iniecit manus in Clerum, & hunc sequebantur meretrices, latrones, magi, malefici, & plures occisi, alii dissipati sunt. Dixit autem hic seductor adhuc vivens, se vidisse in cursu astrorum Regem Ludovicum redimendum fore per pastores, & sic sub tali prætextu allexit pastores & congregavit.

Circiter ista tempora floruit frater *Bertholdus ordinis Fratrum Minorum* in Alimania, egregius Prædicator, qui circumeundo & perambulando frequenter Alimaniam, ipsam mirabiliter illustravit, & peccatores innumeros verbo & exemplo pariter ad Dominum convertibat, *cujus memoria in benedictione est, & adhuc recentissimo meo tempore perseverat* in hominibus. *In campis sæpius solebat predicare*, & tunc populus ex omnibus partibus finitimis confluebat, qui solitus erat ambonem, cùm in camporum planitie sibi constructum ibidem sermocinaturus ascenderat, quod *per pennam filo appensam, & in aerem protensam, statum venti, à qua parte veniret, perpendebat, & versus illam partem populum persuadebat confedere*. Ipse fuit linguæ disertæ, vitæ sanctæ; magnæ literaturæ, sicut adhuc evidenter apparet & patet *in diversis voluminibus ab eo compilatis sermonum, quos Rusticanos appellari voluit.*

In suis prædicationibus peccatores inveterati, obstinati ac sceleratissimi surrexerunt, aperte peccata sua confitentes, & vitam turpem præteritam abdicantes, veniamque postulantes, & satisfactionem ac emendam dignam promittentes. Hic ab hominibus *adhuc præsentis tempore, scilicet Anno M CCC XL*, superextantibus, qui sæpe suis ser-

monibus interfuerant, multis & aliis hoc narrantibus asseritur habuisse Spiritum Prophetiæ, nam multa & diversa prædixerat, secundum relata eorum, quæ nostris sunt temporibus adimpleta. Hic nunquam in oppido, de quo oriundus sum, dicto Wintherthur, sed in pago nuncupato Turgow seminare verbum Dei voluit, propter quoddam thelonium pessimum, imo exactionem nefandissimam, quæ illic in pauperibus hucusque acta est, & quod Burgenfes istius oppidi illud thelonium non voluerunt intuitu divinæ pietatis & ob præcium suarum instantiam deferere, ideò ad eos declinare sprevit, dissimulans imo repellens preconia illorum assidua & obnixa, ut ad eos divertere dignetur, licet loca circumposita causa prædicationis ibidem faciendæ, sicut oppidum vocatum Wil, & oppidum nominatum Klingnow, & civitatem Thuregum nomine sæpius visiteret. Inter cætera facta miranda sua unum ponam, in quo patebit, ipsum tam peccatores convertisse, quàm etiam spiritum prophetiæ habuisse; In quodam u sermone suo meretrix publica compuncta surrexit, & suam vitam fœdam & turpem abnegavit. Cum autem Frater Bertholdus in turba copiosa, sedente coram eo, de eminente loco suo, in quo stabat, proclamaret, si ibi vir aliquis esset, qui filiam suam peccatricem per eum conversam & renatam in uxorem traducere vellet, ob respectum amoris divini hanc ipsam sibi daret & insuper dotaret. Quod dum surgens quidam de multitudine faceret, sibi pro dote decem libras se donaturum repromisit, quas ut promptas de turba cum alias non haberet, colligeret viros aliquot, turmas populi compressi præ multitudine perambulare mendicando oratur sigillatim ab hominibus poscendo eleemosynam, quousque summa X librarum denariorum compleatur, qui cum partem hominum petendo suffragium dotis percurrisset, & pars magna hominum adhuc restaret petenda, acclamavit altâ voce Pater sanctus in ambone: Sufficit nos, habemus pecuniam, quam optamus, illi sicut prius monitis suis obtemperantes ab incepto destituerunt, & revertentes ad eum eleemosynam petendo quæsitam dinumeraverunt, & inventa est præcisè summa prætaxata, nec plus, nec minus, nec pauciores, nec plures denarii quàm X
libræ

libræ sunt reperti, quos in continenti dari iussit illi viro, qui desponsaverat præfatam peccatricem, sibi eam fideliter recommendans. Quis sibi revelavit & suggessit hanc occultam & inscrutabilem veritatem. Nemo alius nisi Spiritus Sanctus, qui cor ipsius abundanter inhabitando illustraverat. Humana enim ratio hoc arcanum & ab humanis sensibus semotum & alienum capere non sufficit. Post mortem suam in civitate Bavarix dicta *Ratispona*, in qua, ut fertur, natus & alitus erat, multis multo tempore contruscavit miraculis, in loco fratrum Minorum, ubi sepultus est.

Postquam vacavit sedes Apostolica tribus annis, defuncto Clemente IV Cardinales in Biterbio concorditer elegerunt in Papam quendam Canonicum Ecclesiæ Leodiensis nomine Theobaldum, ultra mare existentem, de Placentia oriundum. Cum in ipsa peregrinatione esset, electus est, & * missum præco ultra mare, hunc Gregorium X vocaverunt. Hic Papa cum solemnî comitatu intravit urbem Romam, Carolum Gallicum institutum Regem Siciliæ fovit. Antequam hunc Papam per annos XI nullus intravit urbem propter discordiam Romanorum. Dum iste Papa processionaliter transivit per Romam, eum duxerunt reverenter Balduinus Imperator Græciæ & Rex Carolus Siciliæ super terram sibi ministrantes.

Hic Papa ordinavit ut Principes Teutoniæ Regem elegerent & consecrarent, quod factum est. Nam elegerunt Comitem de Habsburg.

Hic in Lugduno concilium celebravit, ubi vir sanctus multas edidit constitutiones. Hoc autem Concilium tertio Pontificatus sui anno pro utilitate terræ sanctæ, quam personaliter visitare intendebat, celebravit: In quo Græcorum & Tartarorum solennes nuntii interfuerunt. Græci ad unitatem Ecclesiæ redire promittentes, in signum ejus Spiritum sanctum sunt confesû à Patre & Filio procedere, symbolum in concilio sollemniter decantando.

Tunc Tartari ferè omnes in Concilio baptizati ad propria redierunt: Numerus autem Prælatorum, qui fuerunt in Concilio, sunt
quint-

quingenti Episcopi, LX Abbates, & alii Prælati circiter mille. Hujus tempore ad ordinationem suam, ut prius dixi, Anno Domini MCCLXXIV, mense Octobri Principes convenerunt & elegerunt præfatum Rudolphum de Habsburg in Regem Alimanniæ, quam electionem Gregorius X apud Losannam confirmavit, sed postea consecratus est Aquisgrani in Regem Alimanniæ & Romanorum, & concorditer fuit electus ab universis Principibus.

Fertur de eo, dum adhuc Comes existerat, quòd cum quadam vice per terram suam equitaret cum suis satellitibus, obviam habuit Clericum corpus Domini portantem, & in terra pedibus ambulantem, quod cordi apponens, illico de equo prosiliit, & Clerico in reverentiam corporis Christi dedit. Qui statim post sublimatus fuit in Regem Romanorum. Noluit tamen se transferre ad partes Italiæ ad captivanda & occupanda ibidem bona Imperii, quocunque nomine conferrentur, territus exemplo Conradini Regis in Apulia, ut supra dixi, ne decollatione more ipsius contingeret eum perire & periclitari. Volens potius regno Alemanniæ in tranquilla possessione potiri & contentari, quàm aliàs se exponere discrimini & perditioni.

Cùm Principes in Frankfurt elegerunt Comitem Rudolphum de Habsburg, ipse potenter obsedit civitatem Basileam, cum adiutorio suorum civium Thuricensium, & Thuricensibus vexillum coronavit cum magna gratiarum actione, ac licet Comes adhuc tenuis rebus fuit, tamen adeo atrociter & hostiliter ipsam oppugnavit circumquaque, quod nullus per multos dies ipsis civibus introitus vel exitus evasioneis opportunitas patebat. Nam cives utriusque sexus de spe salutis diffidentes stupore ac timore in eo, quod illis contigerat, medullitus sunt perculsi. Dum autem medio tempore post longam & discriminosam conflictationem & perniciosum schisma habitum, ut supra dixi, inter Regem Castellæ Comitemque Cornubiæ in discordia electos, Principibus iterum Alimanniæ congregatis in unum ad Regem Alimanniæ eligendum, secundum tenorem Decretalium incipientis: Venerabilem in Imperatorem coronandum & confirmandum, & intelligentibus fa-

bus fama celebri gesta & acta horribilia, & nimis mirifica magnanimi Comitis invictissimi & strenuissimi militis Rudolphi coram præfata civitate ipsum, ut dixi, Canonicè elegerunt, sibi in continenti legatos hæc annuntiantes destinando in obsidione, quibus perspectis à Comite admirabatur præ gaudio de gratia minus præcogitata & sperata sibi tam dignitativè in sui absentia collata, & exultans in Spiritu jucunditatis, obsidione postposita abiit cum festinatione ad ipsos Principes, ipsisque gratiarum actionem referens, postulavit mediante eorum auxilio & consilio in regno Alimanniæ incanonizari & bona Imperii possessione pacifica obtinere, quod & factum est secundum ejus votum & omnimodam voluntatem.

Fertur quod tempore Rudolphi *quidam Faber per omnia similia Friderico Imperatori* apparuit, qui à multis Baronibus & Magnatibus dicti Regis, nec non à plebea turma Imperator Fridericus æstimabatur, & valde honorificè & gloriosè tractabatur, qui cum hujusmodi honorem non recusaret, imo lubenti animo acceptaret, gerendo se in persona ipsius, & hoc in præjudicium Regis Rudolphi vergeret, commotus Rex dixit toties & tam frequenter, vidi faciem Friderici Imperatoris, quia sæpe sibi conversatus sum, & quasi in aula sua enutritus, quod nolo dimittere, quin istum de quo est opinio ista videam, an ipse sit vel non, quem cum ipsum non esse comperisset, jussus est ab eo occidi, & de memoria hominum tolli nimium credula falsitate. *Quidam* verò ajunt, quod judicio meo credibilius & verisimilius est, Fabrum jam dictum similem Imperatori Friderico dudum ante defuncto & sepulto totis viribus suis renitentem prænominatis honoribus applicatum; maluisset enim operi, officio & artificio cum uxore & liberis suis in domo & comodo suo vacasse & invigilasse, quàm falso & contra justitiam honoris apicem & culmen dignitatis, de quo non erat dignus taliter usurpare; Cum autem diu reluctabatur suæ gloriæ indebitæ, & ad damnum suum redire anhelaret, exaudiri meruit, & ad propria rediit.

Item fertur de Rudolpho, dum adhuc Comes erat, quod uno tempore cum adjutorio civium Thuricensium bellum commiserit

cum Dominis nuncupatis de Regenspurg, tunc quidem in rebus & personis florentibus : nunc autem quantum ad utrumque in nihilum reductis, in quo quamvis victoria potitus fuerit, de equo tamen miserabiliter cecidit, nam tam acriter percussus & ad terram prostratus fuit, quod ab hostibus mortuus putabatur, unde garconnes more suo prædam insequentes, ipsum in conflictu nudum reliquerunt, mortuum enim se simulabat, ut tempore oportuno devicta morte resurgeret & de mortis faucibus erui videretur. Quod videns quidam Burgenſis de Thurego appellatus Müller, *quem ego vidi*, vir corpulentus & procerus fortisque viribus, ipsum defenſavit pro eo, se ut clypeum opponendo potenter eum erexit, & in equum suum reposuit, qui postea acies inimicorum secans & dirumpens ipsos crudeli plaga percussit; hoc beneficium Rex factus in Almanno cordis sui reponens, cum post hoc una dierum in Civitate Moguntina demoraretur, & inter militiam federet suam, & Molitori præfato civi ad se illuc venienti sereno vultu & alacri assurgeret, & cum dignis honoribus & amicitia indiciiis pertractaret : Et ab eo sciscitaretur, cur tam simplici viro nullo dignitatis apice sublimato tam révérenter & devotè assurrexisset, respondit quod me in uno conflictu, dum adhuc Comes extiteram, cum in manus hominum incidissem hostium, de eis eripuit, & in equum suum collocavit, per eum mortem evasi, & hostes meos fortiter stravi, nunquam non illum revereri debeo, qui vitam meam, Domino adjuvante, conservavit.

Præterea fertur, quod tempore suo, eo adhuc Comite existente, unum castrum excelsum & firmum in monte dicto Albis prope Thuregum situm erat, quod Thuricensibus onerosum & valde infestum fuit. Nam ipsos odio habuit incessanter, quod tanto perniciosius fuerat, quanto patentius introitum & exitum eorum de vertice montis, in quo castrum locatum erat, inhabitatores castri conspiciere poterunt. Cum hæc diu tolerassent, & se minimè defendere valuisſent, suscitavit eis Dominus liberatorem Comitem Rudolphum, qui tunc temporis civibus Thuricensibus glutine amoris & vinculo amicitiaë colli-

colligatus & conjunctus erat, nam eo tempore domicilium seu mansi-
onem in oppido suo dicto Bremgarten tenens, sito in Ergöw, ad quod
etiam patulus erat aspectus de castro prænominato, mira astutia & calli-
da ad inventionem Castellani cum suis auxiliatoribus taliter circumve-
nit & decepit, nam circiter 30 equos præparari jubebat, & singulis binos
armatos viros insidere, qui una cum Comite præcepto hujusmodi ob-
temperantes & ad nutum obedientes in fortitudine & audacia magna
montem contra castra hostiliter ascendentes castrum speciem tantum
unius viri prætendebant, propter quod eos ad exitum contra se provo-
cabant, nam de sua multitudine confidebant paucitatem adversario-
rum suspicantes, qui dum ferè congressi fuissent ad dimicandum parati,
posteriores de equis deciderunt, & simul cum in equis remanentibus
in hostes irruere conati sunt, sed alii videntes eos multiplicatos contra
suam confidentiam & in visu se videntes delusos esse, certatim cum fe-
stinatione fugerunt, sed ipsi eos celerius persequentes & tandem supe-
rantes castrum ceperunt, & ipsum demolientes solo coæquaverunt;
& sic Thuricensibus pax per Comitem Rudolphum acquisita & reddita
est, quod factum tantum amicitiam, quam habebant Thuricenses ad
Rudolphum Comitem de Habsburg, augmentavit & roboravit, quod
postea secum ad configendum pro eo contra Dominos memoratos
processerunt, ubi prosperati sunt.

Hic Comes Rudolphus Rex factus *existit maximus desolator & de-
structor castrorum, ex quibus homines spoliabantur*, nam ipsa expu-
gnavit, & expugnata confregit, solo coæquando; benignus fuit erga
Amicos & Domesticos, sed sævissimus contra hostes; liberalis fuit sed
præcipuè suis militibus sibi fideliter militantibus; usurpavit sibi res
Dominorum, qui spreverunt eum, nec defendit Bonifacium Papam,
Vir erat strenuus & sapiens de confessione Fratrum Minorum.

Hic cum quâdam vice in civitate Thuricensi quandam civem ex-
cellenter speciosam uxorem cujusdam Fabri ardenter amare cœpisset,
& quadam die depositis regalibus indumentis in similitudine mercato-
ris domum ipsius intravit, marito stante super incude sua ipsum pacificè

salutavit & minimè cognoscente. Cùm autem Rex cum uxore Fabri per modicam horam sedisset, & sibi sicut concupiverat & intendebat solaciosè dulciterque confabulatus fuisset, conjunx fabri ivit ad eum dicens & orans hospitem illum, ut majori reverentia reciperet, & honorificentius eum, quàm fecerat, pertractaret, quod esset Rex Rudolphus, qui in specie mercatoris ipso vidente intravisset, quo audito cum admiratione & stupore Regem accessit, & ipsum honore debito & congruo profecutus fuit, rogans & invitans eum pariter, ut quando sibi placeret, domum suam frequentaret. De hoc verò Rex gratus exillens eis vicissitudinem rependebat similem ambos diligenter commendando, & mulieri immediate per unum famulum suum pannum pretiosum & decentem pro novo vestimento emendo.

Præterea cùm quadam die vicum unum Civitatis Basileensis pertransiret, & quendam cerdonem illic videret cuti rudæ ac foetidæ super lignum extensæ assistentem ei dixit : O quam dulce & suave esset habere centum marcarum redditus & insuper formosam uxorem. Respondit cerdo : ambo in plena possessione habeo. Ad quam responsionem Rex cum vehementi admiratione subjunxit, & ego quàm citò in hospitio meo de equo descendero, rediturus ad Te hæc videbo ; medio autem tempore abjectis & exutis vestimentis suis sordidis cerdo induit vestes decentes & splendidas & decoras, quibus amiciri festivis diebus solitus erat, nec non consortem suam idem facere jubebat, mensam quoque poni præcepit solenniter & desuper in scyphis & aliis vasis aureis & argenteis vinum nobilissimum copiosè infundi, & de cibis delicatis & exquisitis apparatus magnum super mensam fecit præsentari, & matronam suam pulcherrimam indutam purpura & bysso atque cultu muliebri accuratissimè ornatam in capite mensæ locari. His factis expeditus, sicut promiserat, advenit, & videns singula admirans nimis credidit, & non parum magnificavit. Cùm verò Rex omnia perspexisset & sibi placuisset, & ædificia sua cerdo & divitias non visas Regi declarasset ; Rex subintulit, cùm his omnibus abundes, cur tam foetulentum exercitium non relinquis ? Qui ait, quamvis his affluam, tamen sicut cum
me præ-

me præteritis vobis dixi, non minus artis meæ officium fœdum & contemptibile exerceo, ne divitiæ meæ decreſcant, ſed potius augeantur, quod per otium & vacationem notabile ſtatim paterentur decrementum vel paulatim penitus abſumerentur, quod audiens Rex approbavit & conſorti ſuæ eximia & pretioſa tribuens receſſit.

Item quodam tempore dum adhuc Comes exiſteret *in caſtro dicto Kyburg reſidens*, quidam Domini vocati de Regenspurſ ænuli ſui ab antiquo, una die in unum congregati, dixerunt, iſte vilis Comes non effugiet manus noſtras, nam hæc vice ſibi quamdiu ſumus cœdunati, inſidias tendemus, & ſuum naſum longum diſcerpemus, quod audiens quidam ſatius eorum continuæ vecordiæ iter ſuum incontinenti de Regenspurſ in Kyburg direxit, qui dum importunè in caſtri porta pulſaret, prius incognitus tandem agnitus fieret, intromiſſus fuit; intuens autem vultum Comititis, ait, certè tu non habes tam longum naſum, ſicut audiſi hodiè à Dominis meis in Regenspurſ, qui audiens hæc verba coram familia ſua ſibi aſtante dixit: Notate verba, ſignate myſteria, aliquid enim innuit, volens autem ſenſum verborum clariùs inveſtigare dixit, quid dixiſti? Ille ait, Domini mei multiplicati plus ſolito ad invicem dixerunt hæc: Comititis naſum longum conteremus, longum enim, ut dicitur, naſum habuit Comes. Comes autem animadvertens verba illa ab illo prolata & in corde ſuo ponens inſtruxit mox aciem virorum armatorum robuſtam, & cum ea contra Regenspurſ in furore tendens, Dominos illos conglobatos & contra eum conſpiratos obvios habuit, & in eoſ beſtiali more & indomito cum ſuis clientelis irruens plures ex eis occidit, reliqui verò per fugam, quam inierunt, ſalvati ſunt, & ſic maliciam ipſorum funditus extinxit.

Magnæ manſuetudinis & humilitatis fuit Rudolphus Rex, quod per tale exempli argumentum luculentiffimè demonſtratur: Nam cum quodam tempore in civitate Thuricenſi moram ad aliquot dies contraheret, & ſtaret cum magna vallatus parte militum, ecce quidam plebejus ex turba pertransire cupiens irriſit eum, aſtra voce dicens: Iſte Rex cum longo naſo ſuo, quem habuiſſe, ut ſupra dixi, aſſeritur, me im-

pedit quod stratum recto tramite perambulare nequeo, quod audiens Rex retrocessit, & sibi locum eundi vultu hilari & verbis pacificis benignisque dedit.

Fertur quoque, dum quadam die Lindaviam venisset, quidam Burgenfis ibidem sibi magnum piscem Lucius nominatum erogavit, quem dum coquus exentare vellet, ad decoquendum præparare vellet, invenit in faucibus suis grandem bufonem, ob hoc opus piscem coquus abjecit, & cum coquere tanquam cibum abominabilem sprexit, quem dum Rex diu in mensa expectaret, quemadmodum moris sui erat, ut eum militibus suis distribueret, & sibi apportaretur, minimè coquum aspectu suo præsentari jubet, à quo cum causam didicisset, quare sibi piscis non esset allatus, respondit, bufo suus cibus erat, nec minus edendus. vade igitur & mihi non-coctum asser, quod factum est.

Hic Rex Rudolphus, quanquam fortiter multa bellica facta strenuè gesserit, inter cetera tamen virum laude dignum in scripturam redigere summatim curavi, quod recenti ac celebri hominum famà & opinione vulgatur.

Fertur quod Rex Bohemiæ dictus Odacer ob persuasionem conjugis suæ nimis elatæ & de fastu regalis honoris sibi supra modum inflatæ contempsit Regi Romanorum parere, Regemque Bohemiæ Rudolpho parere, poterat ab eo sicut meritò debuerat postulare, quod cum tandem saniori ductus consilio facere reluctante sua uxore diserneret, & ad iter se cum sua militia præpararet, & hoc Regi Rudolpho veraciter innotesceret, suis apocrifariis per . . . convocatis sciscitabatur, quali veste se ostendere deberet Regi Bohemiorum venienti ad se, & petituto ab eo regnum Bohemiæ in feudum sibi concedi, quibus sibi respondentibus, quod Regio cultu & indumento gloriæ ac excellentiæ suæ deberet coram eò apparere, respondit eis, quod nequaquam hoc fieret, sed in veste rusticali & rudi sed tunica grisci coloris vellet se suis obtutibus demonstrare, ut per hoc sibi innotesceret & patesceret, quod tumorem suæ arrogantiae parumper penderet, imò quasi pro minimo reputaret, quod dum totum, secundum quod decreverat, evenisset, &

set, & Rex Bohemiæ remeâisset, & consorti hæc omnia secundum ordinem enarrasset, plus quàm dici posset igne furoris accensa Regem convitiis affectit, & vituperiis acerbissimè laceravit, dicens : quare à tali tibi dissimili, viliori, & tali vestimento simplici & agresti in tuum contemptum & confusionem induto, cum sis longè præstantior eo divitiis, gloriâ & honore, regnum tuum titulo feudi petere ac recipere in tuam grandem ignominiam præsumisti, his & aliis verbis multis ipsum toto conatu suo provocavit, ut Regnum Bohemiæ rejecto titulo infeudationis pro se proprietatis titulo possideret, & insuper Ducatum Austriæ, quem sibi contra justitiam diu usurpaverat, fortiter retineret, & Regi Rudolpho eundem petenti sibi resignari, cum ad imperium pertineret, nullatenus restitueret, sed potius ad defendendum eum & sibi conservandum se Regi Rudolpho opponeret, principatum ejus nullatenus formidando, sed ad resistendum sibi & ad rebellandum sibi quando citius posset, se totis viribus præpararet, quod intelligens Rex instruxit viro- rum delectorum de Suevia & aliis partibus exercitum robustum, & directus est contra eum in fortitudine & audaciâ magnâ, convenientes in campo quodam magno acriter pugnaverunt, sed prævalente Rege Rudolpho cum suo exercitu, multa sanguinis effusione suorum Rex Bohemiæ occisus est, & exercitus suus contritus, & sic Rex Rudolphus gloriose triumphans, regnum memoratum sibi subjecit, & Ducatum Austriæ suis liberis & eorum posteritati jure feudi possidendum à se & suis successoribus in perpetuum reliquit, filium suum Albertum illic collocavit & multos Alemannos ibi præfecit, & sic certè prævaluit. De ordine Fratrum Minorum tunc duo Episcopi creati fuerunt, Tullensis & Archiepiscopus Moguntinus, frater hujus, ambo de Isnachtoriundi oppido in Algavia sito.

Fertur, quod in hoc bello Rudolphus Rex de equo suo miserabiliter prostratus in terram pedibus Caballorum & manibus hostium expositus erat, quod cernens quidam miles suus vocatus *de Ramsvrag* ipsum non solum à conculcatione equorum & insultu inimicorum eripuit, verum etiam super equum alium gloriose locavit, in quo devicta morte,

hostem

hostem fortiter cædens solenniter triumphavit, cujus beneficii Rex memor existens adjutori suo in tribulatione Domino de Rams wag & suis posteris *thelonium Lindoviense* XX, ut dicitur, librarum, & thelonium aliud apud Rhenum situm 50 librarum contulit in perpetuum possidendum, & super his sibi literas assignavit, cujus hæredes usque ad hodiernum diem hoc possident, & in usus suos convertunt, impetentibus ea instrumentum confertum super hoc demonstrantes & ab impetitione compescentes. Ante congressum pugnæ prælibatæ per totam expeditionem, ut multi famant, quidam lector de ordine Fratrum Minorum magnæ scientiæ & optimi consilii Regem comitabatur, nam sibi speciali prærogativa & præcipuè amoris privilegio dilectus erat, hic exhortationis verbum fecit ad exercitum Regis Rudolphi, jam hostium cuneis se immiscere volentem, per quod tantum proficiebant, quod victoriam optimè obtinuerunt, per hujus lectoris prudentiam, consilia & salubria monita, non solum illâ vice, verum etiam multis vicibus in periculosis & causis arduis & plenis vigiliarum negotiis Rex Rudolphus secundum omnem voluntatem suam prosperatus est, propter quod volens illum pro meritis præmiari, brevi postea interjecto temporis spacio sibi Episcopatum Basileensem, tandem Moguntinum obtinuit, quibus per eum adeptis poterat efficacius sibi consilium dare & auxiliari, sicut & fecit.

Fratres etiam sui ordinis confessores sibi & liberis propter eum adoptavit & præ cunctis religiosis elegit, quod & per multa annorum curricula inviolabiliter perduravit, hic suum ordinem intimo & præcordiali prosequabatur affectu, quamobrem ipsum ab injuriis defendebat, & in suis honoribus fovit ex totis viribus & visceribus protexit, sed Sacerdotibus & Clericis spiritualibus minus deferens & favoris sui gratiam subtrahens, infestus nimis fuit.

Hic in Basilea apud Minores, frater adhuc in minoribus agens, lector existens, quandam Dominam ibidem *filiam confessionis* habuit, quæ Spiritus maligni per multa tempora illusiones frequentes sub specie Angeli lucis habuit, quæ putans taliter à Domino consolari, diu cum gaudio

gaudio sed falso sustinuit & amplexabatur affectuosè illam visionem, tandem in hæsitationem & ancipitem dubium dicto visionis Domino instigante producta querulosis vocibus causa informationis Lectori memorato exposuit, qui visionem ejus per propriam sapientiam profundam recognoscens diabolicam, sibi consilium salubre tribuit; fuit autem ut contra eum proferret verbum Petri seu per asperisionem sanguinis JESU CHRISTI, quo proxima nocte sequente ipsa utens dæmonem abegit, & eum penitus effugavit, qui dolens de hoc Dominam, ut fertur, taliter allocutus est: ille quem novi, qui te suggessit suis monitis ut me expelleres, talionem à me recipiet; laqueum enim sibi extendam, in quem incidet, non multos post dies hos, & ex quo inde decidisti per eum, ipse loco tui cedit in die: cum verò post istud factum statim fastigium Episcopalis dignitatis ascenderit, conjicitur Dæmonis taliter respondentis ex verbis laqueum esse Prælaturam Pontificatus, quam procurare sibi Diabolus animo malevolo voluit causâ capiundæ ultionis, ut sic tanto profundius & gravius in præcipitium mortis æternæ caderet, quanto præaltius per suum instinctum & suggestionem in gradum dignitatis tumore excessivo superbia, comitante scanderet in altum, quod à multis evenisse minimè dubitatur, quia in dignitatis suæ culmine positus plus quàm dici vel scribi possit cordis & operis elatione intumescens, omnis humilitatis modum & metas penitus abiecit. Tempore illo, quo Rex Rudolphus adhuc Comes, ut dicitur, extiterat, quoddam *prælium ortum fuerat inter indidissimos Dominos Comites de Habsburg consanguineos Regis, & civitatem dictam Bern sitam in metis Gallie & Alimannie*, quod quantum ad Bernenses flebilem fortiebatur exitum: nam cum utraque pars in campo ante civitatem sito convenisset, pars Bernensium stetit contra hostes conglobata in modum coronæ & compressa cuspidibus suis prætensis, qua dum de adversa parte nemo aggredi præsumeret, Comes querulosis vocibus valenter & miserabiliter clamare cœpit: Heu! quod neminem habeo, qui cuneum adversariorum penetrare possit, vel etiam invadere præsumat; quod audiens quidam cordatus miles fi-

disimus respondit, ego solus meo impetu ipsos attentabo invadere, vestris desiderijs satisfacere cupiens, qui cùm dicto modo in eos efferatus fuisset, & in eorum lanceas receptus in frustra discriptus & concisus lamentabiliter periit, cujus occisione turmæ Comitum nimio furore succensæ unanimiter in turmam hostium more bellæ impeerunt, & ipsam ab invicem disjunxerunt, quo factò in ipsas Bernates tanta furia & crudelitate debachati sunt, quod multi ex eis ceciderunt, multò verò plures pedibus mutilati sunt, ad quod faciendum maximè conati sunt; pauci illæsi de Bernensibus transierunt; extranei ergo triumpho secundum vota ipsorum concinnebant, & alternantibus modulis miscebant dulcisona carmina, intranei verò è contrario cum luctu & mœrore corpora peremptorum sepelierunt, sed mutilatis ex intimo cordis condolebant. Statuerunt quoque suffragia pro peccatis mortuorum debita impendi præcipuè anniversarium diem Missarum solenniis, oblationibus, orationibus & eleemosynis devotissimè in perpetuum celebrari, quod fideliter servatur usque in hodiernum diem.

Post istud bellum aliquanto tempore decurso bellorum impetus atrocissimus excrevit inter *Regem Francorum & Comitem Flandria*, quod sæpe Flandrensibus prosperantibus & triumphantibus, Francigenis verò succumbentibus, viribusque resumptis iterum rebellantibus, nec prævalere valentibus perniciosissimè replicatum est. Unâ autem vice Flandrenses taliter Francos superaverunt: cùm enim essent proxima die una in quadam valle ad præliandum congressuri, Flandrenses dolum hujusmodi, quo animos adversariorum minus cautos & inscios involverent, machinati sunt; foveas subterraneas in nocte præcedente conflictum occultè parando subtiliter, solerterque desuper obducendo, quod Franci nescientes, & in crastino commissuri prælium, contra hostes insultum & impetum facientes in foveas plenas aqua inciderunt, cùm quendam rivum prædictam vallem præterfluentem in ipsas fluere fecerunt, qui sive in fovea obruti & conclusi, sive in aqua absorpti, sive in ore gladii hostium ipsos insequentium consumpti in maximo numero perierunt, ut à pluribus in illis partibus tunc temporis commorantibus

bus enarratur, septuaginta quoque famosi & potentes Domini terrarum, ut didici ex relatione fide digna eorum, qui in eodem bello fuerunt, illic interierunt, qui omnes sua vexilla distincta ab aliis nota & nominata habuerunt. Quidam ajunt Flandrenses callidâ intentione solas equas ascendisse, & illis, ubi castrametati fuerant, ad resistendum parati insedissee, ut per eos equos equorum Francorum phaleratos & egregios ex adverso constitutorum ad coitus appetitum accenderent vehementem, ut sic desiderio nimio commixtionis habendæ cum equabus tanquam furiosi & amentes effecti rapido cursu certatim per præfatam vallem contra ipsos ruerent, & in fossas præcipientes se darent cum suis fessoribus effrenati, quod & factum est; quamprimum enim equi equas senserunt, contra eas omnis disciplinæ obliti concurrerunt, & in fossas sibi studiosè paratas deciderunt. Tandem tamen Rex resumpto & recuperato quasi post infinitam stragem suorum robore, renovatoque exercitu, de Flandrensibus triumphavit, & eos desolando prostruens & humiliando subjiciens post jacturam magnam & ignominiam fructum copiosum & supereffluentem gloriam reportavit ad prosequendum.

Adhuc factum laudabile unum de Rege Rudolpho manum apponam: nam licet ad imperium non ascenderit, tamen fortunatus existens in regno Alimanniæ mirifica opera & insignia multa parabat; paulò enim ante finem vitæ suæ quoddam castrum * Spolum dictum Wisenburg situm infra Schafhusam obsidebat, quod quamvis modicæ firmitatis & munitionis fuerit, tamen ejus obsidio ad sex septimanas continuas se protraxit, quod remisè oblidentes agebant non irruendo in muros ipsos ad dirumpendos. Cùm autem quidam de familia Regis hoc tacitus animadverteret & Regi diceret, quod castrum studiosius & expeditius oppugnare juberet, & ut muri frangerentur operam diligentiores adhiberi præciperet, quod cum magno dispendio & gravibus sumptibus ibi moraretur. Ad hoc Rex tale tertur dedisse responsum: Ego malo castrum tardius capi & demoliri, & prolixiori tempore, cùm alibi constitutus sumptus me habere oporteat, cum salute corporum pu-

gnatorum meorum, in quibus dependet virtus & gloria mea, quàm citius & breviori spatio cum eorum discrimine ac ingente periculo, & sic noluit, quod se morti muros incautè & importunè more insipientium & freneticorum invadendo irrumpendoque exponerent, & sic castrum sine aliqua suorum cæde *per suffossiones & concavationem montis* [captum] & dirutum est.

Hic cum regnasset XIX annis in die B. Margaritæ virginis defunctus est, sepultus regiâ sepultura in Spira.

Mortuus est anno milleno C ter triplicato.

Sex minus atque tribus Julii Rex mense Rodolphus.

Circiter ista tempora oppidum nomine Büchorn situm in ripa lacus Botanici captum & desolatum est ab aliis civitatibus in odium Domini sui, cui obligatum erat.

Defuncto Gregorio X, qui, ut supra dictum est, electionem Regis Rudolphi confirmavit.

Sedit Innocentius V, natione Burgundus de ordine Prædicatorum menses quinque, dies duos; electus est in Agnetis. Obiit verò in vigilia Johannis Baptistæ. Magister in Theologia erat & plura opera, fecit super Biblia & sententias. Fuerunt autem usque ad hoc tempus à beato Petro Apostolici CXCII Lino & Cleto exceptis, & *famina*, quæ non computatur.

Innocentio V successit Adrianus V natione Januensis, sedit mensem I, dies IX. Anno Domini MCC LXXVI.

Adriano V successit Johannes XXI natione Hispanus, qui sedit paucò tempore: nam cum camera nova, quam ipse pro se in Viterbio circus Palatium construxerat, solus corruit, & intra ligna & lapides collisus, die sexto post casum, Sacramentis omnibus perceptis, exspiravit; sedit autem Anno

M CC LXXVII

BREVE CHRONICON ECCLESIAE
TREVIRENSIS.

ANte Romam Treveris stetit annis mille trecentis. Hi richmi leguntur apud
S. Simeonem:

Diese Kirche / die hundert der Dohmb /
Seyndt dreyzehen hundert Jahr älter denn Rom.

Anno Dominicæ incarnationis

958. Henricus Episcopus Trevirensis forum, quod in urbe est, instituit, & crucem erexit. In foro & cruce leguntur hæc:

*IN MEMORIAM SIGNORVM CRVCIS, QVÆ SVPER
HOMINES APPARVERVNT ANNO DOMINICÆ
INCARNATIONIS DCCCC LVIII. EPISCOPATVS
NOSTRI SECVNDO.*

In circumferentia:

HENRICVS ARCHIEPISCOPVS ME EREXIT.

Videatur Trithem. in Chronic. Hirsaugiens. fol. 41.

1045. Poppo Episcopus Treverensis mortuus est 16 Junii.

1368. Laus ejus in Ecclesia Sanctorum.

1408. Teclæ cecidit Leodium.

1419. Rus sancta dies Mosella colligit uvas.

1458. Reverendissimus D. D. Nicolaus à Cusa Cardinalis &c. fundavit ac do-
ravat in vita sua hospirale Cusa, Anno Dominicæ incarnationis 1458.
qui obiit Tudertinæ, anno restitutæ salutis 1464. Et corpus sepul-
tum fuit Romæ ad S. Petrum ad vineula: Et cor ejus in hospitali præ-
dicto à se fundato.

1462. In die SS. Simeonis & Judæ capitur Moguntia; unde legitur:

Ecce saltat Leo Judæ, Moguntia la

Ecce ruit fato Moguntia capta secreto.

Ecce lignum crucis.

1474. In die S. Jacobi Dux Carolus de Burgundia obsedit Novesium sive Nus-
siam.

1476. Carolus Dux Burgundiæ occisus, qui obsedit Novesium anno 1474. 24
Julii, & recessit ab obsidione anno 1475, 11 Junii.

1477. Dux Carolus ante Nanceum occiditur.

1481. Feria 6 Paschæ, qui fuit 27 Aprilis, concremata fuit igne cœlesti turris Ec-
clesiæ B. Mariæ virginis Treverensis intra tres & quatuor horas.

1486. Maximilianus I Romanorum Rex coronatus die 9 April. Aquisgrani.
 1488. Bylstein castrum oppugnatur.
 1493. Obiit Fridericus III Imperator Romanorum 19 Augusti.
 1497. Bopardia capitur à Johanne de Baden Archi-Episcopo.
 1504. Landgravius obsedit Cubam, & eodem anno crevit dulce vinum.
 1512. Ecce tunica dilecti filii mei.
 1513. Ecce crucem JESU CHRISTI. Eodem anno Colonia occidit consulatum.
 Unde versus: Ecce cadunt gladio supremi Colonienfes.
 1517. Ecce gelu turbat vites nocte altera Marci.
 Idem contigit 1576. quoque 20 Aprilis.
 1523. Crux occidit Franciscum Treviri. Culmina Francisco tulerunt cautè Gigantes :
 Occidit infelix Franciscus fragmine 1gni.
 O Richarde Episcopo, qui vicisti Franciscum hodie.
 1525. Captus erat Gallus coeunt cum rure cohortes.
 Crux Christi occidit rusticos.
 1526. Ecce Gallorum Rex insignis Paviæ cecidit.
 1527. Altera post captos Gallos populique furores
 Æstas te capta Roma cruenta fuit.
 1529. Tabificè occidit multos sudor truculentus.
 1531. Westphaliæ Monasterium capitur.
 Ecce alienigenæ populique. Æthiopum fuerunt illic.
 1540. Ferdinandus Rex Romanorum ingressus fuit Treverim 20 Maji.
 1546. Ferdinandi Romanorum Regis filius Ferdinandus unà cum Duce Sabaudia
 & Hieron. Verallo Legato Apostolico ingressi sunt Treverim 8 Martii.
 1547. Saxoniz Princeps nunc est à Cæsare captus
 Landgraviusque miser tristia fata tulit.
 Sicut cera, quæ fluit, auferentur, supercecidit ignis, & non viderunt solem;
 Vide Breidenbachium in Psalterio fol. 57.
 1552. Marchio Trevericos vastavit belliger agros
 Et cedit in Sacros Dux ferus, hostis atrox.
 1557. Quintinum (S. Quintin) à Philippo Rege Hispaniarum captum 10 Augusti.
 Bis quinto Augusti victoria prima Philippo
 Obtigit; ast luctus Gallia victa tuus.
 1558. Ferdinandus Rom. Rex electus est in Imperatorem Francofordiæ 14 Mart.
 1576. Gelu vites perierunt 20 Aprilis.

LEODIENSIIUM CANONICORUM,

Qui ex Illustribus familiis anno MCXLIII in loco residebant, nomina. [Hic Catalogus continet quædam nomina Principum, qui nunquam extiterê, itaque fabulofitatis manifestus est, quia tamen aliquid veri inest, conservandum putavi.]

Anno Domini MCXLIII ipso die Lætare, Præsidente Sanctissimo Patre Domino Innocentio Papa II Ecclesiæ Romanæ, imperanteque Lothario, contigit fieri in civitate Leodiensi, quam S. Hubertus Bertrandi Aquitanorum Ducis filius fundavit, ac Episcopus primus rexit DCCXIII, obiit anno DCCXXX solennem procesionem de Ecclesiâ S. Martini in monte ad Ecclesiâ majorem, in qua contigerunt quæ sequuntur.

1. Idem Romanus Pontifex in dictâ Ecclesiâ majorem missam celebravit.
2. S. Bernhardus Abbas Clarevallensis ibidem prædicavit.
3. Romanus Pontifex Lotharium Regem electum in Imperatorem coronavit. His diebus erant in Ecclesiâ Leodiensi subscriptæ personæ residentiam facientes.

Alexander Filius Comitis Juliacenſis, Episcopus Leodiensis XXIX.

FILII REGUM.

Lotharius filius Lotharii Imperatoris, Præpositus Leodiensis.
 Anselmus, filius ejusdem Imperatoris, Archidiaconus Condrosii.
 Philippus, filius Regis Franciæ, Archidiaconus Hannoniæ.
 Theobaldus, filius Regis Ungariæ, Archidiaconus Ardennæ.
 Ogerus, filius Regis Daciæ, Archidiaconus Famemiæ.
 Godofridus, ejusdem Regis filius, Archidiaconus Brabantæ.
 Guido, filius Regis Bohemiæ, Archidiaconus Hasbanæ.
 Philippus, filius Regis Navarræ, Archidiaconus Campyniæ.
 Guido, filius ejusdem Regis, simplex Canonicus.

FILII DUCUM XIV.

Bertrandus, filius Ducis Baviaræ, Abbas secularis Thudinenſis.
 Waymo, frater ejus, secularis Abbas Mesſi. nſis.
 Guillermus, filius Ducis Saxonæ, Cantor.
 Conradus, filius Ducis Sueviæ, Præpositus Hoyenſis.
 Guido, filius Ducis Ardennæ, Doctor Sacræ paginæ, Decanus.
 Cœlestinus, filius Ducis Normandiæ, Abbas de Eyke.
 Carolus, filius Ducis Lotharingiæ, Custos.
 Guido, Frater ejus, Scholasticus.
 Franco, filius Ducis Austriæ, Præpositus Mechlinienſis.


Carolus, filius Ducis Burgundiae, Praepositus S. Dionysii Leodiensis, Doctor.
 Petrus, frater ejus, Praepositus S. Petri Leodiensis Doctor.
 Ludovicus, filius Ducis Bituriz, Abbas Daxaviensis.
 Baretus, frater ejus, Abbas Cellensis.

FILII COMITUM.

Godofridus, filius Comitum Lovaniensis, simplex Canonicus.
 Sequinus, filius Comitum de Monhalt.
 Simon, filius Comitum Hannoniensis, Abbas Anacensis.
 Balduinus, frater ejus.
 Rynardus, filius Comitum Loffensis, Praepositus Foffensis.
 Guido, filius Comitum Sabaudiz, Abbas Namurcensis.
 Adalbertus, filius Comitum Geldriz, Praepositus S. Martini; post Alexandrum depositum factus Episcopus.
 Notgerus, filius Comitum Flandriz, Praepositus S. Johannis Leodii.
 Petrus, filius Comitum de Zeyne, Praepositus S. Pauli Leodii.
 Ogerus, frater ejus, Praepositus S. Crucis Leodii.
 Rogerus, filius Comitum Viennensis in Ardenna.
 Arnoldus, filius Comitum Claremontensis, Abbas Dyonenfis.
 Albertus, filius Comitum Namurcensis.
 Henricus, frater ejus.
 VVilhelmus, filius Comitum Juliacenfis.
 VValo, filius Comitum de Monte acuto, Abbas Tongrenfis.
 Falco, frater ejus, Abbas S. Mariz Trajectensis.
 Henricus, filius Comitum Lutzenburgenfis, (alii Lymburgenfis) post Adalbertum sive Alberonem electus Episcopus Leodiensis.
 Johannes, filius Comitum de Rupe in Ardenna.
 Arnoldus frater ejus.
 Gerhardus, horum duorum frater.
 Laurentius, filius Comitum de Treffe.
 Paulus, frater ejus.
 Johannes, horum duorum frater.
 Petrus, filius Comitum de Polonia, Decretorum Doctor.
 Guido, filius Comitum Provinciz.
 Henricus, frater ejus.

FILII BARONUM & NOBILITUM.

Boynus de Nassau.
 Sebastianus de Hastallis, Decretorum Doctor.
 Rodulphus de Pratis, hi duo fuerunt fratres, &
 Godofridus de Pratis, Sacre pagine Professores.
 Leodericus, filius Domini de Marialmex, Doctor Theologiz.
 Ingerandus de Fleron, legum Doctor.
 Rynaldus de Falcomonte, adhuc Scholaris.



GESTA TREVERORUM

AB URBE CONDITA USQUE AD

ANN. Ch. M C XXXII.

Incipiunt Gesta Treverorum.

CAP. I.



ANNO ante urbem Romam conditam
Mo CC^{mo} Rex Assiriorum nomine Ny-
nus primus ut historici volunt propa-
gandæ dominationis libidine arma foris
extrulit cruentamque vitā quinquaginta
annis per totam Asiam bellis egit à meri-
die atque mari rubro surgens sub ultimo
septentrione Euxinum pontum vastando perdomuit, Sciri-
amque barbaricam adhuc tunc imbellem & innocentem.
[f. innocentia] torpentem excitare volens se viciam vires su-
as nosse, & non lacte pecudum sed sanguine hominum vive-
re, & ad postremum vincere dum vincit, docuit. Novissimè
Zoroastrem Bactrianorum Regem, eundemque, ut fertur,
magicæ artis repertorem, pugna oppressum interfecit, post
† A ipse

Gesta Treverorum.

ipse dum deficientem à se oppugnat civitatem, sagittæ ictu interiit, relicta uxore Semirame cum duobus filiis Trebeta & Nyna, quorum primus scilicet Trebetas ex Regina quadam Chaldaeorum quam ante Semiramem duxerat. Nynas [Nynus] autem de Semirame natus erat. Occiso autem [ergo] Nyna [Nino] Semiramis privignum suum scilicet Trebetam maritum ducere voluit, eumque renitentem & execrantem, invidia & libidine stimulata tam diu persecuta est, donec eum patria pelleret & regno. Pulsus igitur dum [cum] diu longeque sedes vagando quæreret, & non inveniret, cœpit ex diuturni itineris fatigatione tædere, & ubinam sibi fata quiescendum consulerent missione fortis inquirere. Sors obtulit Europam, quæ est tertia orbis licet quidam Secundam affirmant, & Africam non per se partem esse sed ad Europam pertinere contendunt. Transfretato mari mediterraneo quod ab Asia dividit Europam, pervasta solitudinum & invia saltuum venit ad Mosellam in cujus litore reperit vallem speciosam aquis irriguam, silvis nemorosam, montibus undique circumseptam. Captus amœnitate loci ibidem subsistere delegit urbemque constituit quam ex suo nomine Treberim appellavit.

CAP. II.

ANno ante Romam conditam M^o CC^{mo} L^{mo}. urbs Treberis in Europâ ab auctore Trebeta profugo filii Belis, parvo adhuc nomine condita est Anno septimo [70.] ætatis Abrahæ, Patriarchæ, Originem gens quæ incoluit eam de Gomer filio Jafeth filii Noë nomine duxit, & ex candore corporum nomen assumpsit gens & urbs antiquissima antequam in Europa gentes neque urbes fuere, Sed quæ sunt vel ex illa vel post illam esse cœperunt,
Noë

Noë quippe tres filios habuit, Sem Cham & Jafeth. De Sem nati sunt Hebræi, Chaldæi & Græci. De Cham Affrici & Getuli. De Jafeth, Ytali, Galli & Hispani. Sem possedit Indiam, Mesopotaniam, Syriam, Palestinam, Armeniam & ceteras Asiæ provincias. Cham tenuit Ægyptum, Æthiopiam, Betigam, [Bæticam, forte] Lusitaniam, Aquitaniam, Britanniam, Germaniam, Belgicam; Galliam togaram, Braccatam, Cisalpinam, Transalpinam; Pannoniam, Italiam Rurriam [f. Heruriam] Liguriam, Dalmatiam, Illuricum, Bizemilia [Bohemiam] cunctamque Europam.

CAP. III.

TRebeta mortuo Hero filius in principatu succesit, qui patrem secundum ritum gentilium [gentilicis] igne combustum in vertice Jurani montis tumulavit, cui & aras instituit, & sibi subjectis ut Deum colere & adorare præcepit; Error magnus & à Nyno ipse Heronis avo adinventus, qui primus patris sui Belis simulachrum fudit & hominem pro Deo venerari jussit, Hero patris sui merita tabulæ marmoreæ inscripsit, quam ad ejus memoriam pariter & futurorum notitiam cum eo recondidit ad instar hujuscemodi.

Nini Semiramis, quæ tanto conjuge felix
Plurima possedit sed plura prioribus addit.
Nec contenta suis nec totis finibus orbis,
Expulit a patriaprivignum Trebeta regno.
Profugus insignem nostram qui condidit urbem
Treberis huic nomen dans ob factoris amorem

Quæ

Quæ caput Europæ cognoscitur à veritate
[anterioritate]

Filius hujus Hero patris hæc epigrammata pono
Cujus ad inferias hic cum Jove Mars tenet aras
Sidere concordì pax est non dissocianti &c.

CAP. IV.

Post Heronem Treberorum ex ipsa gente orti principes
extiterunt & duces. Namque Treberenses & numero
aucti & opibus urbem suam munire & modis omnibus
decreverunt adornare, Primo itaque ad aqvilonalem
plagam urbis ex quadris lapidibus cū turribus magnis ædifica-
verunt portam ipsa sui magnitudine & minaci proceritate
mirabilem eamque portam nigram portam martis appella-
vere, cujus lapides non cemento aliquo sed ferro conglutina-
bantur & plumbo [f. Dixere portam] martis qui Deus belli
credebatur, [f. quia] Per hanc portam bellum gesturi proficis-
cebantur; nigram autem ob tristitiam, quia [quando] de bello
fugientes per eandem tristes revertebantur. Campus autem
longitudine & latitudine spatiosus Campus Martis vocaba-
tur, ubi tyrones armis instruebantur. Secunda deinde porta
ad ortum solis cum turribus speciosis est ædificata ad quam
victores de bello revertentes totius civitatis occursum excipie-
bantur & lætitia, & ob hoc alba porta nominata. Tertia por-
ta ad plagam meridianam cum turribus firmis & altis in me-
dio urbis est constituta eaque de causâ porta media nuncupata.
Forum vero venatium maximum ante hanc portam consti-
tutum habebatur. Locus etiam quo mortui ad sepeliendum
efferebantur. Quarta porta versus occidentem constructa
est ad litus Mosellæ, quæ mira sui operositate & turrim in
compa-

comparabili pulchritudine ceteras portas excelluit & ab hoc portæ inclytæ vocabulum sumsit. Hanc portam stellis ex auro factis mirabiliter pinxere, quæ portui navium proximum nocte dieque luminis officium præbuere. Fecerunt ibidem & Capitolium maximum templumque idolorum, in quo non minus quam centum statua ydola generaliter ab omni populo colebantur, & per ea miseri responsis dæmonum ac variis præstigiis deludebantur. Fecerunt etiam in honorem Mercurii quem Deum summum inter Deos & homines quasi mediatorem & arbitrum pacis arbitrabantur. Fornicem magnæ altitudinis, in qua ferream imaginem miræ magnitudinis ejusdem Mercurii quasi volantem in aere pendere fecerunt cum scriptura hujusmodi.

Ferreus in vacuis pendet caducifer auris. Erat autem lapis magnes unus in summitate alter, unus in pavimento fornicis junctus, cujus naturalis vis è regione ferrum sibi ascivit sicque ferrum ingens quasi dubitans in aere pendedit.

CAP. V.

Non longe ab hinc super Mosellam ex magnis lapidibus ferro plumboque compactis pontem construxere quem nulla verustas labefactare nulli fluctus possunt dissolvere. Feceruntque per diversa urbis loca turres firmas & alas. Capitolia, palatia, templa, statuas, thermas, lavacra theatra. Sub terra etiam intra urbem & extra & in omni sua potestate ignorantibus quædam veritatem incredibilia multa fecere. Siquidem aquarum habundantiam habere cupientes, rivulum qui à modernis olevia [olima] dicitur sub monte jurano introducere, qui divisus in partes vix mediæ civitati ad usum sufficere potuit. Tunc rivulum nomine Ruverias [Ruvearias] miliario ab urbe secundo alterum rivulum

qui ruvora vocatur marmore habundans in fluente primo super eandem ruvoram lapideis fornicibus deinde per divexa montium latera & vallium profunda ducentes, universæ civitatis plateas viventibus aquis implevere, quæ interdum pluvialibus aquis adauctæ cunctas platearum sordes in Mosellam vexere. Hunc autem rivulum posterius nominatum introducendum simul & amphitheatrum construendum Catholdus Princeps sorte acceperat, qui cum hesitaret, quomodo illum tam longe per tot montes & vales circumduceret, servus domesticus sumpta fiducia spondet firmissimè sibi datis impensis eum se in urbe præsentaturum, quocunque die dominus amphitheatrum foret perfecturus. Reluctari Dominus graviter cœpit, & hoc eum nequaquam esse facturum asseverare, tandem hoc pacto finem dedere certamini ut si die constituta servus quod promiserat minus impleset, à Domino capite plecteretur. Si verò effectum demonstrasset pari modo dominus à servo puniretur. Animaverat servum ad hoc facinus uxor domini sui, quæ mentita fide maritali sæpius cū eo in adulterio miscebatur, quid plura? Coeptum opus servebat utrinque, servus interim contrariis conjugis studiis & sumptibus juvabatur, dum maritus necem servi vitam sibi, mulier necem mariti vitam servi conivalis operiebat. Die denominata perfectum erat Amphitheatrum, & aquæ ductus qui ex inscitia undique obstrusus cum nulla in se admitteret aurarum spiramina, impeditæ aquæ non per venire ad destinata. Anxi-um de hac re servum mulier incestuosa nocte die illam præcedente occultat sub lectulo in quo ipsa cum marito hujusmodi habuit mentionem. Eja inquit maritus servus ille noster quam confusus & dejectus est, qui tam superbe gloriatus est. Ego autem novi qua arte posset sibi cito consulere, Tunc mulier virum aggreditur rogat sibi artem indicari, pollicetur fidem silentii illicit [ilicet] persvadet, postremo hoc ab eo re-
spon.

sponsum accepit. Si inquit quibusdam in locis quantum ja-
ctus est lapidis ab invicem distantibus parvo foramine aquæ
ductum irrumperet, sine mora cursum suum aqua perage-
ret. Hoc avido auditu percepto paulo post soporato domino
servus clanculo egreditur accitisque operariis celerrime quod
doctus erat implet, & secum aquam pariter urbi præsentavit.
Quod ubi Catholdus mane comperit, ejus clamante servo,
Domine ecce aqua, volens de decoroso servilis mucronis ju-
gulum prævenire sceleratæ uxori funesta imprecatus raptam
eam secum ex amphitheatro præcipitavit & æternum loco
vocabulum, id est Catholdi solarium, indidit.

CAP. VI.

ERat itaque civitas non solum humanis laboribus valde
munita, sed & naturaliter [naturalibus] fluminibus silvis
ac montibus arduum & angustum iter pendentibus vix
accessibilis, & munitissima. Montibus jure [vel jurano] &
Gebenna [Gebenna] quorum alterum Castellum super posi-
tum ad tutelam urbis continebat. Successu deinde temporum
prosperoque eventu bellorum finitimis undique gentibus &
urbibus devictis jugum imposuerunt, in quibus quinque
urbes nobilissimas in ripa Reni fluminis constitutas hoc
est Basileam, Argentinam, Wangiam, Mogontiam, Coloniam,
[Ubiorum urbem] cum populis suis subjuga verunt à quibus
& plurimum vectigal annualiter [anualiter] accipere & eo
longe lateque dominari cœpere.

CAP. VII.

Post multos vero annos hæ quinque urbes libertatem sibi
propriam vindicare cupientes, rebellaverunt & censum
debitum XXX^a annis continuis persolvere noluerunt,
sed grando de cælo veniens cum maximo agrorum
&

vinearum detrimento eas populabatur. Hinc rumor & timor magnus increvit civibus illis, putantibus hanc tempestatem grandinis a diis Trevirorum sibi propter retentum vestigal adinferri. Et idcirco inito consilio censum triginta annorum collectum Treberis retulerunt, & deinceps se soluturos quovannis sponderunt. Tunc Treberenses statuam pretiosi marmoris erexerunt & super eam Jovem, scutulam [scutellā] auream duorum pedum latitudinis in manu tenentem hoc verborem ordine caraxatam [characteratam] jovi vindici Treverorum ex censu quinque urbium Reni per tria decennia denegato, sed cœlesti igne & terrore extorto placabile holocaustum. Item: Ignibus haur mixtus adolet tymiamata discus. Hoc, autem mechanica arte factum erat, ut thure vel alia qualibet specie scutellæ injecta sine igne fumum odoriferum flagrans exhiberet. Ne tamen spes ipsa in aliquo minuta deficeret, in urbe etiam lingonis [Lingonum] ad usque quam suam potestatem extenderant, super portam in lapide ad huc scriptum legitur. Huc usque jura Treverorum. Cum Remensibus fœdus & amicitiam iniere propterea quod Remenses portam construxere eamque trebericam appellavere.

CAP. VIII.

TReberi & Remenses principales sunt in Gallia Belgica. Nam Gallia trifariam dividitur in Galliam comatam braccatam & togatam. Gallia comata postea dicta est Gallia Belgica à Belgio Treverorum duce, ex cujus nomine Trevires dicuntur Belgæ. Cum quo & Belgio portio maxima Gallorum in Græciam transivit hoc modo: namque Galli cum tanta habundarent multitudine ut eos non caperent terræ quæ genuerant, trecenta millia hominum ad sedes novas quærendas emiserunt. Ex his portio in Italia confedit quæ

quæ sedibus propriis Tuscos expulit & civitates has Mediolanum, Ariminum, Comum, Brixiam, Veronam, Pergamum, Tridentum, Vicentiam [Vincentiamq:] condidit. Portio Illiricos sinus ducib⁹ avib⁹, nam auguriandi studio Galli præter ea terras callent [valent] per strages barbarorum penetravit, & in Pannonia cōsedit, gens aspera, audax & bellicosa, quæ prima post Herculem cui resea virtutis admirationem & immortalitatis fidem dedit, alpium invicta iuga & frigore intractabilia loca transcendit. Ibi domitis Pannoniis per multos annos cum finitimis varia bella gesserunt. Hortante deinde successu divisim agminibus alii Græciam alii Macedoniam, omnia prostermentes, ferro petivere, tantusque terror gallici nominis erat ut etiam Reges non laceßiri pacem ultro ingenti pecunia mercarentur. Solus Rex Macedoniae Ptolomæus adventum Gallorum intrepidus audivit, hisque cum paucis & incompositis, furiis parricidiorum agitato, occurrit. Igitur Galli duce Belgio ad temptandos Macedonum animos legatos ad Ptolomæum mittunt, offerentes, pacem, si emere velit. Ptolomæus inter suos belli metu pacem Gallos petere gloriatus est nec minus ferociter se legatis quam inter inimicos jactat, aliter se pacem daturum negando, nisi principes suos obsides dederint & arma tradiderint. Non enim se fidem nisi inermibus habiturum. Renunciara legatione risere Galli, undique acclamantes brevi sensurum sibi an illi consulentes pacem obrulerint. Interjectis diebus prælium confertur; victi Macedones caduntur Ptolomæus multis vulneribus faucibus capitur, [caditur] caput ejus amputatum & lancea fixum tota acie ad terrorem hostium circumfertur, paucos ex Macedonibus fuga servavit, ceteri aut capti aut occisi.

CAP. IX.

TAntæ fecunditatis ea tempestate Gallorum fuit juvenus, ut Asiam omnem velut examine aliquo implerent, denique neque reges orientis sine mercenario Gallorum exercitu ulla bella gesserunt, neque pulsi regno ad alios quam ad Gallos confugerunt, tantus terror Gallici nominis & armorum invicta erat felicitas ut aliter neque majestatem suam tutam neque amissam recuperare se posse sine Gallica virtute arbitrantur. Itaque in auxilium à rege Bithyniæ vocati cum eo regnum parta victoria diviserunt, eamque regionem ex gallis & Græcis composito nomine Gallo-Græciam agnominaverunt. Ibi exercitus Treberorum pars in patriam remissa, & pars quæ remansit gallicum genus procreavit & duas linguas deinceps in usu habuit id est gallicam & Græcam, denique Gallathæ qui ex Gallo-Græcis orti sunt excepto sermone græco, quo omnis oriens loquitur eandem. pene proprietatem sermonis habent quam Treberi; nec refert si aliqua exinde corruerint, cum & Afri Fenicum linguam nonnulla parte mutaverint & latinitas ipsa & regionibus cottidie immutetur & tempore, [temporibus.]

CAP. X.

Igitur Treberorum ducatus longè lateque dilatatus ad usque tempora Romanorum mansit inviolatus. Deinde etiam Romani cum totum orbem armis & prudentia domuissent, amicitiam cum Treberensibus & fœdus firmisimum iniere, & hanc urbem, propter antiquam nobilitatem & civium sibi quodammodo parem dignitatem, secundam Romam appellare vere. Tunc etiam Treberi romana jura & leges habere ceperunt quas usque in hodiernum diem habere noscuntur. Eisdem temporibus venit ad Treberim Arimaspes [Arimaspes] urbis Romæ Senator & rector volens auditam sepius de tre-

de treberibus virtutū eminentiam ipsa suimet melius experiri sententia. Cui Treberi idem quod in Romana urbe administraverat rectoris officium commisere, & egregium virum tanta liberalitate & amicitia fovere ut nequaquam ulterius cuperet ad patriam remeare. Adhuc autem eo Romæ [Romanum] jus regente contigit quendam nomine Epten rem ab ipso Arimaspe capite condemnari, qui iudicium fugiens hac & illac incertus vagabatur & profugus. Hic ergo ubi fama volante cognovit qualibus honoribus Arimaspes in Treberi floreret invidit, & mortem sibi olim ab ipso destinatam ulcisci desiderans Treberim venit, ubi se nemine agnoscente & ob hoc nihil sinistri suspicante, tandem post multa Arimaspem inventum occidit. Qui sentiens hoc se vulnere mortem non posse effugere in porta Martia se rogat sepeliri, & hoc epithaphium ad gratiam Trebirorum sepulchro super inscribi:

Exul Arimaspes hac martis in arce quiesco,
 Belgica Roma mei non mea digna fuit
 Jure bono meritorum nobilitate triumphis
 Dii tueantur ei pax [pars] nisi roma nihil
 Vulneror Epte reo consul primusque senator
 [Senatûs]

Hic gaudete mei, sic meruisse mori.

CAP. XI.

ANNO V^{to} ante incarnationem Domini L^{mo}. Cum Julius Cæsar ad Gallias de Roma fuisset misus treberim, quorum inter Gallos opinio est virtutis singularis, auxilium equitum Cæsari miserunt, sed cum apud Attrebas & Viramandos pugnandum foret, & viderent romanorum castra multitudinem hostium compleri, legiones premi & pene circumventas teneri, calones, eqvites, funditores Numidas di-

versos dissipatosque in omnes partes fugere vidissent, desperatis Romanis domum contendere voluerunt, Romanos pulsos superatosque castris impedimentisque eorum hostes potiros civitati renunciaverunt, deinde inito consilio neque ad concilia Cæsaris veniebant neque imperio parere Romanorum volebant, Germanosque trans Rhenanos contra Romanos sollicitare ceperunt. Hac de causa Cæsar cum legionibus III^{or} & equitibus Octingentis in fines Treverorum profectus est. Hæc civitas longe plurimum totius Galliæ equitatu valebat, magnasque copias peditum habebat, Renū ut supra docuim⁹ tangens. In ea duo de Principatu contendebant, Induciomarus & Cingetorix. Ex quibus alter ubi de Cæsaris legionumque adventu cognitum est ad eum venit se suosque omnes in officio futuros confirmat, neque ab amicicia reipublicæ defecturos, neque reos se, quæque in treberis gerantur ostendit. At Induciomarus equitatum peditatumque cogere, eisque qui per a tatem in armis esse non poterant, in Arduennam silvam abditis quæ silva totius Galliæ maxima est, & ingenti magnitudine permedios fines trebironum à flumine reno ad initium Remorum pertinet, bellum parare instituit. Sed postea quam nonnulli principes ex ea civitate & auctoritate Cingetorigis adducti & adventu Romani exercitus perterriti ad Cæsarem venerunt & de suis privatis rebus ab eo petere ceperunt, quoniã suæ civitati cōsulere nō possent; Induciomarus, veritus ne ab omnibus desereretur, legatos ad Cæsarem mittit, sese idcirco à suis discedere atque ad eum venire noluisse, quo facilius civitatem in officio retineret ne omnis nobilitatis discesu plebs propter imprudentiam laberetur. Itaque civitatem in sua potestate esse seque si Cæsar permitteret ad eum in castra venturum civitatisque fortunas ejus fidei permisurum. Cæsar & si intelligebat qua de causa ea dicebantur, quæque eum res ab instituto consilio deterreret, tamen ne a sta-
tem

tem in treberis consumere cogeretur, omnibus rebus ad Britannicum bellum comparatis, Induciomarum ad se cum ducentis obsidibus venire iussit. Hos adductis filiis propinisque ejus omnibus quos Cæsar nominatim evocaverat consolatus induciomarum hortatus est ut in officio permaneret. Nihil tamen egit aliud, sed principibus trebitorum ad se convocatis eos singillatim Cingetorigi reconciliavit, quod cum merito ejus ab se fieri intelligebat, tum magni interesse arbitrabatur ejus auctoritatem & inter suos quam plurimum valere, cujus egregiam voluntatem in se perspexisset. Id factum graviter tulit Induciomarus, suam gratiam inter suos minui & qui jam ante inimico animo in Romanos fuisset multo gravius hoc dolore exarsit.

CAP. XII.

Bello igitur Britannico confecto cum frumentum galliæ propter siccitates angustius provenisset, coactus est Cæsar aliter quam ac superioribus annis exercitum in hyberna collocare, legionesque in plures civitates distribuere. Ex quibus unam cum Tyto Labieno in confinio Treberorum & Remorum hyemare iussit, alteram cum Titurio Sabino & Cotta in Eburronas quorum pars maxima est inter Rhenum & Mosam sub imperio Ambiorigis ad hyemandum misit. Induciomarus missis nunciis Ambiorigem impulit ut legiones cum legatis in suis finibus hyemantes occideret, quas cum Ambiorix insidiis circumventus funditus interfecisset, Induciomarus magnas armorum copias habens, postquam etiam de consensu totius galliæ certior factus est, Labienum Legatum legionemque cui is præerat, quod facile factu arbitrabatur delere statuit ac deinde Eburronibus Nerviiisque conjunctus est & ad opprimendum Cæsarem pergere. Labienus interitu Sabini & cæde cohortium cognita cum omnes ad eum Treberorum copię convenissent, veritus si ex hyber-

nis fugæ similem profectionem fecisset, hostium impetum sustinere non posset, præsertim quos recenti victoria efferri sciret, literas Cæsari mittit quanto cum periculo legionem ex hibernis educturus esset, rem gestam in Eburronibus perscripsit, docet omnes equitatus peditarusque trebitorum tribus millibus passuum à suis castris confedissee. Cæsar mira celeritate venit ad Nervios, ibique copias Ambiorigis Ciceronem legatum cum legione secunda delere meditantes, Ambiorige fugato celeriter superavit ea; de victoria Labieno velocissimum nuncium misit. Hac fama ad treberas perlata, Induciomarus, qui postero die castra Labieni oppugnare decreverat, noctu fugit omnesque copias in trebiros reduxit. Deinde totius sequentis hyemis nullum tempus intermiserunt, quin trans Rhenum legatos mitterent civitates sollicitarent pecuniasque pollicitarentur, magna parte exercitus Romani interfecta minorem dicerent superesse nec tamen ulli civitati Germanorum persuaderi potuit ut Rhenum transirent cum se ex his expertos esse dicerent Ariovisti bello, non esse fortunam temprandam. Hac spe lapsus Induciomarus nihilominus copias cogere, arma exercere à finitimis comparare, exules dampnatosque tota Gallia magnis præmiis ad se allicere cepit; ac tantam sibi jam his rebus in Gallia auctoritatem comparaverat, ut undique ad eum legationes concurrerent, gratiam amicitiamque ejus publice privatimque peterent. Ubi intellexit ultro ad se veniri altera ex parte Senones Carnotesque conscientia facinoris instigari, altera Nervios Attuaticosque bellum Romanis parare neque sibi voluntariorum copias defore, si ex finibus suis progredi cepisset, armatum concilium indicit. Hoc more Gallorum initium est belli, in quod communi lege omnes puberes armati convenire coguntur, *qui ex his novissimus venit in conspectu multitudinis omnibus cruciatibus necatur.* In eo concilio Cingetorigem

gem alterius Principem factionis, generum suum, quem supra demonstravimus Cæsaris fidem secutum ab eo non cessisse, hostem judicandum curat bona ejus publicat. His rebus confectis in concilio pronuntiat accersitum se ab omnibus Senonibus & Carnotibus aliis compluribus Galliæ civitatibus hoc iter facturum per fines Remorum eorumque populatum agros ac prius quam id faciat castra Labieni oppugnatum, & quæ fieri velit præcipit.

CAP. XIII.

L Abienus cum & loci natura & manu munitissimis castris se teneret de suo & legionis periculo nihil timebat, & nequam occasionem rei bene gerendæ dimitteret cogitabat. Itaque à Cingetorige atque ejus propinquis oratione Induciomari cognita, quam in Concilio habuit, [nuntium] circummittit ad finitimas Civitates equitesque undique evocat; his certum diem conveniendi dicit: interim prope quotidie cum omni equitatu Induciomarus sub castris ejus vagabatur alias ut situm castrorum cognosceret, alias colloquendi aut terrendi causa; equites plerumque omnes tela intra vallum coniciebant. Labienus suos intra munitiones continebat timorisque opinionem quibuscunque poterat rebus augebat, cum majore in dies contemtionem Induciomarus accederet, nocte una intromissis equitibus omnium finitimarum civitatum quos accersendos curaverat tanta diligentia omnes suos custodiis intra castra continuit, ut ea res nulla ratione enuntiari aut ad trebiros perferri posset. Interim Induciomarus ex consuetudine quotidiana ad castra accedit atque ibi magnam partem diei consumit equites tela conjiciunt & magna contumelia verborum Romanos ad pugnam evocant; nullo autem à Romanis responso dato, ubi visum est sub vespero dispersi ac dissipati discedunt. Subito Labienus duabus portis omnem equitatum emittit, præcipit atque interdicit, perterritis hostibus, atque in fugam coniectis, quod fore, sicut accidit, vide-

videbat, omnes unū perant Induciomarū neve quisquam prius aliū vulneret quā illū interfectum videret, quod mora reliquorum spatium nactum illum effugere nolebat; magna proponit his qui occiderint præmia, submittit equitibus cohortes subsidio. Consilium hominis comprobatur fortuna & cum unum omnes peterent in ipso fluminis vado deprehensus Induciomarus interficitur, caput ejus refertur in castra, redeunt equites quos possunt consecretantur & occidunt. Hæc cognita omnes Eburonum & Nerviorum quæ convenerant copiæ discedunt pauloque habuit post id factum Cæsar Galliam quætiorem.

CAP. XIV.

Interfecto Induciomaro ad ejus propinquos à trebiris imperium defertur. Illi finitimos Germanos sollicitare & pecuniam polliceri non desistunt. Cum à proximis impetrare non possent, ultiores temptant, inventis nonnullis, civitates jure jurando inter se confirmant obsidibusque de pecunia cavent, Ambiorigem sibi societate & fœdere adjungunt. Quibus cognitis Cæsar concilio habito cum reliqui præter Senones & Carnutas trebirosque venissent, totus & mente & animo in bellum treberorum & ambiorigis succensus, cum Senonibus Carnutisque paciscitur acceptis eorum obsidibus. Erant menapii propinqui Eburonum finibus perpetuis paludibus silvisque muniti, qui uni ex Gallia de pace ad Cæsarem non miserant. Cum his erat hospitium Ambiorigi, idem per trebiros in amicitiam germanorum pervenerant. Hæc prius Ambiorigi detrahenda auxilia existimabat quā ipsum bello laceraret. Hoc inito consilio torius exercitus impedimenta ad Labienum in trebiros mittit, duosque ad eum legiones proficisci jubet, ipse cum suis legionibus expeditis quinque in Menapios proficiscitur illi nulla coacta manu loci præsidio freti in silvas & paludes confugiunt, suæque eodem conferunt

Cæsar

Cæsar partitis copiis cum centurione Fabio & Marco Crasso quæstore celeriter effectis pontibus adit tripertito, ædificia vicosque incendit magnoque pecoris atque hominum numero potitur. Quibus rebus coacti Menapii legatos ad eum pacis petendæ causâ mittunt: ille obsidibus acceptis hostium se numero eos habiturum confirmat, si aut treberos aut Ambiorigem aut eorum legatos finibus suis accepissent. His rebus confirmatis Comitum Attrebatem cum equitatu custodis loco in Menapiis relinquit.

CAP. XV.

INter hæc treberi magnis coactis peditatus equitatusque copiis Labienum cum una legione quæ in eorum finibus hyemabat, adoriri parabant jamque ab eo non longius via bidui aberant, cum duas venisse legiones missu Cæsaris cognoscunt, positis castris a milibus passuum XV auxilia Germanorum expectare constituunt. Labienus cognito hostium consilio sperans temeritate eorum aliquam fore dimicandi facultatem, quinque cohortibus præsidio impedimentis relicto cum viginti quinque [triginta quinque] cohortibus magno equitatu contra trebiros proficiscitur & mille passuum relicto spatio castra communit. Erat inter eos & Labienum difficili transitu flumen ripisque præruptis. Hoc neque ipse transire in animo habebat neque treberos transituros existimabat. Augebatur quotidie auxiliorum spectre veris Labienus loquitur in concilio palam: cum Germani appropinquare dicantur sese suas exercitusque fortunas in dubium non devocaturum & postero die prima luce castra moturum. Celeriter hæc ad trebiros deferuntur, & ex magno suorum equitatus numero non nullos Gallicis rebus favere natura cogebat Labienus nocte tribunis militum primisque ordinibus coactis quid esset sui consilii proponit & quo facilius det hostibus ti-

moris suspicionem majore strepitu & tumultu quam publicæ rei fert consuetudo, castra moveri jubet. Hiis rebus fugæ similem profectionem efficit. Hæc quoque per exploratores ante lucem ad Trebiros deferuntur. Vix agmen novissimum extra munitionem processerat cum Galli cohortati inter se ne speratam prædam ex manibus dimitterent, longum esse perterritis Romanis Germanos expectare neque suam pati dignitatem ut tantis copiis tam exiguum manum præsertim fugientem adoriri non audeant, flumen transire & in loco iniquo bellum committere non dubitarunt. Quod fore suspicatus Labienus ut omnes citra flumen eliceret eadem usus simulatione itineris placide egrediebatur. Cum remissis paululum impedimentis atque in tumultu quodam collocatis cohortatus milites simul signa ad Gallos converti aciemque dirigere jubet, paucis turmis ad impedimenta dimissis, reliquos equites ad latera disponit. Romani celeriter clamore sublato pila in trebiros mittunt. Illi ubi præter spem quos fugere credebant, infestis signis ad se ire videre, imperum modo ferre non potuerunt ac primo concursu in fugam coniecti, proximas silvas petierunt quos Labienus equitatu confectatus magno numero interfecto, compluribus captis, paucis post diebus civitatem recepit. Nam Germani qui auxilio venerant, percepta treberorum fugâ sese domum contulerunt. Cum hiis Induciomari propinqui, qui defectionis autores fuerunt, comitati eos ex civitate excesserunt, Cingetorigi quem ab initio permanisse in officio demonstravimus principatus atque imperium est traditum.

CAP. XVI.

Cæsar verò postquam ex menapiis venit in trebiros, duobus ex causis Renum transire voluit, quarum erat altera quod contra se auxilia treberis miserant, altera ne Ambiorix receptum ad eos haberet. Firmo in Trebis præsidio

fidio ad pontem relicto nequis ab hiis subito motus oriretur, cum reliquis copiis contra Sævos qui auxilia treberis miserant Renum transivit, Non alienum videtur esse, de moribus trebitorum vel Gallorum proponere quibus videlicet moribus ex parte scæduse est læsum, quod cū Rōanis habuerant. In treberis non solum in omnibus pagis & partibus, pene etiam in singulis domibus, factiones earumque factionum principes fuerunt, qui summam auctoritatem ex iudicio habebant, quorum ad arbitrium iudiciumque summa omnium rerum consiliorumque redibat, idque ejus causā antiquitus institutum est, ne quis ex plebe contra potentiorē auxilii egeret suos enim quisque opprimi & circumveniri non patitur, neque enim aliter si faciant ullam inter suos habent auctoritatem. Hæc eadem ratio est in summa totius Galliæ namque hæc civitas ideo detrimentum sustinuit quod alterius factionis erat Induciomarus, alterius Cingetorix.

CAP. XVII.

IN ea sicut in omni Gallia, eorum hominum qui in aliquo numero & honore censentur genera erant duo, nam plebs pene servorum habebatur loco, quæ per se nihil audebat, nulli adhibebatur consilio plerique cum ære alieno aut magnitudine tributorum aut injuria potentiorū premebantur, in servitutem se dicabant nobilibus, in hos omnia jura quæ domini in servos. Sed de his duobus generibus alterum erat, Druidum hoc est Philosophorum, alterum equitum. Illi rebus divinis intererant; sacrificia publica ac privata procurabant, religionem interpretabantur, ad hos magnus adolescentium numerus disciplinæ causa concurrebat, magnoque hiis erant apud eos honore; nam fere de omnibus controversiis publicis privatisque constituebant, & si quod facinus admissum, si cædes facta, si de hæreditate de finibusque controversia erat, iidem decernebant præmia pænæque constituebant.

Si quis autem privatus aut populus eorum decreto non obediebat, interdicebant. Hæc pæna apud eos gravissima, ab hiis omnes discedebant aditum sermonemque fugiebant, nequid ex communione incommodi acciperent, neque hiis petentibus jus reddebatur, neque honor ullus communicabatur. Hiis autem omnibus Druidibus præerat unus, qui summam inter eos habebat auctoritatem. Hoc mortuo si quis ex reliquis excelluit dignitate, successit, aut si erant pares plures, suffragio Druidum eligebatur. Nonnunquam etiam armis de principatu contendebant. Hii certo tempore anni in finibus Carnotum, quæ regio totius Galliæ habetur media, confidebant in loco consecrato; huc omnes undique qui controversias habebant conveniebant, eorumque decretis iudiciisque parebant. Disciplina in Britannia reperta atque inde in Galliam translata existimatur. Et qui diligentius eam rem cognoscere volebant plerumque illo discendi causa proficiscebantur. Druides immunes a bello esse consueverant neque tributa unquam cum reliquis pendebant, militiæ vacationem, omniumque rerum habebant immunitatem. Tantis excitati præmiis, multi & sua sponte in disciplinam veniebant, & à parentibus propinquisque mittebantur. Itaque nonnulli annos vicanos in disciplina permanebant, neque fas esse existi mabāt, eam literis mandare, cum in reliquis rebus fere publicis privatisque rationibus Græcorum uterentur literis. Id nobis duabus ex magnis causis instituisse videntur, quod neque in vulgus efferrī disciplinam vellent, neque eos qui discebant, literis confisos minus memoriæ studere, quod plerisque accidit ut præsidio literarū diligentiam in perdiscendo ac memoriam amittant. In primis hoc volebant persuadere, non interire animas, sed ab aliis post mortem transire ad alios. Atque hoc ad virtutum excitare putabant metu mortis neglecto. Multa præterea de sideribus atque eorum motu de mundi

mundi ac terrarum magnitudine, denatura rerum, de vi ac potestate Deorum disputabant, & juventuti tradebant. Alterum genus erat equitum. Hi cum erat usus atque aliquod bellum acciderat, quod ante Cæsaris adventum fere quotannis accidere solebat uti aut ipsi injurias inferrent, aut illatas propulsarent, omnes in bello versabantur; atque eorum ut quisque erat genere & copiis amplissimus, ita plurimos circa se ambactos clientesque habebat. Hanc unam gratiam potentiamque noverunt. Natio erat omnis Gallorum adeo dedita religionibus, atque ob eam causam qui erant affecti gravioribus morbis, qui in periculis præliisque versabantur aut pro victimis homines immolabant, aut se immolaturos vovebant, ministrisque ad ea sacrificia Druidibus utebantur, quod pro vita hominis nisi vita hominis redderetur non posse aliter deorum immortalium placari numina arbitrabantur. Publiceque ejus generis habebant instituta sacrificia. Alii magnitudine immani simulachra habent, quorum contexta [contexta] viminibus membra vivis hominibus complebant quibus succensis circumventi flamma exanimabantur homines. Supplicia eorum qui in furto aut latrocinio aut aliqua noxa forent comprehensi gratiora Diis mortalibus esse arbitrabantur. Sed cum ejus generis copia deficeret, etiam ad innocentum supplicia descendebant; Deum maximè Mercurium colebant. Hujus erant plurima simulachra, hunc omnium artium inventorem ferebant, hunc viarum atque itinerum ducem, hunc ad quæstus pecuniæ mercaturasque habere vim maximam arbitrabantur. Post hunc Apollinem Martem, Jovem, & Minervam. De his eandem quam reliquæ gentes habebant opinionem Apollinem morbos depellere, Minervam opera [operum] atque sacrificiorum initia tradere, Jovem imperium cælestē tenere, Martem bella regere, huic cum bello dimicandum foret ea, quæ bello cepissent plerumque devovebant, quæ

superassent, capta animalia immolabant, reliquas res in unum locum conferebant. Multis in civitatibus harum rerum exstructos tumulos consecratis locis olim & adhuc conspiciari licet. Namque [neque] sæpe accidit ut neglecta quispiam religione aut [capta] occultare aut posita tollere auderet gravissimumque supplicium ibi horum delictorum cum cruciatu constitutum erat. Treberi se sicut & omnes Galli à Dite patre prognatos, prædicabant idque à Druidibus proditum dicebant, ob eam causam spatium omnis temporis non numero dierum sed noctium finiebant; & natales & mensium & annorum initia sic observabant, ut noctem dies subsequeretur. In reliquis vitæ institutis hoc fere à reliquis gentibus differebant, quod suos liberos, nisi cum adolevissent ut munus militiæ sustinere possent, palam ad se adire non patiebantur, filiumque in puerili ætate in conspectu patris in publico assistere turpe. Viri quantas pecunias dotis nomine acceperant tantam ex suis bonis existimatione facta cum doribus communicabant. Huius omnis pecuniæ coniunctim ratio habebatur, fructusque servabantur ut cuius vita superavisset ad eum pars utriusque cum fructu superiorum temporum perveniret. Viri in uxores sicut in liberos vitæ necisque habebant potestatem & cum pater familiæ illustriore loco natus decessisset ejus propinqui conveniebant & de morte si res in suspensionem venisset, de uxoribus in servilem modum questionem habebant & si compertum, igne atque omnibus tormentis excruciatas interficiebant. Funera erant pro cultu [pro capto] Gallorum magnifica & sumtuosa omnia, quæ vivis cordi fuisse arbitrabantur, in ignem inferebant & animalia ac paulo supra hanc memoriam servi & clientes quos ab his dilectos esse constabat, justis confectis una cremabantur. Habebant & hoc legibus sancitum, siquid de republicâ à finitimis rumore accepisset.

accepissent, uti magistratum deferrent neve cum alio aliquo communicarent quod sæpè homines temerarios atque imperitos falsis rumoribus terreri & ad facinus impelli & de summis rebus consilium capere cognitum est. Magistratus quæ visa erant occultabant quæ esse utilia judicassent, multitudini prodebant de re publica nisi per concilium loqui non concedebatur.

CAP. XIIII.

Cæsar igitur sicut prædiximus, Cingetorigi principatum treberorum concessit, civitati, ob egregiam in se & bene meritam Cingetorigis fidem, & focieratem pristinam & libertatem indulsit; Ipse omni Gallia quæ saltu pyrenæo alpiisque & monte Cebenna qui est ad Occidentem urbis trebirensis, & fluminibus Reno ac Rodano continetur, patetque in circuitu ad bis & tricies centum millia passuum in provinciæ formam redacta, stipendii nomen imposuit excepta ut diximus trebironum civitate propter ejus antiquissimam auctoritatem & Cingetorigis egregiam fidem, & sic Romam ire disposuit. Sed cum intellexisset à Pompejo & Senatu triumphum sibi ob invidiam denegari, reversus in Galliam Germanos & Gallos in amicitiam sibi ascivit & eorum auxilia magna accepit. Cui & Trebiri nihilominus auxilia contulere. Grata fuit Gallis hæc belli administratio videlicet videtur ad Romam bellum referri, à qua sibi dudum per Cæsarem fuerat illarum, quæ multitudine victus Caesar Pompeium & Senatum Roma expulit, postea ad mortem coegit, Romanum regnum solus obtinuit, post aliquantos annos à senatoribus occisus interiit.

CAP. XIX.

CAP. XIX.

HUic successit Octavianus ejus ex sorore nepos, qui Claudium, Tiberium, Neronem & Drusum privignos suos misit ad Gallos rebellantes pacandos. Ille est Tiberius qui post Augustum imperavit. Hic ergo cum Druso ad Remum in loco quodam Bingis, contra gallos dimicavit, in quo conflictu Drusus occisus est. Tiberius post magnam Drusiani exercitus stragem [cædem] tandem cruentissime vicit. Ceciderunt in eo prælio omnes copiae Trebironum. Galli usque ad internationem deleti sunt ibi, sicut Ausonius dicit, Latias æquavit Gallia Cannas Inflatæque jacent inopes super arva catervæ. Drusus Moguntiam relatus ibique sepultus est; dicit tamen Sveronius eum Romam relatum Tiberiumque pedes [peditem] funus ejus prosecutum.

CAP. XX.

Igitur anno imperii Octaviani Augusti XLII, in quo firmissimam verissimamque pacem Dei ordinatione idem Cæsar composuerat, natus est Christus cujus adventui pax ista famulata est, in cujus ortu audientibus hominibus exultantes angeli cecinerunt gloria in excelsis Deo & in terra pax hominibus bonæ voluntatis Cæsare defuncto Tiberius successit cujus Imperii anno XV^o. Christus jam XXX^u annorum à Johanne baptizatus est deinde XII discipulos elegit, & in eorum solatium LXXII discipulos postea designavit. Postquam verò Dominus noster passus mortuus, & sepultus, à mortuis resurrexit, & in cælum ascendit: beatissimus Petrus, Apostolus, Antiochenam ecclesiam primam confessione Christiani nominis super solidissimam petram fundavit & Pontum, Gallatiam, Capadociam atque Bithiniam verbo prædicationis illustravit. Igitur cum beatissimus Petrus, Apostolorum

lorum Princeps ac universalis ecclesiæ Pastor à Domino constitutus Antiochenam primitus fide, quæ in Deum est catholica fundasset, ecclesiam, eam VII circiter continuis regeret annis, urbi quæ sicut in gentilitate ita in Christianismo meritis videlicet beati Petri totius orbis Principatum sortita, est ejusdem fidei normam pastorali solertia inferre ordinavit, cujus rei gratia anno, sicut ab historiographis accepimus regni Claudii Cæsaris III^{to} illuc ingressus largiente Domino signis & virtutibus ac per verbum sacre prædicationis non modica populorum fruge acquisita civitates & nationes ubique locorum dæmoniorum ne dicamus Deorum cultui deditas esse sapius ingemiscens, ideoque quod sine ulla ambiguitate credi potest, interpellato sapius in oratione sua Domino quatenus novellæ plantationi suæ provideret incrementa, cœlestia scilicet operarios mitteret in messem suam, tandem salubri deliberato consilio beatum Eucharium suum condiscipulum sanctitatem suam ab Jerusalem usque Romam profecurum, qui sicut nomen indicat Græcus erat, Pontificatus gratia sublimatum in hoc opus misit cui ex discipulis suis quos per Evangelium suum filios Dei genuit probatæ sanctitatis viros cooperatores verbo conjunxit, qui populum à servitute diaboli eruerent & ad creatorem suum sacris eruditionibus converti persvaderent beatum videlicet Valerium & Maternum Sinicium [Sinecium] & Mansvetum; Clementem & Felicem atque Memmium aliosque quam plures, quorum omnes ad Episcopatus promovit dignitatem in pluribus Galliæ civitatibus verbum Dei Evangelizandum beatum videlicet Eucharium Clementem, Mansvetum, Sinicium atque Weminium [Memmium] quosdam autem cæterorum Diaconatus sive Subdiaconatus habere fecit officium.

VErum tamen his omnibus, quod non sine remurmurante invidia dictum noverimus, Beatum præfecit Eucharium tam copiosiore ministerio quam & dignitatis privilegio, quippe qui secum pariter ab ipso Domino in carne commorante sicut à majoribus nostris traditum accepimus, sacrae fidei rudimenta percepit, qui & in illa sanctissima cœna, qua discipulis suis Dominus preciosa corporis & sanguinis sui mysteria celebranda contradidit convalescentibus affuit resurgentemque à mortuis ac in cœlos ascendentem cum Apostolis beata visione videre promeruit, sanctumque Spiritum, ac linguas omnium nationum in ignis accepit apparitione. Abierunt autem omnes hi sancti patres ad Galliarum populos verbo salutis Deo lucrificandos, per gentes, per viam, sanam doctrinam cunctis evangelizando. Tunc itaque divertit Clemens cum Felice, Mediomatricum, Mansuetum Tullum, Sinithius, Rhemis, Meminius Catalaunum ceterique in loca sibi à Deo præordinata: & prosperatum est verbum Dei in manibus eorum. Beatus vero Eucharis cum Diacono suo Valerio videlicet Elegie qui est vicus grandis provinciae Galliae Materni commilitonis sui per maximam valetudinem desolatus substitit, qui crescente eadem infirmitatis molestia animam reddidit quod multorum salutis causa accidisse sequens lectio demonstrat. Nam cum eum terræ commendassent sancti viri pie pro depositione ejus lugentes concito gressu Romam revertuntur, magistro suo supra dicto beato Petro quæ in via gesta sunt nunciantes, hoc adjicientes quod in populum duræ cervicis devenissent in quo convertendo nisi virtus Domini nostri Jesu Christi, Materni resurrectione manifestaretur parum se profecturos quos beatus Petrus consolatus ait: Nolite lugere carissimi mei quia mortem Fratris vestri Dominus Deus noster ad vitam mul-

multis providit. Confidite in Domino & nolite desperare, aderit enim divina Clementia quæ vos super tristitiâ vestrâ consoletur. Dans Eucharistia baculum quo senilia sua membra sustentabat ita dixit; Via qua venistis in dubitanter recurrentes hunc baculum meum deferre vobiscum accedentesque ad locum sepulchri effosso corpori baculum superponite dicendo; Materne in nomine Jesu Christi surge. Denique accepta benedictione Magistri denuo ad Elegiam cum fiducia properabant, quo cum pervenissent, & accessissent ad sepulchrum, multa cum eis turba per voluntatem concurrente videndi causa quid fieret, Eucharistia nichil de se præsumens sed magnam auctoritatem Magistri commendans præmissa oratione dicebat, Materne Frater præcepit tibi Magister meus Petrus Apostolus ut in nomine filii Dei & Domini nostri Jesu Christi à morte resurgas & nobiscum populo huic qui circumstat creatorem suum confiteris. Et ille quasi de somno evigilans vivus & sanæ meritis nomine Christi assurrexit, habens jam in sepulchro dies XL quo viso miraculo non solum omnes hi qui aderant sed & multi longe positorum ad quos hæc fama perlata est eadem hora, Idolis renunciantes ceperunt ad sanctos Dei confluere, & ut cognitionem fidei Christi & Baptisma ipsis darent postulare, confitentes clara voce hunc esse verum & tremendum omnique nationi Deum adorandum, cujus invocato nomine servi ejus talia possent miracula facere & acceptis fidei rudimentis & regeneratione baptismatis cum celeritate ipso in loco basilicam in honorem & memoriam virtutis Domini nostri Jesu Christi construxerunt. Cui ex resurrectione quæ illic celebrata est nomen imposuerunt tam Spiritualem animarum suarum quam corporalem materni resurrectionem recolentes. Omnibus igitur per gyrum in confessione fidei solidatis aliis etiam regionum gentibus beati viri

verbum salutis impertitum ire disponebant & commendatis omnibus ei cui se per fidem subdiderant, abeuntes per viam semina vitæ serendo tandem divino ductu Treverim quæ magna civitas est Metropolis Belgicæ Galliæ pervenerunt. Hoc in loco salva lectoris caritate libet quædam de illius civitatis antiquitate ac situ commemorando aliquantisper immorari, quod series rerum inibi gestarum quas dicere conamur aliqua ex parte monstrabit non esse abs re.

CAP. XXII.

Sicut Gallica narrat historia sub temporibus Abrahæ Patriarchæ Ninus potentissimus rex qui ædificavit civitatem Niniven de qua Jonas Propheta perhibet testimonium quod magna sit itinere trium dierum, de quadam regina Chaddæorum filiū Trabetam dictū procreavit. Cui reginæ, inquā si dum adhuc viveret nescio uxorem aliam dictam Semiramis superduxit quæ post longo tempore Nino de functo eundem Trabetam voluit sibi in conjugio copulare, Cui cum juvenis noluisset in re tam nefaria consentire, illa ut erat acris animi multis eum dolis ac veneficiis aggreditur, demum innumeris bellorum persecutionibus fatigatum totius regni finibus propulsavit, Qui pervagatis plerisque orbis partibus nec invento in quo sibi remanere placuisset loco, tandem sorte ductus Belgicam Galliam elegit, quæ perlustrata, in eum qui nunc Treviris est locum devenit, quia inhabitandum sub oculis ejus valde complacuit & digne, erat enim ut nunc est delectabilis nulla inhabitantibus aeris incommoditate nociva, planitie satis ampla & ut paucis dicamus omni deliciarum suntuositate referta, natura munitissima quam altis muris ac desuper nemoribus ex omni parte circumsepta & secus eam versus occidentalem plagam in pede montis fluvius decurrens cui Mosella nomen est gustata dul.

stodulci ac lavationi salubris locuples piscium & magnarum fertilis navium, in cujus ripa, ea videlicet quæ ad occidentalem est plagam fluviolus est quidam qui civitatem intuens Belgis nomine influit à quo tota provincia nomen accepit. Hac in valle cum nobilis ille juvenis consedisset & placuisset ei ut inhabitaret ibi, fretus auxilio non tam suorum qui secum venerant quam & aliorum qui de diversis regionibus tum ob auditam herilium advenarum nobilitatem ac fortiorum factorum quæ de ejus fama disperferant patrationem, tum & propter loci firmitatem confluebant, cepit ædificare civitatem post in processu temporis civitatibus multis honore ac dignitate præminentem, ita ut omnium diceretur Caput regionum in Europa tertia videlicet orbis consistentium quam in sui memoriam eo quod primus eam cœpisset inhabitare eamque moriens Filio suo Hero nomine gubernandam dereliquit, Treberim appellavit ex nomine Trebere. Hoc nimirum quod multis totius Galliae civitatibus eadem Civitas fortitudine prælata sit earumque gentes subegerit armis, testantur usque in hodiernum in pluribus locis earundem devictarum Civitatum ab ipsis triumphatoribus constructæ tunc munitiones firmæ nunc autem veteres ruinæ quæ hoc vel huic simile in suis superficiebus scriptum continent: *Huc usque jura Trebironum.* Namque ut ferunt id erat moris victoribus, ut si gentem vel regionem armis caperent mox à principiis in finibus ad tutamen ditionis eorum municipia construerent, gentemque legibus suis cum traditionibus servire cogerent.

CAP. XXIII.

Revit itaque Civitas illa regia omni ut dictum est excellentia sublimis muris ac vallo circumdata turribus altis & firmis munita, quatuor habens publicas portas,

† D3

qua-

quatuor mundi climatibus oppositas, quarum prima quæ ad septentrionem respicit ex lapidibus quadratis non cœmento sed ferro mirabili arte compaginati constructa; Nigra porta vel Martis nomen accepit. Martis, eo quod inde viri civitatis ad bella processuri egrederentur, Nigra vero pro eo quod cum non bene illis in bello succederat per eam tristes regrederentur, vel quod per eam defuncti civitatis sepeliendi efferrentur. De secunda quæ est ad orientem porta alba dicitur, quod cum de bello victores revertebantur apud illam bubus albis instructi cum laudibus ac triumphis a Concivibus solenniter excipiebantur. Tertia vero quæ ad meridionalem spectat plagam porta media nominatur, quod per eam ingredientibus per mediam civitatem iter pateat. Quarta autem videlicet ad solis occubitum sita ex lapidibus quadrangulis opere præclarissimo fuit instituta cujus in exitibus statio vel portus navium, per alveum supra nominati fluminis secus decurrentis hinc & inde venientium, pro quibus per noctem illuminandis hæc eadem porta quasi sole & luna ac stellis erat auro ac lapidibus pretiosis artificiosè fabricatas insignita, unde ab operis præclaritate inclýta porra dicta est ex nomine. Adhuc plura de ejusdem civitatis vel decore vel firmitate liber persequendo commemorare si te ôlector non pigeat auscultare. Hæc utique civitas multo est Romæ conditione antiquior quæ cum fuisset ut dictum est muris portis ac turribus circumquaque munita unanimiter omnes inhabitantes populus ac principes ad ornatum illius animos converterunt & extruxerunt in parte occidentali templum studiosissime intrus & foris auro decoratum multorum idolorum numinibus illud dedicantes, quorum effigies qui adhuc diligenter consideret inscriprasibi vel affixas parieti reperiet quæ usq; in hodiernũ diẽ quod innumeris fuit dæmonibus consecratum vulgus dicit

Centifanū appellatū. Hujus in vestibulo ex lapide quadro insignis arcus exurgens habet ferream Mercurii imaginem dictū mirabile in aëre pendentem seorsim autem Jovem marmoreum, scutellam auream manibus tenentem cui thus immisum redolebat in naribus circumstantium tanquam si igni mitteretur nec tamen urebatur, quod ne forte nostris dictum verbis tanquam à nobis confictum credere quis detrectet, non nos, sed potius audiat *Galbam Viatorem Lucinio Sophista* hoc ipsum inter cætera rerum stupendarum quas viderat & audierat his verbis contestantem. Sic enim ait; Audi præterea quod mireris: Treberis est civitas Galliæ nobilis, ubi senecio quidam cujus hospitio usus sum per XII dies in suburbio civitatis ferream imaginem Mercurii volantis magni ponderis ostendit in aëre pendentem; Erat autem magnes ut hospes idem mihi ostendit, supra in fornice itemque in pavimento, quorum naturali vi è regione sua ferrum ingens quasi dubitans in aëre remansit. Vidi etiam in eadem urbe ingenti & pretioso marmore. Jovem scutellam auream duorum pedum latitudinis tenentem, ubi hoc inerat scriptum: Jovi Vindici Trebirorum ex censu quinque civitatum per tria decennia denegato sed fulmine & cœlesti terrore extorto. Factum arte mechanica; Nam thus quasi prunis impositum redoler, si immiseris, nec tamen deficit, quod ita probavi esse.

CAP. XXIV.

HUjus etenim [etiam] opinatissimæ civitatis fama cum fuisset suo ad huc in tempore ubivis divulgata quod esset inexpugnabilis inhabitantium fortitudine quodque non esset ei similis, jure, bonis, meritorum nobilitate, triumphis. Longe post cum fuisset Roma condita & viri potentes dominarentur in ea, quidam eorum nobilis Ari-maspes nomine Consul primusque senatus illorum, divertit videndi causa, si vera sunt quæ de illa fama dispenserat, & ut

ut vidit non ultra Romam rediit sed concessio sibi illic magnatorum collegio, secundum Romanas consuetudines cultum & officia ac diversa dignitatum nomina, consilium, duces, instituit. Hoc equidem à veritate non discrepare satis evidentia sunt testimonia imagines & tituli, qui consulum aut senatorum vel primorum [Patriciorum] aliarumque dignitatum nominibus & gestis ad perpetuandam eorum memoriam lapidibus insculpti per omnem ferè civitatem sub collibus, aut pyramidibus, vel acervis lapidum defossi inveniuntur. Itemque astruunt hæc ruinæ theatri adhuc superstites quod ut diximus juxta Romanum ritum ad exercendos Circensium ludos & Palæstras institutum est.

CAP. XXV.

ITaque modo quo diximus Civitas illa Treverica se extulerat, ut post cum Romani totam terram suo decreverunt subjugare imperio, subactis omnibus regionibus juxta vel procul consistentibus, sola hæc nimium confidens in viribus suis cum pertinentiis suis tota videlicet Gallia, Francia, & Germania resistere præsumsit. Tempore illo Julius qui dicebatur Cæsar apud Romanos consularis officium administrabat, simulque à Senatu hoc in mandatis accepit, ut adversus Gallos aciem dirigeret, & Romanis obedire compelleret. Venit ergo & obsedit Treverim Metropolim Gallicæ provinciæ. De cujus speciali prærogativa fortitudinis in toto ut præmisimus orbe fama pervolavit, ubi per totum fere decennium impugnando frustra laboravit quam diu namque unanimitatem & concordiam inhabitantes servaverunt invicem ab hostibus vinci non potuerunt. Mox vero ut hanc prætererunt non substituerunt. Tunc enim magno quodam infortunio duo de optimaribus qui civitati principabantur, Induciomarus & Cingetorix, quorum alter Patricia, alter

Con-

Consulatus dignitate pollebat, inter se de [principatu] primatu contendebant, quis eorum videretur esse major. Cumque hujusmodi dissensio inter eos ageretur Cingetorix clam foras egressus Julii castra adiit & si ei Principatus concederetur dediturum se civitatem repromisit, quod cum ad petitionem ejus firmatum fuisset, egit ut hostibus pateret ingressus sicque regiae illius Civitatis fastus magna ex parte attritus. Sed quid conferte ejusdem Civitatis secularem gloriam & regiam nobilitatem commemorare? Utilius est namque & plus habet specialis laetitiae si eam qua ad meliorem vitam est per gratiam Dei provecta conditionem, studeamus exponere.

CAP. XXVI.

ANNO igitur incarnationis Dominicae LIII regni autem Claudii Caesaris IX^o Episcopatus vero beati Petri Apostoli in Roma anno VIII^o Sanctus Eucharis tertius in ordine LXX duorum discipulorum Domini cum Sociis suis Valerio & Materno ad praedicandum Gallicis gentibus directus, demum Treberem pervenit. Cujus infidelitatis arcem [arcem] devincens verae religionis arcem obtinuit & ejusdem urbis Pontificatum XXIII^{bus}. [XXXV] annis tenuit [obiit autem VI. Id. Decembr. ac] Sepultus est in Ecclesia Beati Johannis Evangelistae quam ipse ante portam mediam construxerat & in circuitu ejus Coemiterium benedixerat. Post cujus obitum Valerius in ministerium sacerdotale successit illudque per XV annos sancte vivendo & verbum vitae praedicando probatissime rexit. Cujus praedicationis tanta fuit instantia ut jam tunc per Galliam & Germaniam Christiani paganos & numero superarent & religione. [Obiit autem 1. Kal. Febr.] Sepultus est & ipse in eadem Ecclesia juxta corpus S. Eucharis post cujus decessum Beatus

† E

Mater-

Maternus Pontificalem suscipiens apicem XL annis talentum sibi creditum fideliter multiplicavit. Hic Tungrenses & Aggrippinenses ad fidem Christi convertit & histribus civitatibus pontificali jure præsedit in quibus singulis ferrur, uno eodemque paschali die divinum officium celebrasse. In hoc tempore fecerunt Treberi subterraneam viam ductam à Treberi usque Coloniam per pagum Hedonis, per quem magnam copiam vini Colonienfis amicitiæ causa miscrunt. Iisdem diebus venit Treberim Sanctus Nazarius prædicans Christum sed à civitatis infelicissimo Principe Cornelio Domitiano Imperatori delatus est. Igitur Stus Maternus apud Coloniam obiit Senex (18. Kal. Oct.) anno Domini cæ incarnationis CXXVIII. Cujus obitu Treberi comperto mox Coloniam profecti sunt Pastorem suum repetentes. Aderant & Tungrenses qui simul cum Coloniis eum sibi retentare satagebant. Certamen diu ab utrisque erat. Interim venerandus quidam senex in urbe apparuit monens cives ut à lite desistentes suis parerent consiliis, & corpus Pontificis in navi ponentes dein à litore fluctibus impellentes quo Deus velit abire sinant. Mira res mox ut Angelus consuluerat factum est, navis sacro corpore onusta nullo se regente Naulario, angelico remigio contra fluctus dirigitur & parvo horarum spatio miliario confecto in loco qui ex tristitia Colonienfis Roze vocatus est litore applicatur. Tunc Treberi corpus sui Pontificis à deo sibi destinatum cum debita gratiarum actione suscipientes Treberim revexerunt & in Ecclesia non longe à corporibus Sanctorum Eucharri & Valerii honorabiliter sepulturæ tradiderunt.

CAP. XXVII.

DEIN Auspicius quidam Ecclesiæ regimen tenuit. Dein insignes per legitimas successiones, salubritate (sanctitate)

tate) & gratia pollentes extirerunt Felix, Mansuetus Clemens, Moyſes, Martinus, Anaſtaſius, Andreas, Ruſticus, Auſtor, Favricius, Fortunatus, Caſſianus, Marcus, Navirus, [Havirius] Marcellus, Metropolis, Severinus, Florentius, Martinus, Maximinus, Valentius [Valentinus] quorum VIII ultimi etiam Tungrenſi Eccleſiæ præſuiſſe noſcuntur, qui omnes diverſiſ temporibus non ſolum in propria provincia ſed in extimis & ultimis induſtrii & illuſtres non ſolum conſeſſione quin & martyrio exiſtentes regna tyrannorum vicerunt, qui videlicet Epiſcopi omnes in Eccleſia S. Eucharii ſepulti eſſe creduntur. Quorum autem Imperatorum vel Conſulum ſinguli claruerint temporibus quosque vita eorum habuerit exirus quotque ſinguli annis adminiſtraverint officium Pontificatus, ſeu quantum quiſque ampliaverit Eccleſiæ ſuæ reditus, quia totius Galliæ ab Hunnis & Nortmanis facta abolevit everſio, nec à nobis lectorum cujuſque requirat exactio, cum & antea diris X. perſecutionibus, ſub quibus vixere eorum memoriam fama ſcriptorum ſtudio minus potuerit divulgando perpetuare. Primus etenim Nero Chriſtianos perſecutus eſt, Secundus domitianus, III^{us}. Trajanus, IV^{us}. Marcus Antoninus, V^{us}. Severus, Pertinax, VI^{us}. Maximinus, VII^{us}. Decius, VIII^{us}. Valerianus, IX^{us}. Aurelianus, X^{us}. Diocletianus cum Maximiano. Harum itaque perſecutionum temporibus prædicti viri Trebirrorum præſulatum nequaquam manifeſte ſed ſicut ait Apoſtolus in ſolitudinibus & montibus & caverins terræ peregiſſe probantur. Ut merito eorum vita tam fervente tunc ubique perſecutione quam poſtea exterminata ſæpius Trebirrorum civitate oblivioni tradita fuiſſe credatur. Auxit hoc infortunium humani generis adverſarius, Poſtquam denique inſeparabilis Trinitas tres Evangelii ſui operarios perpetim remunerandos ſcilicet Eucharium, Valerium & Maternum vocavit ad

superos: Treberi rectæ fidei credulitatem amiserunt & ad pristinum paganismi vomitum ex maxima parte redierunt.

CAP. XXVIII.

ANno Dominicæ incarnationis CCXCI^o Maximianus Imperator Romanus cognomento Hercules propter frequentes Gallorum tumultus Thebæos milites ab Oriente in auxilium accersivit. Hi Thebæi ab Antistite Jerosolymitano fuerant baptirati dein à beato Marcellino PP. Romano qualiter sub armis Romanæ libertatis Christianam innocentiam custodire deberent instructi, prælati sunt autem huic legioni duces duo quorum unus Tyrsus [Thyrsus] alter Secundus vocabatur & Mauricius ejusdem primipilarius, quorum ordine & nomine Secundus apud Viëtemilium [Victimilium] Italiæ castrum morte vitam finivit, Mauricius vero apud Agaunum oppidum cum suis sociis pro Christo victimatus occubuit. Tyrsus autem & Bonifacius cum suis plurimis sociis & milibus in Treberim devenerunt ibique in campo Marcio castra posuerunt, ubi ab ejusdem civitatis Christianissimis Principibus Christianitatis & pacis signa in ipsis cognoscentibus Christianiter & amicè hospitaliter & honestè summa quæ in deo est ordinante hæc caritate recepti sunt. His ergo principibus dum causam suæ ab oriente perfectionis suæque ad huc perventionis flebiliter retulissent eorumque consilium simul & auxilium humiliter postulassent flagranti adeo Sancti Spiritus ardore corda omnium & civium & hospitum in dei amore accensa sunt, ut ad mortis magis pro Christi amore susceptionem quam ad idolorum venerationem vel Christianorum oppugnationem se animas præbere invicem exhorrentur. Vix dum ergo Sanctæ exhortationis armis se invicem munierant; Cum ecce Ricci-

ovarus

ovarus [Rutiovarus] à Maximiniano Imperatore Trebi-
orum præfectura donatus eandem urbem cum maximo mili-
tum agmine stipatus intravit, qui vocatos ad se in primis quo-
rum causa præcipue venerat Thebeæ legionis Christianos in-
terrogavit, utrum & ipsi Romanorum deos adorare eorum-
que detractores armis vellent subjugare, cui cum dux legi-
onis Tirsus responderet se suosque omnes & socios & milites
pro Christi amore malle mori quam hujusmodi sacrilegio
pollui. Rittiovarus diffusis per totum campum militibus
omnes præcepit interfici & corpora eorum feris avibusque de-
voranda relinqui. Ex his innumeris tanta multitudo ad li-
tus Mosellæ juxta Capitolium martyrizata est, ut sanguinis
rivuli defluentes in Mosellam aquæ permixti eam in suum
colorem converterent usque ad castrum quod Nimmaga,
[Neomagum] dicitur, ut naturali claritate remota pereгри-
no magis quam proprio colore ruberet. Inhumatis tunc
sanctorum corporibus unda præbebat tumulum, quo rede-
unte grata compage membrorum futuro ea repræsentaret
judicio. Hoc idem Capitolium postea in honore Sanctæ Ma-
riæ semper Virginis est dedicatum. Et ipse locus ob memo-
riam Martyrum Littus ad Martyres accepit vocabulum.
Hanc eadem Rittiovarus [Ricivarus] exercuit videlicet
Tirsi & sociorum ejus die IV Non. Octob. Seqenti autem
Palmacium [Dalmatium] Consulem cum XI principibus oc-
cidit, quorum nomina hæc sunt: Maxentius, Constantius,
Crescentius, Justinus, Leander, Alexander, Sother, Hormisda,
Papirius, Constantius, Jovianus, III. nihilominus die Rittiovarus
[Ricciovarius] eadem exercuit in plebem sexus utriusque
& ætatis totamque urbem occisis innumerabilibus Christianis
implevit. Pauci ergo Christiani qui hujus persecutionis pro-
cellas fuga declinaverunt, postquam aliquantum cessavit,
horum martyrum corpora partim sepulturæ tradiderunt,

& quendam ingentis capacitatis puteum vetustate neglectum & aquis exhaustum eorum ossibus repleverunt. Quærit aliquis quomodo Rittiovarus tantam multitudinem civium & peregrinorum occiderit vel quare Thebæi vel Treberi sibi resistere non valuerunt. Sed norandum quod hæc legio Thebæa primum juravit in Sacramenta Dominica, [divina] deinde in Sacramenta regia hæc duo Sacramenta se observasse demonstrat, primum quod idolis immolare contempsit, secundum, quod innocentiam suam dum bene potuit armis defendere noluit; Alioquin si juncti Thebæi Trebirensibus se defendere voluissent, non solum Rittiovari sed & Maximiani potentia resistere quivissent. Sed servavit sacramentum suum patienter moriendo & cives urbis potentissimæ secum ad contemptum mortis fideliter invitavit.

CAP. XXIX.

Post Rittiovari cruentissimum Dominatum tandem civile nobis Constancii primo Cæsaris dehinc Augusti incepit imperium. Hic multa clementia erga homines, erga Deum vero religione maxima utebatur, neque piorum sanguine regnum suum maculavit, neque Oratorum domos destruxit, sed cultores Dei venerationi habuit & honori. Hic non modo amabilis sed venerabilis etiam Treberibus fuit, præcipue qui ob Diocletiani suspectam prudentiam & Maximiani Rittiovarique sanguinariam temeritatem imperio ejusevaferant. Hic Alemannos qui jam à temporibus Valeriani Imperatoris Treberorum confinia devastabant, in ipsis finibus Treberorum aggressus magna strage delevit. Circa Lingonas die una adversam & secundam fortunam expertus est; Nam cum repente barbaris ingruentibus intra civitatem esset coactus tam præcipiti necessitate ut clausis portis in murum funibus teneretur, vix quinque ho-
ris

ris mediis adventante exercitu LX fere millia Allemannorum cecidit, captis eorum Regibus quos bestiis cum magnificum spectaculum muneris parasset objecita Anno XVI. Imperii sui obiit in Britannia Eboraci & inde Treberim relatus in campo Martio honorificè sepelitur cum Epitaphio hujusmodi; Elius Constantius, Vir Consularis, Comes & Magister utriusque militiæ atque Patricius, & secundo consul ordinarius. Hic ex Helena Treberorum nobilissima Constantinum filium procreatum Imperatorem Galliarum reliquit, qui etiam Romani regni Monarchiam per bella maxima solus obtinuit. Beatissima vero Mater ejus Helena cum magno exercitu Jerosolymam perrexit ibique cum Dei adjutorio Lignum Sanctæ Crucis invenit. Qua inventione celebrata Papam Silvestrum adiit magnis precibus deposcens ut sibi secundum carnem consanguineæ Trebericæ civitati miseretur & ejus infidelitatis tenebras aliquo idoneo prædicatore illustrare dignetur. Magna ergo Doctoris inquisitione habita omnium fidelium Consilio Sanctus Agricicus Antiochenæ Præsul Civitatis evocatur & ad Treberim cum pretiosissimis reliquiis quas inferius nominabimus à Papa & Regina destitatur, cum privilegio quod idem Papa Silvester ad honorem Treberensis Ecclesiæ hoc modo noscitur conscripsisse.

CAP. XXX.

Sicut in gentilitate propria virtute, sortire & nunc Trebir primas ac super Gallos & Germanos prioratum, quem [Tibi] præ omnibus harum gentium Episcopis in primitivis Christianæ Religionis Doctoribus Sanctus Eucharis, Valerius & Maternus ac per Baculum caput Ecclesiæ Petrus significavit habendum; Suam quodammodo minuens dignitatem, ut te participem faceret. Quem ego Silvester

fler ejus servus successionemque indignus per Patriarcham Antiochenum Agricius renovans confirmo ad honorem Patriæ Dominæ Helenæ Augustæ, Metropolis ejusdem indigenæ, quam ipsa felix per Apostolum Matthiam Judæa translata cum tunica & clavo Domini & dente Sancti Petri & Sandaliis Sancti Andreae, & capite Cornelii Papæ cæterisque reliquiis magnificè ditavit specialiterque provexit. Hujus privilegii consilii nocivi æmuli communione dirimantur quia anathemate maculantur.

CAP. XXXI.

ANno Dominicæ incarnationis CCC XXVIII, Sanctus Agricius Trebironum Praesul efficitur, hic populum ab antiquo errore idolatriæ velut alter Eucharis eripuit & domum beatissimæ Helenæ, exclusis ab ipsa civitate paganismi spurciis in honore Sancti Petri dedicavit & caput Ecclesiæ Trebirensium ut esset, instituit. Eo tempore Treberis jussu Beatæ Helenæ Ecclesia maximi ornatus & struaturæ in honore Sanctæ Crucis est edificata in modum etiam Crucis. Ossa Matthiæ Apostoli juxta corpora Sanctorum Eucharis & sociorum ejus collocata sunt. Tunica Domini cum clavo & cæteris reliquiis in domo Sancti Petri reconditæ sunt. Sanctus autem Agricius officio sui Pontificatus expleto migravit ad Dominum sepultusque est juxta corpus Sr. Eucharis. Cui successit Beatus Maximinus discipulus ipsius, qui Eufhratan Coloniensem nec dicendum Episcopum deposuit & Severinum in locum ejus per electionem Ecclesiæ subrogat. Athanasium Alexandrinum Episcopum persecutione Constantii Imperatoris fugientem honorificè suscepit & intrepidus. Nam antea toto orbe profugus vagabatur; Nec ullus ad latendum ei supererat locus. Tribuni præpositi Comites exercitusque ad investigandum cum editis Imperi-

perialibus moti, totius regni viribus certabant, siquidem vivum maximè, sin minus, certe caput detulissent. verum Treberi sex continuis annis ita latuit in lacu cisternæ supra dictæ non habentis aquam & plenæ ossibus Sanctorum ut solè nunquā viderit, & ibi *Psalmum: Quicumq; volu [salvus esse &c.] Composuit*. Sed cum per mulierem quæ eilatebram præbere videbatur sollicitatus fuisset, tanquam Spiritu Dei admonente nocte ipsa qua ad eum comprehendendum cum iudicibus veniebatur, post tot annos emigravit ad alium locū. Igitur Beatus Maximinus ad suos revisendos Aquitaniam perrexit ibique Domino se vocante quievit in pace. Successit in Episcopatu Paulinus, qui corpus Magistri sui per Bearum Lubencium & plures Treberorum ex Aquitania revexit & in cœmeterio Sancti Eucharjii sepelivit. Beatus verò Lubensius primo quidem in Ecclesia supra montem sita secus oppidum Cuberna vocatum, Presbyterii honore præditus Domino in publico ministravit. Post modum per revelationem Domini venit in Germaniam ibique super fluvium, qui dicitur *Logana* [Logona] Ecclesiam ædificavit, quo postea defunctus, translatus requiescit. Præsul vero & Minister [martyr] Christi Paulinus à Constancio Imperatore veræ fidei causa in Phrygiam exul destinatur, ibique pro nomine Christi decollatur ac sepelitur. Dum enim veram fidem instantius gentilibus prædicaret accensis in iram paganis capite cæsus est; Post quem Bonosius Episcopus dein Brittonius [Brittovius] In tripertita historia legitur Brittoni. [Brittoni] Romæ fuisse cū Damaso Papa, quod [qui] Mars gentiliter appellatur, in nostro sermone sonat virgine dulcem. Horum temporibus Græci cum magna manu Treberim invasere & cadibus rapinis & incendiis graviter attrivère.

CAP. XXXII.

ANno Dominicæ incarnationis CCCC VI Maximus Vir quidam strenuus, & Augusto dignus nisi contra Sacramenti fidem per Tirannidem emerisset, ab exercitu in Biritania invirus Imperator creatus Treberi sedem regni constituit. Eodem tempore Priscillianistarum hæresis exorta est à Prisciliano Habiæ [Mabilæ] Hispaniæ civitatis Episcopo qui mox apud Burdegalensem Synodum condemnatus Treberim ad Maximum Imperatorem confûgit ubi errore suo propalato jussu Maximi ab Evodio præfecto prætorii gladio addictus est cum Entrochia delphidi [Delphili] Rectoris conjuge & Latoniano [Latroniano] felicissimo & Juliano multisque aliis sui erroris consortibus. Ad hanc hæresim plenius condemnandam, Concilium Episcoporum famosum jussu Maximi Treberis congregatum est. Inter quos erant Martinus Turonensis & Ambrosius Mediolanensis & Augustinus magnus, quorum Martinus non solum tunc, verum & antea sæpius Treberim verbis & signis illustraverat. Puellam enim Peraliticam rogatus à Principibus sanaverat, servum Tretidii [Tercadi] Consularis à dæmonio liberaverat, ipsum quoque Tretidium [Tercadium] adhuc gentilitate sordentem Christi servum effecerat, Patris cujusdam familias servum à diro dæmone munda-
verat, quodam quoque die dum de metu arque impetu barbarorum subita civitatem fama turbasset, dæmoniarum ad se exhiberi jussit, imperat, ut an verus esset hic nuntius fateretur. Tunc confessus est XVI dæmonia quæ rumorem hunc per populum disseminassent, ut hoc saltem metu ex illo Martinus oppido fugaretur, barbaros nihilominus irruptionem cogitare. Itaque cum hæc immundus Spiritus media in Ecclesia fateretur metu & turbatione præsentis civitas liberata
est.

est. Alio die à maximo Imperatore multis precibus ad convivium invitatus est, ad medium ferè convivium ut moris est pateram regi Minister obtulit; Ille Martino pateram dari iussit cupiens ab ejus dextra poculum sumere sed Episcopus ubi bibit pateram presbytero suo tradidit nullum scilicet existimans digniorem qui posset prior bibere quod factum Imperator & sui mirati sunt, celebrequè per Palatium sonuit, fecisse martinum in regis prandio, quod in infimorum judicium conviviis Episcoporum nemo fecisset, eundemque maximum prädixit post aliquot annos in Italia interficiendum quod & ita contigit. In eadem urbe reginæ obsequiis multum honoratus est. Ambrosius quoque mediolanensis cum venisset Trebereas [trebirós] post triduum accessit ad Palatium. Postea cum videret eum maximus abstinere ab ipso, & ab Episcopis qui communicabant ei, & quod devios licet à fide idem Priscillianistas hereticos ad necem petebar, ubi & martinus peccavit, commotus ejus iussit Ambrosium sine mora regredi [egredi] ipse verò libenter & si eum plerique insidias evasurum non crederent, iter ingressus est, hoc solo dolore percitus quod Iminium senem Episcopum in exilium duci comperit.

CAP. XXXIII.

Congregati itaque apud Trebiros Episcopi tenebantur, qui quoridie communicantes Itachio [Itacio] & Achatio communem sibi causam fecerant. Itachius & Achatius Episcopi erant quorum factione Priscillianus & reliqui occisi fuerant, quorum etiam consilio maximus Tribunus cum summâ potestate armatos ad Hispanias mittere decreverat, ceteros Priscianillistas inquirere, deprehensos bonis & vita privare. His ubi nuntiatum est advenire Martinum, ineunt cum Imperatore consilium ut missis obviam Officialibus

bus urbem illam propius vetaret [vetaretur] accedere nisi se cum pace Episcoporum ibi consistentium affore fateretur; quos ille callide est frustratus. Profitetur se cum pace Christi venturum. Postremo ingressus nocturno tempore adiit Ecclesiam tantum orationis gratia. Postpridie Palatium petiit. Post multas, quas evolvere longum est, has principales petitiones habebat. Pro Narsete Comite & Leochadio [Lochadio] Præsidi qui ambo fuerunt partium Gratiani quem dux maximi Andragathius [Andragethius] occiderat; & ne Tribuni ad Hispanias cum jure gladii mitterentur. Pia enim erat sollicitudo Martino, ut non solum Christianos qui sub illa erant occasione vexandi, sed ipsos quoque Hæreticos liberaret. Sed primo die & altero maximus distulit ejus preces admittere cum interim Episcopi quibus Martinus communicare volebat, cum fletibus Maximum implorant ut uteretur adversum hominem vi sua. At ille vim quidem sancto viro noluit inferre, tamen secreto accersitum blande appellat Hæreticos jure dampnatos à iudicibus publicè potius quam à sacerdotibus edicit; -- non esse causam quod Itachii cætorumque partis ejus communionem vitare deberet. Quibus cum Martinus parum moveretur rex ira accenditur, ac se de conspectu ejus abripuit, & mox percussores his pro quibus Martinus rogaverat direxit. Quod ubi Martinus comperie nocte Palatium intravit, spondet communicaturum si Tribuni ad Hispanias missi revocarentur. Nec mora intercessit Maximus indulget omnia post pridie Felicis Episcopi Trebironum post Brittonem [Britonium] ordinatio parabatur, sanctissimi sanè viri & plane digni qui meliori tempore fieret sacerdos. Hoc die communionem Martinus iniit satius æstimans ad horam cedere quam perituris non consulere. Hæc itaque eo tempore apud Treberos gerebantur & hoc ordine Sanctus Felix Episcopatum suscepit.

CAP. XXXIV.

ERant in eotempore apud Treberos multi Nobiles & Ecclesiastici Viri. Ille videlicet : Presbyter Jacobus de Berhlehem & Aufonius Burdegalenſis aliiqve quam plurimi, quorum Jacobus prolixum valde de ſynodis librum Sancti Hilarii ibidem conſcripſit, Aufonius verò libellum qui dicitur moſella, metricè compoſuit, & poſtea reverſus in Patriam grande volumen ad honorem hujus Patriæ edidit, quod qui ſcire voluerit in Burdegala reperire poterit. Qvadam die maximus Imperator ad ſpectandos circenſes ludos ad Amphitheatrum egreſſus eſt, tunc qvdam ex militan-
tibus Palatio, nomine pontianus, cum aliis tribus con-
tubernalibus ſuis exivit deambulatum in hortos muri
contiguos illic forte uni illorum ſecum ſubſiſtente alii duo
venerunt ad cellam ſancti Eucharri ubi habitabant ſervi dei
pauperes[Chriſti] qualium eſt regnum cœlorum, & inve-
nerunt codicem in quo ſcripta erat vita Sancti Anthonii,
quam unus eorum cæpit legere, & mirari & accendi[atten-
dere] repletus Spiritu Sancto, & mox elevatis oculis ad ſo-
cium ſuum ait, dic, quæſote, ſi non videtur tibi melius eſ-
ſe huic deo ſervire quî talem habet ſamulum quam regi
mortali inaniter militare. Dixit & hoc turbidius parturiti-
one novæ vitæ. Reddidit & oculos paginis & legebat & mu-
tabatur intus [totus] & exuebatur [exurebatur] mens ejus
nam dum legeret infremuit & ait amico ſuo: jam abripui
me ab illa ſpe noſtra & deo ſervire ſtatui & hoc ex hac ho-
ra in hoc loco agredior, te ſi piget imitari, noli adverſari.
tunc ille reſpondit: Adhærebo & ego tibi nec ulterius te in
tali militia deferam. tunc Pontianus & qui cum eo erant
per alias horri partes deambulabant, quærentes eos deveni-
untque in eundem locum & admonebant eos ut redirent

quia jam declinasset dies, at illi narraverunt, eis qualis eis voluntas orta esset atque formata, & petierunt, ne eis molesti essent, tunc cœperunt flere & pie illis congratulati sunt & commendaverunt se orationibus eorum & reversi sunt in pallatium. Illi autem manserunt in eodem loco. Habebant ambo sponsas quæ postea quam hoc audierunt & ipsæ virginitatem suam deo dicaverunt.

CAP. XXXV.

MAximus Imperator de Treberi cum maximo exercitu movens Victorem filium suum in infantili ætate Imperatorem constituit eique Quintinum & Nannæum Principes Trebironum reliquit, Ipse deinde à Theodosio in Italia peremptus est. Jam nunc aliquid de Sancto Felice dicamus. Hic fecit Basilicam grandem in honore Dei genitricis in campo martio CCCC & X pedum longitudinis, CXX latitudinis in qua corpora Martyrum à Riciovaro passorum ad usque sua tempora disjecta & incomposita honorificè tumulavit, Corpus quoque Sancti Paulini quod suo tempore populus trebironum cum copiis ex toto regno adunatis de phrygia detulerat, facta crypta in eodem monasterio medio cryptæ cum ferreis catenis suspendit. Ipse quoque post XII annos sacerdotii in sinistro cornu ejusdem Ecclesiæ sepultus est. Eodem tempore sub Theodosio majore *Franci* cum ducibus suis Sunnone & Gundebauda in Germaniam prorumpentes pagos quosdam populantes & Colonia metum incusserunt quod cum Treberos peratum fuisset Nanneus & Quintinus quos supra diximus, quibus infantiam filii & defensionem Galliarum Maximus commiserat collecto exercitu Francos de Germania ejecerunt & apud Carbonariam sylvam magna eos strage vicerunt. Hinc ortum est odium Francorum contra Trebiros, & ex hoc deinceps transmissio Rhe-

so Rheno in terra Trebitorum hyemare cœperunt. Post hæc ergo temporibus Honorii Imperatoris Crocus Rex Vandalorum cum Svevis & Alanis egressus de sedibus suis Gallias appetens consilio Matris nequissimo utens, dum ei dixisset, si novam rem volueris facere & nomen acquirere quod alii ædificavit destrue, & populum quem superas interfice; Nam nec ædificia meliora ac pretiosiora facere potes neque plus magnam rem per quam nomen tuum eleves. Qui Rhenū apud Moguntiam ponte ingenioso transiens primum ipsam civitatem cum populo ejus delevit, deinde cunctas quasque civitates Germaniæ vastans Mettis pervenit, ubi muro civitatis divino nutu ruente capta est civitas à Vandalis. Dein urbem Trebitorum vix jam à persecutione Francorum respirantem pari obsidione cepit & magna ejus ædificia ad terram dejecit, Civium pars aliquanta in harena civitatis id est in amphiteatro quam munierant, liberata est. Post hæc cunctas civitates Galliarum Crocus pervagans Arelatum obsedit, ubi à quodam Milite Marco [Mario] captus & in vinculis constrictus per cunctas civitates quos vastaverat ductus impiam vitam morte dignam finiit. Paulo post regnantē Theodosio minore Atrila Rex Hunnorum civitatem trebitorum bello obtinuit eamque graviter depopulatus est. Post mortem autem Valentiniani qui post Theodosium cum Martiano imperavit Avitus suscepit imperium, sub quo Civitas Trebitorum ludibrio patuit Francorum. Erat in urbe senator nomine Lucius qui habuit uxorem pulcherrimam in quam [qua] deperiit Avitus amore turpi. Simulans ergo infirmitatem præcepit ut omnes senatrices Urbis eum viderent, venit inter alias uxor Lucii & ab eo stuprata silenter domum revisit Mariti. In crastino surgens de strato suo Avitus dixit ad Lucium. Pulchras thermas habes sed frigido lavas. Hic Lucius indignatus urbem prodidit Francis à quibus

bus direpta est, multisque necatis incensa. Treberi capta & Coloniam Franci ceperunt. Sic finitum est nomen & regnum Gallorum & Germanorum & ortum est Francorum.

CAP. XXXVI.

Post obitum Sancti Felicis, ut ad id redeamus à quo paululum recessimus, Mauritius Trebironum præsul efficitur. Post quem Sanctus Legontius, dein *Auctor*, Post quem Sanctus Severus, hic Apostolicis viris per omnia coæquandus Germaniæ verbum dei prædicavit & cum beato Germano Parisiorum Episcopo & Lupo Trecafeno in Britannia Pelagianam hæresin destruxit. Cui successit beatus Cyrillus, hic cellam Sancti Eucharî incensam & desertam reparavit, Monasteriumque non longè à priori loco constituit, & illuc corpora Sanctorum Eucharî & successorum ejus transtulit, juxta quos & ipse requiescit. Cyrillum Lamnerium [janerius, janerium] Emerus subsecutus, Marum post se constituit, qui Monasterium Sancti Paulini à Barbaris in prædictis urbis vastationibus desolatum reparavit, ubi & ipse sepultus requiescit, cui successit Volusianus, hic privilegium dudum à Papa Silvestro huic urbi per beatum Agricium delegatum, [delatum] sed jam suo tempore deletum, Romano Pontifici rescribi fecit, & honorem priscum suæ civitati renovavit, Post quem Miletus Ecclesiam rexit, Post quem Modestus, dein Maximinianus; post quem Sebicius [Hibustus] cui successit Abrunculus, dein Rusticus hic primo reprehensibilis sed postea per *beatum Gorem* correctus in Ecclesiâ beatæ Mariæ, quæ vocatur Litus ad Martyres quatuor annis reclusus penitentiam gessit. Quo decedente Aponoctus [Aponoculus] successit. Cujus temporibus Arvernensi Ecclesiâ Illidius sacerdos extitit, cujus fama cum per diversos Ecclesiæ eveheretur assensus, & vicinarum urbium fines penetravit, unde
factum

factum est, ut hæc gloria etiam Trebirici Imperatoris aures attingeret cujus filia à Spiritu immundo vexabatur & non inveniebatur à quo posset erui, beatum Illidium fama detexit & dicto citius ab Imperatore directi pium Sanctum Senem Arvernensis repertum Treberis Regi representant, à quo venerabiliter excipitur. Rex de exitu infelicis conqueritur filiae. Ille verò confusus in Domino orationi tota nocte incumbit, dein missis in os puellae digitis nequam Spiritum à corpore abegit obfesso. Quod miraculum Imperator cernens, immensos auri argentique cumulos Sancto offert Sacerdoti, quos ille refutans obtinuit hoc ut Arverna civitas quæ tributaria in specie triticea ac vinaria dependebat, in auro solveret quod cum gravi labore penuri inferebatur Imperiali. Sanctus vero Illidius impleto vitae praesentis tempore in ipso vitae curriculo migravit ad Christum à suisque delatus in urbe sua sepultus est.

CAP. XXXVII.

EO tempore Theodoricus Rex ex civibus Arvernensis Clericos multos adduxit, quos Trebericæ Ecclesiæ ad reddendum Domino famulatum jussit assistere. Beatum verò Gallum nequaquam passus est à se separari. Defuncto verò Aponoculo Episcopo congregati Clerici Treberici ad Theodoricum Regem sanctum Gallum Episcopum perebant. Quibus ille ait: ite & alium requirite, Gallum enim diaconum alibi habeo destinatum. Tunc eligentes Sanctum Nicetium Abbatem urbis Lemovicinæ Episcopum statuerunt. Cui successit Magnericus discipulus ejusdem Nicetii. Cujus temporibus in Parochia Trebirorum magnæ sanctitatis Viri claruerunt, videlicet Paulus super montem Cebennam, qui ex ejus nomine hætenus Pauli mons vocabatur. Ingobertus, distobodus, [disibodus] Wandalinus, Carilesius [Carilessius] & quidam

dam Longobardus, nomine *Wulffi* Laicus, & presbyter Beatus ejusque [ejusdem] Germanus nomine & opere beatus alique plurimi hermiticam vitam ducebant. Hic Magnericus Episcopus templa antiqua dei in priscum renovavit honorem, & in honore beati Martini Ecclesiam construxit. Unam in monte pago vabrensi, [Nabrensi] alteram in villa quæ Carto [Caic] Domus dicitur. Tertiam in monte Iurano qui ex nomine Sancti Martini dicitur. Quartam in ipsa urbe in qua & ipse post explerum suæ vitæ cursum tumulatus est, Cui successit Gangericus discipulus ejus, qui in castro Trebirorum Evosio fuerat educatus. Hoc quoque mortuo Sabaudus Pontificatum subiit. Post quem Severinus Ecclesiam rexit Dominica dignus allocutione. Cui dictum est à Domino ut à sede sua Burdegalam transmigraret ibique verbum Dei prædicaret. Quo tendente beatus Amandus illius Ecclesiæ Episcopus nihilominus à Domino admonitus ex castris obviam venit honorificeque introductum suscepit, ipseque loco cessit Severino sede relicta, ibi sepultus requiescit. Dein Modowaldus Episcopatum suscepit temporibus Dagoberti qui videlicet Dagobertus plurima beneficia contulit Treberensi Ecclesiæ & beato Modowaldo. Idem enim Pontifex in palatio Dagoberti, quod vocatur horreum, Ecclesiam in honore beatæ Mariæ Virginis construxit, ubi & congregationem Virginum instituit, ubi præfecit mulierem quandam Modestam vita & nomine sacratissimam virginem alumnam canobii montis Romoraci [Romarici] quæ ab aliquibus soror Sancti Wilbrodi fuisse putatur contemporaneam beatæ virginis Gertrudis. Dein nihilominus deo dilectam Virginem Irminam ipsius Dagoberti regis filiam, & post Anastasiam virginem, Cui successit Basilia. Itemque aliam in palatio antiquo in suburbio suo congregationem constituit, quibus matrem similiter Dagoberti filiam nomine Adelam præfecit &
& Ec-

& Ecclesiam Sancti martini in pago Megene [Megine] Item idem venerandus Pontifex Modowaldus construxit Ecclesiam Sancti Sympheriani ad littus Mosellæ ibique congregationem Virginum esse constituit, quarum matrem sororem suam Severam nomine instituit. Hujus etiam temporibus Paulus inclusus supradictus migravit ad *Theologiam* quam præfatus Dagobertus Rex in suo proprio construxerat & ibi aliquantulum mansit. Postea vero Ecclesiæ Viridunensis curam regendam suscepit, ibique quievit. Sanctus quoque modowaldus postquam sororem suam beatam Severam cœlesti sponso eam vocante obeuntem in Ecclesia sancti Symphoriani sepulturæ tradidit paulo post & ipse migravit ad Dominum & in eadem Ecclesia juxta eam sepultus est.

CAP. XXXVIII.

Hic successit mymerianus [Numerianus] cui Basinus qui fuit Abbas cellæ Sancti Hilarii in territorio Treberensi post quem Lutwinus ipsius Basini ex sorore Nepos. Hic primo belgicæ Galliæ dux omnia monasteria hujus orbis largissimis honoravit donariis & prædiis auxit. Postea super fluvium *Saroam* [Arona] in proprio congregationem monachorum instituit, ubi & ipse monachicæ vitæ habitum suscepit. defuncto avunculo suo Basino Episcopo successit electus & à Remensibus & Laudunensibus præfuit, in quibus duobus uno die Deo præstante sacrorum ordinum consecrationem celebravit, Remis obiit & à milone filio & Trebirensibus relatus divino dato indicio [judicio] mediolacum [mediolanum *ita alter codex*] sepultus est. Quo defuncto Clodolfo merensi Episcopo Sancti Arnolphi filio Ecclesia Trebirensis committitur. Qvam dum regeret Milo iam dicti Lurwini Episcopi filius, non ut quidam ajunt Ecclesiastica electione sed tyrannica invasione occupavit, in quo

nihil de clericali honore vel vita nisi tonsura enituit. Ejus vero invasionis ratio hæc est. Eo enim tempore bella gravia in hac provincia orta inter Karolum & Rangifredum de principatu contententes, quem ut Karolus bello obrineret Laicis Episcopatus donavit & Episcopis nullam potestatem habere permisit. Cum hoc Karolo milo supra dictus ad bellum profectus est sola tonsura Clericus, habitu & moribus irreligiosus Laicus, & post victoriam Episcopatibus Trebitorum & Remorum ab eodem Carolo donatus est. Cujus infelici tempore de his Ecclesiis multa ablata sunt & res ab Episcopis divisæ, domus religiosorum destructæ, Ecclesiastica disciplina dispersa, adeo ut Clerici, Sacerdotes, Monachi & Moniales sine lege Ecclesiastica viverent & refugia indebita haberent. Patet hujus calamitatis indicium in plurimis Treberensis Parochiæ Ecclesiis in quibus singulis singulæ fuerunt olim Congregationes, quæ tam a præfato Milone quam ab aliis Tyrannis ne dicam Episcopis rebus spoliatae vix unum Presbyterum possunt sustentare. Sic sunt, Ecclesia Sancti Medardi, quæ sita est prope cellam Eucharii, Ecclesia supra Saroam, quæ dicitur Ravena [Tavena] Ecclesia Sancti Symphoriani à beato Modowaldo constructa, Ecclesia in honore Sanctæ Crucis jussu beatæ Helenæ condita. Ecclesia Sancti Salvatoris in Capirollo, Ecclesia ad Palarium, Ecclesia supra montem Sancti Beati, Ecclesia Sancti Stephani extra Castrum *Andernacum*, forum quoque erat ante portam mediam constitutum & frequentia Comprovincialium satis celebre & famosum orta inter cives & negotiatores gravi simultate ex eo loco in Masgaciam [Wagafacram] translatum est. Et de his hætenus.

CAP. XXXIX.

Zacharias igitur Papa Beatum Bonifacium doctrina & operatione clarum Treberensi & Remensi Ecclesiis

his visitatorem & spiritualium negotiorum provisorum constituit, cum Milo Tyrannus res utraqve teneret. Interea Carolus Ecclesiarum destructor moritur, de quo nocte quadam revelatum est Sancto Eucharzio Aurelianensi Episcopo, quod esset in inferno inferiori, qui accito Domino Bonifacio Romanæ Sedis Vicario aliisque boni testimonii Viris Sepulchrum Caroli aperuit, sublato autem lapide serpens mirè magnus exivit de sarcophago, corpus autem Karoli non est inventum ibi. In his diebus Dominus Zacharias Papa audiens fidem & doctrinam Domini Bonifacii constituit eum Archiepiscopum Mogontinæ Ecclesiæ; Nam antea Mogontini Episcopi suffraganei erant, Wormaciensium Episcoporum. Milo igitur Tyrannus his ita peractis venationi inserviens ab Apro percussus moritur; in villa quæ dicitur Yranc [Yrano] primo à Treberimiliario, ubi & sepelitur, post XL annos suæ Tyrannicæ invasionis. Pipinus ergo rex suggestione cleri & plebis Trebericæ Hildolfum, claro Nerviorum genere ortum in Rengensburg [Regenesburg] autem enutritum Trebericæ Metropoli constituit Episcopum. Hic construxit Monasterium in honore sancti Johannis Evangelistæ, juxta cellam sancti Hilarii in campo Martio, in quod corpus sancti Maximini de cella sancti Eucharzii transtulit, cum aliis CCCtorum Martyrum corporibus à Ricciovaro passorum, quem locum & sua suppellectile & fundis ditatum & cœnobitis repleverunt, centenum numerum Monachorum constituit, quæ videlicet Cella in fundo sancti Petri constructa Episcoporum Trebirensium multo tempore juri subjacuit, donec unus eorum, adulatione dampnabili cuidam reginæ ad Nuptias eandem Cellam cum Castello quod dicitur Sericum [Uricum] dono dedit, & sic deinceps à regibus derenta est. Hic itaque post aliquot annos Episcopatum suum relinquens in Saktu Vosagi

Tullensis parochiæ cellas tres constituit [construxit] in quarum media monachus sanctus [factus] Deo sub Abbatis imperio militavit, ubi & requiescit, cui tamen quam diu vixit alius in Episcopatu non successit. Defuncto vero successit. Weomardus [Wicmandus] & hic fuit Abbas Cellæ sancti Maximi. Hic cellam sancti Goaris ad jus sancti Petri transferre conatus est, sed violentia Pipini Regis impeditus est. Præceptum tamen regiæ autoritatis ab eodem Pipino super cellam sancti Maximi & aliis rebus Ecclesiæ Trebirensis obtinuit, & à Carolo Magno Pipini filio, quod qui scire voluerit invenire poterit.

CAP. XL.

EO mortuo Richbodus ordinatur Episcopus, dein Wazo, qui ambo alter alteri succedens abbates extiterunt mediolacensis Cænobii. Post quos Hamularius Fortunatus Cardinalis Romanus, *qui librum Officiorum conscripsit*. Hic missus est à Carolo magno Constantinopolim propter pacem cum Michaeli Imperatore firmandam. Quæ etiam Carolus multum marmor & museum [musivum] plurimum de Treberi Aquis palacium vexit & beato Petro ad vicissitudinem munera dedit. Post Fortunatum trebirensium Ecclesiæ Hetti præfuit Abbas mediolacensis. Hic admonitus in visu à Sancto Materno, in XXIII anno Ludowici Imperatoris asportavit corpus Sancti Castoris de loco qui vocatur Cardenna [Cardona] ad confluentiam ad monasterium, quod ipse construxerat, & V^{to}. [prim] Idus Decembris consecravit in honore Sancti & omnium Confessorum, & post consecrationem Sanctum Corpus in Ecclesia recondidit ibique Ludovicus Imperator multa Domino [dona] præsentavit. dicunt eum aliqui res Ecclesiarum Sancti Eucharit & Sancti Lurwini Principibus suis in beneficium tradidisse. Post XXXVII [XXXI] annos [sui sacerdotii] obiit & sepultus est in monasterio Sancti Eucharit ante altare Sancti Johan-

Johannis Baptistæ in absida aquilonari, ad cujus dextram in altaris [altera] absida requiescit vir valde magnificus in Germanis nobilitate, clarus ejusdem Hetti germanus, nomine Rutgandus.

CAP. XLI.

ANno Dominicæ Incarnationis Octingentesimo LI Cathedrali Hetti Tietgaudus obrinuit. Hic simplex seductus est à *Lothario Imperatore* & adultero & Gunthero Colonienſi Episcopo & consensit in defertionem Thierpergæ uxoris ejusdem Lotharii falso accusatæ, imò definiuit in synodo, quod ipsa confessâ fuisset, semetipsam fratris Germani incestuoso pollutam fuisse concubitu. Hanc enim falsam infamiam Lotharius cum his Episcopis composuerat cupiens hoc modo reginam abiicere & waldradam sororem ejusdem Guntheri Colonienſis Archi Episcopi quâ ipse adolescens concubinam habuerat, in regnum assumere. Quod cum judicio Episcoporum adeptus fuisset, Thiergandus & Guntherus à Papa Nicolao Romam pro his causis vocati sunt, ibique omni Ecclesiastica dignitate privati depositi sunt. Hujus quoque Thiergaudi Episcopi anno VI Treberis visus est canis sedere super cathedram ejus Episcopalem, cumque iterum atque III Sedem apostolicam restitutionis gratia adissent & non profecissent; Novissimo Nicolao Papa defuncto Adrianus successit, Cujus liberalitate Thiergaudus in monasterio Sancti Gregorii mansionem suscepit, cui Sanctus Gregorius in somnis scilicet & iterum apparens, monuit ut recederet & mansionem Sancti perturbare, quia illicitum esse ipse Gregorius disposuit, desineret & cum hoc facere Thiergaudus dissimularer, tertio correptus de inobedientia & defatigatione Apostolica. Apparuerat enim sibi ducens dextrâ manu Andream Apostolum cujus nomini ipsa Basilica constructa fuit, responsum accepit, quod à momentanea quidem

dem morte liberaretur sed propria cum suis privaretur. Quod cum omnibus quibus potuit revelaret, & aliud hospitium à Pontifice impetrare non posset, apud Sabinos concedens eodem anno cum suis omnibus vita privatus est. Lotharius vero Imperator apud Placentiam divinitus percussus moritur. Cum quo pariter totum regnum, quod ex ejus nomine Lotharingium appellatur corruit, Castellum etiam Lotharii non longè à treberis super saroam [juram] ex illo tempore desertum est.

CAP. XLII.

Anno Dominicæ incarnationis DCCC LXIII Bertholfus Abbas Mediolacensis fit Episcopus Treverorum con-sanguineus Adventii tunc temporis Metensis Episcopi, qui Advencius cum Lotharium regem in Placentia mortuum cognovisset, Karolum fratrem ejus, qui in provincia regnabat Metris evocatum adjuncto sibi cum aliis Episcopis Hincmaro Remensi Archi Episcopo, Regem Lotharingiæ Provinciæ consecravit cognatoque suo bertulfo ut daret Archi Episcopatum Treberensem obtinuit, hic villam quæ dicitur Marcia de manu regia comparavit. Anno V^{to}. Bertolfi moritur Adventius Metensis Episcopus. Walo ej substituitur, cui ordinationis suæ anno II transmissum est pallium à Johanne Pontifice cum literis docentibus, quibus hoc festis foret usus. Bertholfus vero Metropolitanus audiens Walonem in die Sancto Paschæ cum pallio procedere missis literis Treberim evocatum percunctatus est, quando vel quomodo vel à quo procedere cū pallio sibi fuerit concessū, Walo literis in aurib⁹ omnium qui aderant, quod sibi à Pontifice transmissum fuerit de usu pallii privilegium, asseruit non se primum sed quintum fuisse quem Apostolica sedes hoc honore dignata sit sublimare salvā tamen in omnibus Metropolitanis subjectione,

Etione, primum Urbicum [Urbicum] secundum Pipini Regis ex sorore Nepotem Crodegangum III^m. Angeltannum [Angelramum] IV. Drogonem Karoli Magni Imperatoris filium. Bertholfus his assertionibus non satisfactus capitulo canonum loco quo asseritur nulli suffraganeorum, novum & quod non ab omnibus in Ecclesia sua prædecessoribus habebatur absque Metropolitani sui consilio & licentia præsumendum, interdixit ej per sanctam quam in omnibus Ecclesiasticis negotiis sibi deberet obedientiam, ne ulterius nisi ab eo petita & concessa licentia pallio uteretur. Cumque Walo Apostolicam auctoritatem prætenderet, Archi Episcopus vero Metropolitanorum privilegia defenderet, grandis utrinque conflata est inimicitia. Hincmarus igitur Reverendissimus Remorum Archi Episcopus & eloquentia clarissimus audiens hanc dissidentiam Epistolam Waloni transmisit sapientiæ & sani consilii sale conditam, per quam eum ad Metropolitanam sui instruxit obedientiam, & sic restituit concordiam. Fuit enim iste Bertholfus multum acer & impatiens in talibus suffraganeorum suorum præsumptionibus, & suæ Ecclesiæ privilegium non passus est in aliquo temerari. Nam *litteras Romani Pontificis* pro eadem Walonis præsumptione nec non pro Episcopi Virdunensis contra suam voluntatem ordinatione sibi transmissas *noluit suscipere*; Anno Episcopatus ejus XII [11.] Cœlestis vindicta venit super Loringiam, Regnum Lotharii supradicti Regis adulteri & excommunicati. Denique Nortmanni qui ante complures annos exierant & civitatem Nannetis combusserant Episcopumque ejus Sabato Sancto Paschæ dum fontes benediceret, cum Clero suo trucidaverant, Andegavis, Tuxonis, Pictavis, Leodium, Trajectum, Tungrim, Coloniam, Bunnan, Tulpiacum, Juliacum, Niusa [Nuisam] Aqvis, Hindam, Malmundarum [Malmudorum] Stabulaus [Stabulus] Prumi-

† H

am,

am, Numago Regium (Rheni) Castrum igne & ferro annihilaverunt. Treberici ergo inito cum sapientioribus consilio quicquid in Civitate Ecclesiastici census vel ornatus fuerat in subterraneis oculum specubus; Sarcophaga etiam Sanctorum aliter terræ immergunt, ne sanctorum reliquæ ludibrio essent barbarorum vesaniæ. Erat itaque in monasterio Sancti Paulini Cripta ubi circa ipsius Sancti Sarcophagum ferreis catenis suspensum XIII jacebant corpora martyrum, quorum nomina aureis literis in ejusdem Criptæ parietibus erant descripta. Religiosi igitur, qui tunc erant Christiani ritimantes, ne per hujus Scripturæ indicium ludibrio ut dictum est fierent hostibus Sarcophaga vel ipsa etiam ossa martyrum salubre in iere Consilium, ut scilicet ablatis de parietibus literis nomina eorundem martyrum insuper qui fuerint, unde venerint, quando, quomodo à quo occisi sint in plumbea scriberetur Tabula, ubi quisque posset invenire, & horum nominum translationis causam & martyrum nomina & memora; Taliter autem Scripserunt in Tabula plumbea: In hac Cripta jacent (corpora sanctorum secundum seculi dignitatem nobilissimorum, secundum autem Dei voluntatem martyrum pretiosorum. Nam Rictiovarus Maximiani Imperatoris præfectus Legionem Thebæam jussu ipsius circumquaque persecutus, hanc etiam urbem propter ipsos ingressus est. Quorum innumeros cum hic occidisset, hos quoque hujus civitatis Principes fidei Christianæ Confessores cum ipsis occidit: Quorum hic corpora circum sunt collocata, in medio verò S. Paulini Episcopi Trebironum Clarissimi corpus est ferreis catenis suspensum, quod ibi factus Felix hujus fedis Episcopus à Phrygia totius regni viribus translatus. Id. May honorifice suspendit, qui & istud Monasterium in honorem S. DEI genetricis, nec non eorundem martyrum construxit. Nam præter horum Principum corpora innu-

innumerabilia ejusdem multitudinis corpora in hoc Monasterio sunt comprehensa, quorum nomina scilicet innumerabilis populi & peregrini non potuerunt inveniri, excepto uno Ducis vocabulo, qui Thyrsus vocabatur. Hujus igitur & eorum martyrum vocabula, quorum hic videri possunt Sarcophaga, aureis literis in hujus cryptæ pariete conscripta fuerunt. Quæ inde devoti, qui tunc erant Christiani huc transtulerunt, quando Nortmannos hanc urbem sicut ceteras undique urbes depopulatos esse præciverunt; Is ergo qui ex dextro latere, latere S. Paulini repositus est, Dalmarius vocabatur, qui consul & Patritius toti huic civitati principabatur. In sinistro autem latere ipsius qui jacet Thyrsus vocatur, cujus nomen solius de tanta multitudine ideo est notatum quia ipse ejusdem legionis gerebat Ducatum. Ad caput autem hujus S. Paulini jacent & hujus urbis Senatores, martyrio cum ipsis Thebæis coronati, quorum medius vocatur Maxentius, juxta quem dextrorsum jacet propius, nomen habens Constantius; Post quem est Crescentius. Postea Justinus. In latere autem sinistro Maxentii qui jacent tres erant fratres Germani quorum maximus natus, proximè Maxentium est Leander. Juxta, quem Alexander, postea Sother. Ad pedes verò S. Paulini altrinsecus positi sunt quatuor viri, genere, & virtute clarissimi qui licet tempore pacis occultè Christum colebant, tempore tamen persecutionis aperte adeò fidem Christianorum defendebant, adeò ipsi Rictiovaro in faciem resistebant, quos omnes, ad exemplum aliorum diversis tormentorum generibus multum afflictos tandem in præsentia sua fecit decollari. Alter ergo duorum versus austrum positorum, interior scilicet, Hormisda, exterior autem Papyrius vocatur. Alter autem eorum, quorum latera aqilonem respiciunt, interior Constans, exterior Jovianus vocatur. Ingressus est autem Treberim Rictiovarus 4 Nov.

Oct. & eodem die occidit Thyrsus cum sociis, sequenti autem die Palmarum (supra scribebatur Dalmatius) cum aliis Principibus civitatis. Tertia verò die, eadem exercuit in plebe sexus urriusque. Cum autem terra de crypta, ubi hæc jacent sanctorum corpora, portarentur, os quoddam incaute projectum sanguinem fudit non modicum. Quod mox in præsentia Abbatis Clericorum & Laicorum in vasculum delatum, quoties effundebatur, toties cum magna cruoris inundatione replebatur. In hac autem inundatione à nona hora sabbathi, usque ad primam secundæ feriæ horam permansit. Et adhuc permanet sanguinolentum) Corpus [corpora] quoque Sancti Eucharii & reliquorum ibi sepulcorum alius terræ infoderunt idem fecerunt de aliis circa urbem sepultis.

CAP. XLIII.

ANno Dominicæ Incarnationis DCCC LXXX. defuncto Imperatore Ludowico Nortmanni audita ejus morte cum omnibus viribus exeuntes urbem Trevirorum Nonas Aprillis die sacratissimo cœnæ Domini occupaverunt, Bertholfo Episcopo cum quibusdam civibus fuga lapso, in qua usque ad Sanctum diem Paschæ fesa ab itinere corpora recreantes omne territorium urbis circumquaque usque ad solum demoliti sunt, omnes quoque quos intra & extra urbem repererunt gladio occiderunt, ipsamque urbem & Monasteria omnia succenderunt igne. Cumque & Monasterio Sancti Paulini ignem multotiens injecissent, sed divinitus extingueretur, catenas ferreas quibus sarcophagum ejus pendebat confregerunt, sed tamen sarcophagum catenis fractis nequaquam alius terræ insedit, sed in aere pendens remansit, donec post multos años à quibusdā infidelibus depressum subsedit, non sine vindicta in eos transfusa. Quicunque

que enim huic sacrilegio manibus deservierunt, singulas infirmitatum plagas susceperunt. Igitur Nortmanni civitate omni exusta & desolata Mettim properare disponunt, quod dum comperisset ejusdem urbis antistes Walo adjuncto sibi Bertolfo Treberensi Episcopo & Walhardo comite ad Remiche ultro illis obviam ad pugnam procedit. Inito certamine Nortmanni vicerunt, Walo Episcopus ibi cecidit, Bertholfus cum ceteris fugit. Eodem anno Bertholfus Archi Episcopus migravit ad Dominum. Cui successit Rathbodus Abbas de Mediolaco venerabilis Antistes, qui eodem anno Rupertum in Mettis Episcopum consecravit. Hic acquisivit Abbaciam Sancti Servatii quæ dicitur *Massreiz* ab Arnolfo deinde etiam a Ludevico Imperatore hæc castella obtinuit: Sericum cum Orkesuel [Oroussel] cum villis sibi subjacentibus, post quem *Rutgerus* Episcopus præceptum regie autoritatis super eandem Abbaciam obrinuit. Iste bonæ conversationis existens habitato Treberi cum suffraganeis Episcopis ac reliquo Clero generali Concilio *librum Canonorum decretorum* sua industria compositum in medium protulit atque firmavit.

CAP. XLIV.

DEin Rupertus Episcopus existit. Iste primus, ut ferunt, Trebirensensem Ecclesiam regno, quod Lotharingium vocatur, adjecit, pro eo quod soror ejus Imperatori in matrimonio juncta fuit cum usque ad ejus tempora Francorum regno quod a Karolo nomen habet subiecta multis fuisset honoribus illustrata. Sancto Martino quædam bona abstulit Treberi. Post Rupertum Henricus Ecclesiæ præfuit qui regulares officinas & claustra circa majorem Ecclesiam construxit & vigorem regularis conversationis ibidem exerceri decrevit, forum, in quo nunc esse videtur, instituit. Affuit Romæ cum Ottone primo damnando Magum non Papam Iohannem. Item Otto Abbaciam supradictam pote-

ſtate regia de hac Eccleſia tulit & aliam quæ dicitur horrea
 quod ſua eſſet pro *Maſtreſh* huic Eccleſiæ delegavit, cum ad
 eum nihil pertinuerit. Ipſe vero Heinricus LXXX manſos
 de Sancto Martino tulit & poſtea in Italia obiit. Cui Theo-
 doricus ſucceſſit, Vir nobilis & magnæ autoritatis Præpoſi-
 tus Mogonciæ majoris Eccleſiæ, qui privilegia ſuæ Eccle-
 ſiæ renovavit & auxit. Eccleſiis Sancti Martini ubi Sanctus
 Magnericus requieſcit & beati Paulini donaria multa dedit
 & collapſa vetuſtate renovavit, Romæ Cellam quatuor co-
 ronatorum cum omnibus appendiciis ſuis ſibi ſuiſque ſucces-
 ſoribus in perpetuū acquiſivit, *ſub eo regulares Canonici Sancti Pe-
 tri eſſe deſierunt.* Mogonciæ deſunctus ſepultus eſt in Eccle-
 ſia [Basilica] Sancti Gangolſi Martyris quam ipſe de proprio
 ſuo conſtruxit ac XII fratres ibi deo ſamulatuſcos datis neces-
 ſariis inſtituit. Cui ſucceſſit æternæ memoriæ Ekkebertus
 Episcopus hic de Britannia ortus, Patre Theodorico Comi-
 te & Matre. Hiltigarda nomine divitiis & nobilitate Anglorum
 primoribus, divinitus ut credimus huic ſedi eſt prædeſtinatus.
 Nam ut primum Chriſto Treberenſibus conſulente hanc ſe-
 dem conſcendit, multifariam ejus inopiam caritate & miſe-
 ricordia, quæ in eo abundavit ſic in perpetuum relevat ut
 quam diu hic mundus volvitur ejus memoria digne cele-
 branda judicetur. Mox etenim omnibus ſuis ſecundum car-
 nem & Spiritum in Britannia propinquis mandat, ut ad ſe
 inviſendum ſuæque Generoſitaris indicium declarandum ſe
 præpararent & proximo natali Domini cum omni pompa &
 ambitione Treberim properarent, quod cum ipſi ſtudioſe
 & ſtrenuè impleſſent ipſe caritate mediante omnibus quas
 detulerant rebus & pecunia ſpoliavit eiſdemque in Patriam
 reverſis multoque plura remittentibus & precioſiora adjici-
 entibus Eccleſiam ſuam Paganorum & Chriſtianorum rapi-
 na exinanitam largiſſima liberalitate ditavit, aureis & ar-
 gente-

genteis crucibus, plenariis, Casulis, Dalmaticis, tunicis, palliis, capsis, velis, cortinisque & possessionibus auxit. Monasteria urbis rapina & Provincialium prædiis exhausta relictis ubique manu potestativa possessionibus, reparavit, Abbaciam Sancti Servatii dono *Ostonis secundi* recepit. Item pro ficcitate terræ imminente & rogationes, Cruciumque & Sanctarum reliquiarum gestationes per circuitum valli Treberici ab omnibus quisunt in sua parochia tertia post pascha hebdomade fieri præcepit; Corpus Sancti Celsi Confessoris in Cæmiterio Sancti Eucharrii reperit. Juste namque Ekbertus & Theodoricus Metensis Episcopus Anno Dominicæ incarnationis DCCCC LXX cum Ottrone, Magno & gloriosissimo Imperatore Augusto cujus conjux Theophanu (Theophania) in Italia per triennium fere constituti multa Sanctorum corpora collegerunt, quæ ad sedes suas transmiserunt. Ekbertus Sanctum Severum Presbyterum in Terentina valli [Terentia valle sepultum] de quo Sanctus Gregorius in libro dialogorum scribit, adjutorio regis supradicti acquisivit qui per Mosellæ fluviminis alveum transvectus acquiescit, & in Spoleto civitate ossa Gregorii Martyris & Pontiani Martyris, & in castro *Turegum* [Turregii] reliquias Felicis & regulæ, [Ursulæ] Episcopus autem Corfinii [Cursinii] Theodorico Episcopo Metensi dedit corpus Sanctæ Lucie virginis testificantis manu sua Evangelio super posita hanc ipsam esse Siracusanam de qua responsoria & Antiophonæ, cum missa cantantur ubique & eo loci per Forardum quendam ducem Spoletanum translata, cujus dimidium idem Theodoricus Ekberto Episcopo devotissime petenti tradidit,

CAP. XLV.

Hujus industria Treberensis Ecclesia baculum Sancti Petri jam dia amissum recepit, quem qualiter amiserit breviter dicemus, Temporibus Sancti maximi Hunnis Rhenum transire meditantibus, Sanctus Servacius Trajectensis Episcopus prævidens in Spiritu cædes & incendia totiusque Galliaæ futurum excidium. Romam causa orationis adiit, ut suffragio Apostolici patrocinii mitigaret Dominum [iram Domini] Ubi cum triduo precibus & lachrymis insistere, responso didicit Apostolico, nullo modo vindictam Domini præterituram nilque in Gallia Civitatum vel Ecclesiarum inustum relinqui, nisi solum in mere [meti] monasterium Sancti Stephani. Inde ergo reversus Treberim Sancto maximino quod audierat rerulit, nec multo post apud Trajectum obiit. Quicquid igitur in civitate Treberica erat reliquiarum mobilium prædictæ hostilitatis metu ad Mettim deferendum consilio sapientium est decretum. Porro autem ante Hunnorum irruptionem Treberi Francorum pertulerunt invasionem, nec multo post ille omni fama celebris Attila Rex Hunorum humanarum miseriarum gurgēs & malorum, a Reno Aurelianis usque omnem Galliam captivavit, incendit & vastavit. Exin cum pace reddira cepissent urbes & vici secundum pristinum inhabitari, Treberi res suas à metensibus repetentes in vanum fuere laborantes. Placuit ergo tributum de civitate Treberi Sancto Stephano Metensium Patrono annuatim persolvi quo per hanc exhibitam venerationem mererentur aliquam rerum suarum restitutionem, quibus cum præter baculum alia redderentur, essetque pudor Trebiros victores quondam gentium tributarios esse Metensium, rupto fœdere altare in honore Sancti Stephani super quatuor columnas in curia erexerunt Treberica & prædictum censum annis singulis illuc solverunt.

Dein

Dein à Metensibus in Curia Regis orta quærimonia & dicentibus annum tributum à Treberensibus sibi debitum aliquot annis sibi negatum, istis quoque negantibus unquam se alicui tributarios fuisse, Metenses in fidei & querelæ suæ testimonium rogant mitti & inspicere quod super columnas in curiæ altare collocatum. Quod cum utrorumque arbitrio definitum foret, fieri debere: Treberici occultè celerrimum nuntium miserunt & altare columnis depositum [impositum] Monasterio Sancti Petri collocaverunt. Sic ergo cum res mota quærimoniis probari non posset testimoniis, Treberenses hâc potiti victoria baculi tamen caruere presentia donec post dictas & triumphum adhuc gentium gravissimas irruptiones, Wandalorum Francorum, Northmannorum Ottone regnante, Frater ejus potentissimus Coloniensis Episcopus hâc etiam civitate donatus à Treberensibus rogatus baculum huic Ecclesiæ restituendum à Metensibus extorsit, sed eum eadem, qua clavum Domini, perfidia subtrahere voluit, Coloniensi Ecclesiæ dono dedit. Paucis hinc annis transeuntibus Ekberti Episcopi instantia Warinus Coloniensis Episcopus partem baculi cum apice secans superiorem partem sibi retinuit, reliquam huc transmisit. Ferunt hirundines ab hoc Viro scilicet Ekberto Episcopo maledicente templum Sancti Petri non involare, aut si involaverint exanimari, quod sibi quodam die super altare sacra celebranti ex una earum caput contigisset scadari. Adveniente quondam festivitate Sancti Eucharii, Ipse pro celebrando ibidem divino officio ad ejus monasterium perrexerat. Cumque post expleta missarum solemnia à fratribus peteretur obnixè cibi & potus caritatem sumere, ne eis onerosum fortasse existeret, si tanta comitatus ambitione ibidem reficeret, cepit oblatam à fratribus caritatem omnino refutare & reditum suum in Urbem maturare, cumque

que venisset ad flumen Oluvam cepit infirmitate gravi deficere nec mora ad suam sedem perveniens, diem clausit extremum. Sepultus est ibidem in parva Ecclesia quam ipse in honorem Sancti Andreæ construxerat in latere Ecclesiæ dextero. Sinistrorsum vero depositus jacet Henricus supra nominatus hujus tertius antecessor, quem in Italia defunctum huc relatum illic sepelivit.

CAP. XLVI.

Hic successit Lutholdus [Ludolfus] *natione Saxo*. hic muris Ecclesiam Sancti Petri ac fratrum [sceminarum] habitacula circumcinxit, & ut ea quæ intra sunt usui Canonicorum cedant, exceptis quæ ad Episcopum pertinent instituit, quatenus, quomodo religione, ita & mansione à plebe sequestraretur. Quo pontificante præfuit in monasterio Sancti Paulini Præpositus nomine Adelbero de Luczelenburg ortus, vir potens & dives, habens castella hæc: Sarburc, Berencastel & Rutich [Rotichen] qui inito cum Lutholdo Archiepiscopo pravo consilio Ecclesiam Sancti Simphoriani quæ Abbatibus Sancti Martini subiacebat partim vi partim dolo sibi vendicat, Episcopo pro dolor sibi consentiente, & deinceps eam Sancto Paulino retinuit. Lutholdo autem defuncto ea fiducia quod *soror sua Henrico Claudio Imperatori nupta* fuerat invasit, milites in sua sacramenta jurare coëgit, Palatium quod situm est in urbe occupavit, pontem quoque Mosellæ curribus munivit. Henricus autem Imperator megingaudo Episcopatum dedit, Præposito Ecclesiæ mogontię. Qui cum potentiæ Adelberonis resistere pararet LX. mansos de rebus sancti Martini [materni] Navengero [Ravengero de Adelberc] & Udelberro de scalle [stalle] in beneficium dedit nectamen prævaluit. Tunc Henricus Imperator cum exercitu Tre-

tu Treberim venit & Palatium obsedit à Dominica post albas usque ad Kal. Septembris qua obsidione non solum regio in circuitu Urbis undique vastata, sed ipsa quoque Ci iras quæ jam post vastationem Nortmannicam ædibus ornata & aliquatenus fuerat inhabitata, in pristinam solitudinem pene est redacta. Non solum denique Obsessores sed & ipsi Palatini obsessi frequentibus eruptionibus ipsos obsessores & finitima Palatii populabantur. Una die de verrice Jurani montis multitudo boum & ovium ad servitium Imperatoris adducta cum præsidio militum destitueretur (descendit) quod Palatini ex arce prospicientes eruptione subita facta boves & oves præsidio eorum fugato ante se in Palatium compulerunt. Quos Cæsariani milites persecuti apertis portis simul cum illis palatium irruerunt. Nec mora Palatini ex abdito portas clauserunt omnesque qui irruerant missis ex arce lapidibus alios occiderunt alios graviter sauciaverunt, reliquos ceperunt. Tunc Imperator ex materia Domorum urbanarum machinas circa palatium usque ad arces præcepit erigi, quo facilius posset Palatinos ex ipsa machinarum æquali [æqua] Palatio altitudine angustare. Hæ quoque Palatinis fortiter repugnantibus igne immisso vel succensæ vel dirutæ sunt. Cæsar ergo cum nequaquam proficeretur in ejus expugnatione ad Kal. Septemb. profectus pontem dejici jussit quem custodiæ Adelberonis obtinuerant. Et Megingaudo Episcopatum confirmavit, quem usque ad finem vitæ suæ in Castello Confluentia Episcopatum administravit. Adelberone supra dicto Invasore maximam Episcopii fam liam retinente. Tandem circa finem Megingaudi, gravi infirmitate depressus omnia Megingauda reddidit sed Palatium sibi retinuit. Obeunte Megingauda Henricus Imperator Poponem in Regensburgk educatum ad offensam Adelberonis Præfulem constituit, ita dicens talem Virum debeo dirigere,

† 12

re,

re, qui tuæ vefaniæ fufficiat refiftere. Igitur Adelbero tandem fera pœnitentia tactus [ductus] nec valens vires Poponis fufferre fupplex eidem factus Palatium & fua Caftella & omnia fua contradidit, & dein in Monafterio Sancti Paulini ufque ad finem vitæ permanfit.

CAP. XLVII.

ANno Dominicæ Incarnationis MXVI Boppo [Popo] Archi Epifcopus Trebirorum ordinatur. Hic fæpulis occupatus in expeditione & procinctu [exercitu] militum, quædam de Sancto Paulino tulit de Palatio & LX monialium præbendas militibus in beneficium diftribuit, Berencastell quondam Adelberonis à prædonibus defenfum destruxit, aliud quoque caftellum cujusdam Tyranni Adelberti qui dicebatur Sciva [Skipha] ad terram dejecit, qui videlicet Adelbertus Caftellum Treberis quondam in honore Sanctæ Crucis conftructum poffidebat, inde frequenter cum multitudine militum erumpens in Curiam Epifcopi quidquid ibi ad ejus obfequium parabatur violenter auferens abducebat. Cujus rei ignominia confufus Epifcopus videlicet quod hoftem cottidianum fibi tam proximum ob munitionem Caftelli non poffet debellare, multis ad amicos fuos habitis querimoniis ad hujuscemodi infamiam depellendam confilium & auxilium cæpit inquirere. Erat in exercitu ejus Vir potens divitiis & viribus fortis nomine Siko [Sicko] qui promiffit fe tentaturum, fi quomodo poffet hujus mali invenire medicamentum, Epifcopo fibi fatis congratulante, egreditur ille cupiens, quod fponderat adire, quadam die pergit ad portam Caftelli pulfans fores, rogat fibi ab Adelberto ad refocillandum poculum mitti quod cum celeriter allatum fuiffet & ebiffet, Pincernam nuntium alloquitur,
Domi-

Domino tuo ait ex mea parte magnas gratias nuntiatio pariter & hæc verba narrare curato, quod vita sospite hoc sibi poculum grata voluntate citissime rependere studebo; Et his dictis abiit, captato demum opportuno tempore XXX *hamas* præparat, in quibus singulis singulos milites electos loricos & galeatos ensibusque præcinctos collocat & de super linteis operas funes quibus vestes ad portandum eas infererentur, componit; Deinde LX viros nichilominus conditis gestatores constituit nulloque hominum hujus fraudis præter prædictos conscio. Ipse Siko cum his & aliis paucis militibus vallatus ad Castellum tendit, fores pulsavit, servo sciscitante quis sit & quid velit, dic, ait, domino tuo me sibi vinum magnæ dilectionis gratia olim promissum deferre, quoniam ipsum non piguit mihi sitienti poculum dirigere. Servo renuntiante Adelbertus jussit viros intromitteri, quibus ingressis & hamas coram Adelberto simul ponentibus post eas Siko subintrat, juber auferrî linteorum velamina rogat Adelbertum suscipere dilectionis munera, portitores sicut erant docti uno momento pariter omnia hæmarum velamina dejecerunt, gladios suos diripuerunt, insidiæ hamis exiliunt gladios stringunt, fortiter undique feriunt, ipsum Adelbertum obruncant, ceteros ædiuos crudeliter mactant, Castellum in solitudinem redigunt, Siko à Boppone pro victoria beneficiis illustratus est. Simili modo per alios principes suos multa Castella partim vi partim dolo cepit, tyrannorum insaniam diu impune bacchantem ex parte maxima refrenavit. Monasteriis sanè eorum violentia exhaustis prout potuit misericorditer succurrit, quibusdam non habita dando, quibusdam ablata restituendo exceptis duntaxat, ut supra diximus duabus congregationibus Sancti Paulini videlicet & Sanctæ Mariæ de Palatio, ex

quibus alteri propter Adelberonis insolentiam quædam subtrahendo minime pepercit, alteri propter malitiam ibidem habitantium, de quibus postea dicemus, cuncta quæ habuerat abstulit, ipsamque de loco eodem exterminavit. Hic rogatus à quodam *Danorum Comite Ottone* Daxiam [Daniam] venit gentemque *Danorum* [Savorum] (an Svecorum?) *ad huc idolis servientem ad Christum conversis*, ubi incredulis repugnantibus chirothecam ferream fieri præcepit, eamque igniri qua manu sua vestita neclæsa, lineoque panno cera infuso ad carnem indutus fornacem candentem intravit, indeque panno combusto illæsus exiens Christum Dei filium Deum esse verum, hoc indicio [iudicio] declaravit. Hoc usque hodie apud Danos celebri fama vulgatur, à quibus & *Ansgarius* vocatur; Quo nomine ejus memoria ab eis V. Idus Septembr. celebratur.

CAP. XLVIII.

Sepulchrum ejus Treberi à Danis frequentatur. Sed quia tantisper ejus mentionem fecimus libet à principio quædam gestorum ejus breviter narrando commemorare. Regnante Serenissimo Heinrico, rege quidem secundo, Imperatore autem primo, anno regni ejus XIII Megingaudo Trebericæ Civitatis Archi Episcopo de medio sublato dominus Popo in gaudium & lætitiâ universæ civitatis cathedram Episcopalem suscepit, verè inquam in gaudium, quia ut in ipsum Scholastici cujusdam verbis utar *Almum Turorem secum sulis huc Symeonem*. Unde in sequentibus plenius Deo largiente tractabo. Primum autem quibus parentibus quibus etiam partibus extiterit oriundus, quantum ad meam notitiam seniorum relatione devenit, referte curabo. Pater ejus Liupaldi nomen erat, qui regionis Austriæ Marchiam

am [Marcam] tenebat. Mater ejus Richinza [Richesa] cujusdā Ducis Germaniæ Franciæ filia fuit, sed & frater ejus patris æquivocus patre eorum defuncto eandem Marchiam strenuè gubernabat. Hi itaque filium suum Poponem ætate proficientem disciplina litterali [liberali] erudiendum in Regensburg civitate viris doctioribus tradiderunt, & post in processu temporis scientia litterarum satis imbutum & in virile jam robur adultum notitiæ supradicti regis exhibuerunt. Cui in brevi tam dilectus factus tamque idoneus visus est, ut sic dixi Megingaudus Episcopo Trebericæ Metropolis de medio facto Rex ipse Treberim festinato venerit. Erat enim in Confluentia positus & impetrato tam Cleri, quam populi consensu ipsum Pontificali Cathedra sublimavit. Proinde ab Episcopis qui causa regis adveniant consecratus est sub die Kal. Jan. Anno Dominicæ incarnationis M XVI. Consecratorum autem ejus erat unus Theodoricus, secundus Metensis Episcopus. Dein diebus non multis interpositis Romam orationis causa profectus est, ut quod Sancta Romana Mater Ecclesia filiæ suæ, Treberensi scilicet Ecclesiæ ex institutione Sanctorum Apostolorum honorum & gratiæ debuisset impendere, & fieri sibi postularet. Quem Dominus Benedictus VIII. Sanctissimæ Apostolicæ sedis præsidens magno cum honore suscepit, moramque ibi facienti omnem reverentiam & dilectionem exhibuit, ita ut pro eo missas faceret & cum ipso sæpius cibum caperet, volenteque inde transmigrare summo pere, de ejus quæ in deum est fidei conservatione, & de subditorum sibi eruditione atque deprecantium non furiosa sed paterna castigatione, sed & de munditia animæ & corporis solerter ammonerat, & ut ipsa hæc eius præcepta memoriæ ipsius non exiderent, dedit chirographum hunc habentem modum,

CAP. XLIX.

Benedictus Episcopus servus servorum Dei beatissimo confratri & Episcopo Popponi Sanctæ Trevericæ sedis Archi Episcopo venerabili æternam in domino salutem & Apostolicam benedictionem. Apostolicæ sollicitudini convenit, benignum erga fratres semper habere affectum eorumque petitionibus quæ ratæ rationabilesque esse videntur commodare assensum, proinde dulcissime frater, quia postulati à me, uti juxta morem prædecessorum tuorum usum tibi pallii concederemus, libenter voto tuo annuimus, solerter tuam commonentes fraternitatem, ut exterioris indumenti habitum morum probitate exornes, talemque te in omnibus exhibeas, ut creditæ dispensationis officium pastoralis cura semper administrare studeas. Tunc enim veluti lucerna quæ in domo lucet cunctis apparebis conspicuus, si ut exteriori habitu ira & interiori fueris adornatus. Crucem Christi quam sub pallii specie gestas, in corpore intus decreveris portare, in mente clamans cum Apostolo. Mihi mundus crucifixus est, & ego mundo, desideranter quoque addens illud Prophetæ: Confige clavis à timore tuo carnes meas. Debita igitur caritate te admonentes ab Apostolica sede pallium tibi transmittimus hujus privilegii nostri autoritate, statuentes, ut in celebratione missarum his tantummodo solennitatibus eo adornatus incedas, videlicet in Nativitate Domini, in Epiphania Domini, in Cæna Domini, in Pascha, in Pentecoste, in Ascensione Domini & in festivitatibus, Sanctæ Dei Genitricis & perpetuæ virginis Mariæ, & in nativitate Sancti Johannis Baptistæ, & in solennibus omnium Apostolorum, & in solennitate omnium sanctorum, in festis quoque illorum Sanctorum quorum Corpora & reliquiæ in tuo Episcopatu habentur, & in dedicatione tuæ Ecclesiæ & in

& in die annuæ ordinationis tuæ, & si quando sacros ordines competenter facere decreveris. Concedimus etiam Tibi, carissime Fili, licentiam crucem ante Te gestandi, Omnipotens Dominus fraternitatem tuam dulcissime Frater hic & in futuro custodiat, sique mentes nostras in suo servitio corroboret, ut pro bene administratæ pastoralis curæ officio in æterna beatitudine laborem nostrum remuneret. Bene valete, Dato VI Idus Aprilis Mensis per manus Benedicti Episcopi Apostolicæ sedis legati, Anno Heinrichi invictissimi Regis Romanorum XIII. Imperio vero ejus tertio Indictione XIII.

CAP. L.

INde verò annis aliquot transactis cum satageret, ut juxta dei voluntatem & secundum supra scriptam Romani Pontificis commonitionem animam suam immaculatam Deo offerret; Ecce diabolus, qui ut scriptura dicit seducit universum orbem, sicut arte sua nequissima per mulierem Adam protoplastum nosque omnes per eum immortalitatis veste nudavit, ira quoque & hujus animum fraudis suæ integumentis à proposito castitatis subvertere laborat ne posset cum Apostolo dicere, gloria nostra, hoc est testimonium bonæ conscientiæ &c. verbi causa. Est in suburbio Treverensi oppidum quoddam quod vocatur *aula Palatii*, ubi ex institutione unius filiarum Dagoberti regis pretiosæ virginis Athelæ inibi quiescentis congregatio erat puellarum Canonicam vitam profitentium. Accidit itaque ut Episcopus uni earum commissuram pallii mitteret, ut ipsa ei exinde caligas quibus, cum ad missarum solennia celebranda procederet, indueretur, aptaret, quas illa suscipiens & impudiciæ suæ participem fieri concupiscens arte sua nescio qua venefica

† K

infe-

infecit, futas remisit quibus mox Episcopo indutis, mirum dictu non visum est ei ultra decem passus viæ sospita vita procedere nisi ad præfens haberet rem cum muliere. Attornitis de tam subita mentis mutatione tamque inopinata carnis titillatione, quippe qui disposuerat carnalibus desideriis non consentire, cum festinatione exiit ac uni ut ita dicam de principibus sacerdotum, qui forte illic aderat indutum dedit, qui mox ut induit & ipse festinanter exiit secum mirans nihil tamen dicens tunc reliqui qui astabant, quid id mirabile esset admirati unus post unum [alterum] easdem caligas secreto cupientes induerunt & similia passi sunt, nullus tamen quid pateretur audebat præ pudore fateri. Novissimè ventum est ad urbis præfectum, qui ut ab Episcopo iussus induit, furorè incredibili infremuit & se incantatum esse proclamat sciscitantique, quis iniquitatis hujus auctor exiterit, Episcopus aperuit. Tunc omnes in unum sententias suas proferentes dicebant maximum hoc esse dedecus Ecclesiæ, quod qui canonica vel etiam Ecclesiastica censeretur professione tali pollueretur iniquitate. Eam quidem quæ hanc rem fecisset ab ordine sanctimonie projici dignam esse, cæteras vero ibi manentium ne ab eis aliquid tam infame procederet mutatis vestibus ac pro albis nigris indutis arctiori vitæ operam dare debere quod si perpeti nolissent, melius esset ut locus iste careret inhabitatione quam ibi tales degerent personæ quæ hujusmodi nequitiam gestarent sub religionis specie, & ita factum est; Illa ejecta est, sed & cæteræ nolentes nec habitum nec conversationem mutare similiter sunt ejectæ, & aliæ in Monasterium puellarum quod horreum dicitur, aliæ autem ad aliæ sui habitus migraverunt loca, vacavitque locus aliquandū à divinis laudibus. Cujus rei Episcopus postea summa ductus pœnitentia, veritus ne hujus causa injuriæ

extre-

extrema divini judicii ultione damnaretur, annuente Domino Johanne tunc Romano Pontifice, commissa sub ipsius testimonio conprovincialibus Episcopis, suis videlicet suffraganeis, Treverensi Ecclesia, Jerusalem ire disposuit unde rediens in loco supradicto ad laudes dei celebrandas clericos religiosos mancipavit. Euntis itaque *Jerusalem* quam efficax quamque deo exitit pœnitentia grata, prudens quisque liquido potest advertere, cum didicerit, quod divina respectus clementia virum *Sanctum Symeonem* sibi conjunxit secumque adduxit. Cujus quia mentio se intulit, licet de illo prolixior tractatus habeatur, & me libet vel ad modicum ut sit memoria ejus in benedictione, qui adduxit, cum Domino adjuvante sanctitatem ejus perstringere.

CAP. LI.

INterea Dominus Poppo, de quo sermo est, Trevericæ hujus Metropolis strenuus provisor Hierosolymam tendens ibi loci ubi Symeon morabatur applicuit, eumque ut secum venire vellet exoravit, quod annuens cum Antiochiam simul devenisset Symeon, à primoribus quibus pridie ibi se notum fecerat remoratus substitit donec Poppo Hierosolyma rediens secus eam civitatem iter reflexit. Tunc admonitus in somnis, præfato Præsuli se commendat, & secum Treverim venit, ubi prout ipse petiit in turri quadam deserta [verum pro ut ipse petiit intrans quædam deserta] à Poppone reclusus, sicut quondam in vertice montis Sinai ita nunc quoque hic graves malignorum Spirituum insidias perpetiit, quos Domino auxiliante superavit. Postremo cum ibi reclusus transegisset VII annos ei qui dedit animam reddidit Kal. Junii Anno Dominicæ Incarnationis M. XXXV. Deus autem eum multis virtutum indiciiis magnificavit, ita

ut erectis manibus nostris in cœlum sursum ad Deum ac cordibus nostris Evangelicum illud exultantes decantare possimus, quia visitavit Deus plebem suam. Itaque promissu raculorum frequenti ostensione populus totius hujus provinciae sæpe dictum Popponem deprecabatur Episcopum, uti ad honorem Dei & sancti illius viri per se vel per Epistolam suam Romanum Pontificem consuleret, & eventum rei nuntiaret peteretque quatenus autoritatis præcepto quem Deus evidentibus miraculis commendaret, hunc etiam fidelium populus digno Sanctis obsequio frequentaret, & ejus annum depositionis diem solemniter celebraret. Super cuius rei negotio Archi Episcopus habito Comprovincialium Episcoporum consilio, quod subditus sibi populus piè petiit implevit.

CAP. LII.

Verum ut ad ordinem narrationis accedam libet ad superiora parumper respicere, Poppone in prælibati itineris negotio occupato nec dum reverso, *Giselbertus quidam Comes de Castello Luzelnburg nominato cum filio suo Cunrado* non sic aliter quam solet lupo in oves insanire, si quando contigerit Pastorem deesse, alius hoc alius illud sibi vendicare, ille quoscunque capere: Iste autem deprædare sicque mala inenarrabilia non cessabat perpetrare, quod Episcopus reversus comperiens, nec enim ipso præsentem à malitia sua se poterant continere cum non potuissent ullomodo illis resistere, quippe quibus totius hujus provinciae valentiores, qui hanc in eos [potius] debuissent injuriam vindicare confœderati erant hujusmodi, conjunctione, persæpe apud Imperatorem Cunradum se proclamat de illorum Tyrannide nihilque potuit proficere sicut superscripta ejus Epistola

stola commemorat, unde quam plures & Regi & Pontifici mittebat Epistolas quas quia pro multitudine tædiosum erat singulasponere, verum etiam, quia non omnes contingit ad meam notitiam devenire, unam hanc tandem sufficiat præ omnibus potuisse. Reverendissimo Patri patrum gratia & nomine Benedicto Poppo licet indignus divina tamen largiente clementia Sanctæ Trevirensis Ecclesiæ Minister cum totius affectus dilectione debitam subjectionem, Superiori anno cum annuente venerandæ Memoræ Domino Johanne in hac sancta Sede Apostolica Prædecessore vestro amore visionis sepulchri hominis Dei Jesu Christi Jerusalem peregrè profectus fuisset, in regione nostra pravorum hominum supercrevit iniquitas ita ut nec adhuc manus ab incesta [incesta] possit retrahere nequitia omnia per circuitum diripientes & devastantes super quo sapissime deprecatus faciem Domini mei Regis quatenus manum mihi porrigeret suæ animadversionis, nihilque profeci, sæpe etiam supra nominato Prædecessori vestro pro eodem supplicavi, nec quidquam usque huc consolationis impetravi, quam ob rem desidero, ut vel nunc solacietur mihi Deo amabilis Paternitas vestra, mittatque virum de honoratioribus vestris ac prudentioribus qui mihi in necessitatibus meis consilio simul & auxilio suffragetur, auxilietur dico de adversis consilietur autem de his, quæ latere non credo vestræ Sanctitati, at vero si hætenus vos latuerunt jam nunc obsecro uti benignum litteris meis accommodare velitis auditum. Vir quidam vitæ sanctitate laudabilis apud nos diebus istis ex hac luce migravit quem si signis & virtutibus quæ per eum Dominus operatur credere debeamus, procul dubio cum Sanctis æternæ beatitudinis habere consortium non dubitamus, sed non tam signa quæ fidelibus & infidelibus communia sunt, quam fidei virtus, qua fideles ab

infidelibus sequestrati sunt , qua ipse cum adhuc in corpore maneret plurimum vixit , de ejus nos sanctitate certos reddit. Pro inde accersivit nos tam Clerus quam populus Ecclesiæ nostræ obsecrantes uti literis nostris ad hanc Apostolicam sedem , cui vos auctore Deo præsideris cum illius viri Sancti vita & miraculis missis peteremus , quod petitione dignum credimus , quatenus si vobis ita cautum videatur , dato nobis vestri Apostolatus decreto nomen ejus liceat cum Sanctorum nominibus conscribi cæterique honores Sanctis debiri ipsi impendi. Itaque quid solatii quid consilii super alleviatione angustiarum mearum hinc & inde obortarum prudentia vestra mihi ineundum decreverit sine longa temporis dilatione dignemini insinuare. Honor vester & meritum apud Deum semper & homines augentur. Sed quid Papa ad hæc responderit quanquam benigne literas ejus super decursas accepit mea non est opus præfatione ipsum audi, quid dicat:

CAP. LIII.

Benedictus Episcopus servus Servorum Dei Popponi tam suis meritis quam divino carismate Trevirorum Archi Episcopo salutem æternam cum Apostolica benedictione. Sumtis reverentiæ vestræ literis & lectis atque relectis in imo cordis earum vim reposuimus ut vobis petentibus desiderata concederemus. Nam illius regulam jugiter oportet nos in quantum possumus imitari , qui se bene petentibus non est obstinatus , se in veritate quærentibus non est prolongatus , nec ad fores suas perseveranter pulsantibus ad aperiendum retardatur. At nos licet tardius quam cupimus ad sonum tamen paginæ vestræ , ut debemus pro affectu respondemus , neque enim facimus quæ
volu-

volumus cum volumus. [facimus ut volumus] sed cum divinitus ut faciamus accipimus, quæque suis temporibus superna dispositio coaptavit. Quod igitur meministi sedem Apostolicam, cui ex divina dignatione præsidemus totius Ecclesiasticæ Pastoralitatis esse refugium, ut votis vestris ad eam confugientibus annueremus meritis amplexibus, hæc ipsa donavimus, quippe cum sit origo & fundamentum Ecclesiarum, Domino confessionem Petri taliter compensante: Tu es Petrus & super hanc Petram ædificabo Ecclesiam meam &c. dignum plane videretur ut omnis Christiana fidelitas ad eam concursum habeat & ipsa omnibus manum solatii porrigat. Vobis vero in congressu positis ad iniquitates pravorum hominum debellandas ac spirituali gladio percutiendas quoniam in rebus divinitus vobis commissæ vicis, Coadjutorem Præfulem à nobis poposcitis en dirigimus, quem quidem & honestas morum sic nomine indicat, & sagax animi pulchritudo decorat, quem huic negotio aptissimum censuimus, quia Dei fidelem Servum & prudentem cognovimus, cui & astutia serpentis est, & columbæ simplicitas, de cujus quodammodo labiis fluunt mella pro capitu audientium cœlestis ambrosiæ plena. Quem à corpore nostro velut dextrum separavimus brachium, imprecantes ei salutem & gaudium, dirigimus ergo illum ut solatietur vobis in... vestristam scilicet in opere consecrationis [Dirigimus ergo illum & in unctionem confirmationis] & si quid in necessitatibus aliis Deo favente valebit pro libitu sanctæ vestræ fraternitatis. Ut illum tractetis uti decet non detracteris vel dissimuletis, nulla credimus admonitione indigeris, cum vestra benignitas inde sit profusior, unde est sanctior. De cetero ad illum Simeonem veniendum est, quem numerosis coruscantem miraculis, divinis præfulgentem virtutibus ostenditis. Ex quo liquet eum in fragili

cor-

corpore thesaurum bajulasse spiritualis gratiæ, ut non solum sibi providerit ad salutem, sed aliis quoque atque aliis ad multiplicem sanitatem. Quia igitur ad illam æternam beatitudinem illamque summæ felicitatis perpetuitatem & cœleste consortium pervenisse creditur sicut opere signorum frequentius panditur, nostræ Apostolicæ Auctoritatis sententia iudicium divini arbitrii secuta & complurium fratrum nostrorum suffulta decernit eundem virum Dei Symeonem post hac semper & ubique Sanctum debere nominari, ejusque natalem sicut aliorum Sanctorum reverentissime singulis annis celebrari. Non enim qui se ipsum commendat ille probatus est, sed quem deus commendat dicit Apostolus, glorietur, laudetur, pigeat, placeat, celebretur, ametur & colatur nomenque illius Martyrologio inferatur. Ipse intercedat pro peccatis & negligentis nostris & commissorum nobis apud clementissimam divini Numinis Majestatem, ut mirabilia quæ visibiliter exhibet circa infirmorum corpora in animabus nostris ocula virtute dignanter exhibeat. Benedicti VIII. PPe.

CAP. LIV.

Congruum duxi rem quandam dignam valde memoria quam circa hæc tempora accidisse comperi, sub silentio non præterire. Sicut inquam supra significatum est, ipso Poppone Jerusalem profecto & pertres fere annos demorato, Babyloniam enim usque videndi nominatissimæ civitatis illius gratia procefferat, ubi & detentus aliquamdiu in captivitate laborabat, si recte memini, quidam Metensis Episcopus, vice quâdam in jejuniis Junii mensis Treverim pro eo ordines facere veniebat, hoc enim ipse prius quam de Provincia exiret deprecatus fuerat, ut cui Comprovincialium suo-

suorum videlicet suffraganeorum Episcoporum demandatum fuisset, Treverim veniret & vicem ejus adimpleret. Hic autem quo Treveri cæteris (vicinior) junior eo ibi in hoc opus frequentior. Verum ut dixi ordines facturus sub die XV. Kal. Julii petiit sicut assidue faciebat, mitti coram eo in altari clavum Domini, qui ibi loci ea collocaione Dominæ Helenæ Augustæ haberetur, quique sic dæmonis testimonio credebatur, cum quidam à dæmone vexaretur, & clavus hic ad effugandum illum cum aliis Sanctorum reliquiis illò delatus fuisset à maligno illo perhibitus est, ipse esse qui pendentis in cruce Domini pro salute generis humani fuisset in dextro pede confixus cujus nimia virtute compelli se exire. Ante enim nulla certitudo, sed tantum opinio erat quantæ virtutis idem clavus haberetur. Porro missò eo in altari astitit prælibatus Episcopus, clam circumspiciens & quærens locum, si forte ea sibi opportunitas accidere potuisset, quo corripere & in sinum suum deponeret, alium autem quem hujus gratia fieri jusserat & sub ascella sua occultaverat, hoc erepto impingeret. Quid multa? ut concupierat correptum in sinu suo recondidit & actionem cui institit lætus peregit. Proinde cum post confecta ministeria [mysteria] exutum duceretur, sic Domino placuit clavus ille sanguinem abundantius fudit, qui guttarim de sinu ejus in terram emanare cœpit, quod videntes Ministri ejus qui circumdabant eum ut velocius incederet & exui festinarer urgebant eum, cujuspian mali causam ei accidisse arbitrati. Denique cum cœpisset sacerdotalia vestimenta deponere totumque vidisset sinum albæ repletum sanguine, dirigit primum & ultra quam credi potest quid secum ageretur admirans tandem cum redisset in se, delictum quod patrarat confessus veniam impetravit, & post exutas vestes convolvit in unum deditque consilium, ut summa cum veneratione servarentur quod & factum est.

CAP. LV.

ILlo itaque tempore cum adhuc famulus Dei Symeon supra nominatus vitales carperet auras Popponem sæpe dictum Archi Episcopum ducem suum & hospitem idem vir Dei secreta frequenter colloquutione dignos futuræ vitæ actus agere persvasit, quatenus in hâc luce positus cum Dei adiutorio hoc elaborare niteretur, ut post obitum in consortium beatitudinis eorum transiret, quorum nunc vicem gerere videretur. Fuit autem fames valida in omni terra ista, ita ut multi morerentur inedia, hiemalium pluviarum enim inundantia sed & fluminis secus civitatem decurrentis, verno tempore inæstimabili superabundantia, diutina statione & nimia sua limositate omnes ferè segetes absorbuerat. Cujus causam mali insipiens vulgus Simeoni sicut in vita sua legitur imputabat. Tunc Episcopus multam egentibus exhibebat humanitatem, illud sæpius ante mentis suæ oculos ducens quod dicit sermo divinus, qui viderit fratrem suum necessitatem patientem & clauserit viscera sua ab eo, caritas Dei non manet in eo. Etenim die quodam in albis paschalibus cum ad unam Ecclesiarum in civitate consistentium divinum celebraturus officium equo nobili vectus incederet, obviam habuit in campo pauperum multitudinem copiosam, qui deprecabantur eum ut solita miseratione aliquid ipsis impenderet vitæ subsidium. Qui accito mox cubiculario suo iussit sibi exhiberi festinato thesauri non modicam quantitatem ad dispartiendum illis, omnibus igitur qui secum erant impellentibus & dicentibus, ut primum, cuius gratia venerat adimpleret indeque revertens expeditius quantam voluisset pauperibus misericordiam impenderet, ipse respondit; Nolite Carissimi hoc pervadere mi-

mihi, quia sicut illud, ita & hoc Deo est obsequium. Nempe sic oratio nostra apud Majestatem Dei acceptior erit si antequam eo veniamus caritas ista præcesserit: Credo nimis & securus sum, quod sine ambiguitate sacrificium nostrum divinis conspectibus præsentabitur, si tantæ multitudinis fusa prece commenderetur. Interea Cubicularius postulatum obtulit censum quem acceptum ut cœpit in pauperes expendere una omnes cœperunt voce clamare nummis sibi opus non esse, de nummo enim aut nihil aut parum quisque sibi valentis comparare posse, quia sicut ipse nosset, Modius unus frumenti appenderet solidis XXV quibus ille respondit, aliud quid sibi præ manibus non esse quo potuisset illorum necessitatibus communicare, quo contra illi si, inquirunt, ad præsens aliud quid dare nobis non potes, da saltem de pinguibus equis tuis ut vel ad modicum compescatur euries nostra edulio carnis. At ille licet invitus recordatus ramen verbi illius quod vulgo utitur, [i. e. proverbium vocatur] *Carum quisque dabit, qui cara recipere quarit.* Primum dedit suum deinde aliorum non equidem omnium sed eorum tantum quos ad hoc pietatis opus sua potuit exhortatione instigare, & laniati atque devorati sunt [In momento coram eo.] Post hæc ad locum destinatum processit.

CAP. LVI.

DEnique inerat ei permaxima sollicitudo aut construendis Ecclesiis aut reparandis dirutarum vetustate ruinis, quorum alteri evidens perhibet testimonium Ecclesia beati Petri quæ domus Episcopalis dicitur. Hæc ut ferunt, antiquitus fuit domus Dominæ Helenæ, cujus rogatu à beato Agricio primus dedicata est in honore Principis Apostolo-

stolorum , quatuor marmoreis magnæ altitudinis columnis, in quibus tota illa structura IX arcubus [cum articulis] hac & illac distortis consistebat. Sed superioribus annis non paucis una columnarum illarum longitudine sui fatigata & oneris magnitudine prægravata in præceps ceciderat, ita ut nullus timore ruinæ divinum ibi celebraret officium. Nullus quoque qui recta reficeret audebat ostendere, propter quod diuisione neglectu ad id rerum devenerat ut jam domus Orationis non diceretur , sed à pastoribus pecus ibi pastum minaretur [pascere muneraretur. Minaretur; idem quod duceretur, à Gallico mener.] Hanc ipse labore magno & impensa eisdem columnis quasi circumamictis [actis] basibus quas usuali locutione pilaros nuncupant , itemque arcubus prioribus laudabili arte substratis novis aliis resolidavit ; Ita ut non inconvenienter in ejus laude libri sapientiæ illud debeat personare : Ecce Sacerdos magnus , qui in vita sua suffulsit domum & in diebus suis corrobora- vit templum &c. Resolidatam itaque & in pristinum reformatam Statum pretiosis beati Materni reliquiis à loco sepulchricum Comprovincialium Episcoporum coram possitorum ac totius diœcesis suæ cleri & populi, utpote Synodus gratia jam ut ita dicam perendie heri & hodie celebrante [gratia perinde heri & hodie] ibidem Trevere congregatorum annisu XII Kal. Nov. translatis illustravit atque dedicavit , dedicatam donativis pluribus, quibus ab Imperatoribus videlicet Heinricho II. & Conrado similiter II. Itemque Heinricho Rege quidem III. Imperatore autem secundo sicut in præceptis illorum de Treveri continetur, honoratus fuerat, magnifice ditat. Postmodum autem placuit eandem Ecclesiam ampliorem reddere fecitque ut nunc tertia tantum quantum prius ambitus ejus parte sit major. Cujus structuræ ut audiui tantam fundamenti jussit facere pro-
fundi-

funditatem quantam nunc vides terræ supereminentem. Huic etenim operi, cum studiosius insisteret opusque jam ad hastæ longitudinem super terram eductum fuisset die quadam cum sederet ubi opus fiebat, Sol ut solito erat ferventior, refulsit in caput ejus. Erat enim calvus & incanduit cerebrum ejus & sicut solet febre correptus, de die in diem ingravescente eadem valitudine, fortiter ægrotare cœpit nec multo post ad ultima ductus Spiritum reddidit sub die XVI. Kal. Julii Anno Dominicæ incarnationis M. LXVII. [M. XLVII.] Cujus exequias Treverici digne procurantes deposuerunt eum in porta Civitatis quæ cognomento nigra vocabatur, in quâ & ipse beatum Symeonem cujus supra mentio facta est terræ commendaverat ubi à religiosi Clericis in eodem loco ab ipso ab honorem Dei & beati illius viri mancipatis, pro ejus requie die ac nocte preces funduntur ad Deum; Cui est honor & gloria in secula seculorum. Sedit autem in Episcopatu annos XXX. Menses V. [III] Dies X.

CAP. LVII.

Cui defuncto successit in Sacerdotali Ministerio cum cleri plebisque consensu Eberhardus. Episcopus. Istenatus patre Hizelino Comite Alamanniæ, cum in virum fuisset ad cultus pro ingenuitate sui quam magna morum probitas consilium atque prudentia decorabat, præpositus factus est Wormatiensis Ecclesiæ sub præfule N. qui subditos suos satis idonee gubernabat. Dedit autem ei Deus gratiam invenire in oculis supra nominati Heinrici Imperatoris & Principum ejus. Ita ut in Regiis & aliis quibusque magnis consiliis non ultimus nec spernendus auctor haberetur. Unde contigit ut Treveri orbatu suo Antistite, eis ad quos ele-

Atio pertinebat petitioni regis convenientibus jam dictæ Metropoli subrogaretur Episcopus. Hic Vir magnificus & Ecclesiæ Trevirensis prudentissimus Rector fuit cujus & possessiones auxit & privilegia renovavit. Cujus etiam tam studiosus provisor fuit, ut Abbatis Sancti Servatii & Sancti Maximi decessoribus suis ablatas dono Heinrici Imperatoris receperit. Romam ad Apostolorum limina visitanda frequenter adiit unde cum honore magno reversus Leonem Papam qui & Bruno in sede recepit [suscepit.] Hic dum quadam vice dioeceses circuiret, à Comite Conrado de Luzelnburg captus est, sacerdotalia vestimenta direpta, pallium discissum, carisma unctionis effusum magnumque nefas à perversis hominibus patratum est. Quo nuntio Treberi perlato omnia divini misterii jura celebrari intermissa sunt, donec Romanus Papa quid de hoc definiret interrogaretur. Qui eundem Conradum omnesque ejus complices facto generali concilio excommunicat, sed ejus absolutionem pœnitentis Episcopo commisit palliumque illi pro eo quod hostes conciderant misit. Interim vero Episcopus à captivitate datis Obsidibus rediit nec multo post Comitem suscepit, cui pro pœnitentia peregrinationem Jerosolymitanam injunxit in qua & obiit. Dein judæis persecutionem induxit eosque nisi proximo Sabbatho Paschæ Christiani efficerentur civitate pellendos esse decrevit: Huic igitur ejusdem nefandæ gentis quidam ad similitudinem Episcopi ceream imaginem lichnis interpositam facientes quendam Clericum de cœnobio Sancti Paulini Christianum nomine non opere ut eam baptizaret, pecunia corruperunt, quam ipso Sabbatho Episcopo jam ad Baptismi solemnia præparato accenderunt. Qua ex parte jam media consumta Episcopus super fontem Sacris instans officiis cepit graviter infirmari & secedens in sacrarium cum adjutorio Ministrorum genibus-

busque ante crucem quæ ibidem picta est in oratione flexis in sacris vestibus obiit. XVII. [XIV.] Kal. Maji & sepultus est in Basilica Sancti Paulini.

CAP. LVIII.

QUO mortuo Anno Coloniensis Episcopus quem provisorum regni & Tutorem filii sui Heinrichi Heinrichus Imperator moriens reliquerat spreto Treberi consilio & electione, adhibita regis adhuc pueri investitura & confirmatione, Nepotem suum Cunonem cum magna ambituone & manu militari si sic necesse foret inthronizandum versus Trebirim direxit. Quæ inconsiderata proventus sicut illi beato mortis occasio & martyrii fuit sic Treberensibus excedere crudelitatis audaciam & materiam præbuit. Nec mora, denique præsidem suum Theodoricum cum aliis principibus evocatum ad ulciscendam tanti contemptus injuriam clamorosis vocibus instigant, si Colonienses hac molitione prævaleant, actum hoc omnium successorum suorum esse dedecus & infamiam. Quid multa? coacto quippe exercitu frondesque arborum ne arma proderentur præ se ferentes nocte clara Maji mensis obviam pergunt eosque in pago Bedonico quiescentes nihilque tale suspicantes subito circumveniunt, qui conturbati advenientis sonitu multitudinis quia jam hostes adesse senserunt fugam in pedum celeritate saltuumque densitate prout quisque potuit sibi elegit. Sic eos discurrentes hostes invaserunt multisque captis, compluribus fauciatis, omnibus eorum rebus ingentique præda potiti sunt. Ipseque dominus Cuno incidit in manus impiorum hominum, qui eum nequioribus custodiendum, donec viderent, quo res vergeret, commiserunt, qui eum paulo post ne videlicet regis adhuc Juvenis temerarium prævale-

valeret arbitrium derupe præcipitantes in Kal. Junii miserabili morte peremerunt. Qua de causa Rege valde commoto civitatem Trebericam se desolaturum comminante, tandem Deo donante à sapientibus ejus furore sedato electione Cleri & populi Udo inthronizatur Episcopus. Hic ex Alemanorum prosapia oriundus, Patre Eberhardo comite Matre jta [ida] eisdem cœnobii quod dicitur Scafhusen constructoribus, vir valde venerabilis fuit facie venustus, ore facundus, statura procerus, cujus merito humeris sustentari posset tantæ moles regiminis. Hic opera à decessoribus incepta scilicet Monasterii Sancti Petri amplificationem perfecit, Comprovincialium militum audaciam & tyrannidem compescuit. Hic in expeditione Regis in obsidione castri Alamannorum quod Tovingia [Tiuga] vocatur obiit relatusque à Treberensibus in monasterio Sancti Petri sepultus est. Cui successit Egilbertus de cujus Electionis occasione libet altius parumper edicere.

CAP. LIX.

TEmpore illo cum Gregorius qui & Hiltebrant Romani Pontificatus jura disponderet, hoc decretum antiquitus quidem promulgatum, nunc autem innovatum est, ut videlicet omnes in sacris ordinibus constituti, Presbyteri scilicet & Diaconi à cohabitationibus fœminarum, se ut decet, cohiberent aut ab officio cessarent. Simul etiam ne quis cujuscunque Ordinis, Laicus videlicet sive clericus, Episcopatus Abbatis seu alias quaslibet donorum Spiritualium dignitates, vel per se vel per interpositam personam emere sive vendere præsumeret, quodque si quis intringeret, honorem quemcunque haberet, amitteret. Ubi hoc verbum palam factum est in cordibus eorum qui non secundum Deum
in

incedebant, magnam suscitavit invidiam. Propterea inter regnum & sacerdotium partes exorta sunt, & hinc inde permaximæ inimicitia succreverunt, & eousque dissensionis hujus& inimiciarum in invicem fomes invaluit, ut si cui Cæsarianorum occurrisset quispiam Ecclesiasticorum qui forsitan præ amore Patriæ cælestis seculum reliquisset, carnem macerasset, quemque alias [aliqua] corporis molestia attenuasset, sive qui ut tunc moris erat barbam quasi in signum Religionis enutrisset, quasi regii honoris proditores contumeliis afficiebant, insultanter eos Ecclesianos appellantes. Nullus enim tunc in subrogandis Pontificibus vel aliis Ecclesiasticis dignitatibus Canonica Sanctionis ordo servabatur, sed qui tantum Regis vel Principis manum impleisset seu aliud quaecunque obsequium sibi placitum impendisset, regia præficiebatur violentia ubi voluisset. At vero ubi Rex ejusque Consentanei Principes non eo minus omittebant, sed veritam venditionem magis & magis instituebant, præfatus Papa non veritus, omnes sententia anathematis conclusit, & quicumque voluisset in Catholicorum consortio numerari, faciebat sibi hujusmodi verba conscribi: Anathematizo omnem hæresin Heinrici dicti regis & omnium complicum ejus& omnem qui eum regio nomine vel honore veneratur, Heinricum inquam quartum hujus nominis Regem. Quam excommunicationem ubi fama ad aures Imperatoris detulit, ægrè admodum ferens & peccatum peccato superadjiciens, convocato suæ partis Episcoporum, Abbatum & aliorum graduum, concilio statuit ut Gregorius nulli eorum deinceps Apostolicus esset, nec decretum ejus quisquam reciperet. Et hoc facto sub omni celeritate Italiam adiit, Wicbertum quendam Ravennæ civitatis Episcopum in una civitate Italiae pro Gregorio Papam fecit, quem & Clementem nominavit. Porro si quando

Gregorius causa cujuslibet rei agenda Romam fuisset egressus ipse subintrabat, illo revertente iste fugiebat. Illi Ecclesiastica, major videlicet pars; isti Casariana pars præsidio erat. Sed qui ad nos ista pertinent? potius in sua loca abeant; Nos autem propositi nostri seriem prosequamur.

CAP. LX.

PER idem tempus fuit in Batavia de Optimatibus Barvaria ex clero quidam Præpositus Majoris Ecclesiæ & Scolasticus nomine Egilbertus [Engelbertus] qui vice quadam, cum Episcopus loci illius sicut & aliarum civitatum Episcopi ex præcepto Romani Pontificis supra memoratum decretum in Ecclesia sua pronuntiaret ausu temerario illi in faciem restitit palam dans cunctis intelligere, quomodo & ipse cum Heinricianis vinculo teneretur anathematis, constat enim testimonium perhibente Apostolo de malefactoribus quod facientes & consentientes una sint pœnitentia [pœna] vel sententia plectendi. Ille vero consentit, qui etsi renuere non valeat favendo tamen quantum in ipso est malefacientium operibus communicat. Dicebat autem Imperatori, licere nec idcirco Ecclesiæ consortium amittere, si non spiritualia sed regalia sua gratis pretiove cui voluerat impendat. Quæ utique non sua sed juxta Romanam consuetudinem Beati Petri vel Ecclesiæ potiori jure possunt appellari. Sed utinam qui ad Ecclesiasticæ dignitatis culmen venire desiderant non ambiciose, quod minime decet se ingerant, neque artificiose colorem commenti Simoniacæ hæreseos sibi machinamenta confingant, asserentes se non spiritualia sed terrena terrenis acquirere, cum sicut tempore, sic & in eorum mente primū sit animale, deinde quod spirituale & non
tam

tam appetant curam Pastoralem quam honorem temporalem. Multis itaque sermonibus pro hujusmodi ad invicem collatis cum vidisset eum Episcopus in corrigibiliter Simoniacæ parti & nil penitus Ecclesiasticæ assentire, jussit eum à communione Ecclesiæ alienum existere, usque dum universali Papæ præsentatus, unitati Ecclesiæ per ipsum meruerit sociari. Proinde cum diutius intra se hæsitasset, demum voluntas ei Romam proficiscendi incidit, veruntamen Rege inconsulto ire illò noluit, à quo Rege, inquam, accepta ad eū quem supra positū Papam diximus, mandata detulit & ab universali penitus declinat. Et factum est dum rediret adimpleris negotiis pro quibus à Rege missus fuerat, in redeundo audivit Udonem fidei dignum memoria Treverensem Archi Episcopum vita decessisse & ob hoc Regem Treverim adivisse, ut alium in loco ejus debuisset substituere. Et hac fama conperta quam plurimum iter acceleravit intra se cogitans, si forte eo maturius potuisset pervenire pro impensa sæpius Regi servitute hunc ei honorem posse succedere quod & factum est, sed qualiter ad id ventum fuerit ignaros docebimus. Porro cum Imperator jussisset, ut quem sibi placere cognosceretur hunc ipsum eligerent, & clerus unus post unum ex ipso eorum Collegio hoc utique honore dignissimos exhiberent: Rex autem quotqvot nominassent, nullum eorum, sibi placere dixisset nullus enim benevolentiam ejus digna taxatione præmerat, jamque in eligendo tribus diebus transactis, quarto nihilominus die iterū ad idem congregatis; omnibus tanquam à Deo missus, si tamen dici potest à Deo dirigi via hominis, qui culpa sui meruerit ab Ecclesiæ communione suspendi, venit, & facta Oratione sua locutus est regi de his quæ habebat in mandatis. Quibus finitis dixit Rex, quam diu in eligendo Episcopum concordare non possumus, saltem in hunc convenia-

niamus. Et *conferunt ei ex Episcopis, qui electionis causa adven-
nerant*, solus Theodoricus Virdunensis Episcopus qui cogno-
mento Magnus vocabatur & pars aliqua populi Treveren-
sis. Rex ergo nil moratus investivit eum dans ei annulum
& baculum sub die VIII. Idus Jan. Anno Dominicæ Incar-
nationis M. LXXVIII. Pontifices vero Herimannus Meten-
sis, & Bibo Tullensis & residuus Clerus & populus quan-
tum in ipsis erat non assenserunt, quoniam ipsi tam ido-
neas personas exhibuerunt resistere tamen regis voluntati
non potuerunt, verum tamen Clerus & populus multum
molestè ferentes irrogari sibi violentiam, precabantur eos
qui præstò erant Episcopos & cum interminatione auctorita-
tis Apostolicæ interdixerunt, ne ipsum consecrarent. Epi-
scopum [Antistitem] commonentes eos Canonici illius
decreti quo præcipitur ut nullus in Episcopum nisi Cano-
nicè electus consecratur. Quo circa Episcopis in sua rede-
untibus Egilbertus benedictione non percepta remansit &
erat cupiens consecrari, nec potuit ab aliquo Episcoporum
Ecclesiasticorum, qui ingressum ejus audisset diebus quam
plurimis inpetrare. Tribus igitur annis ferè transactis cum
res Regi innotuisset, qui sub ipso tempore Roma rediens
multa ibi cæde patrata & Papa Gregorio fugato, quo cer-
tè nihil in diebus illis celebriori fama ora omnium adimple-
bat, secus Alpes moram faciebat; Datis [directis] Episto-
lis ad supra dictum Virdunensem Episcopum, qui ei sum-
ma familiaritate adhærebat, petivit quatenus Treverensem
Metropolitanum quantocius consecrare studeret, qua-
rum Epistolarum exemplar hic inferere non videtur abs re,
quæ habebat hunc modum:

CAP. LXI.

Rex Heinricus Dei gratia Romanorum Imperator & Augustus Theodorico Episcopo dilectionem nulli majorem. Imprimis Te scire volumus, quia nulli melius quam Tibi confidimus, nec Episcopum Trajectensem fidei monitorem, sed ad honorem regni tractandum Tibi misisse Cooperatorem, Deinde ad singula quæ mandasti negotia singula damus responsa sed brevissima quod infinita tibi reservamus ore ad os dicenda. Siquidem [sed quid] hoc quod in margine Epistolæ tuæ de Romano negotio nobis mandasti, in primis dicemus Tibi. Romam in die Benedicti intravimus qualiter autem à Romanis recepti simus, qualiter cum Romanis steterimus, qualiter à Romanis recessimus, [discesserimus] ab aliis multis te audisse credimus, tum etiam literis nostris tibi indicavimus quas Te nondum vidisse putamus sed & malleus alio quam nostro ore tere, scisse quæ nobis fecit Dominus. Incredibile enim videtur quod verissimum probatur, quod factum est in urbe Roma ut ita dicam cum decem hominibus in nobis operatus est dominus, quod antecessores nostri si fecissent cum X milibus miraculum esset omnibus. Nam cum in Teutonicas partes de acquirenda Roma jam desperantes, redire vellemus. Ecce Roma missis legatis ut Romam intraremus rogaverunt seque nobis in omnibus obediuros promiserunt, quod & fecerunt. Summo namque gaudio nos intrantes receperunt, summo studio secum manentes adjuverunt, summo triumpho & fide ab eis recedentes persecuti sunt nos; in tantum ut in Domino fiducialiter dicamus, quia tota Roma in manu nostra est, excepti illo castello in quo inclusus est Hiltebrand, scilicet in domo Crescentij, quem

Hiltebrandum legali omnium Cardinalium ac totius populi Romani iudicio scias abjectum, & electum Papam nostrum Clementem, in Sede Apostolica sublimatum omnium Romanorum acclamatione. Nosque à Papa Clemente ordinatum & consensu omnium Romanorum consecratum in die Sancto Paschæ in Imperatorem, totius populi Romani exultatione. His ita factis benedictione Dei & Sancti Petri omnium gaudio à Roma recessimus & quantocius possumus ad has partes properamus, & in via reditus invenit nos tuus nuntius. Gaudeant qui velint, doleant qui velint, nos Deo propitio assumus; Dominus ille quid agat, scire non curamus, sed quod Tu monuisti libenter ne damnum nobis faciat providebimus. De Saxonibus verò, de Salzburgense Archi Episcopo & comite *Adelberto*, & de aliis ad nos redire volentibus id tibi respondemus, quia consiliis tuis libenter acquiescimus ut tantummodo pax vera fiat in nostris temporibus, videlicet ut fideles sint cum ad nos redierint Tu autem si non gravaris facere quæ volumus, Augustam ad nos venire post festum Apostolorum Petri & Pauli rogamus, qui Deo favente in festivitate eorum Ratisponæ erimus. Studeas ergo ad nos venire ut tuo adventu possis nos lætificare. Insuper mandat Tibi Apostolicus Clemens & Imperator ut sicut nos diligas, ita Archi Episcopum Treverensem velociter consecrare properes. Vale.

CAP. LXII.

HAs igitur Epistolas cum præfatus Theodoricus acceptas legisset, noluit quidem quod petebatur libenter adimplere, sed attonitus rerum magnitudine, non potuit in corde credere ita se omnia habere sicut Scriptura referente cognoverat. Sed & recordatus quod à clero Treverensi

rensi ne id faceret Apostolica autoritate sibi interdictum fuisset, ne forte adversus eum exinde potuissent quandoque idoneæ accusationes consurgere, congruum duxit super hoc literas mittere Romano Pontifici in quibus & meminit depulsionis ab Episcopatu Herimanni supra dicti Metensis ac sibi in junctæ reconciliationis ut videlicet ipsius interventione Herimannus loco suo restitueretur, quod licet satis laboravit non tamen tunc sed postea obtinere potuit. Literarum autem quas mittebat hic erat modus. Gregorio summo Pontifici carissimo Domino Reverendissimo Patri Theodoricus Virdunensis Episcopus, qualiscunque, tamen suas, dilectionem quam Patri Filius, subjectionem quam Prælaro subditus, servitutem quam Domino servus. Posse tibi obedire maxima est mihi jucunditas, posse servire non parva hilaritas, in quo enim venerabor te, in eo beatum Petrum: In quo obediendo serviendo te mihi conciliabo, in eo beatum Apostolum. Monitus à Te suscepisti confratrem meum Metensem ut te ipsum, attendens illud Dominicum: Qui vos recipit, me recipit, causam ejus meam feci, negotium ejus meum existimari, eadem nobis adversitas eadem fuit prosperitas. Ad hoc me invitavit mutua fraternitas debita caritas sed præcipue jussio tua, benivolentia tua & habitata in me fiducia. Præterea Treverensis Ecclesia cum gravi dolore pedibus paternis advolvitur, filia Dominum pulsata, inconsolabile sui detrimentum his temporibus, me mediante deplorat vidua per biennium ferè quanta passa est & patitur? quantum afflicta est & affligitur? foris pugna, intus timores. Elegit virum de plebe dignum sacerdotem idoneum Patrem, communi assensu teste conscientia mea coram Deo & coram Te, quod nihil Simoniacum, nihil contra jus Ecclesiasticum intercurrerit, quod nihil Symoniacum & petitione remota intervenerit. Consecrationem ejus

ius miramur differri, dilationem tam gravem miramur potuisse tibi inculcari. Illud maxime, quod pateris hanc desolatione nos adeo gravari. Gravissimum onus est mihi, solum esse in medio nationis pravæ & perversæ: solum Patre & fratre illo expulso alio non consecrato. Si Ecclesiam, si statum Christianitatis curas, locum nostrum respicias & cum vita Patris in omnibus spectata ordinationem mereatur, Metensem & me tuo [tu] exaudito nullius detractioe ulterius remoretur. Persolver Tibi quod Patri Filius, quod Prælato subditus. Deinde quibusdam interpositis in fine ita conclusit, quomodo Rex sit tecum & tu cum rege, modo mihi rescribas tuo.

CAP. LXIII.

DEnique his quæ decursa sunt Romam directis appropinquante tempore quo se Rex venturum per epistolam superscriptam ipsi mandaverat sicut iussus fuerat venire ei obviam parabat, veniensque Mogontiam ibi complures Episcoporum in occurso regis euntium reperit, ad quos facta oratione, quoniam confratres sui suffraganei videlicet Ecclesiæ Trevirensis supra nominati Episcopi, Herimannus metensis & Bibo Tullensis ob invidiam Regis Metropolitani sui consecrationi noluisent interesse, petivit ex ipsis causa caritatis sibi coperatores fieri, & obtinuit itaque assumptis secum qui plus cæteris erga ipsum benigni videbantur connivente [eodem] ejusdem sedis Archipræsulem Engelbertum consecravit Episcopum. Porro cum fuisset ordinatus paucis interjectis diebus Treverim venit, & cœpit cum his qui ut ita dicam, ipsum noluerant regnare super se, Tyrannico more agere, ut deinceps ab ejus impugnatione desisterent; majoribus, quibus plus nocere non potuit, ex Rege

ge timorem incutere, invalidæ verò plebis quæ se adversus eum defendere non potuit, bona quacunque occasione diripere. Tunc hi qui plus cæteris ei ausi sunt resistere, dixerunt. Quoniam ad hunc Pontificatus honorem & tunc & nunc ingratus nobis accessisti, sed & quia ab homine Laico & excommunicato Episcopalia suscepisti, Episcopalia inquam annulum & baculum, præsertim cum in canonicis decretis Laicis quantumvis religiosi nulla de Ecclesiasticis rebus aliquid disponendi sit tributa facultas, idcirco non poteris episcopari, nec nos Tibi communicare. At verò insuper si debes in gradu suscepti honoris consistere, oportet Te Gregorio Catholicæ Ecclesiæ summo Pontifici obsequi & obedire: Hæretico illi supraposito penitus abrenuntiare Hæretico inquam, juxta illud quod beatus Gelasius Papa & martyr in epistola quadam universis Orientalibus Episcopis directâ, de hujusmodi suprapositis scribens ait: Quid ergo facimus de tantis torque civitatibus, ex quibus Catholici Pontifices rejehti sunt, si Catholici subrogati, cur Catholici sunt rejehti, sed evidenter apparet, quia cum Catholici sunt rejehti non Catholici fuerunt qui subrogati sunt. Restat igitur, ut non sint Catholici sed hæretici quicunque successerunt. Item quis non videat illos esse Catholicos & ab omni peste hæretica prorsus alienos, qui à propriis urbibus detrusi & in exiliis sunt redacti & eos qui superstitibus Catholicis successores fieri ausi sunt, Catholicos omnino non esse. His adde & illos qui se prius talium Communioni conjunxerunt. Quæ contra Egilbertus respondit, velle se vitam dare [porius] quam illi, qui eum ad hunc honorem provexisset, infidelis existeret, nunquam velle Gregorio obedire quam diu ipse noller amicitiam Regis inire. Interea dum hæc & his similia contententes tractarent, appropinquabat jejunium quatuor temporum, quo consuetudo est Ecclesiæ, promoveri

eos ad ordinem Clericatus, qui sunt promovendi, & hoc iste omni nisu affectabat facere, non amore justitiæ, sed ut posuisset majorum quempiam sibi advincire ut videlicet ab ipso consecrati postea ipsi essent obnoxii, & quomodo suam ab ordine suspensionem, ita pertimescerent ejus ab Episcopatu depositionem. Cujus intentionem cum rescissent, dixerunt, quia pallium quod à Romana Ecclesia Metropoli nostræ debetur, nondum es adeptus, impositionem manus à Te percipere nolumus. Maxime cum in canonibus decretum sit: Si quis Episcopus Metropolitani sine pallio consecrare præsumserit, & consecrator & consecratus gravi ordinis sui periculo subiacebit, quod utique si debes acquirere, necessarium habes erga Papam, quem adeo despicias Gregorium Te humiliare, ut merearis accipere. Quid multa? expositis ei idoneis causis pro quibus non debuerit ordines facere, abstinuit, & paucis diebus interpositis quendam subditorum suorum nomine Theodoricum Monachum scientia literarum valde præditum, misit quæsitum Clementem suum Apostolicum & inventum transmittre sibi expecteret pallium. At ille Clemens, inquam, gavisus, quod aliquis ipsum pro accipienda benedictione respiceret, quod perebat transmisit, cum literis docentibus quibus temporibus foret usurus, quas quia autor non roborat at magis verò infirmat, Hæreticorum enim & excommunicatorum decreta fidelis quisque non recipit, idcirco commendare memoriæ non curavimus.

CAP. LXIV.

Hic autem quem jam nominavimus *Theodoricus de sapientia dicto Gregorio Pontifice duos libros edidit*, in quibus mendacis multis compilatis, quod non ipso melius continuare
[com-

[communicare] quis novit, Gregorium infamem fecit, Regis verò & sui Papæ innocentiam & Sanctitatem commendat. Pro quibus editis iste de quo loquimur, Egi bertus Abbaciam sancti Martini supra litus Mosellæ, defuncto beatæ memoriæ Sigeberto Abbate, eadem die regendam [illi retributionem] dedit [quo utique malo, si majus non fecisset, ad perpetuam damnationem sufficere poruisset] quam ipse felix Abbas quantum potuit rexit & Ecclesiam ipsam reparavit. Nam ipsa Abbatia prius quidem erat in rebus admodum sufficiens sed peccatis exigentibus ejus temporibus ita est destituta [at nunc ab hoc adeò est annihilata] quod Monachi qui ibi Deo serviebant [ibi divinis erant mancipati servitiis] nisi aliunde conquirerent nec necessaria vitæ haberent. Est & aliud quoddam gestorum ejusdem Egilberti, quod successoribus nostris volumus narrare [quod pro facti similitudine istic libet inserere.] In Monasterio puellarum horrei defuncta Imiza summæ strenuitatis ancilla Dei, Matre Cœnobii, renitentibus omnibus ibi loci Deo famulantibus, præposuit quandam neptem suam fratris filiam nomine Luitgardam [Ingurdam] corpore quidem valde juvenulam & speciosam & secundum suam ætatem literis eruditam, moribus honestam; [Ingurdam, quòd cum pace salvo honore professionis dixerim, Deus scit quod non mentior, arte magicam, veneficam, incantatricem blasphemam. *Hac in altero codice, unde apparet librum mutationem mutatis temporibus subisse.*] de quâ cum Episcopus omnibus modis niteretur, ut ibi eam præficeret Sanctimonialibus, omnibus pusillis & majoribus sine cessatione tam die quam nocte Deum & Sanctam ejus Genitricem, & cui serviunt, ne hoc fieret orantibus; cuidam ex eorum Collegio, ceteris frequentior orationi incumbat, inter verba orationis, ut divinæ erat voluntatis, ob-

dormienti, talis oblata est visio. vidit Sanctam DEI genetricem in medio Angelorum stantem & beatas Virgines, Irminam, Modestam, Anastasiam, quæ in diebus suis ipsi loco præerant, coram ea consistentes & vultus quasi moestos exhibentes, & sanctam Dei Matrem ira se alloquentem: Ausculta, inquit, Filia cum illuxerit dies, erat enim hora matutina, indica sororibus tuis ex me quia peccatis vestris exigentibus decrevit Deus, ut ipsa de qua petitis absolvi, flagelli vobis loco proveniat, quousque pro afflictionibus ab ipsa irrogandis de diuturnitate vitæ ipsius pigeat. Veruntamen noveritis ipsam ex prælatione iram Dei in se provocare, vobis vero non plus officere nisi quod super destitutione hujus loci nostri videbimini sufferendo laborare. Itaque cum fuisset intronizata [cæpit de bonis Ecclesiæ juxta illud Nacchum, diabolus magnum exercere &, ut verum fatear, licet impudenter loquar, alia concubitoribus distribuere, alia vendere postremo ut breviter concludam, paucis Ecclesiæ derelictis omnia in usus suos convertere, ut posses liquido perpendere veridicam Dei genitricis sententiam supradictam existere: Ipsam ex prælatione iram Dei in se provocare. Denique aliquantis annis transactis Engelbertus cæpit &c.] cæpit Deo servire, Sorores Ecclesiæ procurare, & rexit illam XL. annis usque ad tempore Domini Archi Episcopi Adelberonis, qui primo fuit Metensis primicerius postea Trevirorum Archi Episcopus & Romanæ sedis legatus. Hujus temporibus Abbatissa Luigardis felicitis memoriæ obiit & ante Ecclesiam in pace quæscit. Denique aliquantis annis transactis Egilbertus cepit se satis admodum officio dignum exhibere, nisi solum quod ab excommunicatorum, Regis videlicet & Clementis se noluit communione sequestrare, propter quod Bruno qui ei in Episcopatu proximo loco successit, omnes quos ille ordinavit, iste ab officio suspendit nec remotos ad pristinum

num gradum admisit , nisi qui se legitimo Romanæ Ecclesiæ Pontifici obediturum supra sanctum Evangelium fidem fecit. Complura memoria digna de hujus Egilberti probis actibus quæ per ipsum vel sub ipsius temporibus gesta sunt seniorum relatione ad nostram notitiam devenerunt, quorum aliqua, si quidem vel aliquam ejus memoriam cum pace Ecclesiæ fieri liceat in benedictione, curabimus insinuare.

CAP. LXV.

QUædam præpotens Matrona *Comitissa de Castello quod Aralune dicitur*, Mater videlicet Comitum Walramni & Folconis, marito suo defuncto astipulantibus filiis & filiabus suis, proprietatis suæ bona in Ecclesia Treverensi beato Petro tradidit, & amplius recepit, sub conditione quam precariam nominant, ita videlicet cum ipsa de hac luce migraret utraque data simul & accepta in beati Petri & Episcopi jus libere transirent, & quod Episcopo ex his facere placuisset liberam potestatem haberet: Hujus Comitissæ neprem filii filiam *Heinricus* quidam dux, *cujus dittonis erat Castellum quod vulgo Limpure* [*Lemburg*] nominatur in matrimonium duxit, qui decurso aliquanti temporis spatio eadem bona Ecclesiæ tollere & in suos usus vendicare studebat, propter quod cum sæpius fuisset ab Episcopo ad satisfactionem vocatus & nollet desistere, sequestratus est à communione Ecclesiæ, cumque nec ideo manus suas ab incepta malitia contineret, imo magis & alia Episcopatus bona devastaret, Episcopus maledixit ei anathemate Maranatha. Cum nec sic quidem ab impugnatione desistenti sed & adversus ipsam civitatem Treverensem cum magna armatorum manu venienti, Episcopus convocata ad se liberorum & Ministerialium Ecclesiæ multitudine gravi statuto die oc-

currit & adiutorio Dei & beati Petri istius partis satis admodum modico, illius vero permaximo detrimento & confusione, ad propria redire cœgit. Post multum vero temporis cum idem dux inflictum sibi anathema parvi penderet & in malis supradictis & similibus perseveraret, accidit ut quidam de militibus ejus die quadam in domum ejus venisset & facta hora prandii apposita mensa coram ipso panem comedere devenisset [debuisset] & dux illi illudens, surge ait & foras egredere, coram me comesturus non es, excommunicatus enim es, & ille ubi, inquit, & quis me præter eum qui & Te excommunicavit. Cui dux ait, Ecce nunc vide jam parebit si ita sumus excommunicati, ut aliquæ nobis molestiæ possint accidere, si hic canis qui forte illis edentibus aderat, bucellam quam illi dederò comederit non pertimesco: Sin autem, timenda est nobis excommunicatio & petenda reconciliatio. Et hoc dicto misit bucellam, quam canis ut naribus adhibuit ultra contingere non curat, & nequis hoc canis saturitati imputare potuerit, cum alius illi bucellam mitteret, festinus arripuit, unde omnes qui aderant summa admiratione ducti una voce dixerunt, oportere eos ad satisfactionem venire. Et ita fecerunt. Sit ergo nomen Domini benedictum in secula, qui Sacerdotum, licet peccatorum, tamen in multitudine clementiæ preces exaudit. Et quod nostra parvitas in terris ligat, apud ipsum quoque ligatum esse confirmat, juxta quod ipse beato Petro & per ipsum Ecclesiæ promisit, dicens quodcumque ligaveritis supra terram erit ligatum & in cœlis.

CAP. LXVI.

EA tempestate populus multus utriusque sexus ex omni terra & natione Jerusalem ire intenderunt, & totis desideriiis anhelabant pro Dei & fidei amore aut ipsi mortem suscipere aut

re aut incredulorum colla fidei subjugare, & hac mentis intentione incitari decreverunt primum Judæos in civitatibus & castellis ubicunque habitarent persequi, & cogere illos aut Dominum Jesum Christum Deum credere, aut sub ipsa hora vitæ periculis subjacere, cumque eodem fervore civitati Trevirorum appropinquassent, Judæi qui ibi habitabant similia sibi arbitantes fieri, quidam ex eis accipientes parvulos suos, defixerunt cultros in ventribus eorum, dicentes, ne forte Christianorum vefaniæ ludibrio fierent, debere eos in sinum Abrahamæ transmittere. Quædam autem ex mulieribus eorum, ascendentes super pontem fluminis & adimpletis sinibus earum & manicis lapidibus præcipitaverunt se in profundum. Reliqui verò, quibus adhuc vivere cordi erat, assumpsit secum rebus suis & liberis, in Palatium quod asile Trevirorum, ubi ipsa hora Egilbertus manebat, confugerunt, & cœperunt lachrimis flagitare suffragium. Ille vero nacta opportunitate super conversione eos admonens ita exorsus est: Miseri, nunc venerunt super vos peccata vestra quæ operati estis, filium Dei blasphemando & Sanctissimæ ejus Genitrici detrahendo, ipsum quidem in carne venisse negando, & matri ejus superfuitatibus verborum vestrorum derogando. Ecce jam hujus rei causa ad summam vitæ vestræ desperationem devenistis, & vobis ego dico, si in hac infidelitate vestra perseveraveritis, corpore simul & anima peribitis. Vos pro similitudine Patrum vestrorum, qui ante Christi adventum ipsum in carne venturum crediderunt, vobismet ipsis blandientes, profecto nisi jam ipsum venisse, & quod redemptionis humani generis ipsum acturum Scripturæ referunt, adimpleta esse cognoveritis, ipsi vos fallitis. Quæ vos stultitia vel magis duritia coarctat, ut cum Prophetica scripta legatis non retractetis, vobiscum cogitantes quam brevis temporis

poris spatium adventus ejus in carne Daniel commemorat, & quot ex inde anni defluerunt. Septuaginta, inquit, hebdomadæ abbreviatæ sunt super populum tuum, & super sanctam civitatem suam ut consummetur prævaricatio, & finem accipiat peccatum & deleatur iniquitas, & adducatur justitia sempiterna & impleatur visio Prophetæ & ungatur Sanctus Sanctorum. Nonne si scientiam literarum vestrarum bonam haberetis, utique magnum vobis posset existere gaudium & fidei incitamentum de assumptione generis vestri in Deum? Hoc autem dicebat, quia, ut quidam sanctorum dicit: Infidelibus est blandiendum, ut ad fidem converrantur, & ipsi de generis sui nobilitate gloriantur. Et adjunxit: Nunc itaque quiescite petitionibus meis & consiliis & convertimini & baptizemini & ego restituam cum pace & salute possessionibus vestris, & deinceps adversantibus tuebor vos. Cum hæc & his similia ad illos diceret, unus ex illis legis Doctor, cui nomen erat Michæas, cepit dicere; Vere sicut dixisti, necessum est nobis magis Christianorum nos fideiungere quam de die in diem taliter vitæ nostræ & possessionum periculis subiacere. Age ergo quomodo credere debemus edissere, & adjuva quatenus liberemur de manibus eorum qui pro foris sunt quærentium nos perdere: Et ait Episcopus; Hæc est fides Catholica sine qua nemo salvari potest, ut credatur in Deum Patrem Omnipotentem Creatorem omnium creaturarum & in Jesum Christum filium ejus, qui cum Patre unius est substantiæ, quem Deus Pater ante omnia tempora genuit nativitate ineffabili, de qua dicit Esaias Propheta, Generationem ejus quis enarrabit? qui quidem cum homines per multimoda vitia incedentes ad tantam devenissent insipientiam, ut neglecto Creatore suo debitum Deo idolis manu factis honorem impenderent; sicut est infinitæ misericordiæ, condoluit perditioni eorum

rum & ut eos ab errore & perditione , quæ de hâc vira decedentes excipiebat , liberaret ; manens quod erat , suscepit quod non erat , ex voluntate patris , cooperante Spiritu Sancto , homo verus per immaculatæ virginis uterum sine viri semine natus est , quem quia filium Dei esse se dicebat , Patres vestri crucifixerunt & vos ipsorum maledicta devinxerunt dicentes : Sanguis ejus super nos & super filios nostros. Verum tamen vos hoc maledictum evadere potestis si in ipsum firmo corde credideritis & de peccatis vestris ipsum vobis propitium fieri rogaveritis , qui post passionem suam effracto inferno & his qui in adventu ejus crediderunt inde erutis , die III. Deus verus & homo resurgens à mortuis , ab hinc die XL. videntibus qui digni erant ad cœlos ascendit , ubi sedet in dextra Dei Patris sui , æqualis ei & cœternus in divinitate , inde venturus in judicium in novissimo dierum , Deus verus & homo , reddere unicuique prout gessit in corpore sive bonum sive malum : Nec minus credendum est in Spiritum Sanctum , qui ex Patre & filio procedens universa condita vivificat , æqualis & consubstantialis per omnia in divinitate Deo Patri & Filio , propter quod & fides Christiana trium deitatis personarum unam prædicat essentiam , æqualem Majestatem. Hanc fidem Catholicam per orbem confiterur Ecclesia , in qua unum datur baptisma in remissionem peccatorum credentibus , in qua justè & piè viventes post hujus vitæ decursum corporibus nostris eisdem quibus nunc paremus , immortalitate vestitis , præterea communionem Sanctorum percipere & fruturos æterna beatitudine ; malè verò operantes non confessos & inemendatos in æterno arsuos incendio. Tunc Michea is videlicet , quo hortante hanc fidei editionem Episcopus exorsus est ait : Testificor tibi per Deum quia quod locutus es credo , & ecce jam Judaismo

abrenuntio, & quæ nunc mihi non satis plenè sunt intellecta, cum nobis tempus pacis & tranquillitatis adveniet, perquirere curabo, tantum nunc accelera nos baptizare, ut possimus manus quærentium nos evadere. Similiter & alii omnes dixerunt. Tunc Episcopus baptizavit illum nomen suum, imponens ei, alios autem Presbyteri, qui aderant baptizabant. Sed ut de cætero taceam aliis omnibus in sequenti anno apostantibus iste adhærens Episcopo in fide permansit. Non ergo audebo nunc dicere, quod istius conversio sit animæ convertentis salvatio, cum scriptum sit, quia qui converti fecerit peccatorem ab errore viæ suæ, salvabit animam ejus à morte, ejus inquam, id est suam & conversi. Cum ad Ezechielem Dominus dixerit, quod si annuntiaverit impio viam suam malam & ille conversus non fuerit, ipse tamen mercedem suam non amiserit. Sic enim dicit: Si autem tu annuntiaveris impio & ille non fuerit conversus à via sua mala, ipse quidem in iniquitate sua morietur, tu autem animam tuam liberaisti. Præterea multa alia bona operatus est, quod enumerare longum est. Hoc tantum sciendum quod eleemosynas pauperibus largas faciebat & Ecclesiis bona plurima conferebat, sed & ab antecessoribus suis aliquibus ablata reassignavit, quorum testamenta in ejus memoriam in bibliothecis usque hodie sunt recondita, quæ omnia ego pusillus qui hoc scribo ad redemptionem animæ ejus profutura possum optare sed sententiæ beati Augustini non audeo præjudicare. Dicit enim, omni homini qui Ecclesiæ Catholicæ non tenet unitatem neque baptismus neque Eleemosyna quamlibet copiosa, neque mors pro Christi nomine suscepta proficere poterit ad salutem, quoniam in eo vel hæretica vel schismatica pravitas perseverat quæ ducit ad mortem. Mortuus est autem Anno Dominicæ incarnationis M. C. primo, Non. Septembr. Et sepultus.

pultrusest in Ecclesia majori, domo videlicet Sancti Petri Apostoli, sedit in Episcopatu annos XX duos, menses VIII, dies tres & vacavit Episcopatus ferè menses IV.

CAP. LXVII.

IN diebus illis fuerunt ex copioso Trevericæ Civitatis clero quam plures hac sacerdotii successione dignissimi, inter quos erat quidam Bruno nomine, Francus natione, insignis nobilitate, utpote quem Pater Arnoldus Comes ex nobilissima Adelheida matre genuerat, forma præstantissimus, literis satis eruditus, consilio cautus, plusquam dici potest munificus. Quibus ira erga se Principes devinxerat, ut non solum præposituris Majorum Ecclesiarum in Treveri & Spira verum etiam beati Florini in Confluentia, & Archidiaconatus eum dignitate sublimassent. De hoc suggestum est Imperatori, ut eum Trevericæ præficeret Ecclesiæ. Eo siquidem anno Henricus Rex quartus, Imperator tertius habita curia natalem Domini celebravit in Mogontia, ubi eum adeuntes cives Treverici petierunt sibi Episcopum dari, quibus mox petentibus principibus & civibus consentientibus, Brunonem eis consecrari iussit. denique ibidem ordinatus est Idus Jan. Adelberone Metensis Ecclesiæ Episcopo oleum sacræ benedictionis imponente, Johanne Spirensi, Richero Virdunensi cooperantibus, assistentibus Archi Episcopis Burchardo Mogontienfi & Friderico Colonienfi & alijs quam pluribus Episcopis. Itaque ordinatus venit Treberim die purificationis Sanctæ Mariæ Dei Genitricis & cum magno populi gaudio susceptus est. Anno igitur ordinationis suæ III. mense Martio Romam profectus Apostolorum gratia & percipiendæ benedictionis magistri sui causa invenit Dominum Paschalem universali Synodo præsentem

Papatus sui jam annum octavum agentem, à quo honorifice susceptus, utpote Belgicæ Galliæ primæ Metropolis Præsul Magnus. Ad cujus Præsularum ex permissione beati Petri Apostoli suorumque successorum Apostolicorum quos enumerare longum est, inviolabilium testamentorum roboratione totius Galliæ atque Germaniæ pertinet primatus. Ita enim sanctus Sylvester Beato Agricio Ill^{mo}. Episcoporum Treberensium, quorum nomina cognita habemus scribit inter cætera dicens: Sume prioratum post Alpes Trebir, ubique, Quem tibi lege nova Roma dat & veteri. Honorifice inquam susceptus sed quoniam Episcopalia, annulum videlicet & baculum per manum Laicam suscepisset, atque quia Ecclesias dedicasset & Clericos nec dum pallium consecutus, promovisset, multum asperè correptus est & decernente Episcoporum ibi congregatorum concilio Pontificatus officium deposuit, quod tamen eisdem intervenientibus, quia discretio ejus & prudentia officio & tempori conveniens erat, post tridum non sine admissorum pœnitentia recuperavit. Injuncta est autem pœnitentia, ut quotiens in spatio trium proximorum annorum Missarum solennia celebraret, dalmatica non uteretur quod ipse humiliter implet. Deinde accepta tam Apostolici quam totius synodi benedictione, pallii honore donatus, atque de regula fidei firmiter observanda instructus, atque de instructione commissi gregis diligenter admonitus, in sua cum gaudio remeavit. Tum verò juxta Magistri institutionem magis quam ante operibus justitiæ cepit insistere & verbum sacre exhortationis quasi mensuram Evangelici tritici Dominicæ familiæ fideliter erogare & quod prædicavit ore, studuit operum executione conficere. Attentius illud beati Gregorii mente pertractans, Cujus vita despicitur, restat ut & prædicatio ejus contemnatur. Fuit enim constans in
Ora-

Oratione, devotus in eleemosynarum largitione, pius in viduarum & pupillorum defensione, excidia domorum Dei nulla sumtus magnitudine motus reparabat, & si quispiam Deo famulantibus aliquid intulisset injuriæ, impune præterire non sinebat. Verum ut breviter concludam talem se omnimodis exhibebat, ut in administrandis quoque regni negotiis ex omnibus principibus consilio sapientia & auctoritate nullus eo sublimior haberetur, adeo ut Imperator Patrem suum eum vocaverit & majorem cæteris ei honorem impenderit, sed & ab omnibus Episcopis, quocunque se conventui eorum ingessisset, ut Pater quidem diligebatur, sed ut major venerabatur. Igitur quoniam in rebus sibi commissis strenuissimus exstitit, defuncto Imperatore communi consilio Principium *Vice-Dominus Regia Curia* effectus est & regnum regnique hæres Henricus videlicet nominis hujus quintus Rex adhuc adolescens circiter annos XX ei committitur, ut & regnum sua prudentia disponeret & hæredem regni & morum suorum honestate & disciplina, qua ipse [maxime] præ omnibus pollebat, informaret, quousque in Virum perfectum ætate & sapientia succrevisset, quem susceptum tam diu educavit usque dum Adelberti tunc Cancellarii postea Mogonciensis Episcopi detractionibus exasperatus regni & hæredis providentiam proceribus reassignavit. Quantæ autem pietatis exstiterit exinde quis colligere poterit, qui noverit quod quantum libet ei quispian molestiæ irrogasset, si revertens veniam postulavit, facillime ad misericordiam morus indulgit. Unde factum est, ut cum idem Adelbertus, cujus supra memini, Mogontiensem jam novus [Electus Episcopus] ob illatas Regi molestias à Rege captus & in carcerem reclusus, non inde prius exire potuisset, quam iste Bruno, inquam faciendo fidem nunquam illum Regi nociturum pro ipso se obsidem Regiæ

custodiæ dedit. Quid multis moror? Denique cum tanta solertia ac sapientia ab ipso res acta est, ut cum in diebus illis de venalitate Sanctæ Ecclesiæ, scilicet de contradictione venditionis, Episcopatum, Abbaciarum & aliarum quarumcunque Ecclesiasticarum dignitatum inter regnum & sacerdotium sicut superiori sermone decursum est, ageretur invidiosa dissensio, ita Catholicorum amplexus est consortium, ut Imperatori debitum non negaret obsequium, neque ita se Cæsarianorum communione contaminavit, ut Catholicorum offensas incurreret. Propter quod contigit ut novissime sua prudenti mediatione Imperator Apostolico obtemperaret, & deinceps desinerent esse discordes, quod ut facere non omitteret, quoniam omnibus prominebat auctoritate multorum Episcoporum exhortatoriæ ad ipsum directæ sunt Epistolæ.

CAP. LXVIII.

Nunc autem superest, ut gestorum eius quoddam memoriale *cui me contigit interesse*, debeam declarare. Ivo-
dii quod Trevericæ diœcesis appendicium est, fuerunt eo tempore hæretici qui substantiam panis & vini quod in altari per sacerdotes benedicitur, in corpus Christi & sanguinem veraciter *transmutari* negabant, nec baptismi sacramentum parvulis ad salvationem proficere dicebant, & alia perplura varii erroris profitebantur, quæ memoriæ tradere nefas duxi. De his quatuor oblati sunt ei, quorum duo presbyteri, reliqui vero duo erant Laici. Presbyterorum unus Fridericus, alter duobus nominibus vocabatur Dominicus Guilhelmus, Laicorum vero alter Durandus, alter Hamelricus, quos dum discuteret, Hamelricus fuga lapsus est, Durandus vero hactenus quidem se sceleris hujus assen-
tato-

ratorem esse ultro confessus est, sed deinceps in ea assentatione nolle persistere, adhibitis sibi sanctorum reliquiis iuramento verbis fidem fecit. Vocatus autem alter Presbyterorum Fridericus ad audientiam non solum non negavit, verum & bene & recte se credere id profitendo asseruit. Cui Bruno Episcopus ait: Oportebat ut Tu, qui Doctor fidelium esse debuisti, sanam doctrinam cunctis evangelizares omittens infidelitatis assertiones, quibus mentiri Te cunctis credentibus luce clarius constat, cum beatus Augustinus dicat, quoniam Christum vorari fas dentibus non est, voluit ipse Christus hunc panem & hoc vinum misterio [in misterium] carnem verò suam & sanguinem consecratione sancti spiritus potentiali [præternaturaliter] creari & cottidie pro mundi vira mystice immolari, ut sicut de virgine per Spiritum Sanctum vera caro sine coitu creabatur, ita per eundem ex substantia panis & vini mysticè id est [idem] Christi corporis [corpus] consecratur. In Epistola quoque de fide Catholica idem Beatus Augustinus dicit: Firmissime tene & nullatenus dubites, parvulos [parvulis] qui nec propria voluntate credere nec pœnitentiam pro peccato quod originali [originaliter] trahunt, agere possunt: Sacramentum [tamen] fidei & pœnitentiæ quod sanctum est baptisma, quam diu rationis eorum ætas capax esse non potest, sufficere ad salutem in capitulo Epistolæ XXVII. His itaque aliis scripturæ sacre Eulogiis in medium prolati cumque ab astantibus fidelibus nunc singulariter nunc communiter increpatus atque ad Christianam veritatem incitatus nollet acquiescere, sed magis in infidelitate delegisset obstinata mente persistere, acclamabatur ab omnibus Dominicæ vocis sententia: Quoniam Ecclesiam non audit sit tibi sicut Ethnicus & Publicanus, adjeceruntque gradu moveatur atque damnetur, quod ut fieret omnibus currentibus, ille, nactus fugiendi oppor-

opportunitate se interim subduxit sicque evasit. Proinde cum requisitus non esset inventus, juxta canonum sanctiones, qui noluerit ad audientiam venire vocatus eademque patiatur absens, ut breviter comprehendam, damnatus est. Inquisitus est & alter ille videlicet, qui ob hujus nequitiae infamiam obumbrandam duobus vocabatur nominibus, an & ipse praelibatae hæresis assertor existeret, testificatus est nunquam se professum esse vel profiteri velle, delatoribus ejus affirmantibus & dicentibus se quâdam vice [die] inspiratus [insperato] conventiculis eorundem hæreticorum supervenisse, ipsumque illis communicantem, quo contra ille timens ne forte convictus [presbyterii] privaretur honore, respondit se ob hujus suspicionis abolendæ libenter velle summæ examinationis subire sententiam, quod dictum cum placuisset omnibus, jussus est Missam celebrare & sacrum canonem qui secio vel Acco [Secreta Relaxia] dicitur sicut cætera excelsa voce decantare, ut qui ministerio pretiosi corporis & sanguinis Christi præsumisset detrahere, ipsius probaretur virtute. Missa itaque decursa ubi ad communicandum perventum est, Episcopus verba inprecationis hujusmodi intulit dicens: Si vivificum hoc salutis nostræ sacramentum quod in manibus tenes non verum corpus Christi & sanguinem esse ausus es impio ore garrire, cum ipsius ministerii [mysterii] contestatione interdico, ne quoquo modo præsumas accipere: Si vero non ita sed Catholicè profiteris accipe; & accepit. veruntamen qualiter idem redemptionis munus ad damnationem sui in os ejus intravit, referre supervacuum non judicavi. Cum enim esset in examinationis anxietate constitutus, omnipotenti Deo de admissis pœnitentiam, de futuris custodiam pollicens corde contrito supplicavit, & obtinuit ab instanti confusione liberari. Inde vero ubi in sua rediit, pollicita facere non expavit, & abdicaram
hære-

hæresin majori quam antea pertinacia roboravit, non recolens quod cum sit Deus iudex iustus fortis & patiens, tanto delinquentium culpas districtius iudicat, quanto æquanimiter portat. Contigit ergo, ut de vitio in vitium corrueret, sicut scriptum, qui sordidus est adhuc sordescat, & spiritu fornicationis seductus non multo post in adulterio deprehensus est & digna iniquitatis suæ morte peremptus est. Sæpeditus etiam Pontifex crebris infirmitatibus nunc pedum, quod Podagram Græci vocant, nunc ventris fluxu, quod ciliacam nuncupant, vexabatur, propter quod exquisitissimos semper secum habere solebat Medicos. Habebat autem inter eos Judæum quendam Josuæ nomine Physicæ artis eruditissimum, computistam peroptimum, Hebraicarum literarum & totius Judaismi perfectissimum, quem circumdabat militaris habitus. Hunc majori præ cæteris familiaritate & dilectione idem Bruno sibi annectebat, satagens ut quomodo ille ipsum carnaliter medicaretur, ita illi ipse salutem animæ operaretur. Cum hoc sæpissime de divinis disputabat voluminibus, semper illum ad conversionem deprecans & exhortans, in quo tandem Domino largiente optatum tenuit effectum. Nam consiliis ejus acquievit & ab ipso baptizatus est. Cui Bruno suum nomen imposuit & in cunctis bonis adjuvit, cunctis fidelibus suis ipsum commendans & petens, quia genus illud hominum multum est in fide instabile, semper desiderat in vitæ necessariis abundare, quatenus ubicunque ille ipsis manentibus superveniret, providerent ei necessaria [cum caritate.]

CAP. LXIX.

Nunc iterum ad ordinem unde digressus sum, orationis verba convertam. Cum ut dictum est Bruno omnimoda

moda probitatis actione XII annis serenus extitisset, auctoris omnium prævaricationum diaboli, qui felicibus ejus actibus invidebat, instigatione retro conversus, religiosi itineris limitem excessit, & incentivis vitiorum avaritiæ videlicet & cenodoxiæ plus justo inhiavit. Ut enim militum interminatè habendi cupidorum muneribus & beneficiis potuisset satisfacere, non solum Clericorum & Laicorum bona diripiebat, verum etiam Ecclesiarum villas & curtes Deo & Sanctis ejus vespere & mane & meridie famulantium victui deputatas, sed & ornamenta pretiosa & vasa concupiscibilia tam aurea quam argentea in suos usus redigebat, & exinde expensas faciens humanos in se favores concitabat. Nihil enim laude fuit ei in vita dulcius. Inde est quod villæ duæ, una Dei genitrici loci, qui Orgium dicitur, nuncupata Macharia, distans à Treveri versus aquilonem circiter tria miliaria, altera beato Paulino, dicta Lesura & aliæ quam plures, quas omnes enumerare propter multitudinem distuli, [longum est] à prioribus quoque Pontificibus ad tempus quidem sublata sed frequenter ab omnibus reassignatae nunc autem ab hoc subtractæ nec restitutæ, Episcopalibus sunt addictæ redditibus. Quarum priorem Dagobertus Rex Francorum inter cætera quæ Ecclesiis Dei legitur contulisse beneficia, Sanctæ Dei Genitrici ob amorem Sanctissimæ virginis Irminæ filiæ suæ, tunc ibi degentis, nunc vero quiescentis cum aliis quam pluribus contulit, alteram autem quam diximus Lesuram beato Paulino Ludolphus Trevirorum Archi-Episcopus donavit & Sacerdotii sui autoritate obsignavit, imprecans, ut si quis Lesuram in succedentibus annis usui fratrum, in Beati Paulini Basilica ministrantium, sustollere conaretur, disperderet eum Deus de terra viventium. Ubi vero in hunc ejusdem Pontificatus Auctoritas collata est, in quo-

rum

rum seductus consilio, ut diximus, eam cum aliis aliquibus in usus suos redigebat, dicens: non licere cuiquā Episcoporū quidquam Episcopaliū redditum alicui Sanctorum loco assignare, & quoniam prænominatus Liutoldus hoc fecerit, ratum non esse, quod utrum ne illi licuerit, vos discernire. Æstimo namque quoniam Episcoporum est summam Deo famulantibus diligentiam adhibere, necessaria ministrando, ne dum pro necessariis conquirendis negociantur, à sancto proposito discedere compellantur. Ad hoc enim deputati sunt Ecclesiastici reditus, ut ex eis subveniatur Christi pauperibus, quod ille exequens melius usui ministrorum Dei assignaverit, quam iste in usum superbæ gloriationis absumserit. Huc accedit quod cum Egilbertus proximus hujus Brunonis antecessor adhuc viveret, inito consilio cum Optimatibus suis, ex quibus iste Bruno unus erat, hujusmodi verbis eos compellabat; Obsecro vos per misericordiam Dei dilectissimi filii mei & fratres, quidquid ego & antecessores mei Episcopi Sanctorum locis injuriæ violentia magis quam ratione irrogavimus, vos me commonefacite & ego restituiam; Ut & meam & eorum animas ab inferis redimam. Quod cum placuisset omnibus, discretis cuique loco redditibus banni constrictione ligavit & firmavit, ut qui deinceps inde subtraheret Deum præsumptionis suæ ultorem sentiret: Et responderunt omnes: Amen. Ubi vero Egilbertus spiritum reddidit & Bruno in Episcopatu successit, universa quæ reassignavit iste, resumit, dicens nihil exinde ratum esse, quod illi infirmus & jam suimet impotens in novissima vitæ suæ hora constitutus fecerit. Cum beatus Gregorius dicat: Ultimam pœnitentiam nulli negandam. Beatus vero Augustinus dicat se non diffinire, quod qui seram tantum egerit pœnitentiam, liberetur per eam. Ego quidem puto, si audeam dicere, quod qui temporanea sine seroti-

na pœnitentia , male parta restituerit & si propterea non liberabitur , qui ea postmodum in indebitos usus usurpaverit, non minus iudicium sustinebit.

CAP. LXX.

ANno igitur ordinationis suæ XIX placuit ei Romam tendere, ut renovaret privilegia sedis suæ , indignatus super protervia præfati Adelberti Mogontiensis Episcopi de legatione sedis Romanæ sibi concessa superbe se efferentis , maxime cum ex concessione priorum Apostolicorum Episcopus Treverorum nulli nisi soli Apostolico vel à latere ejus ad præsens [ad principes] misso debeat obedire , sicut Hincmarus Remorum Archi. Episcopus in Epistola sua Nicolao Papæ directæ commemorat , dicens: Remensis Ecclesia nunquam [inquam excepto] Romano Pontifice Primatem habuit, nisi quam diu ejecto ab ea sine ullo crimine suo Pontifice violentia Tyranni Milonis tempore Karoli Principis Pastore vacans Bonifacio Apostolicæ sedis Legato aliquandiu sicut & Treverensis Ecclesia commissa fuit. Sed & in tempore illo præfuit Ecclesiæ Metensi quidam Stephanus Kalixti Papæ ex Sorore nepos , cui jam dictus avunculus ejus concesserat in celebrationibus Missarum pallio indutum procedere , integra Trevericæ Metropolis potestate. Qui de pallii honore exhilaratus velut confidens gratiæ confanguinitatis supra memoratæ ultra quam oportuit se extulit, omnimodis innitens, si quomodo potuisset Trebericam Ecclesiam deprimeret, suam autem anteferreret & metropolim faceret , sperans quod quæcunque inchoasset, Kalixtus assentiret , quod exinde perpendimus , quia quoriescunque à Metropolitano vocatus fuisset , ut sicut consuetudo est
sus-

suffraganeis Episcopis, Metropoli obedientiam & subjectionem subscriberet, venire contempsit dicens: Suos quoque antecessores quinque fuisse Archi-Episcopos, quod nullarum scripturarum autoritas affirmat & pronuntiat. Solummodo quippe Metensium Episcoporum quinque numero pallio uti referuntur, quibus iste sextus ascribitur, servata tamen in omnibus Metropolitano subjectione, sed non omnes qui palliis utuntur Archi-Episcopi sunt, nisi quorum sedes Metropolis subiectis sibi aut civitatibus & Episcopis principatur. Cum igitur propter supra memoratas causas sapiedictus Bruno Romam versus iter faceret, & Augustidinum [Augustodunum] usque processisset, Kalixtus Papa ibi ei occurrit & amice suscepit & cum eo in eodem loco natalem Domini celebravit. Transactis autem diebus sollennibus pariter iter Cluniacum dirigunt, ubi Bruno causas sui adventus aperuit, prolatisque coram sedis suae privilegiis eadem sibi & Ecclesiae suae Apostolica subscriptionis firmamento stabiliri postulavit quod & obtinuit. Nam facta ex peccatorum suorum indulgentia remisit ad propria dans ei chirographum hunc modum [huiusmodi] continens.

CAP. LXXI.

K *Alixus servus servorum Dei*, Venerabili Fratri Brunoni Treberensis Ecclesiae Archi Episcopo. Salutem & Apostolicam benedictionem. Et conversatio sedis Apostolicae persuadet & ipse rationis ordo exposcit, ut sapientes religionisque personas & in Romanae Ecclesiae unitate & obedientia devotas existentes honorare amplius ac diligere debeamus. Proinde, Frater dulcissime, postulationi tuae clementer annui-

mus & personam tuam dilectionis brachiis amplectentes eam à cujuslibet Legati potestate absolvimus, nisi forte à nostro latere dirigatur. Confidimus enim in Domino, quod de sapientia & religione tua & Deo & Ecclesiæ honor magnus utilitasque proveniet. Data Cluniaci III. Non. Jan. Denique non multo post tempore viribus corporis ejus senio simul & infirmitate ad occasum vergente in omni fere circa regione ceperunt viri nequam consurgere, & res Ecclesiæ, quæ ipsorum defensionis & ut ita dicam advocatiæ commissæ fuerunt, barbarico more depopulari, quodam comite Wilhelm filio Cunradi supra memorati comitis de castello quod vulgo Luczelenburc vocatur, ducatum illis præbente, quos cum sapius ad corectionem invirasset & non profecisset, tandem cum non haberet, qui illorum vesaniam armata manu posset reprimere, ipsi enim, si barbari provinciam hanc impeterent, illis debuissent resistere, utebatur in illos anathematis ultione die quâdam Dominica VIII. Id. Decemb. Anno Dominicæ incarnationis M. C. XX. Pontificatus sui anno XXI.

CAP. LXXII.

CUjus anathematis verborum series hunc habet modum: Propter continuas oppressiones quas Ecclesia nostra patitur, decernimus & Sancti Spiritus judicio & auctoritate nobis concessa confirmamus, ut quicumque sive rapinis rerum Ecclesiasticarum sive in combustionem alicujus Ecclesiæ, sive in captione alicujus Clerici, vel in quacunque indebita exactione, sive in generalis vel specialis pacis violatione, hætenus nos conturbavit, ad satisfactionem canonicè vocetur, passurus Sententiam secundum merita; Obediens

ens iudicium cum misericordia, rebellis iudicium sine misericordia. Ab hoc autem die ulterius quicumque supra dictorum violator inventus fuerit, hodierna excommunicatio. ne prædamnamus & præcipimus, ut ab omnibus ut Sacrilegus deviretur, suspenso ejus nomine in Ecclesia ad iudicium excommunicationis jam super eo factæ & singulis Dominicis diebus repetendæ, ita quicumque ei communicaverit, si Laicus fuerit, eodem anathemate teriatur, si Clericus, ab ordine deponatur. Spolia quoque emens vel accipiens, ei cui & spoliator damnationi subiaceat. Congregationibus autem licentiam damus, ut quicumque eos in bonis stipendiorum suorum læserit, cum cottidiana excommunicatione persequantur. Porro Archidiaconis concedo, ut ubi aliis negotiis impeditus adesse non potero, pœniterentes Ecclesiæ reconcilient, servato ordine in compositionibus & cæteris Ecclesiasticis consuetudinibus.

CAP. LXXIII.

Multa quidem & alia probitatis fecit insignia, quæ & *ipse Ego vidi* & aliorum certa relatione cognovi, quæ enumerare per singula, gratia vitandæ prolixitatis omisi; Hoc tamen scire sufficiat, quod appropinquantem vitæ ejus terminum laudabilibus admodum operibus antevenit. Etenim per nocturnam quietem solitus erat Sanctorum memorias silenter circuire, illicque in oratione diutius persistere, & Dei propitiationē cum eorum intercessione profusis lachrymis exorare, sed & loca ubi servi Dei & ancillæ in clausulis degabant uno tantum comite contentus frequentabat, & quicumque habuissent necessaria, tam in victu quam vestitu ministrabat, atque eorum orationibus se devotius commendabat.

bat. Nec præterendum quoque quod in Spirensi [Moguntina] Diœcesi in prædio suo, quod Ottenheim dicitur, Monasterium construxit, ubi Deo famulantes Monasticæ professionis Cœnobitas adunavit, tantumque de rebus prædiorum suorum delegavit, quantum posset illic commorantibus ad cottidianum victum sufficere. Sed nec hoc silendum quod in Confluentia Basilicam Beati Flori [Florini] vetustate consumptam meliore schemate & ampliori ambitu [habitu] & lapideis thophis sectis & politis, sicut usque in hodiernum diem conspicuum est, construxit. Sed & in Treveri Ecclesiam, in qua beati Pauli & aliorum confessorum Pontificum Treberensium nec non & corpora plurima martyrum Thebæorum sub Ricciovaro passorum requiescunt, quam sicut primum nostrorum relatu didicimus, Sanctus Felix Trevirorum Episcopus, qui in ipsa requiescit, magno & spatiofo ambitu primus fundavit, postmodum vero vetustate consumptam beatus Marus & ipse ejusdem Civitatis Episcopus, quique ibidem quiescit in pristinum statum reparavit, Iste quoque nostris temporibus ignis concrematione dirutam, Adelberti & Rudolphi ejusdem Ecclesiæ Præpositorum industria datis sumtibus, non juxta primæ quantitatis amplitudines sed secundum facultatis suæ modum reformavit. Anno autem Dominicæ in carnationis MCXXIII qui est annus Episcopatus ejus XXIX [XXIII] VII Kal Maji, die VI teria, hora prima animam reddidit. Cujus exequiis celebrandis affuerunt Trebericæ diœceseos Episcopi Heinrichus Virdunensis, Conradus Tullensis, & eum non longe ab antecessoris sui Egilberti sepulchro magno cum honore & totius cleri & populi mœnore deposuerunt: sedit in Episcopatu annis XXIII dies XXIII [II] & vacavit Episcopatus menses duos dies VIII.

CAP. LXXIV.

Post decessum vero Brunonis Episcopi Gotefridus Majoris Ecclesiæ Decanus in Episcopatu successit. Hic de Leodiensi Parochia extitit oriundus, Arnoldum vero consanguineum suum & majoris Ecclesiæ, Domus videlicet beati Petri Præpositum, virum videlicet religiosum & morum honestate præclarum, qui Ecclesiam in honore sanctæ Crucis juxta albam portam sitam constituit, Treberim secutus, & Eberhardo Trevirorum Archi-Episcopo Clericus est designatus. Hic vero sicut & antecessores ejus, prædictus inquam Præpositus, morum dignitate & animi liberalitate insignis; prius à Trevirensibus Clero scilicet & populo dilectus & ab Episcopis ejusdem civitatis Egilberto & Brunone multis Ecclesiasticis honoribus ditatus, ad ultimum decedente Domino Brunone sicut prædiximus in Episcopatum est sublimatus. Peracto vero anno Episcopatus sui insurgentibus in eum quibusdam de clericis suis, & introitum ipsius calumniantibus, quorum calumnia si justa an injusta fuerit Deus scit, ego nescio, tandem ad hoc causa est perducta, quod sentiens suam infirmitatem ad hoc onus non sufficere, jam enim ad decrepitam ætatem venerat, videns etiam quod in Ecclesia fraterna scindebatur caritas, quibusdam sibi adhaerentibus, aliis resistentibus, ne causa esset hujus schismatis circa finem tertii anni ab Episcopatu est absolutus. Obtinuit autem sedem annis duobus mensibus X diebus XI supervixit autem postea anno uno mens. V. dieb. XVI. Obiitque XVIII Kal. Decembr. die [V] feria hora noctis III^a, quem sepelivit successor ejus in Basilica sancti Petri majoris Ecclesiæ sub arcu, quæ est ad meridionalem plagam.

† Q

CAP. LXXV.

CAP. LXXV.

Hic autem successor ejus nomine Meginherus eadem, qua Deceſſor, parochia nobilibus & ipſe parentibus procreatus, & à pueritia in Treverenſi Eccleſia educatus, morum honeſtate & perſonæ maturitate ad Præſulatus honorem dignus proſecto aſcendiſſet, ſi antedictum Goſfridum vel parcius impugnaveſſet vel ſuæ rigiditati & indiſcretioni modum impoſuiſſet. Menſe Junio electus ſequenti autumnò collecta militia Treverenſi caſtellum novum, quod dicitur Hunniag [Bumachen] primo impetu cepit, Wilhelmum comitem ad conditiones pacis coëgit, pacemque patriæ in brevi reformavit, veniente XL^{ma}. iter ſuum Romam direxit ubi à Papa Honorio ordinatus & pallio dignitatis eſt decoratus; unde reverſus à Clero & populo Trevirorum honorifice eſt ſuſceptus. Deinde dum nimio Zelo reſtitutionis de incontinentia Clericorum multa ſæve diſponeret, ſine condimento diſcretionis magnam ſibi comparavit injuriam, & quam nec dici fas eſt acquiſivit infamiam.

CAP. LXXVI.

ET forte eodem tempore *Francorum* Republica valde turbabatur. Nam paucos ante annos Heinrico Imperatore hujus nominis V. Rege ſine prole deſuncto Proceres Francorum apud Mogontiam *Lotharium* [*Leodegarium*] *Ducem Saxonum* in regnum elevaverunt, eorumque decretum Romani laudaverunt, cum ecce Fridericus Dux Alamannorum, ejusdem Heinrici Imperatoris ex ſore nepos facta conſpiratione cum quibusdam juſtiæ inimicis fratrem ſuum Cunradum regno ſubſtituit, magnamque belli materiam

am & contentionis fomitem hac de re suscitavit. Quod ubi Honorius Papa comperit, Cunradum omnesque sibi faventes excommunicationis vinculo colligavit. Et Meginhero Archi-Episcopo ordinato jam reversuro, ut in sede sua eundem Cunradum excommunicaret, præcepit. Anno igitur ordinationis suæ 11^o. Mense Novembris, cum jam erga multorum animos ea qua dixi causa esset odiosus, Romam ire disposuit, ut consilio Apostolici vel auxilio ea quæ se gravabant alleviaret. Quo tempore prædictus Cunradus minus in Teutonico prosperatus regnum Italicum tanquam & illud sibi deberetur invadere cupidus, ibidem in Italia morabatur, ubi Meginherum Episcopum per exploratores proditum cepit, eumque apud Parmam civitatem custodiæ depuravit, ubi sequenti anno jam oculorum lumine ex afflictione amisso Kal. Octob. obiit, Episcopus Parmensis vestibus, quas sibi ipsi morituro paraverat, corpus indurum in majori Ecclesia sepelivit.

CAP. LXXVII

POST hunc Brunonem Ecclesiæ Trevirensis Canonicum Brunonis quondam Archi Episcopi Nepotem elegerunt VII. Idus Decemb. quod ille omni nisi maxime causa inopiæ hujus Ecclesiæ renuebat. Re autem vera, ut post clauditur, majoris Episcopatus gloriam affectabat & cum gratia Apostolici Innocentii faciebat, qui eo tempore in Galliis commanens diversis in locis concilia celebrabat. Nam quando Meginherus Episcopus Romam pergens captus & custodiæ traditus fuit, bellum quoque inter Romanos constatum de loco Innocentii & Anacleti Honorio Papa defuncto: Quorum prior Electione autentica cleri & populi intronizatus & consecra-

secratus defuncto successerat, alter autem factione nobilium Romanorum quorum ipse propinquitate pollebat, Papatus sibi met honorem assumerat. Maximo autem motu hominum gratia concitato Innocentius Papa templum Sancti Petri fugiens, [intravit] quem Anacletus obsessum tormentis machinisque adhibitis de templo & urbe fugavit. Pulsus ergo Roma Gallias Innocentius petiit, ubi eum Legati Trevirorum adeuntes ut electionem suam firmare & perficere non differret, postulabant. Quibus ipse respondit, ut alium ad hoc idoneum quem vellent eligerent. Nam Brunonem nec ipsi nec alterius Ecclesiae filii Episcopum habere potuissent. Hoc responsum apud Leodium in XL^{ma}. acceperunt sequenti Pascha cum Rex Lotharius omnesque Principes Trevirorum Treberi convenissent pars Cleri, Primicerium Metensem Adelberonem eligebat [pars Cleri N. alii Adelberonem eligebant] Principes tamen & Populus.

[Acriter repugnabant qua dissensione per continuum annum pertracta tandem iussu Apostolico & imperio regali sedata, altero Pascha inthronizatus est Adelbero anno Dominicæ Incarnationis MCXXXII.]

[Feliciter finiunt gesta Treverorum, summa diligentia per manus Petri Wefalentini scripta, cujus anima post mortem hanc cum Christo requiescat in pace, Amen.]

[Hac in Codice Scriveriano.]





CHRONICON HOLSATIÆ VETUS

Sub nomine continuationis Chronici

*Slavorum Autore presbytero Bremensi,
usque ad annum 1448.*

CAP. I.



IN principio creavit Deus cœlum & terram : In cœlo spirituales Angelos ci-
ves ; In terra terrenos peregrinos , in
cœlum transferendos, hominem ad ima-
ginem & similitudinem suam rectum &
intelligentem. Atque ei ut subito man-
datum dederat, cui si obediret, civis fi-
eret ; Si autem ; projiceretur & extra
cœlestem civitatem, & civium numerum remaneret in ter-
ra. Hic primus homo Adam , mandatum Dei non custo-
diens , ejectus est ê Paradiso terrestri atque cœlesti , & inco-
la terræ in sudore vultus sui vescebatur pane , & genuit fili-
os & filias in ærumnâ multa. Duos autem genuit nomi-
natos Cain & Abel ; Cain primogenitum in peccatorem.

(A.)

Qui

Qui ut in terra dominaretur, condidit civitatem nomine filii sui Enoch. Hic invidens fratri suo Abel, qui in terra civitatem non condidit, sed cœlestem civitatem diligens, Deum super omnia colens, de pinguibus animalibus obtulit Deo sacrificium. Et Cain de minutis frugibus terræ, ad cuius munera Deus non aspexit. Ideo Abel fratrem suum interfecit. Malus bono propter bonum invidens secum inhabitare terrenam civitatem non sinebat. Loco cuius iusti primi sacerdotis spiritualis personæ, cœlestis civitatis inhabitatorem spiritualem hominem Seth, de quo Christus carnem sumere volens ad redimendum hominem, quem creavit. Hic Seth genuit filios à quibus Deus & superna civitas diligebatur, usque ad diluvium aquarum totius orbis. Et à primo homine Adam usque Noë, cuius tempore diluvium inundavit fuerunt octo personæ intermediæ; Sic quod in decimo homine iusto nato ab Adam fuit diluvium purgans à peccatis universum mundum. Nam primogenitus Cain & sui filii fuerunt peccatores coram Deo. Et illo tempore fuerunt gigantes in terra & filii Dei (nati à iusto Seth) concubuerunt cum filiabus Cain & ab ipsis perversi facti, ideo Deus per diluvium purgavit universum mundum, præfigurans peccatores per baptismum in aqua gratia Christi esse purgandos. Et à principio mundi usque ad diluvium fuerunt anni mille sexcenti sexaginta sex.

CAP. II.

Mundo per aquam purgato Deus dedit præceptum non interficere & effundere sanguinem. Iustus vero Noë Patriarcha, tres habuit filios Sem, Cham & Japhet. A Sem primogenito filio, exorti sunt filii & cives cœlestis civitatis, à quibus Christus carnem suscepit. Peccatores & Iudices
spiri-

Spirituales. Sem genuit Arfaxat, qui genuit Sale, hic genuit Heber, à quo Hebræi nominati sunt. Nam filius ejus Phaleg in confusione linguarum retinuit linguam Patris sui Heber, unde Hebraica lingua dicta est. A quibus Hebræis Prophetæ, Judices, Reges, Sacerdotes, & tandem Christus & Apostoli exorti sunt. Secundo-genitus filius Noë Cham qui cum vidit patrem suum nudum jacentem, & verecundiam Patris fratribus demonstrans, qui tamen eam videre nolentes, sed vestibus cooperuerunt. Ideo Pater evigilans, dicti filii, filium Chanaan maledixit, dicens: Maledictus Chanaan, servus servorum erit fratribus suis. In hoc maledicto nomine prima servitus esse cœpit, qui etiam Cham genuit Chus, qui genuit Nemroth gigantem, qui fuit robustus venator, & primam civitatem post diluvium condidit, Babylon inclutam & nobilissimam civitatem & turrim in ea, cujus altitudo attingebat cœlos. Et hæc turris à filiis Noë, nepotibus & pronepotibus septuaginta duobus fuit constructa. Et ab illis septuaginta duobus sunt exorta lingua, remanente in filio Heber prima lingua ab initio cum homine à Deo data. Et ab his septuaginta duobus universus mundus in linguis suis est divisus. Nemroth venator contra verum Deum ædificata prima civitate Babylon post diluvium primum dominium in populo gerebat. A Sem justo primogenito Noë usque ad Abraham Patriarcham electum à Deo fuerunt decem generationes. Et terminabatur secunda ætas, habens annos ducentos nonaginta duos.

CAP. III.

AB his tribus filiis Noë mundus divisus est in tres partes, Asiam, Africam & Europam. A primogenito Sem major pars

pars terræ scilicet Asia nominata , quæ habet in se regna Indiam , Persiam , Medos , Chaldeam , Mesopotamiam & regnum Assyriorum. Et hæc Asia habet quasi medianterotius orbis in meridie per Orientem ad Aquilonem. A secundo filio Noë Cham secunda pars terræ, scilicet Africa, possessa est, quæ tendit à meridie ad Occidens, & habet in se regnum Ægyptum, Æthiopiam, Carthaginem & terram Chanaan, in qua Jerusalem & terra promissionis sita est. Ab ultimo filio Noë scil. Japhet & semine ejus tertia pars terræ dicitur possideri, quæ tenditur ab Occidente ad Aquilonem, & habet in se regna Græciam, Scythiam, Siciliam, Italiam, Hispaniam, Franciam Almaniam & Germaniam. De his tribus filiis Noë patriarcha prædixit futura dicens: Maledictus Chanaan filius Cham, servus servorum erit fratribus suis & Benedictus Dominus Deus Sem, sitq; Chanaan servus ejus. Dilatet Deus Japhet & habitet in tabernaculis Sem, sitque Chanaan servus ejus. Hæc propheta impleta fuit per Alexandrum Magnum de Græcia natum. Ascendens in terram Chaldeorum Persarum & Medorum, quæ fuit pars Sem & inhabitabat ibi, ac regna illa regno Græciæ adjiciens. Et super omnia in Romanis fuit tora impleta. Nam Roma quæ est caput Europæ, vicit & subjugavit omnia regna mundi, & terram Chanaan, quæ prius à filiis Sem scilicet Judæis fuit devicta & per eos possessa, à Romanis Principibus Tito & Vespasiano fuit in servitutem redacta.

CAP. IV.

Abraham à Sem benedicto filio Noë descendens & habitans in Chaldea, cum homines à cultu veri Dei declinabant. Thare Pater Abraham solus cum filiis suis unum verum Deum adorabat, quia propter odio habitus, Deus

us illum monebat , ut terram illorum perverforum exiret. Et mortuo Thare Deus Abraham de Ur Chaldeorum eduxit , & terram Chanaan , quam sibi & heredibus suis , hereditariam terram id est promissionis iusserat possideri. Cui Abraham Deus benedixit & promisit quod in semine ejus id est in Christo benedicerentur omnes tribus terræ. Qui duos habuit filios primogenitum Ismael ab ancilla secundum carnem natum , à quo Reges & Duces terræ processerunt, Alium filium dedit sibi Deus ex legitima uxore, sterili, ipso sene existente , natum Isaac vocatum , à quo Israel id est viri videntes Deum ad spiritualem vitam cœlestem pertinentes ortum deduxerunt. Hinc Abraham tempore olim Regis Ninive fuit natus. Et non longe post constructionem magnæ terrenæ civitatis Babylon. Et ultra mille annos ante alterius magnæ civitatis Romæ in Europa sitæ ortus. In civitate terrenâ habitationem nullam habuit, sed hic peregrinus in terra in tentoriis degens ad cœlestem civitatem inscribi potius eligebar. In hoc Abraham habuit principium tertriæ ætas, quæ duravit usque ad tempus regni scil. David & Salomonis & fluxerunt anni nongenti quadraginta duo.

CAP. V.

Quarta ætas mundi cœpit à David Rege usque ad transmigrationem filiorum Israel , per Chaldæorum Regem Nabogodonosor in terram suam , in quâ septuaginta annis captivati permanserunt , & fluxerunt anni quadringenti septuaginta tres à David usque ad transmigrationem. Nam usque ad illud tempus Reges fuerunt in populo Dei. David Rex eximius Prophetarum , qui librum Psalmodum Deo in cythara decantabat , & cultum divinum maxime

decorabat. Filius ejus Salomon Rex & sapientissimus hominum templum Dei miro modo ædificans, proverbiorum, Cantica Canticorum, & Ecclesiastem inspirata Prophetiâ exarabat. Horum Regum tempore in populo unius veri Dei cultore, in Italia Roma nondum erat cœpta, sed in ea Latini dominabantur exorti ab Ænea Rege à Trojana civitate à Græcis destructa. Et postmodum tempore Robeam filii Regis Salomonis Roma in Italia à Romulo & Remo duobus fratribus illegitimè natis condita est. Altera Babylon, civitas magna terrena, à qua totus orbis subjugatus est, secundum Prophetiam Danielis. Rex Nabogodonosor videns magnam statuam, cujus caput erat aureum, pectus & brachia argentea, venter & femora ex ære, tibiæ autem ferreæ, pedum autem pars quædam terrea, quædam inutilis: Et abscissus est de monte lapis sine manibus, & percussit statuam in pedibus ejus & comminuit eos. Tunc contrita sunt pariter ferrum, testa & argentum & aurum, & redacta quasi in favillam istius aræ, quæ rapta sunt vento, nullusque locus inventus est in eis. Lapis autem qui percussit statuam factus est mons magnus. Hæc visio sic declaratur. Nam statua sive imago ex auro, argento, ære, ferro & testa fuerunt regna mundi. Nam majus regnum in toto orbe nobilissimum ac ditissimum fuit regnum Chaldæorum auro comparatum tempore Regis Nabogodonosor, & post eum suscitatum fuit regnum minus ut argentum, quando civitas Babylon destructa Reges Medorum regnabant toti orbi. Post hæc Alexander M. de Græciâ consurgens velut æs regnans, minus argento omnem terram subjugavit. Demum Romani Reges velut ferrum comminuerunt omnia regna mundi. Tunc scilicet illis Romanis regnantibus abscissus est lapis de monte sine manibus. [Et percussit statuam in pedibus ejus & comminuit eos.

Tunc

Tunc contrita sunt pariter ferrum, testa & argentum & aurum, & redacta quasi in favillam istius areæ, quæ rapta sunt vento, nullusque locus inventus est in eis. Lapis autem qui percussit statuam factus est mons magnus. Hac visio sic declaratur. Nam statua sive imago ex auro, argento, ære, ferro & testa fuerunt regna mundi.] Christus firmus ut lapis de monte, patre superno sine manibus abscissus de virgine sine commixtione virili natus in terra omnia regna superiora destruens per se ipsum docendo homines non hanc terram & terrena caduca diligere, sed se humiliare sub manu omnipotentis Dei & per humilitatem ascendere ad cœlestem supernatam civitatem, cujus regni non erit finis. Hic terminatur in Christo quinta ætas mundi, quæ continet annos quingentos septuaginta quinque.

CAP. VI.

Christus Jesus Dominus noster Rex & sacerdos utrumque hunc gladium cœlestem & temporalem tempore suæ passionis postulavit; dicens: Qui habet tunicam vendat eam, & emat sibi gladium. Ubi tunc Apostolus Petrus successore ejus in regno respondit, dicens: Ecce Domine, duo gladii, cui Dominus: Bene, sufficit, hoc est duo gladii. Unus spiritualis spiritualibus personis, & alter gladius secularis secularibus committatur. Hos duos gladios ferunt sacerdotes & Reges, & seculares Principes etiam habent gladium, quamvis Temporalem à Deo sibi commissum. Quia omnis potestas à Deo est. Et Dominus Jesus dixit Pilato: Non est tibi potestas in me, nisi desuper esset tibi data; de quo gladio Dominus tempore passionis suæ dixit, spiritualibus personis prohibens eo uti. Mitte gladium tuum in vagi-

vaginam. Nam qui gladio pugnant, gladio peribunt. Hanc potestatem temporalis gladii, illi duo Conditores Romæ simul in ea pacificè nequiverunt possidere. Nam Romulus ut unicus Rector & Dominus illius novæ civitatis remaneret, fratrem suum Remum occidit. Et sic origo Romanæ civitatis terrenæ incepit à Romulo. Qui natus illegitimè, ut regnaret, fratrem proprium occidit. Illegitimus fratricida origo Imperatorum. Petrus Apostolus Piscator pauper illiteratus, Spiritu Sancto illustratus, voluntariè pauper propter regnum cælorum, hic in terra nihil habere volens, piscator animarum ad cœlestem civitatem caput Ecclesiæ. Ab his duobus capitibus Christiana membra gubernantur, quibus dolentibus dolent & membra sua. Nam in primitiva Ecclesia post ascensionem Domini Petrus & Coapostoli sui ubique terrarum in paupertate altissima & virtutum opibus regnum sibi commissum Ecclesiam sanctam congregationem fidelium in hac terra peregrinantem, ut ad cœlestem civitatem perveniret, fideliter gubernabat. Et contra Principes Romanorum, caput terrenæ civitatis svasu diabolico se ipsos & quoscunque poterant, ne ad regnum cœleste pervenirent, instigabant. Ac Doctores cœlestis vitæ & eis per fidem adhærentes diversis tormentis trucidabant. Et Christianum ritum & cultum unius veri Dei prohibebant. Quamvis multos & infinitos Deos coluerunt, tamen Christum filium Dei vivi cœli non colebant, & hoc instigatione spiritus maligni prohibentis & invidentis salutem humani generis. Quia ante tempora Christi tantus erat error hominum, quod unum verum Deum creatorem cœli & terræ, quasi totus mundus ignorabat, ac Christum filium Dei esse, & crucifixum & tertia die resurrexisse, ac humanum genus sic redemisse pauci credere voluerunt. Et qui crediderunt diversis pœnis dilaniarentur. Ita alii fidem
Chri-

Christianorum recipere formidabant. Sed omnipotens Dominus ira dedit gratiam suis prædicatoribus per signa & miracula, ut quando unus per tormenta urgebatur, Christum negare, visis signis & miraculis ibidem factis, aliquando decem millia ad fidem pervenerunt, & non tot poterant interfici propter Christum, quin mille millia plures crediderunt. Et hæc rabies fidem destruendi Christianorum à Principibus Romanis & in urbe Roma plus facta est. Et plures Martyres Romæ truncati sunt, quam in universo orbe. Et à tempore Sancti Petri vicarii Christi, qui primus in Roma, ubi erat caput superbiæ & cultus simulacrorum, fuit Pontifex & caput Ecclesiæ usque ad tempus S. Silvestri Papæ inter quos successivè fuerunt XXX Apostolici. Et à Nerone Imperatore usque ad Constantinum, qui sanctos Petrum & Paulum Martyrisavit rexerunt imperium XXVIII. Imperatores, qui quasi omnes Christianum nomen extinguere molientes & à passione Domini usque ad idem tempus fluxerunt circiter trecenti viginti anni.

CAP. VII.

Hic Constantinus Imperator etiam Christianum persequens & ob vindictam percussus à Deo leprosus effectus est, ita quod nullus medicorum eum à tali infirmitate poterat sanare. Et quando Deo placuit ecclesiam suam sanctam pacare, & in tranquillitate præsentis vitæ vivere hunc lapsum Imperatorem Constantinum, sequenti nocte sanctis Apostolis Petro & Paulo sibi apparentibus, ad Sylvestrum virum Apostolicum Romanum Pontificem, in montibus & cavernis latitantem, misit sanandum. Quo primum baptizato & postea sanato à lepra, intelligens virtutem diuinam, quæ à lepra mundatus erat, & quod du-
(B.) rum

rum erat sibi amplius Christianum nomen impugnare, eo quod Christum sicut Paulus in baptismo vidit, virtute Spiritus Sancti statim in alium virum à terreno in cœlestem, à pagano in Christianum verè mutatus est. Hæc mutatio dextræ excelsi. Hic Constantinus totius orbis unicus & præpotens Princeps & rector dedit mandatum Romanis, quod Christus solum verus Deus adoraretur & coleretur. Secundo quod nemo Christiano præsumeret injuriari sub pœna bonorum suorum. Quarto sicut ipse fuerat caput Principum secularium, ita Papa Romanus omnium Clericorum diceretur Princeps. Quinto quicumque ad Ecclesias fugeret, deberet immunis remanere. Sexto quod nemo aliquam Ecclesiam auderet construere nisi de Episcopi sui licentia. Septimo quod ædificatione Ecclesiarum decimæ regalium possessionum tribuantur. Postmodum idem Imperator Constantinus pro ædificatione Ecclesiarum S. Petri & Pauli ipse primus duodecim Cophinos plenos terra de fundamento ipsorum exstructa in suis scapulis portans foras eiecit. Et Romanæ Ecclesiæ dedit urbem Romanam cum tota Italiâ in possessionem & suum palatium in Laterano infra urbem constitutum, ni honorem S. Johannis Baptistæ dedit in Ecclesiam consecrandum, sicut & hodie consecratum est. Ab isto igitur tempore Ecclesia crevit in possessionibus multis ubique terrarum usque in hodiernum diem, & ultra tranquilla & per amplius Apostolici & Ecclesiastici viri dirati sunt multum nimis. Attamen Diabolus Ecclesiam Dei persequi non cessans, hæreses inter Christianos veros & falsos multas induxit, per quas ab ovili veri Pastoris Christi Dei quam plures oves aberrare instigavit. Et sicut per Martyrium ante Christi nomen negari mandavit, ita per hæreses & ruinas Principum idem facere conabatur. Sed omnipotens Deus Christus Jesus caput Ecclesiæ membra sua non deserens usque

usque ad finem mundi contra hæreticos & hæresin remedium viros illuminatos Doctores Ecclesiæ sanctos Augustinum, Nicolaum, Martinum, Ambrosium, Hieronymum, Johannem Chrysostomum, Gregorium, Benedictum & quamplures tales diabolo & hæreticis suis membris resistentes vita sancta & doctrina casta Monasteria instituentes, & vitam cœlibem in terra deducentes, nullum proprium in singulari possidentes, sed omnia communia secundum regulam & vitam Apostolicam solum in genere ut ad usum suum possidentes ac soli Deo famulantes. Et per istos Monasticos viros & feminas diabolus per universum orbem fuit suffocatus, & successivè à superioribus partibus mundi ad inferiores partes fides Catholica per religiosos viros Deum diligentes est deducta. Nam sanctus Petrus Apostolus eo adhuc vivente & in urbe Romana existente habens etiam curam occidentalis plagæ scilicet Germaniæ misit duos de discipulis suis ad Treverensem civitatem ad prædicandum ibi verbum Dei. Et sic propè Rhenum inhabitantes Germaniam, citius ad fidem Catholicam, quam Saxones & Westphali devenerunt. Quia ante tempora Imperatoris Caroli Magni qui regnavit Anno Domini octingentesimo nullus prædicatorum legitur de Saxonibus Westphalis & Fresonibus aliquem ad fidem Christi convertisse. Quia Saxones duri & pertinaces quasi Saxum nuncupari ad fidem verbis prædicatorum flecti non poterant. Ideo Carolus Magnus eos gladio ad fidem coëgit. Nam legitur quod illo tempore Carolus propter fidem sæpius contra Saxones dimicavit, tandem collecto exercitu magno in Martis urbe vulgariter Merseborg castra metatus fuit, contra Saxones Westphali & Fresones ibidem sibi obviantes, & in campo bellum expectantes ante aciem exercitus Caroli, Saxones viderunt in aere equites ignitos ignea tela contra se mittentes. Tunc inter

ter se dixerunt , Dii in cœlis & homines in terris sunt contra nos, quid amplius poterimus , nisi ut credamus & erimus subditi præceptis Christi , qui pugnat contra nos , & sic Saxones fidem susceperunt , in ea semper manentes. Sed Westphali à fide sæpius declinaverunt , ideo idem Carolus eos in servitutem redegit , & plures Principes ac Episcopos in Westphalia mancipavit.

CAP. VIII.

SAXONES unde dicuntur venisse, reperi in quadam Chronica quæ tempore ante Christi incarnationem , quo Alexander M. in Græcia de Macedonia exiens , & in Asiam, Mediam & Persas veniens , eos suo imperio subjugare volens, sicut ex permissione divina etiam perfecit, per Armeniam ubi Arca Noë requievit transiens, reperit in ea quandam gentem robustam , audacem & virilem , quæ gens petrita ac petra dura propter animositatem vocata est. Hanc gentem ubicunque erat secum ducebat. Et propter gentis hujus bellicositatem, muravit eis nomen petra in saxum propter duriciem eandem gentem Saxones vocitavit. Hæc gens propè mare inhabitare consuevit; & Alexandro mortuo, qui nisi duodecim annis regnavit, cum dicti Saxones propter Alexandrum multos offendissent, non audebant in sua propria (patria) remanere, sed cum omni supellestili uxoribus & filiis, trecentas naves gales (galeas) onustabant, & se mari occidentali tradebant, quærendo locum & terram habitationis faciendæ. Hæ naves vento flante præter triginta, omnes in mari perierunt, de quibus viginti naves venerunt in Pruciam eam subjugando. Aliquæ etiam in flumen Danubium, & in utroque litore circa ripas Albiæ inhabitantes vexabant, usque ad montes Harticos in Thuringiam expellen-
tes

tes & ipsorum terram occupantes. Una tamen navis ex dictis navibus major & præcipua in qua nobiliores inerant, applicuit ad Egdoram vel Storam flumen, & ibidem anchoram fixit, & tentorium in terra prope navim erexit, & Thuringos vicinos circumcirca de navi vexabant, quod inhabitantes ibidem illis diebus adhuc erant sine munitionibus & armis. Et illi de tali navi maximi fuerunt in armis periti, & navim pro castro retinebant. Quare vicinis videbatur bonum cum illis hominibus bellicosis pacem habere, & eis potius aliquid donandum quam pugnandum. Saxones autem considerantes se semper in sumribus & victualibus deficere, unus ex illis juvenis & animosus, dixit consodalibus suis. Cum istis hominibus nobis vicinis vivere pacificè erit ultimatim defectio, & mors nostra. Nam ipsi in frugibus & animalibus augmentantur, nos autem de die in diem deficimus in eisdem. Propterea audite consilium meum, vadam ad vicinos nostros, rediens quid volo & fecerim, dicam vobis. Ipse vero omnem pretiosam margaritam, aurum & argentum, quantum poterat ad collum suum posuit. Thuringi vicini videntes hunc juvenem cum auro & argento incedentem dixerunt invicem, Quid hoc ingens aurum & argentum in collo hujus famelici? Et appropinquantes Thuringi dixerunt; Vis vendere hoc aurum & argentum? Ipse respondens dixit. Copiam auri & argenti & gemmarum magnam habemus, & ideo hujusmodi vendere volo, sed non nisi majoribus terræ. Cui unus de majoribus dixit; Quid tibi pro hoc dabo? Saxo respondet dixi vobis prius. Magnam hujus copiam habemus, ideo pro nihil reputamus. Date mihi etiam exile quodcunque volueritis. Cui Turingi responderunt, si placet Tibi, dabimus Tibi arenam quantum portare poteris pro hoc auro & argento. Saxo respondet, sum contentus, & sic tradidit illis

(B.) 3

aurum

aurum & argentum pro tanta arenâ quam ferre poterat. Quam assumens in sacculum reversus fuit ad suos dicens; Nunc habemus propriam terram emptam ab hominibus nobis vicinis, illam spargere volo in terram ipsorum, & sic erit communis nobis cum illis. Et causam habemus, si pecora sua mittant in terram nostram, pignorare ea. Quia pax vobis diuturna non valet, propter famem, quam diu passi sumus. Et idem Juvenis Saxo prope dictum flumen & ripas & paludes uberes dictam arenam in divisis locis sparsit. Et postmodum Thuringis intimavit, quod arenam pro auro & argento ab ipsis emptam in ipsorum terram sparsit, & quod per amplius jumenta sua, equos oves & boves & cetera pecora sua custodirent, & in terram emptam suam non venirent, alias pignorare ea vellent. Ita deinceps semper inimiciâ fuerunt inter eos. Ad extremum Thuringi videntes, quod non poterant contra prædictos prævalere, consilium inierunt Saxones dolo in placitis interficere velle, quod consilium innotuit dicto Juveni qui suos avisavit, ut arma abscondita ad locum placiti secum apportarent, dans eis signum quando dixerò, *Nemet juve Soren* tuncsi vitam & terram retinere velitis pro animalibus vestris filiis & uxoribus, neminem ex eis vivere permittentes, viriliter pugnate. Et factum fuit ita Thuringis multis pluribus ad locum placiti venientibus & Saxonibus paucis sed latenter armatis. Et cum dictus capitaneus hoc verbum pro intersigno protulerat, *Nemet juve Soren* statim in Thuringos irruerunt occidentes & ita Terram Holfatiæ Ditmariæ & Stormariæ per amplius fugatis Thuringis retinebant in sortem suam.

CAP. IX.

Hic Carolus Rex Franciæ, Regis Pippini filius, primus de domo & regno Franciæ Imperator postulatus, à Romanis & à papa Leone in adiutorium Ecclesiæ sanctæ, antequam in Imperatorem fuit electus, consensit eisdem & in Longobardia apud Papiam obsessam cepit Regem Desiderium nomine, & secum duxit captivum, quia bona Ecclesiæ vexabat. Nam Imperium à tempore Constantini Magni, qui Papæ Sylvestro & suis successoribus dederat Romam & Italiam in possessionem, mansit in residentia apud Græcos, & fuerunt Imperatores juvare Ecclesiam valde difficiles de tam remotis partibus. Ideo translatum fuit Imperium de Græcis ad Francos per Carolum Magnum & aliquamdiu mansit apud gallicos imperium scilicet per quinquaginta annos usque ad tempus Ludovici Secundi. Demum Gallici cum essent desides in adjuvando Ecclesiam, Imperium translatum est ad Berengarium Regem Italiæ & mansit etiam apud eos, quasi quinquaginta annos. Hi Ecclesiam impugnabant, quam defendere debebant, & ab eis regimen imperiale demptum & translatum ad Teutonicos, de quibus primus Imperator Otto vir nobilis & bonus, Item Secundus Otto & Tertius Otto. Et hi fuerunt defendentes Ecclesiam & mansit Imperium apud Germanos usque in præsentem diem. Et Electores Imperatoris sunt tres Archi-Episcopi, Colonienfis, Trevirensis & Moguntinus, & tres Principes seculares Dux Saxonie Marschalcus, Dux Baviaræ, & Marchio Brandeburgensis. Et quando hi concordant vel major pars ex eis in aliquem, talis erit Imperator. Si autem tres eligant unum, & tres alium, tum Rex Bohemiæ cum qua parte se adjunxerit, talis est electus. Et antequam à Papa
coro.

coronatus est, non scribitur neque dicitur Imperator, sed Rex Romanorum appellatur. Duces autem de Louenburg non dicuntur proprie Duces Saxonum neque Electores Imperii, quamvis aliquando hoc privilegium habebant. Tamen quando ultimi Duces Saxonum Electores obierunt tempore Sigismundi Regis Romanorum, tunc Fridericus, Marchio Misnenensis, datis centenis millibus florenis pro ducatu Wittenberg in feudum etiam adeptus est nomen dignitatis Ducis Saxoniae ipse cum progenie sua. Et sic à Saxonibus hæc dignitas est avulsa, quitamen ab antiquo tempore nobiliores principes totius Teutonicæ fuerunt, quando de domo Brunswicensi Duces Saxoniam habebant: Sed postmodum quando ipsi in Imperium fuerunt sublimati, titulus Ducatus Saxoniae successive decrevit, propter divisionem ipsius Ducatus in plures & multos Episcopatus in Saxonia, per Imperatores de novo creatos & erectos. Supra dictus Carolus Imperator, Saxones Westphalos & Frisones, cum gladio sicut supra narratum est, fidei subiciens, Episcopos in eis multos Viros sanctos ad seminandum & prædicandum rudi populo verbum Dei de Monasteriis extrahens in diocæsisbus, per ipsum divisit & dotatis instituit, præsertim in Bremensi civitate sanctum Wilhadum de Monasterio assumptum Episcopum promovit. Et in Hamburgensi civitate trans flumen Albiam Heredagum Sanctum virum Episcopum designavit, proponens eandem Hamburgensem Ecclesiam cunctis Slavorum Danorumque gentibus metropolin elevare. Post cujus Caroli Christianissimi Imperatorum obitum filius ejus Ludowicus successit in regnum, qui paternis votis erga Dei cultum per omnia concordabat, & in Ecclesia Hamburgensi viduata sanctum virum Anscharium de Corueie in Archi-Episcopum fecit consecrari statuens eandem civitatem metropolin Slavorum

vorum, Danorum, Svecorum, & ab illa Ecclesia etiam seminumatum fuit verbum Dei in boreales partes. Tamen post obitum dicti Ludowici Imperatoris propter multa bella in Regno Franciæ exsurgentia, cum non erat Princeps Imperii diligens & exsequens cultum Dei, etiam seminatio verbi Dei ad tempora multa exinde cessavit. Hic sanctus Ansharius Bremensem Ecclesiam & Hamburgensem simul rexit, & prope Idzehoin terra Holsatiæ in Welna parvum oratorium in honorem sancti Sixti, cujus caput semper secum deferrebat, consecravir. Ubi cum aliquibus monachis aliquando propter securitatem loci ad contemplandum solebat residere. Et legitur in legenda sua, quod cum communiter in pane & aqua solebat carnem subjicere, ibidem una die rum aqua fuit in vinum conversa, & fons, ubi illa aqua extracta fuit, hodierno tempore dicitur fons sanctus. Illis diebus Dani Barbari de terra sua exeuntes totam Saxoniam vastaverunt, Fresiam depopulantes, ac etiam navibus Coloniã, Trajectum & Treveros incedebant. Nec non in Franciam intrantes etiam Parisium obsidebant. Et in ea magnam partem obrinentes, quam Normanniam vocitabant, ex nomine patriæ suæ, attamen Deus miraculosè centum millia Danorum à Christianis interimi fecit. Post obitum S. Ancharii successit sanctus Reimbertus. Post hunc Allegarius. Deinde Hojierus. Demum Reinwardus Archiepiscopus Bremensis & Hamburgensis simul, ex hoc Unni, Archi-Episcopus qvi iterum in Daniam & Gortiam verbum Deide novo seminabat, & obiit anno Domini nonningentesimo tricesimo sexto.

CAP. XI.

Illo tempore Conradus Dux Teutonicorum ad Imperium fuit sublimatus. Nam stirps Caroli tunc fuerat finita.
(C.) De-

Demum Henricus filius dicti Conradi est sublimatus. Cujus filius Otto primus hoc nomine Imperator, qui Ungaris simul ut arena maris præ multitudine collectis ante Magdeburgensem civitatem interfectis, in die sancti Mauritii, & ob honorem ejus Ecclesiam illam cathedralem & Archiepiscopalem erexit, & magnis divitiis decoravit. Tunc in Hamburgensi Ecclesia Archiepiscopus fuit Adalgagus, qui Episcopos in Dania consecravit, & Danorum Regem Aroldum cum uxore baptizavit. Quia dictus Otto Imperator dictum Aroldum Regem in bello captum ad baptizandum constrinxit, & sic tota Dania fidem Christi accepit. Demum hic gloriosus Otto se ad Slavos cum exercitu suo convertit, etiam ad suscipiendam fidem Catholicam eos subjugavit, & prædictam Ecclesiam Magdeburgensem ipsis Slavis metropolim sublimavit. Ecclesiam Oldenburgensem in terra Waynorum (Wagriorum) nunc Lubecensem etiam erexit, & populum ad fidem gladio convertit. Huic Ecclesiae dedit Episcopum Marconem secundum virum, cui etiam Slesvicensem civitatem, quæ alio nomine Haddeby dicta fuit, ad regendum in spiritualibus delegavit. Quæ civitas illis diebus ditissima fuit, & Romano Imperio subjecta cum provincia sua à lacu Slye usque ad Egdoram flumen habens terram fertilem sed desertam. Statim tamen post obitum dicti Imperatoris Ottonis, tam Dani quam Slavi recesserunt omnes à fide Christi, circa annum Domini millesimum. Et Dani fide deposita cum Rege suo Swen cum navibus flumen Albiam intrantes omnem Saxoniam desolabant, & ante Stadium Castrum fortissimum castra metantes, sed tamen nutu Dei ex eis viginti millia hominum interfecti fuere. Circa idem tempus dictus Otto primus Imperator, qui in absentia sua voluit etiam Saxoniam gubernari. Nam à tempore Caroli Magni non fuit princeps & Dux in Saxonia propter rebell-

onem

onem ejus, & ideo Imperio fuit solum subiecta, quapropter eam cuidam provido viro nomine Hermanno tanquam Ducatum concessit in titulum, cui successit filius ejus Benno. Huic Bennoni mortuo successit Dux Bernardus filius ejus. Hic Henrico Imperatori rebellare ausus fuit, & Ecclesias defendere non curavit. Et reperto quod ausus fuit Imperatori contradicere, Slavi capta oportunitate omnes Ecclesias in terris suis igne succendebant, & presbyteros Martyrio trucidabant, & in Aldenburghensi civitate & Ecclesia postmodum in Lubecensem translata fuerunt sexaginta presbyteri Martyrio coronati, isto modo quod curis capitis in modum crucis aperta & cerebro extracto emiserunt spiritum. Et apud Hamburgensem similiter multi de Clericis & civibus propter fidem torti, caesi & occisi. Et tunc in Aldenburghensi Ecclesia Episcopus fuit Ezico, quo defuncto Volquardus successit ibidem. Post quem Reimbertus. In Hamburgensi Ecclesia rexit tunc Adolgagus, cui successit Libentius vir sanctitate præclarus. Post hunc Unwanus de genere nobilium ortus. Qui Hamburgensem Ecclesiam novam construxit, & duodecim canonicos regulares in ea instituit, & in Aldenburghensi Ecclesia mortuo Reinberto Bennonem de fratribus Hamburgensis Ecclesiæ Episcopum ordinavit. Huic successit Meinherus, qui à Libentio secundo accepit benedictionem. Illis diebus quidam Gödschalcs, Slavus natus ultra modum crudelis totam terram Nordalwingorum scilicet Holsatorum Diethmarforum & Stormarorum strage percussit, ita ut in omnibus finibus nihil indirectum remansit, præter illa notissima præsidia Idzehoe & Rokclenburg (v.c.15.) Iste idem Godschalcs postmodum Deodante Christianissimus Princeps factus est, & mille millia hominum ad fidem convertit. Hic habuit duos filios Henricum & Butue. Iterum post dicti Godschalci mortem Ec-

(C.) 2

clesi-

clesia Harnburgensis funditus à Slavis est destructa & quasi omnes Holsati vel occisi vel capti propter fidem christianam, sed Slavi hujus Godschalci filios noluerunt habere regentes. Sed quendam Crito nomine sublimabant in Principem, ideo filii Godschalci oppositi sunt Saxonibus quærentes ab eis defendi, & in patris possessionem deduci, & tunc in Saxonia fuit Dux Magnus nominatus, qui filio seniori Godschalci Burue in auxilium Holsatos & Dithmaros & Stormaros dedit. Et dictus Burue castrum Critonis fortissimum planè vacuum inventum cum sexcentis robustissimis in possessionem cepit. Cui mulier una Teuthonica dixit, recede cito, undique laqueitibi sunt positi & nisi statim recesseris morieris Tu & Tui, & tamen dictus Princeps Burue hæc non curans ibidem pernoctabat. De mane crastina die dictus Crito & Slavorum paganorum innumerabilis multitudo Plone Castrum reobsedit, nec evadendi spes fuit, sed omnes oportuit in Castro fame perire. Et cum diutius sustinere famem non possent, dederunt se ad manus Critonis inimici Christi, qui omnes istos in ore gladii consumpsit. Junior filius nobilis viri Gotschalci dictus Henricus, demum de Dacia rediens cum magna potentia & Critonem post multa certamina interfecit prope Plone, & uxorem ejus in matrimonium sibi copulavit, cum qua Castrum Plone & terram Wagrorum in dotem recipiens Slavinam baptizari fecit, & sic totam terram pacificè possedit.

CAP. XII.

Mortuo Magno Duce Saxoniae filios hæredes non habens sed duas filias, quarum una data est Duci Bavariae, à qua Henricus Leo postmodum Dux Bavariae & Saxoniae genitus fuit. Interim Imperator Ducatum Saxoniae dedit

dedit Comiti Ludero, qui suo tempore satis bene rexit. In illis diebus contigit, quod Slavi de Aldenborg ante civitatem Hamburgensem jumenta prædati sunt, quos Godfridus Comes Holsatiae de Hamborch cum paucis insequabatur, quo capto & capite ejus à Slavis illis paganis abscisso & secum deducto vacabat Comitatus talis &c.

Tunc dictus Luderus Dux Saxoniae Comitiā Holsatiae ac Stormariae nobili Viro Adolpho Comiti Schowenborch concessit in feudum circa annum Domini millesimum undecentesimum decimum. Et sic deinceps semper de illo sanguine & domo Urfinorum referuntur habuisse & remansisse tempore Julii Caesaris, qui Castrum Schowenborch fundavit. Et visa est hic in patria Holsatiae missiva à nobilissimo & solemni Cardinal. Urfinensi quæ data millesimo quædringentesimo vicesimo ultimo Heinricho Comiti Holsatiae directæ, in qua Cōsanguineum ejus ipsum commendavit. Dictus Adolphus adeptus Comitiā ut Vir prudens habuit cum vicinis pacem, & præsertim cum Heinricho Principe Slavorum in Wagria, qui primo fundavit Civitatem & Castrum Lubeke in loco Swartow. Et etiam munivit Castrum Plone & Castrum Oldenborg cum civitate illa populosa. Ac etiam demum diversis victoriis à Slavis potitus, & ipsis attritis propter potentiam magnam & sæpissimam victoriam, dicebatur hic Princeps Heinrichus Rex Slavorum.

CAP. XIII.

Circa idem tempus Sanctus Vicelinus, qui fuit in Ecclesia Bremensi Scholasticus & in Theologia disertus, qui multas habuit divinas revelationes tempore juventutis suæ. Hic semper æstuabat Barbaris Slavis propè Holsatiam demorantibus fidem Christi prædicare. Nam illis diebus tota

terra Wagrorum, scilicet Plone, Oldenborg, Lutkenborch & prope à flumine Egdora & à flumine Sale quod per villam Nigenmünster transit usque ad mare in Lübeke, in Kyl, & usque in finem mundi versus Aquilonem fides Christi in partibus illis nullibi habebatur. Et si aliquando habita fuerat, tamen quasi per octoginta annos omnes à fide Christi declinabant. Hic Sanctus Vicelinus vestem religiosam, quam Canonici Bremenses cum Regula S. Augustini abiciebant, derelinquere volens cum sancto Viro Thetmaro Cantore Bremensis Ecclesiæ partes Holsatiæ adiit, de jussu & mandato reverendissimi Viri Domini Adeweronis Archi-Episcopi Bremensis & Hamburgensis villam Wipendorff alias Faldere, in qua capella lignea constructa fuit, & per longa tempora deserta in possessionem recepit, ac ibidem monasterium construere fecit. A quo Nigenmünster per amplius vocitatum fuit. Ista cappella igitur prima fuit in tota Holsatia, & ibidem quamvis Christiani esse dicebantur, tamen lucorum & fontium error, ac idololatria multiplex habebatur, & eò strictius S. Vicelinus die noctuque vigilando orando & prædicando verbum Dei serviebat sub veste religiosa & regula sancta. Et dedit Deus sibi gratiam in conspectu populi terræ, ut audita resurrectione mortuorum, vita æterna post hanc vitam, subito mutati sint omnem Idololatriam abicientes, & soli uni vero Deo per amplius devotes ut infinita plebis multitudo de Wagria, Plone, Oldenborg & de Holsatia Stormaria & Dithmarsia ad audiendum novum prædicatorem Verbi Dei vitæ æternæ illac advenit, recipiendo pœnitentiam peccatorum, & etiam multi venerabiles Viri Ecclesiastici & Clerici Sancto Vicelino in ordine regula & habitu & sancta vita se copulabant, Acta sunt hæc circa annum Domini millesimum, centesimum vicesimum quintum, regnante imperatore

re Ludero, qui Dux fuit Saxonum & mutato nomine dictus fuit Lotharius pius & iustus & Ducatum Saxoniae obtinuit Heinricus Leo Dux Bavariae. Sanctus autem Vicelinus cui non solum fuit curae suae propriam Parochiam Nigenmünster & terram prope existentem Holfatiam, sed etiam terram Slavorum Wagriam, Oldenborch, Lutkenborch, Lubeke, Plone & circumadjacentes partes ad fidem Christi convertere. Primum in antiquam Lubeke in Swartow sitam verbum Dei seminando, per seipsum etiam illac sacerdotes de suo monasterio in Faldere erecto constituit sanctos Viros Ludolphum & Wolchardum, qui salutem populi procurarent. Tamen ob Barbarorum furiam non diu post urbem antiquam Lubeke cum castro destruentes ante dicti sacerdotes Dei Faldere novum monasterium reviserunt. Nam quoriens S. Vicelinus quasi per 30. annos verbum Dei Barbaris Slavis praedicare coepit, & aliquando per unum annum, aliquando per duos vel tres in Wagria, Lubeke, Oldenborch & circumjacentem terram fides pullulavit, tamen toriens à fide coepit Slavi apostataverunt. Et aliquando etiam novum monasterium in Faldera devastabant, quorum furorem S. Vicelinus cum suis declinare volens ad reservandum personas notabiliores & ornamenta Ecclesiae & libros, habuit Ecclesiam Bischorff in palude Haseldorff in refugium. Ubi etiam oratorium habebat ad exorandum auxilium divinum.

CAP. XIV.

Circa idem tempus Adolphus Comes obiit circa annum Domini millesimum centesimum, tricesimum primum, relinquens post se heredem filium etiam Adolphum nomine, virum literatum prudentem & strenuum, qui Theutoni-

tonicæ Latinæ & Slavicæ linguarum fuit peritus. Hic per tempora sua optimè gubernavit terram Holsatiæ & Stormarorum. Demum S. Vicelinus videns nihil posse proficere in spiritualibus nisi barbarorum Slavorum populus valida manu per vim Principum secularium deprimeretur, adiit Cæsarem Lotharium virum cultus Dei diligentem in Bardewick, ibique sibi revelavit esse in terra Wagrorum montem perexcelsum, super quem si castrum fundaretur quod exinde Slavi ad fidem compelli possent. Et Imperator illuc accedens etiam inveniens, castrum desuper construi fecit factis forte anno Domini millesimo, centesimo tricesimo quarto. Quod Slavi videntes dixerunt ad se invicem. Quis proditor hujus montis apud Cæsarem fuit? Et unus ex eis dixit, quod parvus homo & despectus Vicelinus propter verbum Dei hoc procurasset. Et Cæsar huic monti ob victoriam nominis Christiani dedit nomen victorialis mons vulgariter Segeberg. At etiam ad inductionem S. Vicelini sub monte Ecclesiam & monasterium fundavit, cui sex villas contulit, fratribus in stipendium de propè adjacentes. S. Vicelinus de Novo monasterio fratres ibidem ad serviendum Deo ad plantandam Ecclesiam in Wagria collocavit cum ornamentis, libris & clenodiis necessariis pro usu suo. Et Dithmarum Cantorem Ecclesiæ Bremensis suum confudentem illis præposuit ad regendum. Atque in Lubeke iterum Ludolphum, Brunonem ac Hermannum ad verbum Dei prædicandum destinavit. Imperator vero Lotharius in profectione Italica immatura morte circa annum Domini millesimum centesimum tricesimum septimum præventus est, ejusque corpus deductum fuit in Saxoniam in Lutteram ex nomine suo monasterium prope Brunswig fuit tumulatum. Quo mortuo iterum Slavi in Lubeke à via veritatis declinantes suburbium ante castrum Sege-

Segeberg cum novo oratorio igne consumebant. Iterum Sacerdotes Dei de Lubeke & Segeberg ad Falderam Novum Monasterium jam sæpius emissum, incrementum satore Diabolo habere non poterat, gravi mœstitia confecti sunt, ideoque fidelius se Deo commendabant in jejuniis & orationibus die noctuque orare pro novilla Ecclesia non cessantes. Nam tanta fuit in Falderensi Monasterio virtuosa vita fratrum, quod verbo explicari non potest. Infirmi illuc devenientes sanabantur, dæmones ab obsessis ejiciebantur clamantes igne virorum sanctorum uri.

Adolphus verò Comes secundus circa annum Domini millesimum centesimum tricesimum nonum castrum Segeberg muro cinxit, ac suburbium & oratorium de novo construi fecit, iterum remissis de Falderâ Presbyteris ac clero diis pro usu cultus Dei necessariis. Ac etiam misit Legatos ad Flandriam, Hollandiam, Trajectum, Westphaliam & Frisiam, faciens proclamari, quod quicumque agrorum penuriâ arctarentur, venirent in terram suam spatiosam & fertilem in terra Wagrorum olim Slavorum exinde expulso- rum. Et præcipue Holsatis atque Stormaris dixit, quod ipsi in eligendo quamcunque partem habere vellent, eo quod sanguine parentum suorum eam mercati fuissent, præferri deberent. Et dedit Holsatis terram a Bornchovede usque Segeberg & Polonenzee. Westphalis dedit solum Dargardensem. Hollandrinis Uthinensem, & Fresis dedit Susle, Aldenborch, Lutkenborch & circa mare terras adjacentes dedit Slavis, faciens eos sibi per amplius tributarios fieri usque in istum diem.

CAP. XV.

Incipit Continuatio HELMOLDI,

Ab anno Domini CIO CLXIV usque ad
annum CIO CCCCXLVIII.

IN nomine Domini Amen. Ad complementum
Chronicæ, quam piæ recordationis frater Helmoldus
divinorum Rector in Bosoaw sancti Vicelini
discipulus tempore suo de Holsatorum Principibus
& vicinis eorum fideliter composuerat. Quidam enim Presbyter
Bremensis Diœcesis hujus patriæ scriba, ex relatione
veridicâ quæ sibi occurrebant, dignum duxit apponendum.
Nam ab anno Domini millesimo centesimo sexagesimo quarto,
quando tertius Adolphus Comes Holsatiæ de Schowenborg
propter fidem Christianam à paganis Slavis propè
Demmy in bello interfectus fuit, scriptores Chronicarum propter
desidiam & torporem scribere debentium usque ad tempora
præsentia, videlicet ad annum domini millesimum,
quadragesimum octavum perpaucæ demonstrantur. Nam ut idem
frater Helmoldus circa finem Chronicæ suæ narrat, quod post
obitum & Martyrium felicitis Adolphi Comitis tertii uxor
ejus vidua cum tenello filio suo Cometiam Holsatiæ Scurmarie
& Wagrie retinuit gubernandam. Cui tamen Henricus Leo
Dux cognominatus, Bavarie & Saxonie gubernator, à quo
Cometia Holsatia illis diebus concedebatur in feudum,
ad regendam dictam cometiam quendam Henricum
Comitem de Thuringia nobilem virum & bellicosum dicti
pueri avunculum præfecit

tutorem. A quibus scilicet Henrico Duce Saxoniae & Henrico Comite Thuringiae multi postmodum Comites Holsatiae Henricus sunt vocati. Illis diebus Dithmarsii Principem suum proprium Dominum Rodolphum Marchionem Comitum in Castro Bokelenborch (v. c. ii.) in Dithmarsia interfecerunt, & uxorem ejus Wawurgem abscissis nare & auriculis in flumen prope castrum projecerunt, quod flumen ab ejus nomine Wawurgesowe nuncupatur. A cujus principis nece dictus Henricus Leo Dux Saxoniae & Bavariae terram Dithmarsiorum armata manu intravit & subjugavit, ita etiam quod fecit eos censuales ad dandum singulis annis triticum, siliginem oves & similia. Quem censum illi de Suderhorstede, Sudervelle & Norderherstede & praecipue habitationes in sicca terra dederunt ad longa tempora ad Castrum Hanrove ultra ducentos annos usque ad tempus, quod Dux Gerhardus Comes Holsatiae cum multis à Dithmaricis in Suderhammen fuit interfectus. Idem etiam Princeps Henricus Leo Dux Saxoniae & Bavariae dedit Abbatiae Beatae Mariae Virginis in Stadis extra murum villam Lenderen apud Sallingsteden Bockwolde & Sylvam Borcholte & antiquum Herpe apud Meldorpe. Sed Dithmartici, Abbate dicti monasterii ab eis interfecto, istis villis aliis nominibus nominatis recesserunt à censu praenotato, etiam solvere nolentes. Facta autem haec fuerunt circa annum Domini millesimum centesimum sexagesimum primum. Idem etiam Dux Saxoniae post triumphum totam terram Dithmartiae his demptis Archi-Episcopo Bremensi, cui abstulerat etiam Stadium Castrum, cessit vice versa. Unde Dithmartici ab illo tempore alium Dominum temporalem quam Archi-Episcopum Bremensem habere non volebant. Nam anno Domini millesimo quadringentesimo vicesimo Sigismundus Romanorum Rex ab ipsis Dithmarticis

tanquam Imperio subditis censum postulabat. Sed Archiepiscopus Bremensis Johannes Slamestorp pro eis Regi Romanorum tanquam pro subditis suis, & sibi tanquam vero domino annum censum solventibus & quod in terra eorum suos Judices advocatos semper haberet, literis suis intimabat. Quare dictus Rex Romanorū ab hujusmodi census petitione cessabat. Attamen Dithmarici Archiepiscopum Bremensem ut verum dominum non cognoscebant, sed quod tunc in subdium suum, ad fugiendam Imperatoris iram cognoscebant cautelose fecerunt, & Archiepiscopo omnia jura sua in terra ipsorum existentia restituere promiserunt, de quibus nihil fuit prosecutum. Nam naufragium passus ac terra ipsorum trans Albeam, item trans Egdoram item in Insulam Totel in Albea jacentem, unde multum fœnum annuatim procurant. Item stagnum Cuddensee, & Sylvam Borcholte cum quinque advocatis & jurisdictione illorum, & quicquid illis annuatim posset devenire, & se ipsos peramplius Ecclesiæ Bremensi à qua recesserant, obediētes in omnibus procul dubio restituere promiserunt, tamen habita voluntate sua nihil postea servaverunt. dictusque Henricus Leo Dux Saxonix & Bavariæ post multiplicem victoriam contra Slavos, quos gladio & frequenti pugna Catholicæ fidei subjecit.

Nam Slavi tunc increduli infideles, quotiens à fide Catholica apostatantes totiens per Principes Saxonix ad fidem sunt gladio subjugati; Quibus & terris eorum subjectis pax facta est firma in omni terra, tam in Dacia, Slavia & Holsatia. Nam idem Dux Henricus Waldemarum Regem Daniæ reduxit in regnum suum. Ideo inter Regem & ducem fuit magna fiducia exorta, ita quod dux dedit filiam suam filio Regis Daciæ in perpetuæ fœderationis signum. Propterea viventibus Rege & duce & subjugatis Slavis fuit
undi-

undique pax tam in terra quam in mari. Et Slavi non audebant vires resumere rebellandi, quoniam terra latissima quondam erat. Nam à flumine Egdora quæ est finis Regni Daciæ, erat initium Slaviæ Niwenmunster, Kyl, Lutkenborg, Segeberg, Oldenborg, Imbria, Lubeke, Swerin & sic ad Orientem ascendendo usque ad Pruziam. Et per Marchiam Brandenburg, Mytzen, Bohemiam, Moravos & Polonos Slavia antiquitus extensa fuit. Et tres nationes scilicet Sturmaria, Dithmaria & Holsatia Nordalwingi ultra Albeam Saxones fuerant vocitati. Quæ nationes totius longe ante Slaviam à sancto Anschario Archi-Episcopo Hamburgensi receperunt verbum Dei, & sub fide Catholica quamvis non benè fundata totali doctrina, usque ad tempora sancti Vicelini qui postquam Ecclesiam Novum Monasterium in Faldera sive Vorpendorpe fundaverat in finibus Slaviæ & Holsatiæ. Idem S. Vicelinus primo suos totaliter ad fidem convertit. Demum operam dedit Domino operante Slavos vicinos ad fidem convertendo in Luke primam Ecclesiam fundando sancti Johannis in arena & ibidem verbum Dei & circumquaque prædicando. Post cujus obitum dictus Henricus Leo Dux Saxoniae & Brunsvicensis Cathedralē Ecclesiam de Oldenborch transtulit in Lubecensem civitatem, eo quod hanc civitatem ab Adolpho Comite Holsatiæ, qui eam primo construxerat, & castrum quod nunc Borch Monasterium fratrum prædicatorum dicitur pro munitione civitatis erexerat, prece & vi retinuerat dictæ civitatis incolis, *jus municipale à speculo Saxonum extractum*, quod etiam adhuc habent, & liberatē navigantibus dedit copiose.

CAP. XVI.

Post cujus nobilis Principis Ducis obitum circa annum Domini millesimum centesimum septuagesimum quartum, qui etiam Dux erat & propugnator terræ Holsatiæ dicti Waldemari Regis Daciæ filius, eo quod pater suus in terra Slavorum armata manu terram Rugianorum obtinuerat, prætendebat etiam confinia regni Daciæ videlicet civitatem Lubeke & terram Holsatiæ subjugare, eò quod Adolphus adolescens tenellus filius Adolphi comitis interfecti hæres terræ Holsatiæ erat. Illis diebus mortuo rege quædam mulier dicta nigra Margarita Regina Daciæ sceptrum & diadema, Regem opera fideliter agens, suscepit, terram Holsatiæ hostiliter invadendo castrum Gottorpe munivit, & ante illud magnum fossatum muratum Dennewerk vocitatum fieri procuravit. Incipiens à flumine Slige usque ad Fresiam procedendo, miro & ineffabili opere terram Daciæ ab Almanis concludendo. Hæc regina cum filio suo Rege Kanuto obsedit Hamborch navigio & aquam Albeam longis palis ex utraque parte ripæ constringens in medio fluminis profundi catenam longam pro clausura affixit. Dicitur etiam quando ante castrum Idzeho & oppidum cum magno exercitu castra metata fuit, & sequenti die nativitatis Mariæ virginis flumen Store ponte facto & aggere intrare castrum & trans torrentem flumen ire in paludem prætendens una & eadem die contra naturalem cursum dictum flumen Store bis ultra solitum ascendendo effluxit. Ita quod pons & agger per flumen sunt effracti, & sic opus ejus & inceptum derelictum. Et tunc imago beatæ Virginis visa est super castrum. Quare incolæ dicti oppidi & castellani sequentem diem nativitatis beatæ virginis ob memoriam hujus & liberati.

rationem suam devoverunt continuè singulis annis solenniter celebrare. Et obinde nomen huius diei etiam, hodie dicitur civium dies, vulgariter Borgerdach. Etiam castrum Segeberg obsedit, & ante illud parvos colliculos & desuper munitiones sicut hodie apparet, fieri fecit, & tandem castrum pro sua voluntate retinebat. In quo castro suum posuit Advocatum & capitaneum terræ Holsatiæ quam sibi subegerat usque ad castrum Idzehoë & flumen Store & paludem ab aliâ parte jacentem, in qua palude multi de Holsatis nobilibus propter turum locum timentes danorum potentiam, neque Danis subjici volentes se locavere. Volebant enim Dani sicut cœperant totam terram Holsatiæ subjicere sibi & legibus suis. Ita ut Lex Holsatorum in jus vulgare extingueretur in toto. Et quod deinceps secundum legem & librum Danorum Læbock deberet judicari. Super quo Holzatenses Danis subjecti sunt, multum conquesti quod legibus suis solitis ab antiquo deberent privari, Et nova incognita uti, ita etiam quod remurmurare contra capitaneum in castro Segeberge positum inceperunt. Quando aliam legem & aliud jus quam suum solitum imponere nifus fuit, dicentes uti lege sua velle Holzatensi. Ad quos idem Capitaneus respondit. Ostendatis mihi jus vestrum, & ego secundum illud dijudicabo vos. Nam dixit ex proprio capite fingitis jus vestrum. Nostrum autem Danorum est jus præscriptum secundum scripturas: scio vos & me regere, vestrum jus nescio quia non scriptum est, divinare non valeo. Oportet ut canem adducam, qui jus vestrum latrabit. Delibereris igitur qvale jus habere volueritis, & mihi certa die jus vestrum edicatis. Illis diebus non erat Princeps in terra Holsatiæ, sed dicitur quod fuit quædam nobilis Domina in palude Crempis juxta Idzehoë in Castro Kellingdorpe, nomine Domina Deestz de Kellingdorpe. Hac tran-

transiit se ad Dominum Comitem Schowenburgensem , & petiit ab eo sibi & terræ Holsatiæ & hæredem cum gaudio magno reportavit. In cujus adventum Holsatis in paludem Iteho, & etiam sub dominio Danorum positis exultatio, & lætitia exorta est. Tunc Holsati conglobati hinc inde reversi & Capitaneum & Advocatum prope Segeberge perentes iterum jus sibi Holtzatenſe miniſtrari, respondens eis dixit. Quale jus elegiſtis habere in patria veſtra? Tunc exprimis & majoribus & nobilibus Holtzatenſes extracto gladio vibrante imperterrita voce clamabant, jus noſtrum ſolitum ab antiquo retinere volumus, & gladio tueri, à quo factò vulgare verbum poſtmodum in Holsatiâ dicebatur & hodie adhuc dicitur: Jus noſtrum gladio defendimus. Unde dictus Capitaneus videns Holtzatorum tam præſumptam audaciam inſolitam, neſciens quod aliud caput novum Domini & Principem ſuper ſe ſtatuerunt, timens in fugam ſe vertit. Et ipſi Holtzatenſes ipſum interfecerunt. Subſequentes exinde Holsati erecto capite & educto Domino ſuo Adolpho Comite de Schowenborg in publicum adhuc adoleſcente ſe & patriam ſuam reſumptis priſtinis viribus adjutorio divino ſubſecuro & gladio magnanimiter defendebant, Danos ſucceſſive de finibus ſuis expellentes. Nam omnipotens & miſericors Deus non ſinit afflictum ſemper affligi, ſed aliquando dat respiramen. Ita & illis diebus Holtzatis per Danos tribulatis dedit conſolationem, & ſuſcitavit propugnatorem dictum Comitem Adolphum, alternum Judam Macchabæum. Nam ut Judas divino ſultus ſubſidio, ſuperbum Regem Antiochum legem Judaicam deſtruentem devicit, ita & hic Comes Adolphus Canutum Regem paciæ jus Holtzatenſe vi ſupprimere nitentem enervavit. dictuſque Canutus Rex paciæ poſt obitum matris ſuæ Nigræ Margaritæ magnam partem Holtzatiæ terræ vi deſti-

desinens civitatem Hamburg à longo tempore obsedit. E-
converso dictus Comes Adolphus contra prapotentem Re-
gem Dacie pro victoria obtinenda Deum cœli supples o-
rabit. Et regem Hamburg obsidentem accessit, eumque
cum suis exinde infugam conseruit, multis de Danis inter-
fectis nobilem & antiquam civitatem in pristinam duxit li-
bertatem. Hoc initium victoriæ dedit sibi Deus cœli Anno
Domini millesimo, centesimo, nonagesimo nono. Attamen
dictus Canutus Rex cum Danis a persecutione non cessans,
non solum terram Holfatiæ, sed etiam civitatem Lubeke
verbarum terra marique. Nam ut ante dictum est, dictam
civitatem Lubeck primo Adolphus Comes, postmodum il-
lustris Dux Henricus Saxonie & Bavarie fundaverant. Post
quorum obitum Rex Dacie Kanutus non contentus regno
suo hanc civitatem Holtzatiæ & Hamburg cum Dithmar-
icis simul habere volebat. Nam de regno suo, cuius limes
fuit in Egðora ante Rendesborg nunc nominatum per Fræ-
dam, quæ tota spectabat ad regnum, intravit Dithmarci-
am, quibus evictis cum ipsis Dithmaricis inivit per Holtzatiam
vique in Bornchovede, in via omnia subjugando. Ubidi-
sus Comes Adolphus cum Holtzatis & Lubecensibus d'cto
regi occurrens hinc inde castris ordinatis & vexillis erectis,
Dithmaricorum in fine exercitus Regis existentium clypeis
subvertis Holtzatis in subsidium magno fuso sanguine ex
utraq; parte & Danis quam plurimis interfectis Deus cœli
dicto Adolpho dedit triumphum & Regem vixit & obiit an-
no domini millesimo, ducentesimo, duodecimo pro quo tri-
umpho sit Deus semper benedictus Amen.

CAP. XVII.

Narratur supra de Dalmaticorum clypeis subversis vel
 conversis dicitur communiter quod quando Danu-
 rici à dicto Rege fuerant subjugati, quod milites cum senio fu-
 os nuncios ad Adolphum Comitem nunciantes sibi quod
 Rex fuit propofiti, sicut illarum terram & ipsos impedire
 set & tributarios regni Daciae faceret, ut vellet & Holtzatos
 eorumque hereditatem possidere. Atramem intellexissent,
 quod comes vellet, quando posset se tueri. Unde si na-
 tingeret, quod ad bellum simul convenirent Rex & comes
 ipsi Dithmarici cum essent in extremitate Callorum Re-
 gis positi & congressu belli ipsi à tergo Regem & comes ve-
 lent fortiter percutere. Cum Holtzari ab ante Callorum
 bellum inciperent peragere, & hoc pro interfigio si quid
 contra Holtzatos inopinatè venirent, quod eorum clypei
 venirentur retroverii, scilicet quod acutum clypeocum vo-
 rum inferius ponendum secundum communem modum
 ordine è converso superius ponere vellent. Hac condi-
 tione opposita si Comes Adolphus & Holtzati victores
 fuerint ipsi dithmarici pristina vellent frui libertate. Et ad
 Comes Adolphus spondit & servavit. victusque Adol-
 phus Comes ob victoriam obtinendam Deo rogavit, quod
 daret sibi contra Regem triumphum, ordinem S. Francisci
 fratrum minorum intrare veller, condicione sponsa, dei
 sibi hereditas daret & ipsis terram regere valentibus resun-
 ctam perficere veller. Nam circa idem tempus scilicet anno
 simo ducentesimo sexto, hi duo ordines scilicet fratrum pre-
 dicatorum & fratrum minorum in Ecclesia Dei ceperunt
 cepervnt. Nam Ecclesia Dei illis diebus ab hereticis multi-
 pliciter vexabatur, & cultus divinus per hostiam dimi-

sus erat. Ideo Deus hos ordines contra hereticos & ad
 augendum cultum suum ordinavit & habitis & datis sibi à
 Ideo unolus filius & haecibus scilicet Gemibus Joanne &
 Gerardo ipsisque adultis & terram gubernare valentibus,
 doctus Comes Adolphus Deo cunctis eorum suum adimplen-
 do optulens fratrum minorum in Monasterio civitatis Ham-
 borgensis ab ipso fundato cum durbus suis militibus dictis
 de Calow humiliter & devore Deo sub regula & obedientia
 curavit servituras. Factus autem frater minor curiam A-
 goliensem ad videndum nominum Papam & ad secum di-
 scutiendum solerter intravit, ubi fuit dominus Papa ad
 recipiendum ordines sacros, & Presbyteratum secum miseri-
 corditer dispensavit, & unum ordinem sacrum à dicto do-
 mino Papa ipse recepit, ac in eadem via ad S. Franciscum
 fundatorem ordinis ad videndum, ad colloquendum &
 consulendum tam ad S. Virum se transiit humiliter devore.
 A quo sine dubio sancto Viro benigne est receptus. In car-
 tae firmatus, verba consolator à fratre sine fallo reportan-
 do. Et anno domini millesimo ducentesimo quadragesimo
 quarto in civitate Hamborgensi suam primam missam de-
 cantavit. O mutatio dextræ excelli, qui primo miles ter-
 rorum fuit, Regem pacis Kanutum Magnum tyrannum de
 suo territorio vim vi repellendo expulit, nunc miles super-
 ercibus Regem inferorum tyrannum maximum diabulum
 periculis propriis substravit, & evicti non gladio sed lacrimis
 & humilitate. Nam dicitur de eo quod pro quaestu eleemo-
 sinarum pro butyro & lacte cum amphora ut alter frater
 de conventu ire solabit. Et continebat, quod in oppido Ki-
 low, ubi primum Monasterium fundaverat ipso existente in
 platea cum amphora plena lacte in manibus tenere, & filius
 suis cum multis cum magna sequela per dictum oppidum &
 plateam equitantes, ipse obviam filius veniens amphoram
 (E.) 2 cum

cum licet legere per verecundia velle, sed spiritum fortitudinis roboratus per rationem sensualitatem vincens, lac de amphora super suum caput effudit, per totum dicens, misere se, misera caro noluit portare lac in amphora nisi verecundabar, nunc porta super caput ut confundar, memor dicti Apostoli dicentis; Nos spectaculum facti sumus Deo & hominibus, & vixit in ordine annis quatuordecim, & anno domini millesimo ducentesimo sexagesimo primo obiit in domino feliciter & conventu fratrum in Kylene in humo sepultus. Hic Comes Adolphus fundavit Ecclesiam Nigenkerke in terra Oldenborch in honorem S. Antonii sui ordinis fratris minoris, non illius Magni Antonii Gengen, quamvis plures putant illum esse patronum, & ipsam esse imaginem in Ecclesia prædicta habent, sed non est ista. Et debet imago ejus esse fratris minoris. Idem hic Adolphus visitavit una cum aliis Prælati fratres in Monasterio novo super sororibus rejiciendis à se. Hic etiam dedit oppidanis in Idzehoë privilegium habendi jus Lubecense. Et concessit illud oppidum in pascuis & sylvis anno domini millesimo ducentesimo tricesimo octavo. Et est verisimiliter credendum, quod castrum in Kyl & oppidum constructum fuit. Et oppidanos per terram Holtzatiæ scilicet in Fleue, Oldenborch & in Kylene liberasse a Jure Holtzaticorum & faville eis jus Lubecense, eo ut eorum oppida citius mutarentur propter libertatem fori & filii dicti Adolphi scilicet Johannes & Gerhardus eadem privilegia oppidanis in Idzehoë, Kylene & cæteris data rata habentes confirmarunt, anno domini millesimo ducentesimo sexagesimo.

CAP. XVIII.

Hic duo Comites Johannes & Gerhardus in Loheide etiam contra Danos commiserunt bellum magnum in die Pantheonis & vicerunt Danos regno diuino anno domini millesimo ducentesimo sexagesimo primo. Hi duo Comites Johannes & Gerhardus diuiserunt terram & hereditatem patrum. Nam senior Johannes Comes recepit in partem suam Wacriæ scilicet Kyl, Lundenborch, Oldenborch, Niegelsid, Flon, Odeslo, Tristen & Segherge, &c partem in palude usque ad Albeam. Alter autem frater Comes Gerardus in junioriorem partem recepit, scilicet terram Holtzatiæ, Idacho paludem Wollriæ Hanrowe, Rendesborch & attinentias illarum. Propter hanc in discretam diuisiorem, quia senior quasi duplum recepit fuerunt illi fratres habiti inimici. Et Gerardus contra fratrem suum Johannem ante oppidum Kyl castra meratus fuit cum adiutorio Alberti Ducis Brunsvicensis & civitatis Lubecensis sed nihil ibi proficientes sine fructu revertuntur. Et ideo dictus Comes Kylanensibus dedit multa privilegia & libertatem in foro, in terra & in aquis. Comes Johannes genuit multos filios, qui post obitum patris in parte hereditatis suæ diuiserunt terram Wacriæ. Nam alius in Kyl, alius in Segherge, alius in Oldeslo, alius in Brämhorst domicilium habebat. Et habuit uxorem Reginam Dacia, quæ mater fuit Regis Christianophori. A qua genuit Johannem filium largum Comitum. Comes autem Gerardus genuit Henricum Comitem filium suum. Qui Henricus imposuit hamburgensibus telonum tollendum sibi & heredibus suis. Hic etiam Henricus fundavit in Wobna vicariam pro confraternitate Caenderum bi in annu congreganda. Anno Domini millesimo, trecentesimo tertio. Hic Henricus filios habuit heredes Gis-

(E.) 3

ber.

bertum Archi-Episcopum Bremensem, quatuordecim rotundam
 in Rendeiborg fratri dedit, item magnum Gerardum Comitem
 & Johannem fratrem ejus. Hic etiam filiam de ditione Alzeve
 concessit. A qua filia natus fuit Dux Woldemarus postea nomina-
 tus Rex Dacie qui castrum Gortorpe Gerardo Comiti suo
 avunculo impignoravit postmodum. Inter hunc magnam
 Gerhardum Comitem ex una parte, & Comites Weyriz so-
 lit magna controversia mora. Quoniam in terra Weyriz
 multi fuerunt Comites, & præ multitudine non poterant
 sine rapina & injuria subditorum vitam suam sive pecuniam
 deducere cum pace. Nam Adolphus Comes in Segeberge
 milit una dierum suos triturantes ad curiam ejusdem de
 progenie Splyt, ad triturandum avenam & alia frumenta,
 & sibi ad castrum granum apportando, quorum triturati-
 onem per patrem familias domus de progenie Splyt, pedi-
 bus obruncatis eosdem triturantes cum pedibus ablatum
 carra remisit in Segeberge Comiti Adolpho suorum Domi-
 no. Consimiliter & alii Comites suis subditis fieri deman-
 daverunt. Etiam illis diebus progenies magna de Ditione Alzeve
 ducta de Reventlo, a dicto Comite Adolpho fuit iniuriata, &
 læsa enormiter, ita quod Capitaneus de progenie Raldisius
 Harvicens de Reventlo millos de Gerardo Comiti adaux-
 xit. Nam dictus Comes Adolphus erat in culpa multis, quod
 ad destructionem parvulorum suorum adhuc juvenum Ge-
 rardi & Johannis Comitum filiorum Comitis Henrici ad-
 iunxit, & concessit secum Marchionem, qui erat mi-
 nister capitaneus dictorum Gerardi & Johannis Comitum.
 Item conspiravit cum Christophoro Rege Dacie contra al-
 lium suum patrum, idem Gerardus dictus Comes Har-
 vicum Reventlo milit nocte ad castrum Segebergs ad ca-
 piendum Comitem Adolphum. Tunc dictus Harvicens
 egrediens mandatum volens interficere Comitem Adolphum

in castris Segebergis, & dictus Gerardus Comes statim assistens castrum recepit in suam possessionem. Ac etiam dicti Adolphi patrem Johannem in Dramhorst captivari fecit. Ac ejusdem filius Christophorus ex nomine Regis Daciae eodem anno de concupisio Castri Kyl cadens expiravit. Et hereditas tota Wagria & hereditas multorum Comitum rediit in unum, scil. Johannem Comitem fratrem Christophori Regis Daciae. Et hic Comes Johannes ob magnam woodgaltarem multa donavit, & potius, si fas dici est, dissipavit bona Comitiae. Nam Lubeccensibus donavit tursam lapideam positam ante ostium portus in ostio Travemunde, item ibidem uni civium donavit Gurgellum piscium in Travem supra Lubeck, in quo erat captura esocum vel salmorum. Et non solum haec quasi pro nihilo concesserat, sed etiam consimiliter multis alios plura largitus est sine cura. Hic confederavit se Regi Danorum Christophoro contra Comitem Gerardum & fratrem ejus Johannem. Item Adolphus Comes de Schonenborg volens vindicare patrum suum Adolphum interfectum, armata manu cum magna potentia intravit terram Holsatiae, & venit cum exercitu in Bramstede. Ubi Comes Gerardus & frater ejus cum paucis milibus cum Holzaris rusticis de palude Wilsria, de parochiis Hademarchen, Swenvelde, Nortorpe, Kellinghusen, Westede, Bramstede & Kolbenkerken, cum his obviam venit Comiti Adolpho in die Cruciationis S. Johannis Baptiste Anno Domini millesimo, trecentesimo decimo septimo, & divina favente clementia dictum Adolphum victoria belli praehabita cum centum & viginti viris captivavit, reliqua in congressu belli interfecit. Illis etiam diebus Dithmarici ex sua terra exierunt in adiuturum Johanni Comiti contra dictos Gerardum & Johannem, & dicti Dithmarici in exitu suo transierunt per parochias Ste.

Stenevelde, Nurrenpe, Nigemünster, quas incendio & rapina destruxerunt & venerunt in Kyl oppidum, ubi K. Joannes Dithmaricorum timentes perfidiam dictos Dithmaricos subtili ingenio extra oppidum cum cantu & fistula coartando deduxerunt ad vacorum montem. Quibus de consilio & suis rehabitis Dithmaricos extra oppidum dimiserunt remanere, & quere sine? Nam capro Comes de Schowenborc Gerardus Comes animosior factus est, & Johannes Comes pusillanimus. Ideo Dithmaricos sine honore remisit. Quibus ad patriam redeuntibus in via de Kylene transierunt per villam partem terræ Holtzatiæ destruentiam, videlicet per Parochiam Bornehovede, ubi aliqui ex illis in dolis nove revisionis balneaverunt, & redeuntes ad flumen Buntzing in Merica per noctem quiescentes, mane Comes Gerardus & Johannes cum suis ponte trans flumen Buntzing, quilibet de Holtzatis habens ante se ramum virentem cum foliis sicut ut sylva appareret, totus exercitus appropinquabat, & Dithmarici esse sylvam æstimantes improvise contra eos bellum venit inopinatum, ita ut omnes nutu Dei in fugam versi sunt. Multi ex eis flumen transire volentes sunt submersi. Alii sunt interfecti ad quingentos viros. Et facta hac pugna contra Dithmaricos valde magna, ita quod perpauci redierunt ad terram suam. Et hic triumphus factus est Anno domini millesimo tricentesimo decimo nono in die Alani Sancti.

Post hæc sequenti anno domini millesimo trecentesimo vicesimo idem Comes Gerardus convocato magno exercitu Principum vicinorum suorum scilicet Archi-Episcopi Bremensis Giselberti fratris sui, Henrici Ducis Meissenensis Comitum de Wunforpe & Bulron, Johannis Ducis Saxoniæ, Comitum de Reppin & aliorum multorum in quatuordecim Principum in vigilia natiuitatis Mariæ virginis triumphavit.

castrum Dithmarie per viam Suderhamme & per vadum Hemmingstede venit cum toto exercitu ad paludem Norderilant, ad cor terræ Dithmaricæ, & commisit cum eis bellum & bis victor factus fuit, una & eadem die interficiendo ex Dithmaricis mille & septingentos viros, ubi tunc multi fugam capientes Ecclesiam Olderwarden intraverunt; Quam Ecclesiam pars exercitus obsedit & ignem apponentes conburere voluerunt. Dithmartici ad intra petierunt gratiam sibi dari, promittentes se subditos Comitis Gerardi fieri & tributarios fideles. Sed Comes Gerardus non confidebat eis sed plus ignem applicari fecit, & igne fortiter incenso, & tectum Ecclesiæ quod erat de plumbo resolutum guttatim cadens super Dithmaricos inclusos vi januam apertentes Ecclesiam exierunt, & cum exercitus totus non erat simul ante Ecclesiam, sed erant partes exercitus hinc inde in villis & ædibus spoliantes cistas & capsas, Dithmarici resumtis viribus de locis absconditis, de focus in agris exeuntes, totum exercitum unum post alterum successivè, cum de vespere ad castra vellent redire & omnes Principes præter Henricum Ducem Megapolensem, & Gerardum Comitem, qui castra & tentoria sua habuerunt, quasi ad duo millia hominum, & ita Dithmarici illa vice sunt salvati.

CAP. XIX.

Rex Daniæ Christophorus, qui erat frater Comitis Johannis ex parte matris concessit fratri suo Comiti Johanni terram Fimbriæ in feudum perpetuis temporibus retinendam. Hic etiam Rex annuebat ob preces fratris sui, Comitis Johannis, qui Kylonensibus erat gratosus, quod forum per navigium venire consueverat in Lubeke ad tempus

pus deveniret in Kylonensem portum, & inde versa de Albea per Egdoram usque Ulammehude, & illis diebus obitum forum oppidum Kylonense erat. Domibus & lapidibus, fulcrum valde pulchrè, quia divitiæ crescebant, & ex consequenti affectus civium in domos pulchras. Hæc etiam Comes Johannes dedit Kylonensibus privilegia multa, quæ oppidum Kylonense plus dilexit aliis. Etiam dictus Rex Christophorus anhelans regni sui dilatationem Waldemarum Ducem Jutziæ exterminare cupiebat, & fraudulenter Castrum Sunderborg ab eo tanquam ad fideles manus receperat. Quo habito non contentus, quod Castrum restituerenolebat, sed etiam Castrum Gottorpe & alia Castra Ducis habere satagebat. Quare dictus Dux Waldemarus Comitem magnum Gerardum avunculum suum contra Regis tyrannidem assumpsit adiutorem. Et aliquandiu hæc inde conflictibus habitis, Rex cum magna potentia ante Castrum Gottorpe se in Hesterberg montem collocavit, ubi Comes Gerardus cum auxilio fratris sui Sefewarti Archi-Episcopi Bremensis & Westphalensium, ac cum Holtzatis occurrens Regi Castrum Gottorpe & ducem desuper obsidenti, Regem cum suis de campo fugavit multis de Danis captis & interfectis. Et pro hac victoria & sumptibus dictus Dux Volmarus Castrum Gottorpe Comiti Gerardo suo avunculo primo in pignus pro magna summa pecuniarum argentearum collocavit. Et facta fuit hæc victoria Anno domini millesimo trecentesimo vicesimo nono, & dicitur quod illa die quando Comes Gerardus bellare voluit, quod imaginem beate Virginis de Idzeho in humeris suis habuit, & alexandrinis ter orando Dominum Deum trina vice hunc versum decantavit: Nos hac die Tibi congregatus serena virgo in lucem mundi qua &c. Quidam stantes super montem Hesterberg cum turribus onerosis circumamicti, clamabant de-

derisorie, Mulieres venient contra nos. Cum Holtzatorum exterior vestis semper alba esset. Et videbantur danis esse mulieres. Sed unus de Holtzatis qui affuit in servitio apud Danos, dixit. Videbitis hodie non esse mulieres quia video signa & clenodia, galearum virorum & non mulierum. Et quando bellum urgebat, unus Holtzatorum clamabat, dani fugiunt, dani fugiunt, & sic omnes fugam ceperunt. Ut profertur quod dictus Gerardus Comes habuit in usum quod quando bellum intrare deberet, quod imaginem parvam Beatæ Virginis Mariæ de claustro monialium in Idzeboe ubi sepulturam habebat, in collo suo portare consuevit. Et regniam cœli semper in auxilium suum precibus invocabat, quod tunc in illo bello tali imagini fuerat à danis ex casu unam manus abscissa, quam manum artifices pictores postmodum restaurare volentes. Et quando una die apposuerunt, altera die invenerunt semper abjectam. Et talis imago adhuc hodie in memoriale signum caret manu tali. Et Deus omnipotens ob merita beatæ virginis miracula volentibus se imagini tali multa operatur in illa. Unde ab illo tempore usque ad tempora præsentia inolevit, quod Princeps Holtzatiæ talem imaginem semper in collo portare consueverant, quando bellum intrare volebant. Quia beata Virgo Maria terra Holtzatiæ à Principibus sunt fundatæ videlicet in Hamburgensi civitate & Principalis & summa Ecclesia Canonorum nunc secularium, sed antiquitus erat regularium sub habitu, sicut multæ Ecclesiæ cathedrales institutæ erant Bremensis, Monasteriensis, Mindensis, Verdensis & Lubecensis. Ab ista Ecclesia majori Hamburgensi fides Catholica pullulavit. Nam in ea multi Martyres propter fidem sanguinem fuderunt. Illac erat sedes æque principalis sicut Bremensis Archi-Episcopus, ob multorum Archi-Episcoporum & tota Dania Swecia & Norwe-

gia originaliter per Anscharium sanctum fidem receperunt. Monasterium in villâ Wippendorpe vel Faldera secundum Slavicam linguam antiquius dicta, nunc Nigemünster vocitata, & per Adeweronem translatam Archi Episcopum Bremensem in Insulam Bardesholm fundatam post Ecclesiâ am Hamburgensem per primum Adolphum Comitem. Tum primum fides Christiana in terra Wagria tunc Slaye, Holtzatiæ per sanctum virum Vicelinum incrementum cepit Anno domini millesimo centesimo, decimo. Hac Ecclesia Novum Monasterium in Ecclesiis in honorem Beatæ Virginis Mariæ fundatum est, ab eodem Comite Adolpho fundatum etiam fuit Monasterium Reinevelde. Nam ipse Comes cum fuerat de domo Schowenborgensi, & in finibus terræ illius est Monasterium *Locken* situatum Cisterciensis Ordinis. De quo Monasterio monachos recepit & in Reinevelde statuit permanendos. Quare adhuc illi Monachi in Locken habent visitare in Reinevelde hodie, & eorum sunt superiores. In hoc Monasterio primus Johannes Comes est sepultus, & alii etiam in Hamburg, videlicet duo Adolphi, & præsertim ultimi. Et post Adolphus Comes frater minor factus, Monasterium in Kylin honorem Beatæ Virginis Mariæ fecit dedicari, circa annum Domini millesimum, ducentesium sextum, exinde hujus Adolphi filius Comes Gerardus Monasterium monialium, quod prius possum fuerat in palude Crempis, prope Storam & Albeam in Villa Ute te transtulit, ante nobile & invicibile antiquum Castrum Idæho in honorem Beatæ Mariæ Virginis consecrari fecit, & dotavit secundum Ordinem & regulam S. Benedicti Abbatibus ad serviendum Domino Deo in ævum. In quo idem primus Gerardus Comes suam elegit sepulturam, & ab illo tempore usque in præsens omnes de illa progenie Gerardi Comitis descendentes, scilicet:

Henricus ejus filius, Magnus Gerardus Comes hujus Henrici filius, & frater ejus, Johannes: hujus Gerardi magni Comitis filii fuerunt, Henricus ferreus, Nicolaus & Johannes, & una soror claustralisin Elten Abbatissa, prius copulata Regi Swetiæ, & in mari prohibita. Et loco ejus Rex Daciz dedit filiam suam, ob quam causam hæc virgo permansit. Johannes domicellus non diu supervixit vulneratus in inguibus à Danis obiit. Comes Nicolaus sine filiis masculis plenus dierum bonorum, & omni gloria dignus vitam in Idzehoë finiit. Comes Henricus ferreus frater ejus ante eum obiit. Hic habuit tres filios Gerardum primum Ducem Sleswicensensem manifestè cum solennitate creatum à Dithmariis, & Albertum & Henricum Comites remanentes. Hi omnes in Idzehoë sunt sepulti. Dicitur etiam quod Hartwicus Reventlo miles, qui Comitem Adolphum in Segeberge interfecerat, pœnitentia ductus in absolutionem peccaminum suorum limina Beatorum Apostolorum Petri & Pauli in Romana urbe visitavit. Ubi sibi pro pœnitentia in dicto claustro Idzeho pretiosam domum Refectorium interius, superius dormitorium de suis sumptibus construere procuravit. Et extrema parte Nobilis Nicolaus Comes, qui cum inimicis suis Danis in Manemberge fuerat in conflictu tempore Regis Waldemari. Et ipse Comes Nicolaus perduto uno oculo & à subditis Regis capto, & die sibi ad redendum in captivitate à capiente constituto, veniens ad quendam de suis, qui eum ulterius de terra illa in propriam terram transportaret, vovit in illo die ut Deus ipsum ab inimicis suis eriperet, quod unum claustrum monialium in honorem beatæ virginis Mariæ in terra sua de novo fundare vellet, quod etiam perfecit. Nam in Arendesbocken fundavit monasterium & dotavit, & virgines moniales de Idzehoë, Poreze & aliis monasteriis illis convocavit. Sed

tamen monasterium non ita fuit copiosè in bonis temporalibus institutum & dotatum, quod illac virgines permanere potuerunt. Unde & post quidem venerabilis Vir Albertus Rodenberg Canonicus Lubecensis cum adiutorio aliorum civium Lubecensium reditus ampliavit dicti monasterii, & de consensu primi Gerardi ducis Sleswicensis immutatum fuit monasterium prius virginum postquam de loco recesserant, ut per amplius Carthusienses illic habitarent. Et translatio hæc facta fuit Anno Domini millesimo quadringentesimo secundo. Monasterium autem prius in Cismar locatum fuit in Lubecensi civitate & ab ipso Lubicense fundatum est ad S. Johannem, in quo Monasterio Monachi nigri ordinis S. Benedicti inhabitabant. Sed postmodum per consules Lubecenses & consilio & voluntate Johannis Comitis translatum fuit in locum Cismar, in terra Oldenborgi ubi nunc degunt. Et monasterium in Lubeck quod dimiserunt Monachi, virginibus impleverunt. Et ideo propter ædificia infra civitatem in Monasterio Monachorum ad ipsos spectantia dicti consules integrum Monasterium & Ecclesiam in Cismar construxerunt, prout hodie apparet illac venienti.

CAP. XX.

PRæterea Magnus Gerardus Comes habito Castro Gottorpe primo in pignus pro sumtibus suis expensis strenue & diligentius agebat opera Ducis Waldemari, qui erat de Stirpe Regia danorum natus. Nam in Regno Dacie antiquitus fuerant Ducatus, scilicet terra Sanderjuciæ (Suder-Jucie) ad cujus districtum pertinet à flumine Egdora & Levenysow, Denscheworck usque ad flumen Slig, Gottorpe & Swallade, Fresia usque ad Ripen & Koldinge, Angelsen, Alzen. Item fuit ducatus in Insula Lalande inter Lange-
fur

lande. Et hi Ducatus propterea fuerunt in nacia, quia Regnum daciae per electionem superiorum totius regni acquiritur. Et quando contingebat aliquem Regem habere plures filios, & electo uno de filiis in Regem ceteris dabantur Ducatus. Et inter hos Ducatus potior & ditior fuit Ducatus Sunder-Judland. Qui à tempore Gerardi ducis nominatus est ducatus Sleswicensis à civitate & Episcopatu Sleswicensi utpote nomine digniori. In hac Sunder-Jutzia, fuit Dux Waldemar ex parte patris natus de stirpe Regis Danorum, ex parte matris fuit filius sororis dicti Magni Gerardi Comitis. Et dicebatur *Magnus Gerardus* exinde, quia omnipotens deus concesserat illi multiplices varias victorias magnas, non meritis suis & divinis vel potentia hac attribundo. Nam magna erat potentia æmulorum suorum patruelium, Comitum Holtzatiæ filiorum Johannis Comitis, quorum mater quondam Regina Daciæ, & ideo in elationem superbiæ insurgentium, & adeo pauper & impotens in primis suis annis, quod Hartwicus Reventlo miles eqvos & arma sibi contribuerat. Quia usque dum viginti quatuor fuit annorum scholas visitare, ut acquirere posset Episcopatum, consueverat, prout frater ejus Gisewertus, qui factus fuit Archi Episcopus Bremensis consimiliter fecit. Fueruntque hi fratres scilicet Gerardus, Gisewertus & Johannes domicellus filii Henrici Comitis & habuerant matrem de Rheno exortam de Brunckorst, Wunstorp, Ghemle. Apud dictos avunculos suos Gerardus Comes juvenis aliquandiu remansit, quorum auxillis & factis sui Archi Episcopi Bremensis porius cum Holtzatis de palude Wilstriæ & aliorum intra Storam commorantibus deo favente consecutus est triumphos, ita inops fuerat quod penitus nullum castrum in tota terra habuit Holtzatiæ & in Rendeborg morabatur inter oppidanos in Halenspicker casella
gra-

granario super aquas & nil proprii habuit. Præter canes gryseos venaticos cervorum, qui illis diebus nobiles ad venandum dicebantur, prout venatores dicere consueverunt. Hic Gerardus habito primum triumpho & capto Adolpho de Schowenborg, recepto etiam primum castro Segeberg & etiam Rendesborg, quod oppidani sibi reddiderunt, & habito tandem triumpho contra Dithmaricos & postremo in Hesterberge, & tunc sibi tradito castro Gottorpe cum agentis suis paulatim crevit in virum magnum & ad tantum, quod magnus Gerardus vocari potest ad differentiationem aliorum hoc nomine dictorum. Videns autem Christophorus Rex daciæ, quod res prosperabatur in manu Gerardi Comitis collegit magnum exercitum terrestri itinere ponens castra in pannenwerck ante Gottorp percludens viam Holtzatis ad subveniendum obsessis: vice versa præsentiens Gerardus Comes advenientem contra se exercitum tam validum, quem Rex etiam non paucis diebus colligere poterat, habuit nuncios ad cognatos suos de Brunckhorst Gemele & Wunstorp etiam ad fratrem suum Archi Episcopum Bremensem Ghisewertum. Nec non convocari fecerat stipendarios de Rheno & Westphalia & venerunt hi omnes uno anno in auxilium Gerardo Comiti, cui essent multi de Holtzatis subditi curiales Johannis Comitis adhaeserunt. Et facta est expeditio exercitus ex parte Gerardi Magna & convenerunt contra Regem ad bellum. Attamen stipendium pro expensis & sumtibus in hospitibus factis in Rendesborg remansere, & Comes non habuit tantam fidem, quod ei de sumtibus credebatur, qui tales stipendarios etiam in auxilium sibi comportaret & talis missus à Comite fuit Marschalcus, cui vexillum belli fuerat tradendum, quod eum expectare volebat & hic nominabatur Borchardus de Idzehude miles strenuus & potens. Sed tamen Daci eduxerunt

fuisse urgebant exercitum. Ita quod Comes etiam necessitate compellus nisi declinare & terga vertere voluisset, oportuit eum inire bellum, ubi Dominus omnipotens de cælo dedit Comiti Gerardo & suis victoriam quamvis per grande opus. Et tanta fuit strages interfectorum in bello, quod campus plenus fuit cadaveribus ex Danis. De Holtzatis unus nobilis interfectus nomine Wedeka van der Osten, quem Comes ad tantum dilexit, quod ploravit propter eum. Et alius etiam nobilis interfectus, propter quem opidani de Rendesborg semper tenent crucem super Satesfowe. Et hoc fuit alia vice prope Rendesborg, quod Rex obsedit à parte Habbatiz. Nam dictus Comes suppressus, unus *rusticus* de villa Buttele, ex parochia Brochtorpe de palude Wilstriz dictum Comitem sublevavit dicens ei: Utere pristinis viribus tuis, ob quam causam dictam villam Buttele ob mercedem unius villam ejusdem totam liberavit ab exactoribus communibus terræ, sed quod solum essent per amplius insequendo eum fideles, & ita habita victoria Rex Christophorus fugere voluit ad Comitem Johannem in oppidum Kyl. Quia alia via ad Daciam sibi fuerat perclusa. Et ita cum aliquibus in nocte equitare volens per Sestede, dictus Borchardus de Idzehude audiens aliquos equitantes, & percipiens rumorem de bello peracto, nesciens quo fine conclusum, dictos equitantes cum suis & aliquibus stipendiariis insequens & congregiens eos invenit esse Danos, & ibidem Regem Christophorum cum sequela ejus cepit & captavit. Et statim habito Rege equitavit ad Castrum Gortorpe, clamans magna voce ad vigiles, quod necessario haberet loqui Comiti Gerardo. Comes autem Gerardus audiens hæc, quamvis graviter vulneratus surgit de lecto loquebatur sibi. Et ex opprobrio dixit prædictus miles. Sum in via redeundo vulneratus & captus, vis me redimere? hoc volo statim scire.

(G.)

scire. Cui Comes respondit sine dubio, et se paratū vultū
liberū animo sicut & omnes alios captos liberare. Nam gratia
Deo habeo plures captivos & locupleres. Tunc Comes
nūc miles Borchardus respondit. Bonum est tibi verbum
hoc. Nam dixit, nuntio tibi bona nova. Porro meum dōs
gem de bello profugum, captivum ad manū tuā. Surge
& fac custodiri eum. Tunc statim portis Castrī aperitis, ad
ducto Rege & posito ad custodiam, novum gaudium opor-
tus exortum est, & hic triumphus factus est Anno Mille-
mo tricentesimo tricesimo primo in die S. Andree Apосто-
li. Hic autem Rex Christophorus volens se redimere a
virtute Comitis gerardi, & a vinculis oportuit eum per totā
summa pecuniā dare pignus totam terram cum Castris &
civitatibus Confiniā quam Holzarii possederunt usque
tempus Regis Waldemari, qui terram illam solvendo pecu-
niam de manibus Holzatorum quitavit & redemit.

CAP. XXI.

POST hunc triumphum Holzarii amplius contra Danos
afflictos insurrexerunt & quotidie invaderunt, na ut
cem supra dictum Waldemarum Comes Gerardus in tunc-
tum suum reduxit. Quo reducto Juri creaverunt hunc
Ducem in Regem super se, & dictus fuit Rex Waldemar-
us. Quo Rege creato avunculum suum Comitem Ma-
gnum Gerardum Ducem etiam creavit & iussit, & su-
per creatione rati sibi literas concessit sigillatas sigillo Regis
ac majorum de consilio regali, videlicet sigilli quatuor de
gillorum appositurum. Attramon de Selandia Danis superve-
nient hunc Regem in bellum Holzarcum habere volen-
tium. Trallum Regem illi nomen natum de perire
creaverit, & na discordia in Danorum & Holzarcum

nam exceptis paucis castris duobus in Selandia & uno in
 Nort-Jutzia coeperunt possidere. Nam dictus Gerardus
 Comes Magnus plures prioribus fecit accersiri de Rheno &
 Westphalia stipendarios promittens de mense in mensem
 solvere curie stipendium. Et tales stipendarii venientes
 & intrantes terram Holtzati brevibus vestimentis salsari
 & induti dicebantur Ghaushover. Hos stipendarios cum
 Holtzatis duxit in Nort-Jutziā transiens de castro ad ca-
 strum vincens & subdens omnia. Et in opido Randeshu-
 ten posuit castra sua. Ubi quidam præpotens vir de Jutzia
 nomine Negels Jebbis miles & pro tempore subditus factus
 occidens dicto Comiti Gerardo, tamen quo spiritu interveni-
 ente facta fuit discordia inter Comitem & Nicolaum Jebbis.
 Nam dixit quod Comes injuriabatur sibi & suis, ideo in no-
 bis intravit. Et cum uno præpotente viro Dno Hæsen de Ju-
 tzia Anno Domini millesimo trecentesimo quadragesimo sub-
 lutho in quadragesimo ante Dominicam oculi [*Dei*]
 Tamen occiso Comite prædicto non propterea sibi Ju-
 tzia dereliquerunt. Nam fuerunt ei tres filii superstites
 Henricus, Nicolaus & Johannes. Senior filius Henricus Co-
 mes accepta parte exercitus intravit Selandiam. Nicolaus
 Comes mansit in Jutzia & ob vindictam præclari viri Magni
 Gerardi occisi. Eodem anno dictum Negels Jebbis in Castro
 Schvidelemborg Holtzati obsidebant. Evicto castro in
 crastino omnium Sanctorum Interfectis Danic ad duo milia
 & capto dicto Negels Jebbis ipsum rotantes divellunt, & su-
 per quatuor rotas tanquam proprii Domini interfectorem
 posuerunt. Utrum etiam aliqui de Holtzatis maioribus no-
 nobus fortunam tantam dicti Comitis Gerardi sustinere non
 valentes procuraverunt mortem, & proditores exstiterunt,
 non est intum discutere. Nam illo tempore in prius narra-
 tum est casus Castra dicti Gerardi nominibus terræ impri-
 (G.) 2 gnora-

ignorata fuerunt, & ipsi majorem equitum & comitatum ferebant, quam eorum Dominus & Princeps terræ. Nominatur etiam quod dicto magno Comiti Gerardo vivente, cum magnum & copiosum exercitum de Soldatis & stipendiariis collegerat, requisitus unde stipendia de mense in mensem eis solvere posset & valeret. Ad qua respondit, quod voluisset si supervivisset eos induxisse ad terram Dithmaricarum, ubi si victores facti fuerint, invenirent & proprium stipendium, sin autem victi fuerint, interficerentur, & suarum rerum stipendiis liberabor. At rursus dicti stipendiarii variis manibus mortuo Comite redierunt in terras suas. Henricus Comes dictus Ferreus intravit cum potentia Holzatorum multorum terram Selandiæ, & in ea Domino propitiore favente, retinuit multas victorias. Nam omnia castra Selandiæ præter duo oppugnare habitis castris & civitatibus, prout est moris terræ Daciæ Capitanei solum licentia in castris alii vadunt, hinc inde hospitandum cum equis & servis. Et tandem ob superbiam Holzatorum cum qui semper victores existerant, Deus dedit eis repulsam. Nam unus nobilis de Danis, qui huic Henrico satis erat fidelis, Selandis etiam multum carus, per traditionem unius de Holzaris fuit interfectus. Ob quam causam Dani nobiles in Selandia se congregantes, & Holzaris in villis hinc inde dispersis, una nocte plus quam trecentos armigeros in omni gladii occidebant. Et sic ceteri de Holzaris terram fugerunt in terram Selandiæ, & ita redimentes terram suam castra receperunt.

CAP. XXII.

In hoc tempore fuit in terra Meckelenborg prænominitus Vir Henricus Comes Belliculus & sagax. Hic a Livonia quare-

quarto Romano Rege acquisiuit sibi titulum Ducatus in terra sua, ut per amplius Princeps & Dux, ipsi & sui hæredes haberentur & non Comites. Hic habuit filium Albertum nomine, quem voluit in regnum Sweciæ introducere, cum filius datus Rex Sweciæ iners & pusillanimis erat. Unde à quarto dicto Domino Comite Henrico ferreo in adiutorium suum iussit secum passum, quod si filius ejus fieret Rex Sweciæ, ipse Henricus partem Sweciæ terræ videlicet castellum Calmeren cum advocatibus & terram Vinland pro sua parte libere possidere deberet, donec & quousque solveret ipso, vel hæredes sui, unam magnam summam pecuniariam dicto Henrico & suis hæredibus, prout hanc promissionem in testimonium posteris literas & sigilla sua communiret, prout hodie Princeps Holtzatiæ hanc literam habet in signum veritatis. Et sic Principes prædicti suis simul collectis Sweciæ intraverunt regnum obtinentes, & capto Rege pusillanimi prædicto & posito in custodia in manibus suis septem annis. Dicitur autem Henricus Comes recepit prædictum castellum Calmeren in possessionem & terram Vinland. Inhabitantes terram Vinland erant rebelles & dicto Henrico Comiti triburum solvere denegarunt. Quare collecto exercitu voluit eos subjugare, cum autem essent in itinere devenit in Wusten Curiam prænominatæ mulieris & cognatæ devotionis *Brigitta* viduæ, quæ dicebatur Sancta. Et si interrogaretur posset ipsi Henrico Comiti futura belli prædicere, unde Henricus Comes ipsam obsecrans, si quid sibi de futuro eventu transitus sui prædicere posset, quod hoc facere dignaretur. Ipsa autem respondit sibi, quod si dictam terram Vinland intrare vellet, absque armis hoc faceret. Henricus Comes vertens se ad suos dicebat; Hæc mulier hujus nationis est, ego autem alienigena, quæ curi illi, si interficeret à Vinlandis, cum armis me expellam in nomine

Domini

(G.) 3

Domini. Et ira contriungebat : terram Vinlandiæ cum potentia armatarum intravit , & pro libito suo usus fuit , & revansus in castrum suum apportato tributo nihil nisi expensis.

Nicolaus Comes Hultzatiæ fratre Henrico abante remansit in patria & quæ jam retinuit castra in Tunc , quæ iam pignoravit & præsertim Hakensawe Benedicto de Alvelde militi viro diserto & bellicoso. Er in Jutzia quadam habent castra jam victa alia etiam vincenda.

Nam quidam nomine Ealef (Calef) miles cum duobus castris Regni, se Comiti Nicolao tanquam hominibus se subdiderat fidelem. Cui Nicolaus unum aliud castrum restituit ad fideles manus custodiendum. Tunc in Dacia advenit Rex Waldemar , qui successivè recuperavit omnia castra Regni. Nam dicitur Calef miles rogatus & Regi Waldemaro prædicto tria castra restituit. Tunc Rex derisorie dixit Tergaghe bonus vitulus est , cum duobus castris abibat , ut bos cum tribus rediret. Hoc nomen vituli militis Calef est nomen Judaicum. Nam Judæi hoc nomine vocitantur. Item Jesse est nomen Judaicum. & terra vocatur Jutzia. Et ipsi inhabitantes Juten. Et nomen regni Daniæ inhabitantes Dani à nomine Judaico sunt. Et istis nominibus arguitur , & verisimiliter præstantur , quod antiquitus Dani & præsertim Juten de Judæis sunt , orti de tribu Dan. Unde Antichristus dicitur nasci futuris temporibus. De isto Dan , qui fuit unus de duodecim filiis Jacob prophetavit pater ejus dicens : Judicabit Dan populum suum , fiat coluber in via , mordens ungulas equorum , ut cadat ascensor ejus retro. Hanc proprietatem bonæ Prophetæ Dani & præsertim Juti habent quia desiderant anhelant magnum Dominum & iudices fieri. Sicut enim Coluber vel serpentes absconditi in via mordentes & colunt ungulas equorum , ut retro cadant ascensores , hoc est. iustitiam.

fallaces in placitis suis licet quod prætendunt, abscondent, donec eveniat. Dicitur secundum chronicas, quod in veritate sunt iudæi ab antiquo. Nam antiquo tempore ita populosus fuerat terra Daciæ, quod in terra propria suâ non possent se continere & sorte missa ad decimum hominem per totam terram decimum emiserunt id est decimam partem hominum suorum, qui egredientes de terra sua in pluribus partibus mundi multas fecerunt strages. Parisios in Regno Franciæ navigio devenerunt, totam Angliam subdiderunt, & civitates in ea nominabant nominibus suorum ciuitatum. In Dacia maximam civitatem Lunden & insulam propè Angliam nominabant Seland. Et totam terram Angliæ nominabant nomine Anglen, secundum nomen terræ inter Slesvig & Flensborg. Ipsi etiam venerunt Romam per flumen Tybrim. Et extremo in Longobardiam. Interim remanentis in propria terra propter conditum militem cum Sclavis & Saxiis multis deperditis hominibus, & præsertim in iutzia, cum illa pars terræ regni Daciæ sicco pede potest iniri, tota illa terra fuerat deserta. Ideo fuerant iudæi ab Imperatore missi in hanc partem terræ, quare iuti, id est iudæi sunt nominati in hodiernum diem. Dicitur etiam quod Regibus suis sunt communiter plus aliis Danis infesti & infideles. Nam verò Rex est, qui cum ipsis est pacificus. Et multi Reges narrantur ab eis occisi. Nam Reges ad facies eorum audent dicere, ob perfidiam iudæi estis, iudæi permanebitis: Quasi dicere volentes. Infideles estis licet iudæi, proprium Dominum suum Jesum Christum licet causa interfecerunt, ita & vos Reges vestros.

CAP. XXIII

Tunc fuit in iurizia nobilis Domina in castro Dorningh, quæ nupsit cuidam Holtzato nomine Nicolao de Lembecke militi. Quæ Domina habuit, ut relicta, multa bona patrimonialia & dotalia, quæ defendere non poterat, ideo hunc præpotentem Virum sumxit in maritum. Qui Nicolaus Lembecke cum vellent visitare subditos uxoris suæ, invenerunt omnes rebelles, monita sua pro nihilo ducentes, ita etiam quod nec hospitio eum recipere vellent. Reversus ad uxorem, qualiter successerat, revelavit sibi, quæ respondit. Ego sum mulier mensalia præparare potero, etiam isti longæ videatis vos ut habeatis mensam longam & longam. Et tunc ad subditos vestros reverramini cum multa sequele, & tunc apparebunt qui sunt nostri subditi. Nam vulgare est verbum quod Dani rusticos non recipiunt paucos, sed plures oportet recipere, quando per vinum se ostendant. Et ita Nicolaus Lembecke adduxit de Holtzatia plures fudales in armis secum militantes, & tunc acceptum Rustici sui eum habebant. Hic Nicolaus Lembecke fuit postmodum factus præclarus & prænominatus vir in tota Iurzia. Nam plura alla castra ad sua adquisivit, propterea Rex Waldemarus Tergage ipsum odio habuit, & sæpè nixus fuit in mortem ejus sed non poterat propter potentiam & benevolentiam, quam circa plures habere consuevit. Nam dicitur quod Rex insisterat quod dictus Nicolaus debebat sibi homagium præstare, cui cum Rex juramentum fidelitatis prædixit. Nicolaus respondit. Juro quod nunquam Vobis & Regno vestro ero fidelis. Cui Rex respondit, verum jurasti. Non quem fulsi nec eris nobis fidelis. Altera Vice Rex eum ad se vocati sub salvo conductu ad castrum Wardinburg.

Qti

Ubi dictus Nicolaus æstimans saluum conductum Regis esse firmum, venit ad ipsum navigio. Cum autem Castrum ascenderet, unus Juvenis Camerarius dixit ad eum, Nicolaë est secretum quod revelare vobis volo, nisi cito declinaveris in aqua ferventi jam posita ad ignem comburamini. Nam ipse Nicolaus erat beneficus in muneribus dandis famulis aliorum, propterea hic Juvenis hoc revelavit sibi. Quo vero audito statim retrocessit ad navem suam multum magnam, & fulcitam armigeris & balistariis. Rex post eum iterum misit nuncios, ut reverteretur ad eum in pace, sed spero ejus imperio, amplius non visitavit eum. Hic Nicolaus erat in magna amicitia cum Majoribus de Jutzia. Et uni Episcopo ex illis, qui Regi fuerat secretior sub magna fide revelavit verbum absconditum & secretum, quod nunquam etiam veniret propalandum. Scio dixit illi secretum verbum, quod sunt aliqui die noctuque in hoc laborant, quod Regem possint intoxicare, & rogo quod hoc verbum omnino maneat secretum. Ille autem cui revelavit hæc verba statim Regi intimavit. Propterea dictus Rex exivit Daciam, nesciens à quo forte infici veneno posset. Et venit ad Imperatorem Regem Carolum quartum in Bohemiam in Civitatem Pragensem, ubi aliquandiu penes eum manebat. Hic etiam Rex Waldemarum impignoravit castra in Marchia Lotow & Dalemborg in quibus moram traxit.

Comes Johannes prodigus de quo supra, qui fuerat frater Regis Christophori ex parte matris. Hic post obitum suum reliquit filium hæredem Comitem Adolphum, qui duxit uxorem filiam dicti Henrici Ducis Megapolensis Alberti Regis Sweciæ sororem nomine Annam Sterilem permanentem, unde illa progenies Comitum terra Wagrensium scilicet Kyl, Oldenborg, Plone & paludis Crempe, decessit sine hærede, & post decessum hujus Adolphi
(H.) Comi-

Comitis tota terra Holtzatiæ devenit in unum, scilicet Nicolaum Comitem, prout infra plenius narratur. Hic Adolphus erat strenuus vir, & civitatibus Lubecensi & Hamburgensi contra prædones & injuriatores in stratisterræ suæ habuit confederationem, ita quod Holtzati prædones tempore suo non audebant se movere. Tempore hujus Adolphi Comitis contingebat, quod duo famuli Hennecken, Lembecken Nicolai Lembecken filii in optido Kylonensi innocenter fuerant tanquam latrones capitibus truncati, propter quod fore factum factus dictorum Kylonensium inimicus post festum Michaelis cum nundinæ sunt in Eckerenvorde apud campum Gesebecke multos de Kylone cives interfecit & captivavit. Quare dictus Comes Adolphus una cum Nicolao Comite facti inimici ejusdem Hennecken, Lembecken, & ex consequenti etiam Ducis Henrici Jutzæ uxoris relicte, quæ renuit in dotem castrum Hadersleve & Tunderen. Dicti autem Comites in expeditione exercitus sui collecti intrantes Jutziam, Comes Adolphus obsedit Tunderen & retinuit, Comes Nicolaus Hadersleve & etiam expulsa Ducissa in castro vicit & castrum. Et sic illa duo castra evicta venerunt in sortem Holtzatorum.

CAP. XXIV.

Comes Henricus ferreus, qui fuerat magnanimus & gloriosus in factis dimittens gubernationem terræ Holtzatiæ Comiti Nicolao fratri suo pro acquirenda gloria nominis sui, cum aliquibus de Holtzatis balistariis & armigeris transfudit se per mare ad Regem Angliæ nomine Edwardus in auxilium sibi contra Regem Franciæ. Nam dictus Rex Angliæ Edwardus qui antiquitus natus de stirpe regia Franciæ nitebatur rehabere regnum Franciæ & reducere

cere in unum cum regno Angliæ. Et hi duo Reges veluti magnæ potentia ex utraque parte fecerunt ex remotis partibus terræ bellicosos viros in auxilium sibi convocari. Rex autem Angliæ navigio venit in regnum Franciæ, & obsedit munitam civitatem & castrum Caleciis apud quam civitatem fuerat, & est portus maris, quod interjacet inter Regnum Franciæ & Angliæ, habens in latitudine quatuor miliaria. Nam navigare volentes de partibus Almaniz ad Hispaniam ad S. Jacobum, terram sanctam, Jerusalem, Romam, Venetias, Barbaros & ad gentiles oportet per istud brachium maris, quod inter Franciam & Angliam interjacet omnes navigare. Et apud hanc civitatem Caloyes est, ut dixi, optimus portus pro navium securitate hinc inde transeuntium. Antea istam civitatem Rex Angliæ in campo & ad longa tempora ad annos castra metatus erexit tentoria. Viceversa Rex Franciæ nobilissimus & dirissimus Princeps & Rex mundi habens etiam amplissimum Regnum, & multos Reges & Regulos, Duces Marchiones, Comites, Nobiles & cives sub se & terram fructiferam etiam collegit ultra hos subditos exercitum peregrinum & Regem Bohemiz Johannem virum bellicosum cum Bohemis viris victoriosissimis in adiutorium suum, volens civitatem suam prædictam Caloyes ab obsidione liberare adducens exercitum suum ad supra dictam civitatem, cives autem inhabitantes civitatem & castrenses in castrorum ipsi circumdari fuerant à Rege Angliæ terra marique, sustinebant ciborum intolerabilem penuriam, & ad tantam devenerunt famem, quod mures & glires libenter comedissent, si venales fuissent, & præfame amplius se continere non valentes castrum cum civitate ad voluntatem Regis Angliæ tradiderunt. Rex autem Angliæ & Rex Franciæ ex utraque parte pro justitia obtinenda convenerunt ad bellum. In cujus bello

ram multorum hominum convenientium in unum confli-
ctum acies belli ex parte Regis Angliæ Comiti Henrico cum
Holtzatis tanquam viro Juveni forti & bellicos fuerant com-
mendata. Ex alia parte belli cuneus Regis Franciæ fuerat
Regi Bohemorum etiam victorioso viro cum Bohemis com-
missus. Aggredientibus exercitibus Deus omnipotens in acie
belli Comiti Henrico dedit triumphum, & ex consequenti
toti exercitui Regis Angliæ. Et Comes Henricus Regem Bo-
hemiam catenatum duabus carenis aureis, duobus suis militi-
bus in bello cepit. Sed à sequentibus in bello fuit propter
invidiam, ne dictus Henricus nimiam gloriam conse-
quutus fuisset, interfectus. Et hoc glorioso opere, quod Deus
Comiti Henrico hoc die concesserat, dictus fuit & cognomi-
natus ferreus. Rex autem Angliæ ultra omnes suos Prin-
cipes sui regni Comitem Henricum exaltavit, & Capite-
num exercitus sui voluit esse, propter quam causam Angliæ
sibi tanquam advenæ & ignoto principi invidebant multum.
Nam una dierum obtenta civitate Caloyes, ex ea equitan-
tes pro pabulo equorum dictus Henricus & sui subditi An-
glici & muli sui fecerunt sibi insidias subito in via in eum ir-
ruentes tanquam inimicus contra inimicum. Ipse autem
Henricus noscens eos esse Anglicos, ipsi autem vice versa
nolebant eum agnoscere, & sic mutuo extractis gladiis &
lanceis appositis convenientes, Balistarii autem Henrici ex
Holtzatis optimi præcedentes, jacentes jacula obtinuerunt
campum. Et plures de Anglicis interfecti & vulnerati, que-
relam de Henrico Comite facientes.

Sed Rex novit suorum calliditatem, ac quod propter
invidiam hæc fecissent præsumptivè non curavit verba e-
orum, sed eò amplius Henricum Comitem diligebat. Atta-
men Zelatores in maliciis & fictitiis contra Henricum Co-
mitem non cessabant, fugientes Henricum dictum Comi-

tem

tem non esse Principem natum, sed ob fortunam nomen Principis usurpasset. Et ad probandam hujus dicti veritatem dixerunt Regi & Regina, quam attraxerant in partem suam. Est natura leonum, quod nobiles principes non lædant, & si Henricus est talis videamus experientiam facti. Rex autem huic dicto non consensit, sed in absentia ejus regina ex inductione amulorum volebat factum experiri. Nam dictus Henricus Comes habuit in usu, ubicunque in castris esse consueverat semper omni manè in diluculo & ante diluculum de lecto suo surgere solebat, & aspicere portas & muros & audire vigilum diligentiam, etiam propter naturæ suæ commodum superfluum rejiciendo. Propter hanc consuetudinem una nocte leonem, qui stabat in medio castris in cancello transire & exire ad Castrum permittebant, stantes cum Regina volentes videre spectaculum, Henricus Comes ex more in diluculo de strato suo asurgens, Indutus longa tunica super nudo & assumpto cultello, cum corrigia pendente in collo, init interiorius ad castrum. Statim Leo horribilis sentiens se liberum usus natura sua feroci in Comitem Henricum insiliit.

Comes imperterritus dato sibi à Deo spiritu fortitudinis cultello evaginato dixit ad Leonem. Tu Canis quiesce & jaceas, & ira factum fuit miro modo: statim Leo audito verbo ejus obmurmavit & quievit. Nam legitur in naturis animalium, quod Leo talis est naturæ, quod nullius animalis adventum timet, sed solum audacioris se natura. Et ita arguitur, quod non solum divina virtute Leo pedibus ejus se substravit, sed etiam naturæ instinctu, cum dictus Comes fuerat valde audax à natura. Henricus Comes percipiens hoc vice versa transiens ad stratum & Commodum suum fuit male contentus & quam cito habuit Regis præsentiam narrabat sibi factum, addens dicto suo: Domine Rex

multas sum perpesus in Curia vestra insidias, sed istæ extremæ sunt mihi intolerabiles, alia fuisset via expellendi me, quam per canes vestros. rogo licentiam vestram. Et si placeat pro servitiis vobis impensis me elargi, stabit in arbitrio vestro, habeo patrimonium & terram in qua vivere valeo, hic diutius manere nolo. Rex autem super facto multum contristatus, & quod tam bono & virili Principe carere deberet, promisit sibi multa dare castra & civitates si apud eum manere vellet, sed flectere eum non poterat. Quare pro meritis ejus assignavit sibi multam promptam pecuniam, & ultra illam annuam dedit pensionem de Regno Angliæ scilicet centum nobiliones quolibet anno ac suis heredibus solvendam & literis & sigillo regio roboravit. Quam pensionem ipse Comes Henricus & sui heredes sublevabant, præsertim ejus filius Dux Gerardus per mercatores sibi de Regno Angliæ apportari fecit.

CAP. XXV.

Comes Henricus rediens in patriam suam duxit uxorem filiam supradicti Henrici Ducis Magnipolensis, cujus sororem Comes Adolphus sibi etiam copulavit. Hæc autem filia Ducis Magnipolensis prius nupta fuit Marchioni Brandenburgensi nobili viro Romano, à quo Domina hæc largè ad tempus vitæ suæ fuit dotata cum Castris Arndesburg & opido Perleberghe. Ab ista uxore, quæ fuit speciosissima mulierum genuit Henricus Comes tres filios, Gerardum Ducem Albertum & Henricum Comites, & unam filiam quæ tradita fuit nuptui Duci Pomeraniæ, quæ ibidem genuit filios & filias à suo Domino. Illis diebus contingebat, quod Carolus quartus Romanorum Rex & Imperator visitavit civitatem Lubeke, illac etiam conveniebant multi Alman-
Prin-

Principes, ibidem etiam *Hamburgenſes* Conſules aderant poſtulantes civitatis ſuæ libertatem, & inſcribi per amplius immediatè ſub imperio eſſe ſicut *Lubecenſes*, ad quod concludendum *Henricus Comes* cum adiutorio *Henrici Ducis Megapolenſis* qui fuerat Imperatori multum carus, contradicebant hoc fieri non debere. Allegans quod eſſent ſui ſubditi, & in territorio ſuo ſituati. E converſo *Hamburgenſes* dicebant, quod dudum eſſent de manibus Principum *Holtzarenſium* libertati dediti, & quod ad nullum ſervitium tenerentur, vellent literis & ſigillis Comitum *Holtzatorum* clarè docere. Imperator autem interlocutus pro ferendâ ſententia dictavit, *Hamburgenſes* ſub Dominio permanere Principum *Holtzatiae*. Nam *Hamburgenſes* in ſignum libertatis imaginem *Rolandi* in Civitate ſuâ dudum elevabant, ſed hac ſententia reportata *Rolandi* imaginem projecce-
runt. Et in hodiernum diem dicitur in memoriam huius facti *Rolandi* pons. Contingebat illis diebus, quod ſummus Pontifex *Papa* ceſſit ab urbe *Romana* in *Bononiam* non valens ſuſtinere Regis iram. hic *Papa* audita *Henrici* Comit^{is} *Holtzatiae* in regno *Franciae* victoria, quia ejus nomen erat glorioſum, ob inde in diverſis mundi partibus prædicatum, fecit ipſum ad ſe ſuis literis bullatis accerſiri, ut Capitaneus ſuorum ſtipendiariorum & in campo & ſui exercitus eſſet, multis donativis & beneficiis promiſſis evocari. Cujus tanquam ſummi Principis literis & verbis confidens, & ut etiam peccaminum ſuorum veniam conſequi mereretur, caput eccleſiæ & ſancti *Petri* vicarium, eâ intentione ut patrimonium *S. Petri* defendere valeret, *Italiam* intrando viſitavit, & ad *Papam Bononiae* devenit, ubi à *Papa* benigne fuit receptus, & ſicut prius literis ita & tunc propriis verbis *Papae* multa fuerunt dicto *Henrico* Comiti promiſſa & ſtipendia larga eâ conditione, quod capitaneus Eccleſiæ in bonis *S. Petri*

tri apud urbem Romanam contra Regem Apuliæ existeret, & bona Ecclesiæ defenderet. Consensu per Comitem Henricum adhibito, Papa Urbanus Sextus ipsum ad urbem Romanam Solemniter emittit, & capitaneo suo quem super exercitum in campo habuit scriptis suis præcepit, ut ab officio desisteret & Comiti Henrico traderet Principatus nomen, ac etiam mandavit exercitui toto, quod in ipsum tanquam in caput Ecclesiæ attenderent & ejus mandatis obedientes essent sine morâ. Cum autem Comes Henricus existeret aliquandiu in urbe Romana habuit hospitium in ea publicum, prout moris est Italiæ. In cujus hospitio hospes & procurator dictus ex signo ante januam, Ad gladium. Theutonicus natus vir prudens intelligens mores Romanorum fraudibus & dolis plenos, existens secum in via, quando Comes Henricus, super exercitum sibi per Papam commissum volebat acceptare præfendi onus. Capitaneus autem cum esset cum suis in campo, præsciens adventum Comitis Henrici novi Capitanei, clam de suis aliquibus emissis armigeris per devia & extra communem viam, tanquam si essent vigiles & custodes viarum, & longinquo apparentibus in cacumine montium, ita ut remotè possent appareri. Hospes Comitis Henrici dixit, Domine mi videris illos in montibus apparentes, aviso vos quod isti sunt capitanei exercitus emissi famuli, & neminem quarunt nisi vos, nam per illam viam oportet nos transire, ingrâtè vult officium dimittere. Ipse est Romanus plenus omni dolo, svadeo, si placet consilium meum, quod revertamini ad urbem Romanam & prius plenius approbatis ejus voluntatem, antequam ad eum accedatis. Respondit Comes Henricus habeo summi Pontificis voluntatem & assensum, qui sibi scripserat. Nihil habeo secum agere, si placet sibi mihi præsentare officium capitaneum isto contentus, si autem noluerit revertar in viam meam unde

unde veni. Non habeo aliquam inimicitiam, quod eum & suos fugere debeo. Neque mihi ascriberetur in laudem, quod fugerem nemine terrente, neque etiam aliquando diebus vitæ meæ fugam de campo cepi, visitemus in nomine Domini facies illorum, & videamus quid velint, dummodo scis me certificare quod apparentes sint de exercitu Papæ. Respondit hospes: Domine, certifico vos quod ita. Quia nullius alterius hominis saltem de regno Apuliæ est hic aditus propter arctitudinem viarum, sed timeo videbitis mortem vestram, quia romani sunt dolosi. Attamen si non vultis retrocedere mutetis habitum vestrum, ut si querant vitam vestram, quod non ita cito exstinguimini. Comes autem faciens juxta consilium hospitis mutavit vestem, quam cognitus & indutus erat, & tradidit uni de suis famulis, & illius vestes reinduebat, & consimiliter de armis. Convenientibus hinc inde simul, apparitores subito in Comitem, Henricum & in suos tanquam in hostes irruebant, e converso Comite & suis clamantibus, Amici sumus, nihil profecerunt. Sed interfecto in conflictu, qui erat ut Comes vestitus, cessaverunt à plagis, audientes clamores & verba qui essent, ipsi autem respondebant: De urbe romana venirent & missi essent à Papâ, & quod ille interfectus esset, quem Papa Capitanum constituisset supra exercitum ad quem transire volebant. Audito hoc verbo quod talis Princeps fuisset interfectus, apparenter multum dolebant, dicentes quod nescientes hoc fecerant, & de hoc multum tristarentur. Attamen dixerunt, missi sumus à Capitano, & quoscunque invenientes, sibi debemus præsenare, oportet vos ire nobiscum. Illis euntibus ad Principem exercitus, & audito verbo quod factum fuerat, Capitanus ut videbatur, tristis fuit dicens: O utinam viveret Princeps vester! essem multum gavisus, quale diffortunium quod ipse præ-

(L)

sens

sens in congressu est occisus, si viveret benigne eum recipere. Alii è converso dicebant, mortuus est Dominus noster, nihil habemus agere, nisi reverti per viam nostram, non audent confidere verbis capitanei. Tandem Capitaneus per juramentum confirmavit, si viveret Dominus illorum, quod securè revelarent, nollet eum offendere. Tandem inito consilio, quia captivi fuerant, eligerunt rei veritatem manifestare sibi. Et ita fecerunt & dixerunt, Dominum Comitem vivere, ostendentes personam ejus. Quem Capitaneus ut Principem decuit, cum honore magno accepit. Et inter multa verba dixerat Comiti, quod Papa defraudasset eum. Quia officium capitaneatus erat sibi ad certum tempus commissum irrevocabiler. Et quare ipsum de remotioribus partibus advocasset ad officium tale, antequam tempus suum exspirasset, & si tempus residuum expectare vellet, ipsum ad hujusmodi officium admittere non curaret. Unde Comes Henricus liber dimissus & honoratus à Capiteano Bononiam ad loquendum super hoc facto cum Urbano Papa reversus est. Ubi per aliquot dies fuerat, à Papæ præsentiam ad loquendum sibi omni die expectaret, videns se delusum, & in sumribus deficere, & à Papa nullum habere solatium, etiam vix sibi loquendi semel annuit aditum, præmisit nuncium ad Comitem Aureolanum, nunc Ducem dictum Mediolanensem, quia Carolus quærens eum prius Comitem creavit Ducem. Ad hunc Ducem missus, cujus notitiam habuit, quia solebat illi de Holtzaria aliquando mittere Slaviones & venit ad eum Mediolanum, ubi honorificè acceptus dictus Dux ulterius misit eum in Coloniā. Ubi Mercatores sibi usque in Lubek pecuniam subinde præstiterunt, tali conditione quod Lubek antiquum propriam terram intraret, maneret, quousque pecuniam mutuatam solveret in toto & ita fecit.

CAP. XXVI.

Hic Henricus Comes dictus, ob magnifica opera ejus ferreus nuncupatus est, obiit Anno Domini, millesimo trecentesimo octingentesimo primo sepultus in sepulchro patrum suorum in Itzehoe honorificè, ut decuit Principem, præsentem fratre ejus Comite Nicolao & Nobilibus terra cum largis muneribus & oblationibus terræ commendatus. Comes Nicolaus Princeps benignus & humilis erga suos subditos & fideles, hic fratre Henrico existente in remotioribus partibus supermansit in patria, defendens eam clypeo & gladio contra Danos, Dithmarticos, & alios invalores, quapropter multum collaudandus. Nam ut supra narratur, Rex Woldemarus extra terram pro tempore existens, tamen regnum suum anhelavit gubernare. Et dicunt aliqui, quod una causa fuit, quare extra regnum esse voluit, ut magnam colligeret pecuniam ad redimendum Castra in Fune & Gortorpe cum attinentiis suis, quamvis sine pecuniis ea libentius suscepisset, prout sæpius probavit. Nam castrum Hackenschow, quod Benedictus de Alvelde tenuit, cum magno exercitu oppugnando circumdedit. Ante quod Castrum Rex in propria persona fuit, & una die belli tempestatem prope Stormen attemperavit, primo cum scutiferis servitoribus, lorice Dominorum suorum indutis, quibus occisis cum rusticis idem fecit. Tandem nobiles curiales ejus dixerunt, quare gratis suos exponere veller, quia dixerunt, non videris, quod non poterunt illis resistere in castro, nec eos expugnare cum rusticis, respondit eis, video vos nolle adire, ideo hos quos potero, volo anteferre. Nam mater scutiferorum & rusticorum non est mortua. plures sunt tales. Tamen coram castro prædicto, pluribus interfecit

(1.) 2

fectis de suis frustratus voluntate sua recessit ab eo. Item in eadem Insula Fune ante Vobarch, ubi Nicolaus Comes castrum struxit in monte Manbarghe Rex Woldemarus Comitem Nicolaum adjuvit. Ubi Nicolaus Comes cum suis econtra expectavit Regem omni die. Et una die cum uxor prædicti Benedicti mortua est, & sepulturæ traderetur, quasi omnes Holzatici ad exequias properabant, Rex percipiens hæc venit cum exercitu ad Nicolaum Comitem & bellum sibi movit in monte prædicto Manberghe, vincens campum multis occisis & captis de Holzatis. Comes Nicolaus extincto in bello sibi uno oculo, etiam per quendam militem de parte Daciæ captivatus est. Extracta lorica & assumpta promissione ad redeundum capiens & victor Comitem Nicolaum licentavit ire quo vellet. Qui repens notum sibi, sic vulneratus de campo recessit ad Insula. De vespere vel altera die cum Rex facta & obventa victoria vellet scire qualiter res in bello se habuissent, & quid captum esset, & qui captivi essent, venit unus cum armis, clipeo & lorica Comitis Nicolai. Rex autem videns hæc inter signa inquisivit ubi mansisset ille, cujus hæc fuerat lorica, & qualiter se nominasset. Respondit Ledis, Nicolaum Holzatum de Rendesborg se nominavit. Ad quod Rex respondit, verum nomen suum imposuit sibi, sed si renouasset eundem, securior de ipso fuisset. Nam dicitur esse consuetudinis, quod Principes cum in bellis capiantur, nisi diligenter custodiantur, redire non tenentur, etiam si promiserint reiterare. Idem etiam Rex Woldemarus obsedi civitatem Flensborch multis vicibus. Et semel una die eam ipsam incendio combussit. Prope hanc civitatem est mons altus & longus extendens se super totam Civitatem. Hunc montem Nicolaus ad defendendam Civitatem Flensborch propter Regis insultum fecit sæpius custodiri. Nam rustici de

de Parochiis, Struevelde, Hademersch, Westede, Nortorpe, Borrehovede, Bramstede Koldenkerken de Kellinghusen cum inhabitantibus paludem Wilsriæ, hi dicuntur veri Holtzati. Et horum auxilio seniores Comites Holtzatiæ obtrinuere triumphos. Ex his elegit certos viros de magnis villis unum villanum, de parvis duabus villis unum. Hos quando indignit, habuit secum in armis. Nam dictus Comes Nicolaus sic ordinavit, quod dicti rustici non offendeantur ab advocatis, & quod equos valentes tenerent, & arma haberent, præsertim pileum ferreum, scutum & trogam sive diploidem ferrea brachialia & chirothecas terreas circum amicti baltheis latis & amplis. Rustici autem remanentes domi stabant, expensasque illorum qui fuerant cum Domino terræ in campis usque ad reditum ipsorum in domos suas. Illis diebus hæc civitas non fuit murata, & qui civitatem voluerit retinere, oportebat quod montem custodiret. Hic Comes Nicolaus concessit civibus dictæ civitatis, ut eam muro cingerent pro tutela. Hic etiam Comes ad retinendam civitatem prope eam Castrum fecit novam domum, Nigehus construere, ut rege veniente per terram posset prope esse. Hic Rex Woldemarus Castrum Dorninghe, super quo Henneke Lembecke vi patrimonii possessor, duobus exercitibus circumdedit. Cum autem dñs ante Castrum jacuissent, & Dominus castri in victualibus defecisset, ad subveniendum sibi emisit clam de castro aliquos de suis ad amicos suos Holtzaticos, ut intrarent ad eum clam in tempore noctis & ita factum est. Habuit etiam famulum Raspe nomine, quem omni nocte de castro ad exercitus intromisit perscrutando quæ in illis agerentur, & quam haberent diligentiam in vigiliis & custodiis suis. Et cum cibaria penitus defecissent, & diutius observare non posset, nocte cum trecentis armigeris electis ex omni Holtzatiæ, committens

(I.) 3 claves

claves custodi portæ dicens illi. Qui prior reversus fuerit ad castrum, hunc intromittas. Exercitum majorem cum clamore magno *Holstenland Stowe von Heuuelstriden* introivit cum impetu, & subito cadens super improvistos reliquens aliquos pro custodia exitus de exercitu, interficiens & captivans totum exercitum ex una parte situatum, cui alter exercitus ex alia parte Castri subvenire non poterat, retinens omnem suppellectilem, omnia Glenodia arma & cibaria, avenam, siliginem, moliram, cerevisiam & mellonem, balistas & breviter quicquid habuerunt. Et captivavit ultra ducentos validos & divites captivos. Alter autem exercitus his auditis fugam cito recepit, & non respiciens qualiter abiret. Fertur etiam quod hic Nicolaus Comes cum ultimus de progenie *Westensee* obiisset, rogatus ab aliquibus fuerat, quod uni de tali progenie illegitimo is vellet arma reconcedere, & non sinere ita eum sepeliendo in sepulchrum. Quibus respondebat, misericors Deus (hoc erat commune verbum suum,) aspriolus amplius non ascendit arborem. Arma horum defunctorum fuerunt nobis valde dura, amplius non reviviscant. Nam rubeum aspriolum deferebant in armis. Illi de *Westensee* fuerunt militares valde præpotentes & superbi, & unus de tali progenie cum quodam *Ludero Crummedick* habuit castrum *Rendesborg*, impignoratam per magnum *Gerardi* Comitem, quod filii ejus *Henricus* & *Nicolaus* volentes rehabere non potuerunt. Tunc opidani *Henricum* Comitem fractis ferris valvarum opidi intromiserunt Dominum suum Comitem, & obinde, dicti opidani fuerunt ab eodem *Henrico* & fratre suo *Nicolaio* libertati dediti, quod exactionari non deberent. Et habito opido unus sagittarius *Comitis Henrici* capitaneum in Castro sagitta interfecit, & ita castrum restitutum fuit Dominis suis.

CAP. XXVII.

Dictus Nicolaus Comes habuit uxorem matrem Alberti Ducis Saxoniz, qui machina ante Rekeling erat in uno crure percussus & obiit, ob cujus amorem eam ipse fuit [etiam ipse affuit cum] Dux Saxoniz, Marschalcus Elector Imperii, & Dominus Lunaburgensis cum Lunaburgensibus, Castrum *Luneburg* fregerunt, Et Magnum Ducem Brunsvicensem tanquam Dominum abjecerunt, istum Ducem Albertum revocaverunt in Dominum suum. Attramen Magnus Dux retinuit castrum *Harborg*, unde Luneburgenses multum vexabantur. Quare ad petitionem illorum Dux Albertus dictum castrum obsedit. Et Comitem Nicolaum in auxilium postulavit. Cujus petitioni annuens, venit cum multis Holtzatis, & præsertim cum Villanis de palude *Welstriæ*, quos cum rogasset ut secum in *Hamborg* transirent, ita proni & fervidi fuerunt sibi ad famulandum. Cum Comes non plures quam ducentos in expeditionem postulasset ipsi responderunt, quod non tam paucis sed cum pluribus scilicet mille sibi succurrere non formidarent, & ita mediantibus illis de *Wilstriâ* cum pro illo tempore hæc palus fuerat plena hominibus & divitiis, castrum *Harborg* cum machinis vicit. Et aliquandiu pro expensis proinde factis in pignus retinuit ad custodiendum. Hic Nicolaus Comes post obitum Regis *Waldemari* in terra sua ad tempus ante finem vitæ suæ pacis respiramen habebat, & Deum cœli glorificabat, qui eum à tam potente Rege & inimico suo liberabat. Hujus etiam tempore contingebat, quod Comes *Adolphus* ab hac vita sine herede decedisset. Nam dictus Comes *Adolphus* majorem partem *Holtzatiæ* terræ hereditatio jure possidebat ab antiquo. Nam pro-

avus

avus hujus Adolphi, etiam Adolphus vocatus, qui exinde ut terram Holtzatiæ, quæ fuit quasi tota sub potestate Regis Canuti Daciæ posset eripere de manibus eius, quod sibi impossibile humano modo fuerat, voto se astrinxit recursum habens ad Deum omnipotentem, ut si triumphator existeret, ordinem Francisci Sancti fratrum minorum intrare veller, prout etiam prius narratum est, Deo cooperante adimplevit. Hic Adolphus Comes erat de domo Schowenburgenfi natus, prout etiam plures ante eum de tali domo nati, etiam nominati Adolphus rexerant terram Holtzatiæ in magna virtute ab initio Christianitatis. Quando intravit ordinem habuit duos filios, unum dictum Johannem, alium Gerardum. Ab his fuit terra Holtzatiæ divisa. Senior Johannes majorem & pingviorem partem retinuit scilicet terram Wagriæ, Kyl, Plone, Lutkenborg, Oldenburg, Oldeslo, Segeberge, & partem paludis ab una parte fluminis Storre à Bredemberge usque ad Albeam & Hamborg. Alter autem frater junior Gerardus reliquam partem, quanquam invitus recepit Idzeho, paludem Willstriæ, Hanrow & Rendesborg. Iste Johannes Comes, qui majorem partem terræ retinuit, fuit avus hujus Comitum Adolphi sine hereditibus defuncti. Comes Nicolaus superstes, qui erat pronepos primi Gerardi & possessor terræ Holtzatiæ de consensu seniorum Consiliatorum terræ, totam terræ Holtzatiæ reduxit in unum Dominum datis pecuniis, & certa parte terræ in palude Crempis ipsis Comitibus Adolpho & Bernardo fratribus Dominis Schowenburgenfibus, qui in uno gradu proximiores fuerant pro parte hereditatis suæ.

CAP. XXVIII

POST mortem vero Waldemari Regis Daciæ filia ejus Margaretha habens filium unum ex Rege Norweyken, cujus uxor, erat nomine Oleff, adolescentem in Regno Daciæ assumpto diademate & sceptro regni valde astute cepit regnare, & regnum Daciæ, Sweciæ & Norwegiæ duxit in unum. Nam Albertum Regem Sweciæ in lites movit ex eo, quod regnum per vim occupaverat, adducto exercitu in bello vicit, & septem annis eum in vinculis tenuit, & totum regnum revocavit. Regnum autem Norwegæ jure hereditario ad regnum Daciæ cum aliis regnis cumulavit. Isto tempore dicta Regina astutissima mulier plures ignes simul eodem tempore accendere volebat, advocans Nicolaum Comitem Holzatiæ & cum eo perpetuæ pacis fœderam stabilivit, & ipsum in patrem elegit, & supernominavit. Ac Comitis Henrici ferrei fratris sui filio Gerardo de consensu Consiliariorum totius regni cum solemnitate debita, cum banderis in castro & oppido Nuborch in terra Fumia totum ducatum Jutziæ sive Sleswicensis sibi & hæredibus suis ipsa Regina, cum prædicto suo Rege Olavo tunc adulto in throno majestatis sedentes coram multis astantibus Episcopis, Prælati & nobilibus regni Daciæ ac terræ Holzatiæ concessit in feudum perpetuo possidendum. Dictus Gerardus tunc Dux Sleswicensis creatus & intitularus, flexis genibus coram Rege Olavo, investitura ducatus accepta dicto Regi Olavo & Regni successoribus fecit homagium pro se & hæredibus suis, & fidelitatis præstitit juramentum: Consimiliter senior Comes Nicolaus & Albertus dicti Gerardi Ducis fratres juramentum fidelitatis præstitit.

(K.)

stiterunt. Dux vero Gerardus illustris pro se & suis veris hæredibus armis subsequenter demum fuit insignitus &c.

Comes Nicolaus strenuus in armis cum Dithmarticis sæpius habuit conflictum, quia Dithmartici sunt in convetudine, quod sua omnino volunt illæsa retinere. Et quando injuriantur à suis vicinis in modico damno, per vim duplicem rapiunt viceversa. Et cum ipsi damnum inferunt terris adjacentibus pro nihilo reputant, & dicunt quod non ipsi sed eorum fatui hoc fecerunt. Si ex eis aliquis ab extraneis interficitur, hunc pro centum marcis antiquis solvi volunt, & idem jus observant in occisis ab eis, sed cum difficultate jus ab eis haberi potest. Hi Dithmartici sine Principe & capite viventes faciunt, quæ volunt. Et una dierum exierunt aliquando de eis rapinam in terra Holtzatiæ faciendo. Et Comes Nicolaus cum pro illa vice propter ibidem adesset, & audito hoc cum paucis suis curialibus de mensa sua triginta, & Collectis Holtzatis de parochiis, Stenevelde, Hademerschen inseguros eos propè terram suam in loco, qui dicitur Tippperslo, rapinam ducentes. Qui Nicolaus unum de suis præmisit ad videndum potentiam, & multitudinem ipsorum. Qui reversus dixit, tot sunt quod impossibile est nobis, illos vincere posse. Cui respondit: Misericors Deus, cur incurtis nobis timorem, volumus approximare illis, & videre eos qui rapinam subditorum nostrorum secum ducunt. Dolemus enim & est crimen nostrum, si sic nobis præsentibus evadant, & ita cum suis accessit propius. Et ipsi Dithmarci ex adverso stabant, lanceis suis ante se fixis in terra, acies lanceorum solum ostendentes. Ubi dictus Nicolaus Comes dixit. Hic sunt juvenculæ choreas ducentes, qui per amplius voluerint honorari intret mecum nomine Domini hanc choream. Ordinata acie & dispositis alii.

liqubus equeſtribus, qui à retro Dithmaricos invaderent, in Dei nomine bellum intravit. In quo bello unus ex Dithmarticis forte indutus dyploide Comitem Nicolaum præ aliis pugilem diu ſecum pugnando elegit, quem non propria vi, ſed divina reverſa manu cum gladio à ſummo uſque ad ſellam equi uno iſtu per medium diviſit. Et tandem victis & occiſis multis de Dithmarciis in bello ipſe Comes Nicolaus victor permansiſit. Et tot de Dithmarciis majoribus fuerant percuſſi, quod eo vivente non amplius exire ſuam terram præſumebant. Et ex poſt ipſi Dithmartici cupiebant pacem cum Holtzatis. Literæ treugarum inter ipſum Comitem Nicolaum & ipſos Dithmarticos in hunc modum fuerunt conſectæ. Quod ipſi Dithmartici debent eſſe liberi in terra Holtzatiæ ab omni novo telonio & exactione & eorum navigia in Egdora & Trejia, & quod nullum damnum per terram Holtzatiæ ipſis debebat inferri, quod ſi contingeret Holtzatii hoc reſtituere debent. Et quando Holtzati ipſis damna ingerunt infra menſem debent compenſare. Et ita viceverſa. Omnes articulos ipſi Dithmartici literis & ſigillis ſuis Comiti Nicolao ſigillarunt. Iſtis ſervatis debuit pax eſſe inter ipſos ſemper. Et qui alterius voluerit fieri inimicus, debet ad ſex hebdomadas ante parti adverſæ notificare diffidationis diem. Et ita ad tempora Gerardi Ducis, obſervatum fuit. Idem Nicolaus Comes clemens & humilis fuit erga ſubditos ſuos, quando ruſtici offenſi ab advocariis ſuis veniebant, ipſum Comitem in propria perſona viſitabant, proponentes eorum eo verbum ſuum. Et pro conſuetudine habuit ex clementia libenter eos audire. Et quando ruſtici leniter ad eum acceſſum habere non poterant, ipſe declinavit ad eos inquirens, ſi aliquid eis obſeſſet. Et quicquid ei dicere habebant, ipſe audiebat, & ſæpius ſententiam pro eis contra advocatos ſuos tulit. Nam

antiquam libertatem voluit eis omnino servari. In officiis divinis cum senuerat erat sedulus, & personis Ecclesiasticis & Monasticis erat benevolus. Nam in Monasteriis Comes Adolphus suos venatores cum canibus tenere solebat. De quibus tam venatoribus quam canibus Monasteria gravabantur nimium. Hunc abusum delevit, & Monasteria tali onere liberavit, quare Monasticæ personæ pro eo ad Deum intercedere ex debito semper tenerentur. Histriionibus & adulatoribus non attendebat. Nam semul unus magnus Histrio & adulator de regno Daciæ venit ad eum in Idzehoe portans secum plures vestes pretiosas & ornamenta aurea signorum armorum Danorum nobilium quem introeuntem suam curiam ad infimam mensam fistulatum iussit sedere. Postmodum prandio facto misit quatuor solidos ad bibendum pro quo facto unus de consiliariis suis dixit. Domine non decet vos tam magnam personam quam omnes ita clenodiis ornaverunt & honoraverunt, tam exiguo munere salariare. Ipse enim veniens ad alios Principes redarguet paritatem vestram, & vos infamar. Cui respondit, misericors Deus, quid ille Ribaldus quærit à me, cum ipse prætiosiores vestes me portat? Et in quo vilis nequam me posset infamare? Nihil à me amplius habebit. Comes iste Nicolaus obiit in Curia Osterhoff prope Idzeho, Anno Domini millesimo, quadringentesimo, plenus divitum bonorum & bonæ famæ. Et ibidem in sepulchro patrum suorum terræ committitur. Hujus solennes exequiæ factæ non fuerant, sed remissa modo, qui Dominus Jesu feliciter nunc, & in ævum requiescat in perpetua pace Amen.

CAP. XXIX.

Gerardus Dux Sleswicensis & Holtzatiæ Comes duxit uxorem de stirpe regia & imperiali *de Domo Brunsvicensi*, sororem Ducum Bernardi, Henrici, & Friderici nomine Elisabeth, de qua tres filios generavit, Henricum, Adolphum, & Gerardum. Et duas filias. Una copulata fuit Balthazero Domino Slavorum, de quo non generavit. Sed demum post Viri obitum, secundo fuit tradita Comiti Theodorico de Oldenborg robusto, à quo genuit filios tres, Christianum, Mauritium & Gerardum, & filiam unam nomine Alheydis traditam nobili Comiti Ernesto de Arnsten & in brevi obiit in Domino. Secunda filia fuit per Margaretham Reginam Daciæ tradita Christo in matrimonium, in clauistro Wasten in Swetia ordinis S. Brigittæ virgo consecrata. Hæc virgo Jugeborch nomine, transactis aliquibus annis electa fuit in matrem dictæ domus Wasten cum majori reverentia qua decuit, & tam in spiritualibus quam in temporalibus domui & personis monasterii præfuit gloriose. Gerardus Dux Sleswicensis habuit fratres duos Albertum & Henricum. Iste henricus init ad Studium Erfordense, & electus fuit Episcopus Osnabrugensis, facta secum dispensatione à sede Apostolica mansit sine ordine sacro. Albertus Comes duxit uxorem de Domo Ducum Saxoniar, sed non diu supervixit, ideo heredem non reliquit. Nam Ericus Dux Saxoniar gener ejus Dithmarticorum inimicus intrans per terram Holtzatiæ spoliavit Dithmarticos & recessit per terram Comitis Alberti in domum suam, ducens Dithmarticos captivos nemine prohibente, ea de causa Dithmartici conquerentes Duci Gerardo Archi Episcopo Bremensi, & consulibus civitatum Lubicensis & Hamburgensis, atque aliorum, quod contra Deum

(K.) 3

um & justitiam & contra eorum privilegia à Duce prædicto per terram Comitis Alberti forefacti conscii erant, subside prædati, rogantes prædam restitui, damna resarciri atque talia emendari. Quapropter Dux Gerardus fratre suo Alberto ad se vocato, coram consiliariis utriusque quod sic Ducem cum rapina permisisset quiete per terram transisse, ipso non conscio & sine culpa sua non esse potuisse, publice fratrem suum inculpavit, allegans honorem parentum fuisse, semper servasse fidem. Et quod jam à Dithmarticis fidei fractores dici deberent, esse conturbatus. Ad quæ Comes Albertus respondebat, & juramento affirmabat, quod nescius fuisset factò & consilio Ducem Ericum Dithmarticos velle spoliare, & hæc per terram suam duxisse eo etiam nesciente. Quo audito Dux multum fuit gavisus, & statim uterque tam Dux quam Comes rescripserunt talia per Dithmarticos querelata fuisse, & esse non vera, & Dithmarticos propter figmenta prædicta statim diffidabant. Dithmartici audita Comitis Alberti innocentia pœnitentia tacti per consules Civitatum Lubecensis & Hamburgenfis & cæterorum ut dicitur pacem requirebant. Addentes si in aliquo per scripta sua peccaverunt, vellent emendare arbitrio bonorum virorum. Isto non obstante Dux & Comes non confisi verbis adulatoriis Dithmarticorum solam vindictam consequi prætendebant. Et in hoc istorum Principum apparebat, ut timeretur, Zelus vindictæ, non humilitas neque clementia. Isti Principes fuerunt Juvenes, & inexperti: Eorum consilarii, potentes, divites elati, ambitiosi, & dictos Principes se ad vindicandum multum induxerunt, ut dicebatur. Consules dictarum civitatum pro concordia erga Principes prædictos sapius nisi sunt. Ponentes dies placitos inter eos, sed nihil proficere potuerunt. Tandem Principes prædicti Dux & Comes cum magna potentia terram Dith-

Dithmaricorum intraverunt, castrum antè Meldorpe in Delsbrugge struxerunt satis forte. Ad quod postmodum deponendum, Dithmartici se congregantes, multos ante castrum istud interfectos, plures vulneratos reportabant. Altera vice iterum cum potentia venerunt in Meldorpe Dux & Comes, ubi milites percusserunt plures ob victoriam oppidi talis. Sed eadem die nullus ex Holtzatis in eo audebant pernoctare. Castrum Hanrowe ante terram Dithmarciæ Dux & Comes munierunt palis longis & ligneis & novis domibus atque fossatis. In quo castro Henricus de Alefelde miles capitaneus, & quasi totius exercitus existeret caput. In quo castro erat praesidium contra Dithmarticos pugnantium. Insuper de castris Svavestede & Tilimburg Dithmartici vexabantur, & vice versa Dithmartici quotquot comprehendebant crudeliter sine misericordia necabant. Pluries & sæpissimè Holtzati cum Dithmarticis habebant conflictum, aliquando isti, sæpè illi perdiderunt. Insuper Dux cum Comite intravit terram Dithmarciæ in Northamme. In qua expeditione Comes Albertus præ nimia commotione iracundiæ, eò quod majores de exercitu noluerunt eum audire, datis calcaribus equus cursum fecit, & improvidè cadens cum equo læsit se multum postmodum in breve obiit videlicet Anno Domini millesimo, quadringentesimo tertio in profesto Michaelis & sepultus in Idzeho. Attramen deus illa vice respexit Holtzatos in laqueo positos & conclusos per ventum validum flantem aquas maris ad Egdoram ita ut agger Ulendam inter Dithmarticos de Heide, & illos de Northamme à vi & inundantia aquarum rumpebatur. Alias illo tempore in Northamme omnes occisi fuissent. Et est illa pars terræ circumamicta palude cespido molli ab una parte, reliqua parte Egdora, & parva, semita, & aditus ejus per quam oportuit omnes intrare, & exi.

& exire. Et ita Deo dante exhibant cum rapina magna vice illa.

CAP. XXX.

NAm dicta terra dithmarciæ à parte Albæ est flumen magnum, intrans mare Occidentale & invincibile navigio accedendo eam. Et bis in die naturali, h. e. ab ortu solis usque ad ortum talis habens fluxum & refluxum, proprie Ebbe und Floth. Terra Dithmarciæ extendit se in longitudinem penes ripas Albæ, & in fluxum crescit usque ad aggerem, in refluxu diminuitur, & decrescit in recedendo quasi ad medium milliare converso ab aggere, ita quod tunc terra illa est sine aquis. Et illa terra per quam bis in die ista aqua pertransit manet humida, mollis, ut lutum lubricum, ita quod nec pedester neque equester est illac transitus. Etiam navigio non potest fieri accessus, & recedente aqua manebant in humo naves. Et non possunt applicari naves magnæ etiam in pleno refluxu. Quare à parte Albæ non est accessus ad eam saltem cum multis contra velle ipsorum à parte meridiana, ab occidente est flumen Egdora, etiam habens fluxum & refluxum, fluens inter Frisones & Dithmarciam, & ab Albea munit terram illam, usque in Tilemborg, à Tilemborg usque Alverstorpe sunt desertæ paludes immeabiles. Et ab inde à parte aquilonari à terra Holtzatiæ est ascensus satis largus sicco pede in terram illorum. Et ex consequenti ab oriente est palus Wilstria, etiam satis strictus accessus ad eam. Hæc eadem terra Dithmarciæ inter se ipsam hinc inde, in diversis suis angulis est multum firma & paludibus custodita, multis nominibus nuncupata, Suderherstede Bocklemburg, Norderherstede/ Alverstorpe, Tellingstede, Leviter hæ parochiæ sunt

sunt destruendæ in sicco sine munitione positæ. Aliæ autem parochiæ in Suderstrande/Eiderlande Brunsbittel & Merue difficulter, parochia major totius terræ Meldorp minus difficulter destitui potest. Sicur parochiæ infra Hammen constitutæ, Honningstede, Lunden & Weddingstede veluti in Northamme, sed tam cum magna potentia oporteret has partes aggre-
di. Sed quid hæc? Nam tota potentia & cor terræ totius est in Nortstrande in parte parochiæ Meldorpe, Olden-
burden, Weslingburen, Busen, Nigenkerke & Hemmel. In his parochiis majores honorabiliores & ditiores morantur, & accessus valde difficilis est ad eos. Insuper Dithmartici sunt fortes viribus audaces & agiles, communiter longæ staturæ sine multis carnibus complexionati, & hoc semper præsupponentes terram & patriam suam liberam sine exacti-
one semper retinere, aut mori in continenti pro liberate patriæ. Etiam cum inimicitias in terram habuerint, omnis discordia inter eos semper & tamdiu manebit sopita, quo usque finem ab extra habent litis suæ, sunt infideles si capiantur, fidem non servant, pecuniam pro redemptione corporis sui, si captivi deportantur, etiam si divites sunt, dare non habent potestatem. Immitissimi homines quotquot reperiunt necant crudeliter, occisa corpora non tradunt sepulturæ neque ab amicis occisorum permittunt tradi. Frustra contendunt dicti Dithmartici, & minantur in propria in invicem verbis contumeliosis, spicula * & non ausi sunt gladium evaginare. Immorigerati, cætera proprias ades, alimenta vorant, ut canes, illudantur etiam corporibus exanimatis, nudant illa. Et mulieres Dithmarticorum sunt ut feræ, & lupæ rapaces, pro majori parte capita oblongata, ut sues habentes, audentes interficere, illudere. Et etiam stomachos ex corporibus defunctorum extrahere & super alcos baculos ponere *divinantes* in illis. Etiam si terram il-

(L.)

lorum

lorum quisquam devicerit, fides non esset eis adhibenda. Et sicut priores suos Dominos interfecerunt, ex consequenti foret timendum & seqvaces. Dicitur commune verbum in propria terra illorum derisorie, ostende manum, crederent crines in ea, est tibi credendum. Unde quidam Cartuagor dixit de eis. Eis tu credideris, crines si non inveneris in suis manibus? Æstimatur quod Dithmartici citius per cautelam & attractionem aliquorum majorum de ipsis dactis muneribus & exaltatis illis contra alios, quam per potentiam subijci poterint. Sunt avidissimi homines, & libenter sine capiunt munera, & ita forte perpetrarent inaudita. Unum etiam attendendum quod terra ipsorum est multum populosa, & ad sex millia virorum electorum, ad bella valentiam, & ad minus cum tot electis armigeris exercitatis, absque vulgo foret eis occurrendum, quod potius mori cupiunt liberi, quam in servitute vivere.

CAP. XXXI.

Ista discordia inter hos de Holzatia & de Dithmarcia aliquamdiu stante. Ac etiam Consules de civitatibus Lubecensi & Hamburgensi interponentes se libenter vidissent pacem inter eos. Dux autem Gerardus præmortuo fratre suo Alberro noluit pacem cum Dithmarticis, nisi ipsi subiectis & factis tributariis, quod Dithmartici annuere noluerunt. Neque Consules civitatum hoc consulere voluerunt. Et sic suspicabatur contra prædictos Consules per Dominum Ducem non immerito. Interim Dithmartici convenerunt ad demolendum castrum in eorum terra noviter in Delfbrugge constructum. Ubi pluribus ex ipsis interfectis & Capitaneo Baleff Boykenflorem pignore eliso & capite ejus super

per palo posito confusi recesserunt. Vice versa Holtzatici totam terram Dithmariæ in sicco positam igne combusserunt. Vacas, eqvos, oves & boves, capras & porcos, & multos homines captivos reducentes. Reliqui autem de sicco inpaludem hinc inde fugiebant ibidem servientes. Demum dithmatici Domino duci per prædictos Consules de Lubek & Hamborg, ut pacem habere possent magnam summam pecuniarum ut dicitur solvere & dare una vice præbuerunt. Dux autem ratione motus noluit ita, sed quod semper annuatim tributum solverent, & essent subditi sui postulabat. Habuit enim à progenitoribus suis privilegium antiquum forte & magnum sigillatum per universitatem dictæ terræ dithmariæ. In quo protestantur fide præstita corporali, perpetuo se obligasse nobili viro domino Gerardo Comiti Holtzatiæ & suis justis hæredibus ipsis astare, eosdemque manu juvare in districtu domini sui & extra, contra quemlibet hominem ipsos infestantem, ac pacis eorum tramitem modo aliquo perturbantem. Audi hic novum mirum illud privilegium est, de datis millesimo, quadringentesimo quadragésimo octavo, inter alia privilegia Principum terræ sanum & illæsum. Hoc faciendum dithmatici renuerunt, sed propter pacem ultra summam promissam ipsi duci & suis hæredibus dissimulabant velle ut apparuit contra inimicos terræ Holtzatiæ in aliquibus personis de terra sua subsidium deferre, ut & ipsi vice versa essent defensi, sed non expressè ut tenebantur juxta tenorem privilegii, de quo, ut supra. Super istis placitis partibus deliberantibus dux Gerardus magnum interim collegit exercitum, & quod placitis verbis habere non poterat, per vim jure suo medio consequi anhelabat. Et in die Oswaldi Regis & matris, anno domini millesimo quadringentesimo quarto in manu forti in Suderhamme bello ordinato

(L.) 2 cum

cum pluribus intravit. Hæc Suderhamme habet munimen fossata duo vel tria in palude & sylva condensa posita, & tali sylva est stricta via lapidea ad balistæ jactum posita, ubi dictus dux Gerardus cum suis intravit, & vexillum Sagittariorum cuidam Henrico de Alvelde militi commisit. Alterum vexillum Nicolao de Alvelde suo fratri præsentavit ad habendam tutelam super sagittarios. Dictus autem Henricus de Alvelde pompose se habens collecto spolio vacuarum & incendio facto aliquarum domorum de Parochia Lunden & Weddingstede, etiam unum molendinum ad ventum seu *stemulam* destruere aliquandiu nitebatur. Ita ut Dithmartici interim colligere se valebant, & hi duo fratres Henricus & Nicolaus de Alvelde milites nullus alteri deferre volebat, neque præire, quamvis Henricus præire debuisset, sed ut virilis & intimidus appareret, diutius expectavit. Duce autem Gerardo in dicto loco Hamme manente cum suis & expectante, spolio ante emisso, cum rusticis terræ Holtzatiæ versus Hamrow. Et illis fratribus de Alvelde advenientibus scutiferos ante se exire coëgit. Ex quibus scutiferis à Dithmarticis super fossatum advenientibus aliquibus interfectis, & rumore facto inter juvenes, Dux æstimans quod scutiferi ut solent inter se distrigarent ac volens eos compescere, veniens ad locum rixarum, ut sibi videbatur, deferens baculum, propriè citien Blochstöcker in manu, Dithmartici ipsum videntes vulnerando in caput, super quod pileum ferreum non habebat, statim occidebant, nemine de suis armigeris secum existente. Quo occiso statim horribilis inter juvenes clamor & rumor inopinatus factus est omnibus per prædictam sylvam Hamme ad terram Dithmarciæ retrocedentibus, unus contra alium, se invicem prementibus, & ad terram de equis cadentibus præ angustia & timore spes salutis est adempta. Aliquibus
con-

consulentibus & dicentibus equos abjiciendos & pedester-
abundum, aliis vero renitentibus & in suos equis manen-
tibus priores & ante se proprios suos commilitones multos
supprimebant. Et quorqvot de equis descendebant in dicto
loco interfecti manebant. Et quilibet de Holtzatis & exer-
citu Ducis elegit, quomodo extra dictam Hammen exire
valebat. Aliqui dimissis equis ad paludem immeabilem ex
utraque parte Hamme transeuntes æstimando se posse per-
transire, aliqui etiam equitantes ad Heidam, & sic evadere
posse arbitrari qui omnes interfecti sunt, alii & quam plures
per viam Hamme qua intrabant ubi à dextris & sinistris
super fossatum stabant, Dithmartici lanceas in manibus ha-
bentes pertransientes vulnerabant, plures de equis dejicie-
bant ad terram occidentes. Et in hac via plures equi vul-
nerati jacentes & calcitrantes, ita quod inæstimaliter à ma-
nibus Dithmarticorum divina favente gratia evaserunt. Et
dicebatur quod pauci scilicet duodecim nudi de Dithmarti-
cis à principio scilicet Ducem & juvenes scutiferos invase-
runt, & quod Deus cœli dedit illis triumphum tali die. Et
omnes electi de Ducatu Sleswicensi & terræ Holtzatiæ,
tam in Nobilibus quam in civibus & Colonis remanse-
runt. Nam gemma & lucerna Holtzatiæ in præclaris-
simis viris fuit prostrata, illustris Princeps primus Dux
Gerardus Sleswicensis devotus & pius non demeritis su-
is sed Consiliariorum suorum irrecoverabile damnum illis
remanſit. Hennecke Lembecke bellicosus & victoriosus
contra Regem Daciæ. Hic ut agnus occisus fuit. Wolff
Poggewishe miles bonus dictus ab omnibus. Ambo illi præ-
divites fratres Henricus de Sggem, miles Marschalcus,
& ove de Siggem, & quamplures milites in numero ul-
tra duodecimum de Holtzatis, de extraneis Gerardus
Schulte miles, ita quod in numero ultra trecentos nobiles
(L.) 3 illo

illo die in hoc loco fuerunt trucidati. Quorum & omnium interfectorum animæ requiescant in pace. Hac strage facta inventi fuerunt duo scilicet Wolff Poggewische junior & unus Ranzow inter interfectos viventes, quos pro victoria in vita reservabant, per quorum redemptionem castrum in Delfbrugge constitutum viceversa demolitum. Corpora vero interfectorum, præter corpus domini ducis, quod magnis precibus fuit redemptum, & forte aliorum trium vel quatuor, quasi canibus ad devorandum data insepulta remanserunt. Corpus domini ducis in Idzeho traditum fuit sepulturæ: vexillum unum ducis in Meldorpe in Ecclesia aliud in cor terræ, hoc est in Oldenworden in Ecclesia pro memorabili facto alte in baculo ad videndum collocabant. Multa Spolia in electis equis armis vestibus & armamentis de margaritis congregabant. Quia nunquam ante neque etiam postea ad longa tempora recordabantur, ita Holtzatos cum clenodiis margaritis, aureis & argenteis vestibus ad bellum procesuros.

CAP. XXXII.

Hoc bello peracto iterum fuerunt treugæ dithmaticos in terra Holtzatiæ in Egdora & Trëya sine telonio liberos esse, atque nullum damnum per terram Holtzatiæ ipsis ingeri a quocunque; & si factum fuerit statim refarciendum fore, & ita viceversa Holtzatos in terra dithmarciæ sine telonio esse, atque nullum damnum ipsis per eorum terram Holtzatis fieri aliquo modo. Et istis servatis debeat inter Holtzatos & dithmaticos firma pax esse. Ita videlicet quod cui non placuerit sexta hebdomada ante parti inimicitias nunciabit & diffidabit, Et si alicui ex utraque parte aliquid nocitum fuerit de-

debeant majores terrarum Holtzatiæ & Dithmarciæ super hoc in termino in loco placito convenire & damnum planare sine mora. Relicta Domini Ducis Gerardi Elisabeth flebilis & mœsta hæc placita treugarum sub brevi stilo Dithmarticis sigillo suo roboravit necessitate urgente. Ac dithmartici vice versa sigillo terræ suæ consimiliter fieri decreverunt. Patria Holtzatorum isto tempore sub tristitia remanente. &c. Dictus dux Gerardus reliquit post se tres filios heredes, Henricum seniorein septem annorum, Adolphum quasi trium annorum, & Gerardum adhuc in utero matris existentem, ac duas filias unam per Reginam paciæ in Monasterio Wasten in Swecia, ubi S. Brigitta dicitur esse sepulta, ibidem perpetuo ad serviendum domino deo fuit religiosa facta. Altera autem fuit domino Balthazaro de Wenden & eo mortuo Comiti de Oldenborg nuptui tradita, à quo filios generavit, prout superius totum narratum est. Horum trium filiorum mater assumpsit tutelam, & totius terræ dominatum tam ducatus quam Comitiæ Holtzatiæ una cum aliquibus tutoribus, quos dux ante obitum suum constituerat, videlicet Ericum de Krummedick militem, Siefridum, Laurentium Heesten etiam milites cum sociis suis. Henricus Comes Episcopus electus Osnabrugensis diocesis dicti Gerardi ducis Frater germanus in sacris non existens, percipiens necem fratris sui relicto Episcopatu se ad terram Holtzatiæ ut heres transtulit absque mora. Quo terram intrante aliquibus sibi faventibus primo opidani terræ sibi portam aperiebant, & castrum etiam Segeberge restitutum fuit, & demum Rendesborg quamvis eorunt Ducissa matre patruelium suorum & tutoribus cenitum, tamen terram in parte gubernavit. Et unum de capitaneis Hartwicum Heesten in Barmstede manu forti prostravit. Quo vi- &o reliqui Capitanei ipsum regere permiserunt; Et sic fue-
runt

runt bella intestina in terra Holtzatiæ & etiam Ducatus, Quia mulier & multi tutores simul regere non valebant. Neque etiam Comitem Henricum ad regendum in tota terra admiserunt, quamvis in se bonus ex toto fuerit, itaque dissensiones regentium, prædones viarum, exactiones subditorum, & talis error in terra & in vicem malorum futurorum.

CAP. XXXIII.

NAm Margaretha Regina Daciæ, quæ trium regnorum sceptrum gerebat, post obitum filii sui Regis Olavi, non habens in regno suo successorem de domo & stirpe Ducum Pomeraniæ, qui ejus cognati fuerant, unum in Regem Daciæ, Sweciæ & Norwegiæ, quem Ericum in coronatione nominavit, solemniter assumpsit, cum quo distorum regnorum jura possidebat. Hæc Regina ultra modum fuit astuta, videns & sentiens post obitum Ducis Holtzatorum regentium multitudinem & discordiam æstimans Ducatum Jutziæ Sletwicensem recuperare posse, & successive illo ad Regnum Daciæ rehabito cum castris etiam habere viam ad Holtzatos terra marique Civitates de Hensa Lubek, Hamborg fore subjugandas: cum consiliariis regnorum suorum tale subiit Consilium, inter duo quid eligendum. An propter necem dicti Ducis Gerardi in Dithmarchicos filios Ducis orphanos vindicaret, & terram Dithmarchicorum subjugaret? An successive per bonam fidem castra ducatus per pecuniam in pignus acquireret? & majores terræ daciis muneribus attraheretur sibi, & tandem habita voluntate sua in terra Holtzatiæ etiam civitates suppeditarer? & conclusum fuit hoc ultimum sanius esse. Ex post dicta Regina Dominum

Ducissam cum tutoribus ad se vocari fecit, & datis aliquibus de muneribus majoribus & promissis multis facta fuit tutrix & protectrix totius Ducatus. Et castrum Lucketunden pro pecuniis in pignus accepit, ista sub conditione, quod quandocunque rehabere vellent restitui deberent sine damno. Attamen de Frisonibus ejusdem castri subditis contributum tantum eodem tempore recepit, quantum pro pignore exposuerat. Dicebantur insuper dominam Elisabeth filiam Comitis Nicolai, quæ castrum Oppenra habuerat, domino duci Erico de Lovenborg in matrimonium collocavit. Et pro castro Oppenra & aliis redditibus de ducatu eidem duci Erico pecuniam copiosam numeravit, castrum Grodersbui pro pecuniis redemptum Canonicis Ecclesiæ Sleswicensis pro memoria sua & Regum, & præsertim Erici tunc moderni castro destructo redditus assignavit, quæ missa hodierna die in matricula Ecclesiæ Sleswicensis infra summam missam per unum de Canonicis celebratur, & vocitatur Missa Reginae. Seniores Henricum filium ducis Gerardi misit ad regnum daciæ, adhibitis tribus ad serviendum sibi.

CAP. XXXIV.

Domina ducissa & sui consilarii interim in Ducatu regnabant. Et Consules oppidi Flensburg sub fide vocatos ad se capiebant, quæ perfidia operabantur, cives Flensburgenses timorosos ac etiam majores nobiles Nicolaus Lembeke dominus castri Dorninghe & certi alii & Ericus Krummedicke inter se discordantes fecerunt occasionem mali. Regina autem longe se in regnis absentabat. Et filius ejus adoptivus Rex Ericus ut rector regni propter prædam, quæ facta fuerat ab Holtzatis ipsis Danis dominum

(M.)

Henri-

Henricum Comitem, & omnes majores terræ ad diem placiti ante se Koldingæ vocari fecit, & damnum undecim millium marcarum per rapinam irrogatum restitui postulavit.

Henricus Comes cum suis respondebat plura immissa à Danis ipsis Holtzatis damna, quæ nondum restituta fuerant. Unde dictus Rex ad Comitem Henricum dixit: domine avuncule, vultis tamen in jure ad prædicta respondere Ad quæ Comes asseruit se semper paratum, quo verbo prolato, quod paratus esset in jure respondere, sibi: Rex dixit sibi paratus sum propter causas me urgentes navigare in Funiam, ubi domine Comes me sequimini, si verbum vestrum verax est & firmum. Rege navigante Comes propter verbum prolatum Regis astutiam non intelligens cum paucis de suis Consiliariis securus est Regem ad castrum quoddam in Funia Hinfegagel, ubi Rex comparente Comite ascendit tribunal judiciale, & judicialiter conqueri fecit contra Comitem Henricum, ita etiam ut apparuit viram ejus adimendo. Quare inter Regem & Comitem aliqui se interponentes consuluerunt Comiti se dare ad Regis gratiam. Et obinde Rex postulabat civitatem Flensborg cum castro Nigehus in pignus pro dictis undecim millibus marcis per rapinam à suis per Holtzatos ablati ad unum annum impignorandum. Et anno elapso vel pecuniam prædictam solvendam, vel civitatem cum castro pro pignore remanendam. Et hæc oportuit Comitem promittere sub bona fide, si viram volebat retinere. Ac etiam Rex viceversa promisit si aliqui de Holtzatensibus per Danos fuerant damnificati retro actis annis, quod tale damnum elapso anno deberet compensari. Et ita factum fuit. Nam dictus Henricus Comes fidei fractor fieri nolens, quamvis liber de manibus Regis fuit, & sibi aliquoties prædictum fuerat, in Rege & da-

nis non esse fidem, & quod civitatem & castrum nunquam sponte restituerent Dani, si ad eorum manus devenirent, Hæc non curans voluit credere Regi, qui sibi promiserat civitatem cum castro restituendam. Et perpetuam pacem exinde consecuturam, quia Rex cum magna potentia appropinquabat civitati Flensburg. Et nisi tradita sibi fuisset civitas videbatur aliquibus posse per vim civitatem accepisse. Comes Henricus fidelis in promisso civitatem Regi ut prædictum est tradidit, cum castro Nigehus quod ad medium milliare prope civitatem per Comitem Nicolaum ob defensionem ejus primo fuit constructum. Et civitas Regi ista vice tradebatur, Consules & commune civitatis bene trina vice prædixerunt Comiti & suis, quod non traderent sic leviter civitatem Regi, & si semel jurarent Regi fidelitatem non faciliter revenirent ad manus Holtzatorum. Rex autem habiris civitate & castro statim fecit civitatem fossato profundissimo sicut hodie apparet, & altiori muro circumduci & muniri. Ac etiam montem qui est super civitatem consimiliter circumfodi fossatis, & palis & aggere invincibiliter præcludi. Anno autem elapso Comes & tutores prænominatam summam pecuniarum undecim millium marcarum volentes exsolvere sicut promiserunt, & civitatem cum castro retinuit, neque illata Holtzatis damna conscripta refarcivit, sed semper de die in diem novas discordias & dissensiones adinvenit.

CAP. XXXV.

INterim Regina quasi hæc ignorans appropinquavit & ad Ducissam venit in Sleswig & omnia componere volens multa bona promisit, & se dolere de facto Regis simulavit, & si sibi fides totalis attribueretur, Ducissa cum filiis & o-

mnēs sui benē stare deberent. Et postulavit sibi sub fide præs-
 sentare castrum Gottorpe nisi ad unam horam ea de causa
 quod Dani audientes talem esse inter eos concordiam fi-
 erent per amplius pacati cum Holtzatis. Ducissa confidens
 verbis & promissis Reginae, eam ad castrum venire permit-
 tebat cum aliquibus Consiliariis majoribus regni Daciae,
 & cum multa sequela, quamvis hoc interdictum fuit. Re-
 gina castrum intrans turrim facta cruce osculabatur & cla-
 ves postulabat, quibus traditis Regina cum Ducissa ad men-
 sam simul manducabant. Regina autem cum uno de suis
 Consiliariis nomine Henning Scharpenberg milite habuit ver-
 bum absconditum. Qui Henningus Scharpenberg respexit
 ad turrim & vidit ibi aliquos bibentes & ludentes. Nam Ad-
 vocatus castri eo quod commodum haberet propter nimiam
 multitudinem populi Reginae, unam lagenam cerevisiae
 duci fecit ad turrim ex casa, at dictus Scharpenberg aestima-
 vit turrim plenam esse armigeris & balistariis ex providentia
 factum, ad Reginam intravit, & Regina ad eum dixit, est? i-
 ipso respondente, non, eum ad se vocavit secrete, qui retulit
 vidisse turrim plenam hominibus. Quo audito, cor Reginae
 expavit & flere amare incepit, exsurgens dixit ad Ducis-
 sam, non invenio fidem, male stabis tu & tui, & nisi vis
 fuissent tales in turri, castrum per dolum retinuisset semper,
 sed gratias Deo sic recessit inanis. Demum Ducissa intel-
 ligens dolum Reginae amplius de ea non fidebat, & mittens
 nuncios postulavit filium suum ducem Henricum de
 Dacia, quo remisso factae apertae per amplius inimicitiae in-
 ter Reginam, Regem & Holtzatos. Regina iterum longe se
 in regno Sueciae collocabat, & interim Rex congregavit ex-
 ercitus ante castrum Sunderborg. Ubi quidam prae potens
 miles Abraham Broderfson de Suecia, etiam cum suis ante
 castrum praedictum posuerat. Rex appositis machinis &
 bom-

bombardis ante castrum in aggeribus nihil proficere poterat, hæc videns ad extremum dolum, quem in corde gerebat, contra dictum Abraham militem ipsum de stupro accusari fecit, & obinde decapitari. Quia hic miles plures habuit in Swecia famulos quam Rex, & Regina interim castra quæ tenuerat dictus miles, reaccepit sibi. Et ita Rex de castro prædicto Sonderborg confusus recessit. Ex post Dani de Jutzia, Scharpenberg, Magnus Muncke, præpotentes milites cum multis aliis complicitibus suis in Flensburg magnum collegerunt exercitum ante castrum Swaffstede, quod Episcopus Johannes Regi tradiderat, Fresiam intrabant & exinde spolia afferebant: Illo autem tempore Comes Adolphus de Schowenborg suis patruelibus impuberibus adiutor existens in Gottorpe, audito hoc cum Holtzaris nec non Bremensibus ad campum obviam Danis prorupit, & constantes unanimes voluntate in plano campo prope villam Eggebecke in Danos irruerunt, & multos ex eis occiderunt. Reliquos vero captivantes & tot quot captivi ad redimendam vitam suam sexaginta millia marcarum solvebant. Et unus omnibus dictior Magnus Munckoccifus, Scharpenberg captus, qui pro se solum decem millia marcarum exponebat. Ibi in spolio fortiendo fuerunt equi Danorum præ electi in numero quasi mille & octingenti, & arma multa & tot fuerunt eorum, quod dictus Johannes Episcopus Slesvicensis, qui partem Regis tenuit & in Flensburg fuit, quando eos ad spoliandum exire vidit, quod dixerat ad Constantes sibi, Deus benedicat hos euntes ad spoliandum. Nam tot sunt & ita armati & bellicosi quod in vincendo Rhenum visitare possent. Hos Deus altera die remisit inermes, inequestres manu ad manum se tenentes. Et hic triumphus dedit postmodum semper cor magnanime contra Danos Holtzaris ad pugnandum. Nam unus Holtzarenfis fuit in

bello bene contra Danos quinque. Etiam Holtzati videntes civitatem *Flensburg* esse propugnaculum Danorum, & quod Dani eam restituere volebant, Ericus Krummedick cum aliquibus holtzatis clam in nocte prope aquas intravit eandem & accepto monasterio & successive civitatem obtinebant: viceversa Rex obrento monte prope civitatem & castro desuper navigio ante civitatem cum magna potentia suorum se congregavit ad expugnandam civitatem. Ducissa autem vocans fratres suos Bernardum & Henricum Duces *Brunswicenses* cum magno exercitu ultra mille & quadringentos equos, venerunt in subsidium sororis suæ & filiorum ejus. Ubi Regina & Rex percipientes adventum tantorum de remotis partibus terræ, placita cum Domino Henrico Duce *Brunswicensi* statuerunt, & montem *Flensburg* restituere promiserunt, sed abeunte exercitu peregrino, Rex montem retinuit post ut ante. Attamen Holtzati civitatem non deferentes custodiebant eam, & iterum vocatus dictus Henricus Dux *Brunswicensis* cum aliquibus sed non tantis revenit in *Flensburg*. Quo in tempore facta fuit pestis in civitate fluxus sanguinis, quod oportuit eos recedere sine fine. Tunc Rex reassumta civitate, aliquos de consilibus fecit propter perfidiam, quam præsumebat de eis in rotis truncari & civitatem cum castro supra montem fortius communiti atque custodiri.

CAP. XXXVI

Ericus Krummedick miles prædictus qui fuerat potior Capitaneus inter tutores & major consiliarius forte quod non erat à Ducissa ita gratus reputatus, ut aliquis alter, & quia etiam plura exposuerat pro ea quæ sibi restitui postulans, forte etiam æstimans, terram Holtzatiæ contra potentiam

tentiam Regis non posse subsistere; cum aliquibus terræ Holtzatiæ Ottone de Knop, Timmone & Elero Ronnouwen militibus & etiam aliis armigeris, Marquardo & Nicolao de Wisch & uno Sestede facti fuerunt subditi & homagiales Regi, & à Rege castra & munitiones cœperunt contra Holtzatos. Illis diebus Rex fecit construi castra plura, unum prope Sligesmunde dictum Koningesborgin Swantze, item Wildtsponge. Item prope flumen Treya castrum à parte Ducatus. Quibus castris munitis collegit iterum magnum exercitum tam terra quam navigio ante civitatem Sleswicensem & in Insulam Jurgensborg tentoria sua stravit. Dominus cœli dedit Holtzatis ire super aquas cum equis, & ad naves applicuerunt, & ad Insulam Jurgensborgh sine navibus & omnes spoliabant & necabant. Ex quorum danorum una navis Archi-Episcopi Lundensis à piratis Kylo-nensibus fuit deducta, in qua navi fuerunt multæ cistæ cum vestibus pretiosissimis & ornamenta Archi-Episcopalia scilicet mitra, baculus, missalia, balsamum, lapides pretiosi, biblia & libri & multi ludi Schacki nec non multæ parvæ banderix Regis. Et præsumebatur in ea fuisse etiam aurum & argentum multum. Cum hac navi Archi-Episcopus voluisset fuisse in Sleswigk & in ea exercuisse officium pontificatus Archi-Episcopalis Eodem tempore fuit demolitum castrum Wildtsponge. Et postmodum castrum Fresenberg & castrum Koningesborg vacuum remiserunt, & etiam castrum Lidkerundern à Danis fuit recuperatum. Pro quo facto Ericus Krummedick tunc vertitoga multum doluit. Nam Regina & Rex illi hoc castrum commiserunt. Et ipsæ ulterius cuidam Nicolao de Tynen, à quo Holtzati hoc capiebant. Quapropter ex iussu Regis dictus Ericus cum Timmone Ronnouwen magnum exercitum collegit, & ante castrum prædictum ad expugnandum illud bellum moyebant;
Et

Et cum accesserunt ad castrum dictus Timmo Ronnowe miles veritroga in fossato sagitta percussus expiravit, quo defuncto reliqui recesserunt. Sed postmodum Holtzati dictum castrum fortius munierunt, etiam Rex alium alio tempore collegit exercitum magnum navigio contra illos de ymbria, quorum terram primo aggressu vincens, & illi de terra sibi omagium fidelitatis præstiterunt. Et castrum in quo Henneke Ratlow advocatus fuit, cum exercitu aggrediens vi expugnavit, & dictum Henneken desuper captivavit. Quo castro in possessionem adepto fortius per aggerem circum amictans fieri fecit. Illis diebus cum Consules Lubecenses à Communitate sua fuerant expulsi, & querelam contra communitatem apud Imperatorem deponentes, & per sententiam ejus restituendos eos demandaret, nemo sententiam imperatoris executioni mandando paruit. Sed solum Rex Danorum Ericus una dierum omnes cives de Lubeck in Schania insimul captivavit, & eorum bona rapuit violenter, qva de causa si cives Lubecenses à captivitate liberari deberent, oportuit Communitatem suos Consules reacipere sine velle suo. Ideoque dicti consules inierunt cum Rege *Confederationem*, & ligam contra quoscunque. Istomodo: quod Cives de Lubecke, Hamborg, Luneborg, Wismar, Rostock, Sundis, Griepswald & Anklen deberent & possent omnes perpetuo tempore visitare terra & mari regna Daciæ Sveciæ, Norwegiæ sub antiqua libertate, & si Regi incumberet guerra à quocunque, & ipse Rex paratus esset in jure respondere, tunc ipsi Consules civitatum prædictarum ipsi Regi mille armigeros suo damno & sumtibus Regis quando ad eum applicarent, deberent Regi procurare. Eodem modo si civitatibus prædictis emergeret bellum, Rex ipsis cum mille armatis succurrere deberet. Et quod quolibet anno in Schancer Consiliarii Regis & consules prædictarum civita-

civitatum deberent in unum convenire, & si cuiquam damnum illatum ab altero fuerat, ipsum hinc inde deberent amovere & planare, & istud pactum sive conventionem Rex suo juramento, Consules similiter nec non literis & sigillis sibi in vicem confirmabant, & indictam ligam Rex Dithmarchicos etiam ipsis ad se vocatis attrahere satagebat, sed Dithmarchici prudentiores in hoc consulibus civitatum nolebant consentire, quamvis Rex eos sæpius ad se accersiri fecit, & muneribus datis ipsos honoravit, & semper ad hunc finem ut simul secum contra Principes terræ Holtzatiæ conspirarent. Et ita fieri promiserunt, ista sub conditione, quando ipse Rex terram Holtzatiæ cum potentia intraret, tunc ipsi Dithmarchici ante castrum Hanrowe se ponere vellent, & illud expugnare.

CAP. XXXVII.

Iterum dictus Rex collegit exercitum majus omni videlicet centum millia hominum & ante Sleswik & Gottorp castra metatus fuit. Quid factum est. Divina dispositio, quæ semper Holtzatis favebat, etiam tunc inspirabat Comiti Henrico ut intraret civitatem Hamburgensem ad petendum ab eis subsidium trecentarum marcarum vel circa & quod patrueli Duci suo Henrico totidem in victualibus proterinendo castrum Gottorp contribuebat. Et cum intrabat civitatem habuit paucos penes se consiliarios. Cum tota expeditio terræ Holtzatiæ ad defendendum Gottorpe & Schleswick fuerat ibidem. Cum quo quidam Henricus Brocktorp præsens fuit. Qui Henricus Brocktorp consuluit. Domine non spondeo modicum & exiguum ab ipsis petere, sed peratis ut cum omni potentia sua, armis, balistis, machinis, cum expensis & omnibus civibus suis personaliter contra tam

potentem Regem procedentem ad destructionem rotius terræ, nos & patruelles vestros impuberes adjuvare velint. Et melius hoc fore in Gottorpe quam ante proprias portas suas, & nisi fecerint, vos peramplius nos defendere non poteritis, & svedeo quod personaliter loquimini ad eos hæc verba. Hoc consilium bene placuit, quamvis finaliter pecuniam nisi adoprabat. Comes vero de mane cum curru suo cum claudus & contractus in membris fuerat, magnanimus tamen animo ante palatium Consulum se duci fecit ubi in ponte Tresteburget capitei sexaginta illo tempore electi stabant cum civibus, & ante palatium stabant consules, & in eorum medio Comes Henricus de curru loquebatur & petivit, se & patruelles suos tota potentia contra Regem adjuvari, Consules improvide dixerunt, magna est hæc petitio. Cives ex opposito dixerunt, Grandia posse peti & possibilia & necessaria exaudiri. Et longe utilius fore ante Gottorpe castrum Regem expugnare, quam ante civitatem Hamburgensem. Et ita Consules seorsum, & cives inter se consilium inierunt. Revertentes Consules in pecuniarum summa subvenire desponderunt. Comes autem recepta fiducia verborum, civium, proposito primo mutato, respondit, solum esse necesse cum potentia tota succurrendum, viceversa Consules allegabant libertates, quod non tenerentur sequi ex debito, neque subvenire & receperunt cives ad se proponentes eis, faciliter posse perdere privilegia quibus tunc erant principibus terræ, quo ad hoc in nullo teneri, & incipiendo cum Rege Daciæ guerras, & se facere principalis pesser civitatis esse perditio. Tandem quicquid Consules allegabant, cives semper dixerunt, non esse curandum, sed essent omnes prout suis Dominis etiam cum tota potentia subvenire finaliter conclusum fuit, Regem velle diffidare, & usque ad finem huius adiutores perseverare. Itaque quod Holtzman ab

eis viceversa nunquam declinarent, & literis super considerationem hinc scriptis & sigillis vix eisdem partibus presentatis, venit nuncius, quod Rex civitatem Sleswick expugnasset, & in sua eandem haberet possessione. Et quod Dominus Albertus Dux Magnopolensis cum suis ac Holsatici nobiles multi, qui in civitate eadem fuerant, videntes tam ingentem Regis potentiam, se cum rebus suis liberabant, & Regi ad nutum suum civitatem tradiderunt. Quos tamen Rex antequam eos abire promisit, strinxit promisso, quod pro illo tempore contra eum nihil facere deberent. Comes vero Henricus hæc audiens adhuc in Civitate Hamburgensi existens, currum præparare fecit, Hamburgensem litteram diffidationis una cum portatore litterarum earundem secum assumpsit, atque in auxilium patruelium suorum ad castrum Gottorpe properavit. Veniens in Rendesborg Domina Ducissa cum filio Duce Henrico in hospitio existens & castrum Gottorp, eo quod civitas Sleswick victa esset, pro derelicto habentes, Dux Henricus tristis existens, assurrexit Seniori Domino Henrico Comiti eum salutando. Vice versa Comes Ducem de tristitia redarguit dicens Patruelis cur tristaris, recipe fiduciam, quamvis Rex civitatem Sleswick expugnavit, tamen castrum Gottorpe nunquam habebit. Quo retento & habito rotus Ducatus Sleswick recuperari potest, nuncio tibi bona nova. Ecce hic mecum porto Hamburgensium contra Regem diffidationis & inimicitiae litteram. Ideo gaude, & esto latus. Quo verbo audito, cum pro illa vice alia non erat spes retinendi Gottorp castrum, juvenis Dux gavissus est valde, & omnes, qui audierant hæc nova, lætati sunt. Altera die Dux assumptis secum omnibus ibidem in Rendesborg existentibus in Gottorpe equitando, nuncium Hamburgensem cum littera assumens misit per exercitum ad Regem sibi voluntatem

rem *Hamburgensium* intimando. Hic nuncius fuit caute-
 losus cum venit ad Regis exercitum maximum ad centum
 millia hominum literam unam sigillatam in alto baculo af-
 fixit, dicens ad se venientes, Date mihi viam, & reducite
 me ad Regem, porto literam pacis. Et sic per exercitum
 transiens, equester venit ad Regem & præsentata sibi litera
 & perlecta, cor Regis expavit, & nuncium diligenter custo-
 diri fecit. Statim congregatis Consiliariis regni, consulu-
 it, quid faciendum. Nam fama volavit, quod *Hambur-*
genses una cum *Dithmarticis* & aliis multis stipendiariis,
 cum tota potentia jam fuissent in via proximantes. Quare
 visa etiam litera diffidationis *Hamburgensium*, æstimabat
 famam esse veram. Illa nocte sua castra & tentoria fregit,
 & ante castrum *Gottorpe* per *Dennewerck*, dimissa civitate
Sleswicensi consulibus custodienda ad opidum *Eckernfer-*
de expugnandum se transtulit sine mora, & opido capto &
 combusto per flumen *Slyg* multis de suis submersis fugam
 coepit, & reversus ad sua. Et illa vice Deus omnipotens ca-
 strum *Gottorpe* custodivit. Hoc castrum Reges Danorum
 quamvis sæpe conabantur habere, tamen Deus *Holtzatiæ* in
 præsidium terræ suæ incolume custodivit.

CAP. XXXIX.

Henricus Dux *Braunsvicensis*, de quo supra cujus soror
 Ducissa *Sleswicensis* erat, pro expensis & damnis suis,
 eo quod sororem adjuvabat habuit castrum *Gottorpe*, *Plo-*
ne, *Haseldorpe* & *Hanrowe* pro pignore suo. Et hic Dux
 computabat damnum suum ad sexaginta millia marcorum
Lubecensium. Qui pro his solvendis pecuniis multas ex-
 actiones & collectas in terra *Holtzatiæ* fieri fecit. Quibus
 non sufficientibus castrum *Gottorpe* Regi *Daciæ* pro nar-
 rata

rata summa pecuniarum impignorare deliberavit. Ita videlicet quod Ericus Dux Saxonie de Lovenborg ad Regis imperium & ad fideles manus juvenum ducum donec pecuniam solveret, observare deberet. Quod Rex fieri decrevit faciendum. Sed Ericus Krummedick miles, aestimans dictum castrum ad manus Regis alia vice scilicet per potentiam venire posse, consuluit Duci Erico non tradendum castrum, sed per se ipsum capiendum. Margareta Regina Dacie predicta inventrix horum omnium, trium regnorum Domina cum in fine vite sue, sicut Deo placuit, cum ex hac vita exire deberet.

CAP. XXXX.

Circa idem tempus dictus Ericus Dux Saxonie multa meruenda machinabatur, mediis depradationibus & incendio contra Holzaros, & corruptus pecuniis Regis Erici Oldesloo combussit. Attamen Deus non permisit hoc, nefas Ducis de Lovenborg inultum, cum ipse solitus fuit colligere raptores & stratilegos, sicut ex communi verbo dicitur: Similis similem sibi quarit: Lubecenses & Hamburgenses vinum receperunt ab eo duo castra. Et sicut iste Dux Saxonie, ita & alii principes de Stettin, Wolgast, *wenden* & Mecklenborg saepe fecerunt. Nam illi duo Johannes & Albertus non habentes legitimam causam diffidandi Holzaros, occasionem quarebant repostulantes dotem nominatam Annæ relicte Comitis Adolphi, quæ dictorum Principum fuit matertera sex millia marcarum, quæ tamen dudum præmorta fuit. Et nisi solveretur eis dicta pecunia in certo die nominato, & nisi super his Henricus Comes & Henricus Dux ad diem placiti in Prigwalch prope Travemundus responderent, vellent exinde esse eorum inimici Anno Do-

mini millesimo quadringentesimo decimo quarto. feria quarta proxima ante festum beati Jacobi Apostoli:

CAP. XXXVIII.

Ditmarci fidei sponsonem ratam iterum non tenentes, pacis foedera quæ sub Treugarum certo tempore juraverant inviolabiliter cum Illustribus tribus Ducibus Germanis Domini Sleswicensis observare, temere dissolverunt. Nam interim quod Rex Ericus ex copiosa multitudine armorum de tribus regnis suis collecta dirigeret varios exercitus per mare simul & per aridam, sive terram ad devastandum sive subjugandum sibi ducatum Sleswicensem pariter & Comitatum Holtzatiæ; prædicti Dithmartici navigio potenter cum armis & instrumentis bellicis intraverunt Egdorani mo seu intentione vindicandi mortem quatuor viro- rum Dithmarticorum, qui ratione furti dudum ante *secundum leges Frisonum* judicialiter sententiati suspendio interierant. Applicatis itaque navibus suis ad ripam fluminis juxta villam Tunningen memorati Dithmartici reje-cto juris tramite, quæ requirere debuissent justitiam pro injuria, si quæ fuisset eis ab incolis terræ illata, dirè sæviebant in eos, terram ipsorum cum incolis suis depopulando destruere molientes. Sed Frisones Dithmarticorum impetum repellere satagentes, sese fortiter ad invicem hortabantur, ut pro defensione patriæ suæque propriæ salutis obtentu, vim vi repellendo audacter concurrerent seu resisterent inimicis. Atque ita ad pugnam congressi belli commiserunt conflictum. In quo ex utraque parte plurimi corruerunt. Frisonibus tamen cessit victorioso triumphus, Dithmarticis ipsis qui vivi super-erunt in fugam conversis, & in Egdora timore desperati-onis se ipsos submergentibus. Naves quibus illuc adven- rant Frisonibus, sunt relictæ. Postquam vero perceperunt
in

in Dithmarciâ suorum stragem & interitum sicut præmittitur factam recenter in bello contra Frisones commisso, convenerunt Dithmartici quasi Vir unus ad deliberandum quid facto opus esset. Et habito communi consilio super novo bello sine pugna contra Frisones celeriter expediendo mox cum eorum tota potentia ad Egdoram prope terminos Borthsand navigio pervenerunt. Quos ut Frisones viderunt in armis bellicis jam paratos & potenter compositos in campo ad instruendum contra eos bellum fugere cœperunt, terga vertentes. Dithmarcici vero sine mora Frisones Insequuntur fugientes & captivantes & inhumaniter trucidantes, quos apprehendere potuerunt, igne ac ferro totam pene patriam grassando devastare cœperunt, in tantum quod incendio seu per incendium destruxerunt domicilia Fresonum scilicet Vollerwick, Welte, Loten, Katter, Menkerspel Cotserbul, Tunning, cum villa Tunningen, demta sola Tunning-burbach Parochia vero Adenswerd, & viceversa terra Everschop & Utholm persecutionis rabiem evadere volentes Dithmarticorum præveniendose prece & precio redemerunt, dictis Dithmarcicis dare vulgariter Dingthal paciscentes. Incolæ siquidem in Everschop communi voto dare promiserunt quingentas marcas. Illi vero in Utholm septingentas marcas. Et parochia Uluesbul sexcentas marcas. Quibus peractis Dithmartici celeriter ad propria sunt reversi. Ceterum proximo & sequenti tertio anno Dithmartici promissam sibi pecuniam à præfatis Frisonibus per vim expetere properantes nocte devastarunt parochiam Widdeswurdt. Et in sequenti die Parochias Aldenswurdt, Uluesbul, Grote, Alurssel igni combusserunt. Quod illi qui Tonningen inhabitabant prospicientes, se iterum magnis pecuniis & precibus redemerunt. Similiter Parochia Coren, Corsebul & Vullerwick pro sui redemptione

one pecuniæ summa promiserunt, Parochia cum Carharinen Karspel de tota fuit combusta, & Tetenbul in parte. Quibus itaque peractis sæpe dicti Ditmartici cum suo crudeli exercitu iterato circa terminos Parochiæ Gardingen hostiliter apparuerunt, ubi majori ferocitate quam in aliis terminis prius fecerant debacchantes nemini parcere voluerunt unde sacerdotes Domini sperantes eorum furiam mitigare, cum adorando corpore Christi obviam eis procedentes, ipsorum Frisonum copiosa multitudine de Everschoy contra Dithmarticos congregata prope cœmeterium retro sacerdotes remanente mirefcit mirabiliter Dei virtute rantes & furor hinc & inde. Sed Frisones imbecilles ac impotentes ad resistendum & bona patriæ defendendum se videntes, tractatum concordiæ sive pacis inire coacti sunt, Cujus rei gratia obligarunt se juxta Ditmarticorum verbum solvere magnam & numerosam pecuniæ summam videlicet triginta millia marcarum pro quingentis, sive quindecim vigenis Ditmarticorum in priori conflictu circa Egderam, & in eo alto necatorum. Ad persolvendam autem hujusmodi promissam pecuniæ summam, supradicti Frisones, pro duobus necatis unum obsidem vivum de Frisia libere posuerunt, pro Frisonibus vero, qui bellicose circa Egderam quasi in proprio foco perierant numero quasi septimo vigenario nulla pecunia à Ditmarticis solvebatur, verum tamen Parochia Simensberge & Lundenberge per Dithmarticos fuerunt specialiter exacti, utpote ad nonaginta quatuor marcas. Ad hæc tamen præmissis non obstantibus astringebantur Frisones in Eiderstede, scilicet igne & ferro sicut præmittitur devastati fuissent, ad solvendum per triennium, quolibet anno speciale tributum pro suis propriis adibus juxta.

Deest hic folium unum.

CAP. XLI.

Comes vero Henricus in cuius sorte erat terra Fimbria, quam Rex vi possidebat, eodem anno domini millesimo, quadringentesimo decimo sexto doluit de perditione illius, & congregari fecit populum suum valde secrete, fama volante quod castrum Plone, quod tunc Fridericus Schulte ex parte dicti Domini Henrici ducis Brunswicensis possidebat & retinebat expugnare vellet. Et congregato exercitu Henricus Dux Sleswicensis etiam cum suis advenit, & in villa Grotenbord ante passagium maris ad terram Fimbriæ cum exercitu pernoctabant, prope testum Simonis & Judæ post medium noctis Comes & Dux cum consiliariis suis conveniunt, tractando qualiter terram capere possent absque pœna. Ubi aderat quidam Vir gnarus & prudens consiliarius Domini ducis nomine Schacko Rantzow miles prædixit & dixit: Domine Comes, vestra est hæc congregatio nobis nescientibus habetis aliquos scientes qualiter terra hæc sit vincenda. Tunc unus presbyter nomine Johannes Keding, qui dixerat omnia esse ad eorum nutum disposita, & quod nullus vigil prope passagium maneret, neque aliqua campana dabat vocem nocte ista. Iterum dictus miles Schacko dixit, Domini mei, magna res est ad unius presbyteri vocem Principes nostros & duas terras perdere posse. Nam incolæ in terra Fimbriæ sunt Regis Daciæ sub præstito jramento subditi, & nostri inimici. Dictus autem presbyter respondit: Qui timet se, hic manet. Assignentur mihi ballistarii pyratæ & ego cum illis terram ingredi ausus sum.

(O.)

Ad

Ad quod verbum multi Holtzari dixerunt. Quando hoc opus fuerit, non indigerent eo, neque eum antecedere debere. Interim quidam miles Paulus Breide, Capitaneus in Oldenborg cum quodam nauâ de Wismaria, nomine Tydeke Reeper advenit. Qui nauta verbum dicti presbyteri confirmavit, addens quod in eadem hora fuisset in terra, & vigiles recesserunt à custodia. Et de ipsorum adventu in terra Fimbriæ nondum erat rumor, & quod navis sua adesset prope eos, de qua lumen vellet transeuntibus revelare. Etiam ante ortum diei major pars exercitus venit ad siccum Fimbriæ ipsis in terra nescientibus. Mane autem facto & recepto quod Holtzari adessent, omnes campanæ fuerunt in terra compulsatæ, & apparebant habitatores terræ in campo omnes equestres. Sagittarii Holtzatia adversus eos procedebant. Tandem nuntii inter mittebantur, inter quos Dominus Hermannus Burenkorn Ecclesiæ Parochialis Borch, consiliarius dicti Comitis Henrici, & quæ pacis fuerant postulabant, & se subdiderunt, & cum hoc sex millia marcarum exsolvere promiserunt. Capitaneus in castro Iwen Brucke miles qui priore die Barcam de Travemundis in cistis, in quibus fuerant pixides & species pro eis, ac balistæ & arma pro defensione sua habuit ut dicebatur à proconsule Henrico Rapesulner & aliis Lubecensibus missam cum litera custodia. Hic per totam noctem fecit duci ad castrum cerevisiam, brasium, farinam avenam & hordeum. Ante quod castrum Comes Henricus Dux Henricus tentoria figebant, & per octo hebdomadas ante castrum illud omne die impugnando cum machinis & bombardis jacuerunt. Lubecenses ante castrum habuerunt magnam navim Holk nomine vel Rogge, in quam navim dictus Iwen Bruseke una nocte clam receptus fuit, & ad terram Daciæ missus pro velle suo. Qui postmodum cum multis navibus reversus castrum volens

volens redimere, sed non poterat, ad ultimum quando non amplius habebant in victualibus se & castrum tradiderunt.

CAP. XLII.

Septimo anno Rex iterum collegit magnum exercitum navigio ad recipiendam dictam terram expeditionem fecit, & quasi totam terram navibus circumdedit, & prope insulam Vlugge majores naves collocavit, in quibus armati multi apparebant, & ibidem aliquandiu dimicavit. Et subinde dimissis magnis navibus cum apparentibus armigeris in parvis navibus Pincken ad commune passagium properabant, & illico antequam omnes de terra congregari possent naves, exeundo, pluribus hinc inde interfectis, Dani siccam terram receperunt. Et postmodum equis adductis, quotquot invenerant masculini sexus in ore gladii crudeliter occiderunt, aliquibus fugam capientibus ad Ecclesias, præsertim in opidum Borch, extractis inde vestibus quoque; exutis in Cœmeterio lacrimabiliter ducendo nudos ferociter necaverunt, sacra loca, Ecclesias & cœmeteria una cum Sacramentis & sacro sancto corpore Dominico heu, heu exsecrando enormiter inaudita faciendo, violabant omnem terram, omnes domos spoliando. Et demum omnes domos & Casalia totius terræ comburendo, & neminem in ea permiserunt remanere. Sed captivos ducentes omnes viros remanentes mulieres, virgines & infantes. Ex quibus, prohdolor propter inopiam peiores effecti, viri facti piratæ, virgines meretrices & adulteræ, tanta inhumanitas à paganis & barbaris nullibi legitur, quanta in hac terra facta ab his qui Christiani dici debent. Hic Henricus Holtzatiæ Comes ultimus quamvis debilis in membris suis fuerat, videlicet podagricus & artriticus, tamen utilis terræ fuit. Dilexit cultum Dei, & etiam pa-

trueles suos, quamvis consiliarii utriusque partis aliquando aliter sentiebant. Hic etiam fecit revocare patruelem suum Ducem Adolphum, qui missus fuerat ad Burchgravium Nürembergensem & ei in vita sua Castra Segeberg & Rendesborg tradi fecit. Quem etiam plus aliis Fratribus dilexit æstimans & considerans per hunc salutem patriæ procurari. Nam de dicto Adolpho Duce, dum adhuc puer erat, dicebatur, quod supra dicta Margareta Regina Dacæ una dierum fecit Ducis Gerardi filios impuberes ante seduci, & seniori Duci Henrico dedit clenodium ad pileum suum, etiam duci Alphonso dedit consimile ad pileum. Quo viso juvenis pileum ad caput habere noluit, fecit idem clenodium ad manicam alligari, quod cum manibus fricando ibidem sustinere noluit. Tandem retro fuit illud affixum vestibus ipsius, tunc puer sedit dorsum ad scammum sæpius reprimendo. Quod supra dicta Regina videns dixit & forte prophetavit. Tu eris inimicus magnus regni mei. Comes Henricus una dierum existens in monasterio Bordes-holm fuerat sibi relatum de quadam *voce angelica*, quæ ibidem inter psallentes in choro sæpius ab aliquibus multum dulciter audiebatur, quam vocem ut etiam audire posset multum desiderando se ad Ecclesiam duci fecit. Et tunc vovit si Deus sibi hanc vocem audire permiserit, vellet dona sua monasterio pro sui & parentum suorum memoria elevari. Et cum vocem hanc audiverat, reddidit vota sua & iudicium villæ in Looppio perpetua memoria sua & parentum suorum omni anno singulariter cum vigiliis & missis solemniter peragenda memorato monasterio tradidit ad usum, dictusque Henricus post plurima sua bona opera non solum patriæ & lucri temporalis, sed spiritualium personarum athleta fortis circa annum Domini 1421. obiit in pace & sepultus est in Itzehœ sepulchro parentum suorum.

CAP. XLIII.

Ericus Rex Daciæ, qui ad longa tempora fuit inimicus Holtzatiæ, circa prædictum tempus colligi fecit exercitum ad destruendum terram Altzen, sicut Fimbriam, & capitaneum constituit, dictum Iwen Bruseken magnum tyrannum & quando applicare volebant terræ, dictus Iwen subito expiravit & ventus validus naves hinc inde dispersit. Et sæpius Dani congregati fuerant ad hanc terram desolandam, sed semper Dominus Deus pugnavit pro eis. Nam inhabitantes terram Altzen voverunt omni anno ad *sanctum cruorem in wilsmarcke* munera sua mittere, & semel miserunt ibidem calicem unum pensantem sexaginta marcas, & ipsi in terra sua erexerunt unam capellam, in honorem sacro sancti corporis Christi & sanguinis Christi. Ad cuius cultum peragendum quilibet in terra illa omni anno dat dona sua. Rex Ericus percipiens Hamburgenses esse contra se, aliam viam vincendi terram Holtzatiæ quam propria vi excogitavit, qua Hamburgenses excluderet, & civitates & Principes sibi in auxilium convocaret, & proponi querelis fecit. Quomodo Comites Holtzatiæ contra iustitiam terram Ducatus Sleswicensis ad regnum Daciæ pertinentem possiderent, hanc querelam proponi fecit in curia Romana & Papa signavit & causam commisit & reportabatur de curia Romana rescribenda conquesti illius. Insuper in curia Regis Romanorum, & coram Principibus & Civitatibus & etiam Dithmarticis multas querelas proponi fecit. Consules civitatum de Hensa, Lubeke, Luneborg, Wismar & Rostock cum Sundenibus fuerunt adutores Regis, in tantum quod Luneburgenses una dierum publice interdicebant, neminem de civibus suis sub præna inhabitationis eorum

eorum Holtzatis contra Regem adjuvare. Proconsul Lubecensis Jordanus Pleskow qui prius à Civibus expulsus & noviter per Regem restitutus in praesentia Danorum Henrici Comitis & Henrici Ducis adolescentis, & aliorum consiliariorum videlicet Schackone de Rantzow qui fuerat pro parte Ducis in Ecclesia Utinensi primo, ut moris est, inter Consiliarios secrete postmodum manifeste coram omnibus in Ecclesia existentibus proposuit. Rex Daciae Dominus meus gloriosus scripsit & supplicavit nobis Consulibus civitatis Lubecensis vestris Dominis terrae Holtzatiæ intimare pro parte sua, quod velint sibi restituere Ducatum Sleswicensium, Civitates & castra in eo existentia, quam violim Principes Holtzatiæ à Regno Daciae rapuerunt, & injuste possederunt, & vestri Domini hodie possident minus juste: Et quod super hoc in iudicio coram Imperatore velint respondere. Et dico vobis pro parte Civitatum dē Hensa, ex quo Rex nihil aliud petit nisi iustitiam, & si vestri Domini sibi noluerint in iudicio de iustitia respondere neque restituere ablata, nos Consules Civitatum erimus iustitiam postulantis adiutores. Nolumus, enim has guerras terra mariq; diutius sustinere Ad quæ dictus Dominus Schacke miles respondit: Scio quod nostri Domini Ducatum Sleswicensium habent & possident iuste, & quod pater eorum hereditario jure Ducatum eis reliquit, & super bonis paternis in possessione habitis æstimo Dominos nostros cogi in iudicio respondere non posse. Iam modo quod Rex Daciae solum petit iustitiam & Holtzatiæ Principes injustos possessores Ducatus fuisse & esse, attraxit multos Principes, Civitates & terras in partem suam Nam ipse confœderavit se cum dithmarchis, quos ad se vocavit. Et majoribus terræ larga numerata dedit, Scyphos, vasa, elenodia, cochlearia aurea & argentea, nec non aliquibus dedit vestes tunicas & togas vario subductas, & uni de capitaneis

pitaneis Hibbeken Hanse dedit unam navim perpulcram
proprie Sniken cum omnibus correquisitis. Qui scripserunt
Henrico Duci Adolescenti & fratribus suis, qui supplicium
pro parte Regis, quod ducatum & castrum Gortorpe quod
injuste retineret, restitueret, & nisi sic faceret, oporteret eos
Regis fieri adjuutores. Tunc Dux Henricus una cum fra-
tribus unum specialem suorum consiliariorum ad se accer-
siri fecit, rogans ut terram Dithmarciæ intrare vellet, & quæ
paci essent, tractare inter eos. Qui intrans Dithmartico-
rum terram, illis se adjunxit, quos sciunt tenere partem ali-
qualiter Holtzatorum, & qui Regis munera nondum rece-
perunt, quibus ad libitum habitis, manifeste coram omni-
bus majoribus de terra negotium sibi injunctum expedivit.
Ex quibus aliqui ita simplices erant, quod huic legato
in manifesto audebant replicare dicentes Dominum Re-
gem jus habere. Et si ducatus aliquando fuisset concessus
uni ex dominis Holtzatiæ imo deberet restitui, adducentes
exemplum. Si vobis concessimus equum, nunquid vobis
dedimus eum, nonne reportare deberetis? Qui quidem le-
gatus exposuit eis, rem aliter se habere, & non esse simile
de equo commodato, & de Ducatu concessio in feudum. Tan-
dem ipsi finaliter responderunt, quod Rex omne jus suum
an restitui deberet ducatus ultra non deposuit apud eos, &
fuit eis replicatum quod Domini Duces etiam jus suum pe-
nes eos statuere deberent. Ideo Legatus reversus ad Domi-
nos Duces & procurans literam ipsorum, quod omnes Prin-
cipes vicini, civitates terræ & specialiter ipsi Dithmartici
cum ipsis deberent esse judices Danorum & Ducum prædi-
ctorum & copiam hujus literæ Dithmartici Regi destinabant,
addentes suo scripto, ex quo Domini duces essent prout in
judicio respondere, ipsi Dithmartici eis inimicari salvo hono-
re non possent, & sic Domino dante cessavit illa tem-
pestas

pestas quam Rex speravit movere Holtzatis per Dith-
marticos, &c.

CAP. XLV.

REX Ericus à conceptu suo proposito non recedens con-
questus fuit per Ambasiatores suos Domino Sigismun-
do Regi Romanorum ac Ungariæ, contra Principes Sleswi-
censes & Holtzatiæ Comites, non nominando eos aliquan-
do in literis Duces sed Comites, quomodo aliquandiu pos-
siderent partem regni sui Ducatum Sleswicensem. Rex Ro-
manorum vero remisit cum plena potestate quendam Du-
cem de Slesia dictum Romphœr ad tractandum inter Re-
gem Daciæ & Dominos Duces Sleswicenses. Qui dux mis-
sus ab Imperatore ad tantum praticavit verbis dolose, quod
Domini duces super jure ducatus Sleswicensis arbitrarentur
in Imperatorem, videlicet quod ipse cum Principibus impe-
rii deberet esse Judex in causa prænarrata. Duces & eorum
Consiliarii æstimabant per Principes Imperii intelligi debere
Principes Electores Imperii, de quibus ipsi bene confidebant.
Sed res aliter gesta fuit, prout postea dicitur. Fuit in hac
arbitrio tempus præfixum & locus. Tempore adveniente
dux Henricus aggressus fuit locum in terra Bohemiæ, ubi
tum cum magno periculo fuit eundum, & quod Bohemiæ
hæretici erant, & Christianorum inimici. Ipse vero dux
veniens ad locum in præfixo sibi termino, neminem neque
judicem, neque partem adversam invenit protestatus de hoc
rediit ad patriam suam. Ex post Rex Ungariæ misit quen-
dam Doctorem in jure Canonico ad duces Schleswicensis
habentem in mandato, si aliqua haberent documenta super
ducatum, quod illa producerent in Flensborg ad viden-
dum & transumendum ea. Duces responderunt tallegato,
quod

quod eorum privilegia in Sleswig libenter vellent exhibere & facere transsumi sed propter pericula ad civitatem Flensburg. quam Rex eorum inimicus possidebat ferre vel portare non possent. Doctor autem iste & legatus Imperatoris receptis attestationibus Regis reversus est viam suam. Exinde Rex Vugaria, qui fuerat imperator, fecit dominos duces citari coram se ad videndam sententiam in certo termino, & ad locum multo remote ad Ungariam in civitatem Oben. Duces vero congregantes Consiliarios suos in syrt Bornehovede consulere volentes, quid in tam arduo negotio faciendum. Ubi Johannes Schele Episcopus Lubicensis aderat, qui prius personaliter Imperatorem super hoc negotio visitaverat cujus verba dominis ducibus referens, videlicet quod ipse Imperator nollet esse pronus ad exheredandum juvenes Principes duces, sed potius congrueret sibi laborare pro unione pacis & ad placandum dominum Regem daciae, & intercedendum pro eis. Quibus verbis Imperatoris duces Schleswicensis confidentes ad comparandum coram ipso erant promiores. Quidam vero notabilis Consiliarius quasi non vocatus etiam ad illud consilium apud Bornehövede congregatum accessit. Et ipsis Dominis ducibus stantibus cum tribus summis consiliariis militibus, Schackone Ranzowen, Johanne Stacken. & Laurentio Heesten aggressus ad eos dixit, domini audivi vos esse de novo citatos in Ungariam coram Imperatore respondere in arbitrio per Regem daciae & vos super duatu facto, rogo audiri verba mea. Domini mei, vos arbitrati fuistis ad certum locum, in certo loco respondere, ubi vos domine dux Henrice comparuistis, & Judex & pars adversa illac non aderant, sufficit vobis videre meo, satis fecistis arbitrio, nisi etiam latius arbitrati estis, ad locum quem nunc citati estis ire & comparere non tenemini, neque in Regem Ungariae vel Imperatorem ut in iudicem considerare propter causas.

(P.)

Primo

Primo ad hunc locum non habetis tutum accessum propter Bohemos Christianorum inimicos, apud quorum terram oportet prope transire. Item audiui veridice quod Principes Almaniae habent privilegium. Si aliquando eis causa movebitur, quod extra Almanniam coram Imperatore vel ejus legato non tenentur respondere. Et hujus privilegii conservator est *Comes de Schwartzenburg*. Insuper Rex Ungariae & Rex Daciae sunt simul in secundo gradu consanguineitatis alligati, quia mater Regis Ungariae & pater Regis Daciae fuerunt soror & frater, & haec est legitima causa declinare Judicem. Unde si placeret dictum meum, vobis consulerem, quod ad Papam appellaretis, quia aestimo causam hujusmodi Papam acceptare. Quibus verbis suis propositis nullus sibi super hoc unum verbum respondebar. Dictus autem Henricus Dux Senior pro se & fratribus suis cum Domino Johanne Schelen Lubicensi Episcopo, ac Nicolao Sachow tunc Canonico postmodum autem dictae Ecclesiae etiam electo & confirmato Episcopo, ad Regem Romanorum in civitate Owen in regno Ungariae sitam se transtulit, responsurus, verisimiliter aestimans bono Zelo clementiam dicti Regis Romanorum intervenire, & non ferri contra se aliquam sententiam, secundum promissa dicti Regis formidavit. Erico Regi Daciae etiam ibidem existente, pro dolor respectus munerum & consanguinitatis inter eosdem Reges attinentia excœcabar, si fas dici est, dicti Sigismundi Regis Romanorum & Ungariae Justitiae & æquitatis obtutum, & sine aliquali audientia legitima, non assumptis Principibus Imperii sicut in arbitrio cautum fuit, sed aliquibus Baronibus regni Ungariae sedens pro tribunali contra Duces Sleswicensis sententiam tulit injustam & iniquam, videlicet quod Henricus, Adolphus & Gerardus dicti Comites Holtzatiæ Ducatum Sleswicensem minus juste possiderent, & ad restituendum Regi Daciae condemnarunt.

CAP. XLVI.

Post latam sententiam Rex Romanorum se interponere volens pro parte Regis Daciae in vim concordiae & amicitiae dicto Henrico Duci & suis fratribus magnam summam pecuniarum, videlicet tricentena millia florenorum ac terram unam videlicet Lalande pro evacuatione possessionis praebuit sibi solvi. Quae omnia dictus Henricus Dux renuens ab iniqua injusta & de jure nulla sententia ad Curiam Romanam & ad Papae Martini quinti sedem Apostolicam appellavit. Qua dicta Regi insinuata & in Curia Romana per ante dictum Dominum venerabilem Nicolaum Sachow procuratorem constitutum generalem, imo Minorum Ducum Schleswicensium orphanorum, & totius Holsatiae patriae adamatorem realiter prosecuta Dominus Papa Martinus quintus in vim dictae appellationis dictos Henricum, Adolphum & Gerardum Duces Schleswicenses duxit reponendos. Et hac repositione ad partes Holsatiae reproducta, & hinc inde apud Principes, Civitates & etiam Dithmarchicos insinuata, causa de novo Colonienfi Archi-Episcopo Domino Theoderico de Morrze audienda & terminanda a dicta sede Apostolica fuit recommitta, & sine ulteriori processu mansit, ira & Civitates de Hensa Lubecke, Luneborg, Wismaria, Sundis, Rostock. &c. percepta fraude Regum & Minorum praedictorum contra Regem Daciae se cum dictis Ducibus colligabant, & Regi Daciae facti inimici ex parte omnium civitatum de Hensa, literas diffidationis emiserunt. Nam saepe dictus Rex Ericus castrum Gortorpecum magna potentia sui exercitus ante portas ejus aliud castrum in monte Hesteborch cum fossatis profundis & palis longis circum amictum pro muro collocavit, in quo castrum posuit quasi totius Regni Daciae potentum Virorum copiam, ad custodiendum dictum novum

vum castrum atque ad impugnandum castrum Gottorp & civitatem Sleswicensem etiam palis strictissime conjunctis Dux Henricus hanc civitatem pro muro munivit & etiam profundissimis fossis, accurata aliquali parte de civitate firmissimè circumdedit, ita quod Rex eam vincere sicut prius fecerat non potuerat aliquo modo etiam in Civitate positis armigeris multis, & etiam balistariis à civitate Hamburgensi illac missis pro tutela. Et hoc castrum Regis novum firmissimum fuit & invincibile. Sed deus qui semper Holzatos protegebat, quando nulla spes aderat, etiam pro ista vice eos adjuvit. Nam civitates de Hensa prout superius narratum est, qui prius confœderati cum Rege contra duces fuerant, nunc pro Ducibus partem illorum tenentes Regi & suorum facti inimici & literis diffidationis illorum visis Dani dimisso castro & omnibus & ante castro habitis, etiam pyxide, bombardis machinisque à civitate Sleswicensi & castro Gottorpe fugientes in civitatem Flensburg revenerunt, & exinde castrum & civitatem semper fortius munierunt. Tunc vero consules Civitatum Regis inimici facti & suorum adjuvare volentes dominum Henricum Ducem Sleswicensem civitatem Flensburg eam impugnando obsidebant, ubi aliquandiu obsidentes, tandem in vigilia Ascensionis Domini in nocte diabolo inspirante Sripendiarii civitatum rumorem facientes, dux Henricus ad castrum improvisè accessit suos defendere & adjuvare volens, nesciens quid factum fuerat à Danis in fossato, sæpius vulneratus fuit deo placuit alter Machabeus, fortis & virilis Spiritum emisit. Hic Henricus dux adolescens adhuc vir triginta annorum in obitu multa commendabilia peregit. Nam castus verecundus super modum fuit sobrius, etiam ad tantum quod ad plenos haustus non bibebat, neque à subditis fieri sinebat. In dandis muneribus ac in mensa sua erga hospites largus fuit valde supra modum.

modum, magnus iustitarius adeo quod consiliarios suos rogabat, nihil sibi contra honorem & iustitiam consuli debere & quicquid promiserat vel progenitores sui sigillabant, omnino servare volebat. Virginem de domo *Brunswicensi* in matrimonium sibi fecit copulari. Quæ audita morte ejus noluit amplius alicui desponsari sed vidua manens ob amorem tam nobilis Principis usque ad obitum suum in virginitate permansit. Multa alia bona Sibi à Deo omnipotenti collata erant, quibus in cumulo brevi tempore usus fuit & anno domini 1427. laude dignus migravit à seculo, & in sepulcro patrum suorum in Idzeho est sepultus.

CAP. XLVII.

Isto duce Henrico mortuo, omnes de civitatibus ibidem existentes navigio recesserunt. Ac super omnia volentes mercatores & navigantes per mare Balthicum securos servare, simul convenerunt cum navibus multis magnis valde. Et in portum maris ante castrum Kopenhauen & ibi prope cum manu forti convenerunt. Ac Rex daciæ & sui tunc habentes navis etiam magnas de castro Heyslingborch & Kopenhauen exeuntes, & pro Principe exercitus habentes ducem de Wolgast exercitui civitatum obviando. Tunc pro parte Civitatum Capitanei fuerunt Henricus Höyer proconsul Hamburgensis, ac Tideman Sten proconsul Lubicensis. Qui Proconsules videntes danorum exercitum appropinquare, concluderunt inter se danos expugnare velle. Tunc Henricus Höyer proconsul Hamburgensis animosior ad prælium exercitum danorum accessit cum navibus suis & cum danis diu pugnando, ac Proconsule Lubicensi & aliarum Civitatum nullum habens subsidium, ipse Henricus cum suis victus fuit & captus. Et care-

ri Capitanei videntes Danos victores terga verterunt, & cum magna verecundia redierunt ad sua. Propter quam fugam civitatum & Danorum victoriam Dani navigando mare ubique locorum possederunt. Et mercatores de Livonia, Prutzia & alios quoscunque cum mercimoniis copiosis & triginta magnis navibus advenientes de Flandria & Bayen una die spoliantes captivabant. Quapropter commune Civitatum prædictarum æstimans suos Consules Regis Danorum fautores, proconsulem Lubicensem Tideman Sten, & quod proconsulem Hamburgensem in bello contra Danos non juvabat incarcerari procurabant. At eundem tanquam fore factorem ad iudicium victum duci, & sententiam ad mortem postulabat, & sic propter appellationem interpositam reductus ad carcerem consules de hoc maturius deliberare volentes aliquandiu incarceratus remansit. Tamen postmodum gratia sibi facta propter Domini Johannis Schellen Episcopi Lubicensis & Bartholdi Ricken ejusdem Ecclesiæ præpositi rogatum à carcere reductus in propriam domum redire, & ab ea non exire ad tempus vitæ suæ mansit inclusus. Commune Hamburgense Johannem Cletzen consulem qui tempore obitus Henrici Ducis Sleswicensis ante Flensborch capitaneus erat, eo quod cum aliis ab obsidione civitatis disceserat, & mandatum sibi injunctum scilicet omnino manere apud Principes Holtzatiæ minime custodivit, reversum in Hamborgh & incarcerari & decapitari procurabat. Commune Wisuariense etiam unum proconsulem Banskow & alium Consulem eò quod confederassent se cum Rege Daciæ ipsis nescientibus capite truncari mandabant. His peractis iterum Consules prædictarum Civitatum de jussu Comitatus ad mare navigio sequentiano assumpto Gerardo Duce Sleswicensi cum aliquibus Holtzatis in Capitaneum ante portum Kopenhagen ipsum portum

tum obstruendo devenerunt & in eo multas naves onustas calce & lapidibus submerferunt, sed tamen portus non poterat totaliter obstrui & ita pro illa vice abinde reversi sunt ad sua multis laboribus & expensis inutiliter factis, nihil lucri reportantes spe sua frustrati verisimiliter præsumentes porrum nautarum ante castrum Kopenhagen posse obstrui & consimiliter novum castrum Helsinghør per Regem constructum ad extorquendum telonium insolitum à nautis per passagium maris Baltici ad Oceanum destrui totis viribus inhiantes, & hæc dicitur fuisse causa principalis quare consules civitatum ex inductione civium suorum cum Principibus Holtzatiæ insurrexerunt contra Regem Daciæ nimis præpotentem & privilegia eorum auferentem. Et hæc causa non solum pro ista vice civitates prænominatas cum Principibus Holtzatiæ colligabat, sed etiam ante longatempora idem fecerat & ad huc faciet sine fallo. Nam optimè sciunt Lubecenses, si porta Holtzatiæ eis fuerat tam in mari quam in terra clausa, quod male starent, & quod terram prædictam habent sicut proprium allodium suum, quo destructo & Civitas illorum procul dubio non diu stare posset.

• **Explicit.**



CHRONICON
C O E N O B I I
MONTIS-
FRANCORUM
GOSLARIÆ,

Ejusdem Origines , progressum , fata , incrementa & decrementa , nec non seriem Præpositorum enumerans , Pontificum insuper Maximorum , Præfulum , Ducum , Comitum , Dynastarum , & Nobilium vicinorum Privilegia , Diplomata , Tabulas , & literas recensens , quibus varia , quæ tum temporis in aditis terris memoratu digna contigere , præprimis verò vitæ Præfulum Hildesien-
sium , secundum seriem brevibus verbis explicatæ ,
junguntur.

Ex optima nota autoribus & documentis authenticis congestum.



FRANCOFURTI,

ANNO M DC IIC.

Cicero libr. II. de Orat.

Historia est testis temporum, lux veritatis, vita memoriae, magistra vitae, nuncia vetustatis.

B. L. S.

Multa in cœnobiorum scriniis & arcanis penetralibus abdita latere, quæ ad illustrandum studium historicum apprimè faciunt, nemo facile negaverit, cui facultas concessa est, situ obsita, à muribus arrosa, & à blattis exesa eorundem documenta, diplomata, privilegia, Tabulas, & literas paulò accuratiùs inspiciendi. Nec enim ea ad sacram saltem, sed etiam ad profanam historiam explicandam utilissima, imò quàm maximè sunt necessaria. Inde cœnobiorum, templorum, fanorum, & sacellorum ortus, altarium foundationes & dotationes, ordinum monasticorum, fraternitatum, solennium sacrorum & rituum obsoletorum institutiones, Paparum, Archipræsulum, Præsulum, Abbatum, Abbatissarum, Prepositorum & Priorissarum cujusq; ecclesiæ indubitata series, privilegia peculiaria sacris locis concessa, ac demum fata, nec non incrementa & decrementa quarumvis ecclesiarum, unice ferè depromi possunt. Prætereà nemo est qui ignorat, quantum emolumentum historiæ profanæ à diplomatum adminiculis accedat; quippe quæ bellorum veras origines, pacificationes, fœdera, permutationes, pacta antiqua, priscorum locorum nomina, terminos, distinctionem, temporum accuratissimam supputationem, imò Imperatorum, Regum, Ducum, Principum, Comitum, Dynastarum, & nobilium cujuslibet regionis stirpes, aliàs vel sub oblivionis squalore sepultas, vel sanè dubiis inextricabilibus involutas, luce meridiana clariùs ob oculos ponunt.

Hæc

Hac me quoq; perpulere, ut collectis haud paucis Tabulis authenticis, historiam cœnobii Montis - Francorum Goslaria contexere decreverim. Haud equidem diffiteor, tantas mihi vires minimè esse, ut tale quid nitore debito justaq; possim perficere elegantia. Idenim à viris in re historica versatissimis (quales inter innumeros alios sunt insignes illi Meibomii, avus & nepos) saltem expectandum erit. Non tamen ideò animum despondi, sat habens, qui tantorum virorum exempla, hoc est tanquam umbra corpus sequar, & laboris impensi premium sufficiens relaturus, si vel minimi quid in hac opella occurrerit, quod lectori historiarum amanti aliquo modo satisfecerit.

Exhibet verò hoc Chronicon tam urbis, in qua situm est, quàm cœnobii ipsius quantum haberi possunt origines. His junguntur secundum annorum seriem res hinc inde occurrentes & memoriâ dignæ, interspersa brevi eorum narratione, quæ in vicinis terris suo quoq; tempore contigere. Nec seriem Præfulum Hildesensium, omittere fas duxi; quippe qui Francobergensium diocesani fuerunt, atq; adeò jure merito suo ordine enarrari debuerunt. Tandem de familiis Comitum, Dynastarum, & Nobilium hisce in terris quondam longè lateq; florentium quadam hinc inde addidi, sperans fore, ut hæc quoq; lectori haud sint ingrata. Hoc quicquid est opellæ tibi offero B. L. ex animo optans, ut lectu digni quid in eadem tibi occurrat, operam, si id consequar, daturus, quò adhuc unum aut alterum ejusmodi Chronicon, plura nec lectu forsàn injucunda continens, suo tempore Francobergense nostrum sequatur. Hisce Vale Benevole & sincere Lector, errores humanos hinc inde dubiò procul sapius obvius ut homo humaniter ferens. Dabam è Musæo III Cal. Jul. Anno MDCXCVII.



CHRONICON MONTIS-FRANCORUM GOSLARIÆ.



NTEQUAM de historia cœnobii Francobergensis agere incipio, pauca de Goslariensi urbe, in qua situm obtinet, præmittere animus est. Goslaria, cui nomen à *situ ad Gosam* fluvium est impositum, ex antiquissimis Saxoniz urbibus est, priscorum Imperatorum studio & amore, ædificiis & incolis multum aucta & ornata. Primordia ejus angusta admodum fuere, mœnibus successu tandem temporis largioribus redditis. Originum eadem quæ reliquarum Saxoniz urbium est conditio, ut sub ignorantiz umbra latentes leves saltem conjecturas in easdem inquirentibus relinquunt.

Dubitari tamen vix potest, quin ortus ejus ad Henricum I Imperatorem, Aucupis nomine vulgò notum, sit referendus: is enim urbium Saxoniz nostræ almus parens & primus auctor haud immeritò audit. Hunnorum potentia & barbaries seculò decimò in immensum excresebat. Nam Saxoniz limites intrantes agrum obvium susque deque habebant, nulli parentes sexui, nulli ætati. Actum erat de Saxonia, ni Henrici prudentia malo remedium quævisset. Is, saluberrimis legibus latis, suos armorum usum edocuit, & urbes tanquam obices barbarorum rabiei opposuit.

Hoc innuunt (a) *Albertus Krantzzius*, Goslariæ originem Henrico disertè adscribens, (b) *Magnum Chronicon Belagicum*, (c) *Schibovveri Chronicon Oldenburgense*, (d) *Bodo*, aliisque, his verbis:

A

Loca

(a) *Sixon. l. 3. c. 12.* (b) *ap. Pistor. T. I. p. 75.* (c) *ap. Meibom. script. rer. Germ. T. 2. p. 130.* (d) *Syntagm. abbat. Gandes. ap. eund. T. 2. p. 490.* Vid. etiam *Chron. Theod. Engelhus. p. m. 175. Gobel. Person. Cosmodr. et. 6. c. 47. & ant. inc. fundat. aliqu. eccl. ap. Madcrum.*

Loca immunita muris & fossis cinxit (Henricus,) urbes verò legibus & moribus formavit; Henricus rex condidit Goslariam; Henricus Goslariensem fundavit civitatem; Henricus Goslar edificavit.

Hinc in errore versantur, qui Goslariæ origines Henrico III Imperatori adscribunt, qui multis annis post Aucupem vixit. Hic enim Anno DCCCCXXXVI fatò fungebatur, ille verò annò demum trigesimò nonò supra millesimum imperium capeſſebat. Taceo quòd jam ævò Ottonis magni Imperatoris urbis nomine venerit, id quòd fide digni (a) autores testimoniò suò probant. Saltem hoc cum (b) *Kranzio* concedi potest, quòd majus incrementum imperante Henrico III ceperit, id quòd præmissis è perfectione templi cathedralis, quæ eidem debetur, patet.

In hujus urbis vicinia exstant metalla æraria Rammebergensia. Horum inventorem Ottonem magnum Imperatorem Henrici nostri filium faciunt auctores. *Ejus namq. temporibus, (c) Diebmaro teste, aureum illuxit seculum, apud Saxones primùm inventà metallifodina. Otto Imperator, uti (d) Otto Frisingensis habet, in terra Saxonica venas auri & argenti primus industriâ suâ aperuit; Otto primus, referente (e) Chronico magnò Belgicò, venas argenti & aris juxta civitatem Goslariam in Saxonia invenit, ac demum, (f) Chronico Magdeburg. notante, primus (Otto) venas argenti & aris juxta civitatem Goslariam invenit.*

Ottonis magni successores sæpius ad hanc urbem secessere, quòd splendor ejusdem haud parum crevit, præmissis, cum haud rarò comitia in eadem celebrarentur, magnique momenti negotia componerentur. Sacra inter, quibus gaudet, ædificia præminet templum cathedrale D. Matthiæ Apostolo dicatum. Hoc, uti referunt, Conradus II Imperator fundavit, & successor ejus Henricus III filius ad umbilicum duxit.

(a) *Magn. Chron. Belg. p. 79. Sigeb. Gemblac. ad ann. 968. Chron. Archi-Episc. Magdeb. ap. Meib. sub init. Bodo loc. cit. p. 495. (b) Saxon. l. 3. c. 11. (c) Chron. Bfersburg. l. 2. p. 24. (d) Chron. l. 6. c. 24. (e) ap. Pistor. p. 79. (f) ap. Meibom. sub init.*

duxit. (a) Leo IX Papa, septuaginta tribus Cardinalibus, Episcopis, & Abbatibus adstantibus, augustas hæc ædes inaugurasse scribitur.

Illas si Europæ seminarium quis dixerit, haud multum à veritate aberrabit. Dedere enim *Ecclesia Romana* Clementem II Papam, *Colonienſi* Annonem, quem Henricus III Imperator in deliciis habebat, eidemque ſuffectum Hildolphum, Henrici IV Imperatoris Capollanum, *Treverenſi* Landolphum, *Moguntia* Ricolphum, *Magdeburgenſi* Engelhardum, Hartwicum, Conradum, & Guntherum, *Hamburgenſi* Liemarum Archipræſules, & præter hos variis aliis Eccleſiis quadraginta unum Præſules.

Nec modica magnatum tam Saxoniorum quàm exterorum turba artibus liberalibus hicce loci quondam eſt imbuta, quos inter nominari merentur Hecelo è Saxoniæ Marchionibus Præpoſitus, Goſlarienſis & poſteà præſul Hildeſienſis, Anno Comes Daſſilienſis, Archipræſul Colonienſis, Bruno è ducibus, Carinthiæ, qui commentarios in Pſalmos Davidis confecit, præſul Würceburgenſis, Svigerus de Meyendorf, Henrici III Imperatoris Cancellarius, poſteà Præſul Bambergienſis, Benno Werneri filius Comes Woldenbergienſis & Præſul Miſanenſis, Adelhogus, è Comitibus neſcio quibus oriundus, Præſul Hildeſienſis, Siſſridus Comes Querfurtenſis, Præſul ibidem, Henricus Comes ab Aſlo, Archipræſul Magdeburgenſis, Ludolphus Comes Slademienſis, Præſul Halberſtadenſis, Conradus Comes Querfurtenſis, Arnoldus Comes Solmenſis Præſul Bambergienſis, & Guilielmus Comes Querfurtenſis.

Præter hoc templum cathedrale quatuor ſunt in urbe ſic dicta parochialia, B. B. Coſmæ & Damiani in foro ſitum, quòd ideo in Tabulis templum forenſe nuncupatur, B. Jacobi, B. Stephani, & B. Thomæ. E cœnobiis præcipua ſunt Mons D. Georgii, in colle ad muros ſitus, ab Henrico Aucepceceptus, à Conrado II, Henrico IV & Henrico V Imperatoribus auſtus, & à Friderico Barbaroſſa XII Canonicis regularibus inſtructus, à civibus verò Goſlarienſibus Anno MDXXVII impio

(a) *Mader. antiquit. Brunſv. p. 145. Lezner. Chronic. monaſt. MS. p. m. 224.*

furore destructus; S. Sepulchri in suburbio ad portam B. Viti situm, quod xenodochii locum postea supplevit; Franciscanorum eidem usui dicatum; & Novi-Operis à Volcmaro de Lichtenstein Advocato Cæsareo in honorem DEI & B. Mariæ Virginis Anno MCLII fundatum, sed annò demum millesimò ducentessimò perfectum. Et tantum de Goslaria, nunc ad rem.

Augescente indies re metallica montis Rammenensis metallicorum quoque increscebat penuria. Hæc ut refarciretur, artifices periti è Franconia advocabantur, qui curam gererent, quò opus paulatim majus caperet incrementum. Hi Montem-Francorum insidentes nomen eidem primum dedere, quò etiamnum posteritati notus est. Locum hunc facientem (a) ex *Theod. Engelbusio* referam: *Homo iste (Gundelkarl) non ignorans, quantum utilitatis mons (Rammenensis) haberet, Franconiam adiit, erat enim Frauco, & plures gentis suæ viros socios secum sumens locum adificare cepit, venas metallorum, cupri, plumbi, & argenti, reperit, ditatus ultra modum; sicq. plures accurrentes civitatem adificant. Sic locum illum alienigenæ fundantes Saxonia cesserunt; unde adhuc montem eundem quondam Franckenberg nominaverunt.*

Huic monti superstructum est templum D. Petri Apostoli, quod quoniam cœperit annò mihi equidem non constat. Si conjecturæ locus est, statim forsan sub Francorum adventum strui potuit, successu temporis mole auctum. Situm quondam extra muros habuit, sed iisdem amplioribus redditis ambitu mœnium postea est conclusum. Huic ut præfixos statueret limites Udo Præsul Hildesienfis, cives Goslarienses instanter petiere. Udo, precibus eorum annuens, hæc concessit Tabulas:

In nomine sancte & individue trinitatis & intemperate genitricis beate Virginis MARIE.
UDO DEI gracia Hildenesheimensis Episcopus notum

(a) *Chron. p. 176.*

tum esse volumus omnibus CHRISTI nostrique fidelibus, tam fut uris quam presentibus, quia per petitionem & interventum optimorum civium Goslariensium, ob devotum servitium eorum circa nos semper benivolum, & instinctu aliorum fidelium nostrorum, ecclesie S. Petri Frankenberg omnes fines ville Goslariensis occidentales a plateis que dicuntur Berningi, Werenheri, Biermanni, usque ad regis Capellam & S. Marie, & ad terminum predictę B. Petri ecclesie, cum universis que in his partibus nostri episcopalis juris & potestatis sunt, vel esse poterunt, videl. jura baptizandi, infirmos visitandi, oleo ungendi, sepeliendi, ceteraque ecclesiastice cure attinencia, excepta synodali potestate, sub testimonio ac consciencia bonorum virorum, qui sunt Conradus prepositus, Fridelicus pr, Uldaricus minister de Hildeneshem, Ameco, Bernhardus, Arichin, Widego, Bernhard, Marcolf, Segenbrecht, Meino, Tidico, Brun, Heriman, Adelman, Balderam, Berelm, Jemmico, Gerhard, Ruder, Benico, Mannico, Liudolf, Alico, Adelhard, Reinzo, pontificali potestate proprie donavimus, confirmavimus, perpetuo jure retinenda & habenda concessimus, ea scil. condicione atque ratione, ut nullus successorum nostrorum, aut imperator, sive Rex, seu quilibet judicialis vel potentis persona, magna vel modica, hoc donum demere, alienare, seu ullò modò turbare aut inquietare presumat, sed prefata ecclesia hanc traditionem cum omni mansuetudine eternaliter teneat. Quod autem hoc nostrum pontificale datum inconvulsam, ra-

tum quoque & firmum sempiterno maneat evo, hoc privilegium scribi ac sigilli nostri impressione mandavimus signari. Datum est autem III. ID^o MAI.

Anno quidem Dominice incarnationis M^o. C^o. VIII^o. indict. VIII. anno vero V. HEINRICI REGIS III^o. factum Goslarie feliciter AMEN.

Huic D. Petri templo junctum est posteris temporibus cœnobium monialium, cujus historiam in hoc Chronico perteximus. Quoniam id cœperit annò, de eo controversiam inter se habent autores, cum foundationis Tabulæ haud sint superstites. Quidam primordia ejus in Conradi II Præfulis Hildesienfis tempora, annò tamen non expressò, referunt. Alii, eosque inter (a) *Leznerus*, perhibent, foundationem hanc in Annum MCC IX cadere. Verùm haud pauca sunt quæ mihi persuadent, annum circiter vigesimum quintum vel sextum seculi decimi tertii natalem cœnobii hujus rectè nominari posse.

Auctor foundationis duplex citatur : (b) *Sagittarius*, (c) *Topographia Brun. & Luneb. &* (d) *Catalogus Episc. Hildes. MS.* Conradum præfatum præfulem, (e) *Leznerus* verò Agnetem Henrici ducis Saxonie & Comitis Palatini ad Rhenum, Henrici Leonis filii, uxorem fundamenta cœnobii jecisse volunt. Mihi hæc est sententia, Conradum jure meritoque autorem ejus haberi, id quod, præter allegatorum locorum auctoritatem, assidua cura, quam pro commodo hujusce plantationis gesfit, probare videtur. Pauca hicce loci de Conrado II edisseram : ortum debuit prænobili Reyßenbergiorum in Wetteravia stirpi, & ad literas à pueris sedulo incubuit. In Academia Parisina publicè docuit, vitæ & morum integritate cunctis se commendans. Decanus Spirensis & Canonicus Moguntinus denominatus modestiâ, doctrinâ,

(a) *Chron. monaster. MS p. m. 249.* (b) *H. flor. urb. Goslar. p. 13.* (c) *Mariani p. 83.* (d) *in Conrado II.* (e) *loc. citato.*

Arinâ, & faciundiâ Canonicos Hildesienſes adeò ſibi devinxit, ut Siſſrido I mortuo eundem ſuffecerint. Notandus hic venit ſcriptorum error in anno initiali ejus enumerando. (a) *Cbronicon Saxonicum*, quod (b) *Būtingius* ſequitur, annum milleſimum ducentēſimum undecimum denotat: aſt præter auctoritatem (c) *Gaſpariſ Bruſcbii* & (d) *duorum manuſcriptorum*, annum ſeculi decimi tertii vigeliſimum primum numerantium, Tabulæ authenticæ idem firmiſſimè probant. Ne ſim prolixus, unum exemplum è multis proponam: Conradus conventui Francobergeni menſe Martio anni M CC XXXIX dimidium decimæ Novenenſis conferens ſub calcem addit *annò Episcopatus noſtri* decimò octavò. Demantur octodecim è triginta novem, reſtabunt viginti unus annus, qui eſt verus Conradi initialis.

Hic præſul Franciſcanos ac Dominicaſtros in urbem Hildesienſem primus recepit, cœnobium ordinis B. Mariæ Magdal. in eadem exſtruxit, palatium epiſcopale ruinam minans inſtauravit, arces Winceburgenſem & Schardeccenſem perfecit, ac demum Emipenoviam & Inſulam, quæ arx erat Hildesie imminens, prædonum latebras expugnavit & ſolo æquavit.

Cœnobii noſtri ædificiis ad umbilicum ductis colonia ſororum pœnitentium B. Mariæ Magdalenæ, ordinis B. Auguſtini, eodem deducebatur. Hæ in ſeculo viventes vitam in variis deliciis, luxu, libidini-bus & voluptatibus tranſigebant; ſed ad ſaniorē reverſæ mentem ſeriam pœnitentiam in ejusmodi cœnobiis agebant. Hinc in Tabulis audiunt *mulieres, quæ jamdudum in limo profundi infixæ, videlicet in ſordibus peccatorum, ad ſemiſam virtutis reducæ pœnitentiam ſuorum facinorum facere DEO ſtudent; quæ carnalium voluptatum illecebris abdicatis pro æternis deliciis obtinendis ſe cœleſti ſponſo dicarunt; quæ mundi vanitatibus abnegatis obtulerunt Domino laudis ſacrificium ſemetipſas.* Inde patet, cur ſororum pœnitentium nomine inſigniantur, nec non cur B. Mariæ Magdalenæ, inſignis illius peccatricis, ordini adſcribantur.

Novel-

(a) p. m. 304. (b) *de epiſcop. Hild. in Contr. II.* (c) *de Archiepiſc. & ep. Germ. t. II. §. 29.* (d) *Catal. ep. Hildes. MS. in Contr. II. Viſa eorund. MS. in eodem.*

Novellæ huic Colonix sub initium res angusta domi erat. Hinc dicuntur (*) *pauperes moniales, quæ facultatem non habent, de quo sustentare valeant vitam suam; quæ junctæ sunt paupertatis funibus, ut sine subventione fidelium nequeant sustentari; quæ egent fidelium elemosynis; quibus ad sustentationem propria non suppetunt facultates; depreßæ insupportabili sarcina paupertatis; quæ in paupertate diu notæ, deserviunt, elemosynis præ nimia paupertate indigentes.*

Huic inopiæ auspiciatò openi tulit suetus eorum temporum modus argentum corradendi, remissio nempe peccatorum, indulgentiarum nomine vulgò nota. Harum primas concessit Otto Cardinalis sedis Romanæ legatus per Germaniam hîc Tabulis:

OTTO miseratione divina S. Nicolai in carcere Tulliano Diaconus Cardinalis, apostolice sedis legatus, universis CHRISTI fidelibus presentes has literas inspecturis salutem in Domino. Quoniam, ut ait Apostolus, omnes stabimus ante tribunal CHRISTI, recepturi, prout in corpore gessimus, sive bonum fuerit sive malum; oportet nos diem messionis extreme misericordie operibus prevenire, & eternorum intuitu seminare in terris, quod reddente Domino cum multiplicato fructu recolligere debeamus in cælis, firmam spem fiduciamque tenentes, quod qui parce seminat parce & metet, & qui seminat in benedictionibus de benedictionibus metet vitam eternam. Cum igitur dilecte in Christo pauperes sorores penitentes S. Mar Magdal. in Alemannia proprias non habeant facultates, unde valeant sustentari; universitatem vestram rogamus, moneamus, & hortamur in Domino, & in remissionem vobis
injun-

(*) Vide præssim Tabulas.

injungimus peccaminum, quatenus de bonis à Deo vobis collatis pias elemosinas & grata eis caritatis subsidia erogetis, ut per subvencionem vestram earum inopie consularur, ut vos per hec & alia bona, que Deo inspirante feceritis, ad eterna possitis gaudia pervenire. Nos enim de omnipotentis Dei misericordia, & B.B. Petri & Pauli Apostolorum meritis & intercessione confisi, omnibus, qui ad loca ipsarum accesserint, vel elemosinas suas per nuncios suos destinaverint, XL dies de injuncta sibi penitencia legacionis auctoritate, qua fungimur, misericorditer relaxamus. Dat. Constencie Anno Domini M°.CC°. XX°. IX°. ind. II. XIV°. Kal. Januar.

OTTO, de quo hic sermo, & cui nomen Blanci de Alerano antea fuit, originem Marchionibus Montisferrati debuit. Cardinalis dignitatem nactus est Romæ mense Septembri (a) Anno MCCXXVII à Gregorio IX Papa. Munere legati Sedis Apostolicæ per Germaniam functus, & ex Diacono Cardinale tituli præmemorati Episcopus Cardinalis Portuensis & S. Ruffinæ ab Innocentio IV Papa A. MCCXLIV in concilio Lugdunensi creatus, diem supremum obiit Lugduni in Gallia Anno M CCLI ibidemque apud Prædicatores monachos terræ est mandatus.

Quod titulum S. Nicolai in carcere Tulliano concernit, scire oportet, Romanorum temporibus carcerem publicum eò in loco, ubi nunc templum conspicitur, fuisse. Templi origines haud certò constant, antiquissimum tamen est. Alexander VI Papa (b) idem instauravit, & Petrus Aldobrandinus tituli hujus Cardinalis Anno MDXCIX parietes picturis eleganter exornavit.

B

Hisce

(a) *Vid. Onuphr. Panvin. de Pontif. Rom. in Gregor. IX. & Innoc. II°.*

(b) *Vid. Rom. antiquit. & nov. p. 319.*

Hicce mediis nummi paulatim accrevire, facultate fororibus concessa coëmendi fundos in usum conventus. Mittebantur enim in regiones aditas qui elemosynas peterent, quibus testimonium concessere Guilielmus D. Petri & Thomas D. Stephani Moguntia Decani, conservatores & iudices ordinis B. Mariæ Magdalena per Germaniam à Papa constituti, *cunctos Christi fideles rogantes, ut sororum inopia larga manu suppetias ferre dignarentur, additis præmiis locò quadraginta dierum indulgentiis.*

Has novis auxit Gregorius IX Papa Anno MCCXXXII Non. Junii, Calend. Augusti, & XIV Cal. Decembris Agnania, Reati, & Spoletii in integrum annum & XL dies concessis. Conventus igitur divitiis augescentibus A. MCCXXXIV à Basilio Wenthusio & Guncelino Osterrodio fratribus IX agrorum sic dictos mansos & molendinum Mechtegeshusæ sita coëmit. Hæc bona feudi titulò tenebantur ab ecclesia Hildefiensi, & à præfatis fratribus Siffrido de Gowische Leonhardi filio collata erant, qui eadem conventui liberè resignabat. Testes : Bertholdus & Arnoldus fratres, Volmarus Giselbertus, & Siffridus Leonhardi filii de Gowische, milites, Rudolphus de Gosa, Vice-linus Vorsterus, aliique quam plures.

Osterrodiorum familia hic obvia è primariis harum terrarum quondam fuit, sedem in arce vetusta Osterrodia, in vicinia jugorum Hercyniorum sita, habens. Hanc sub Comitum Lutterbergiorum, quibus à Saxoniæ Ducibus feudi titulò collata fuerit, imperio aliquamdiu fuisse, & Hermannò stirpis novissimò Anno MCXLIII emortuò ad Henricum Leonem, Baviaræ & Saxoniæ Ducem potentissimum, rediisse legitur in (a) *Topographia Brunov. & Luneburgensi.* Verùm stirps Lutterbergia in Hermannò minimè perit; nam ex (b) *M. Henrici Eckstormii Chronico W'alkenredensi* constat, ultimum ejus Comitem Ottonem fuisse, & Anno MCCCXCVII demum diem supremum obiisse.

De Osterrodiis pauca invenire mihi licuit, Basili tamen nomen occur-

(a) *Merian. p. 178.* (b) *pag. 15.*

occurrit in tabulis Ottonis IV Imperatoris, quibus cœnobio Riddagshufano defensionem Anno MCXCVIII pollicetur. Idem testis citatur in aliis Tabulis XIV Cal. Jun. Anno MCCIX ab eodem Ottone datis. Idem nomen, advocati Osterrodenfis titulò additò, legitur ad Annum MCCXLIII Guncelini patris & filiorum Alberti, Burchardi, Guncelini, Ecberti, Hermannii & Ernesti, mentio incidit in Ann. MCCLXVII. Sic quoque Wenthufiorum, ejusdem stirpis nobilium (nam domiciliorum ratione saltem distinguuntur) raro occurrit mentio. Nostri tamen Basilii nomen circa Annum MCCLX conspicitur, quippe quò cœnobio D. Blasii Northeimii agros quosdam Godenstedæ obtulit. Uxor ejus citatur, sed nomine non expresso : filii verò fuere Aschwinus & Guncelinus. Horum insignia appicta exhibeo :



Graviter circa hoc tempus litigabant Conradus II Præsul Hildesienfis, & Otto puer Dux Brunov. & Luneburgensis. Causam litis fuisset perhibent (a) *Vitz Episc. Hildes. MS.* quòd Otto summam in Episcopatu Hildesienfi auctoritatem efflagitaverit. Vicini pacis amantes frustra rixam componere allaborabant ; sed auspiciò à Friderico II Imperatore comitia Moguntia celebrabantur. In hisce ingens principum & Magnatum turba, eosque inter Otto & Conradus comparuere. Hi duo principes causam suam coram Cæsare & ordinibus Imperii exposuere, solidis utrimque argumentis productis. Sed Otto causà cecidit, sententià latà, ut diœcesis Hildesienfis ab alieno dominatu esset libera.

B 2

In

(a) in *Conrad. II.*

In splendidissimis hiſce comitiis Anno MCCXXXV habitis Otto puer, Princeps prudentiâ, fortitudine, & armorum peritiâ clarus, XII Cal. Septembris primus (a) Brunovic. & Luneburg. Dux à Friderico II Imperatore ſolemni ritu denominatur. Splendidæ huic dignitati, quò eò eſſet amplior, decimæ metallorum ærariorum Goſlarienſium, ad imperium antea ſpectantes, junguntur.

Conventus noſter paulatim accreſcens papali deſenſione meritò firmandus erat, ideoque à Gregorio IX Papa hæſce literas nanciſcebatur:

GREGORIUS epiſcopus ſervus ſervorum Dei dilectis filiis prepoſito & ſororibus penitentibus monaſterii S. Marie Magdalene in Gozlaria, Ildeſemenſis dioceliſ, ſalutem & apoſtolicam benedictionem. Cum a nobis petitur quod juſtum eſt & honeſtum, tam vigor equitatis quam ordo exigit rationis, ut id per ſollicitudinem officii noſtri ad debitum perducatur effectum. Quapropter, dilecti in domino filii, veſtris juſtis poſtulacionibus grato concurrentes aſſenſu perſonas veſtras & monaſterium, in quo divino vacatis obſequio cum omnibus bonis, que imprefenciarum rationabiliter poſſidet, aut in futurum juſtis modis preſtante domino poterit adipiſci, ſub B. Petri & noſtra protectione ſuſcipimus. Specialiter autem terras, poſſeſſiones, & alia bona, que monaſterium ipſum ex pia conceſſione fidelium canonicè fuerit aſſecutum, ſicut ea omnia juſte ac pacifice poſſidetis, vobis & eidem monaſterio per vos auctoritate apoſtolica confirmamus, & preſentis

(a) De eo vid. amplius clariff. Meimbom. de erekt. Duc. Brun. & Luneb. ſcript. rer. German. T. 3. p. 203.

fentis scripti patrocínio communimus. Nulli ergo omnino hominum liceat hanc paginam nostre protectionis & confirmationis infringere, vel ei ausu temerario obviam ire. Si quis autem hoc attemptare presumpserit, indignationem omnipotentis Dei & B. B. Petri & Pauli Apostolorum ejus se noverit incursum. Datum Perusii IV non. Augusti, pontificatus nostri anno nono.

Idem Papa Anno MCCXXXVII novas C dierum indulgentias cœnobio largitur, literas IV. Cal. Oct. ad Priores & Fratres ordinis Prædicatorum ac Minorum per Germaniam dat, ac eosdem populum pro concione exhortari jubet, ne egenis hisce monialibus ad sustentandam vitam larga manu subvenire cunctaretur. Et quò dona fororibus oblata à turbatorum manibus essent immunia, privilegium adjicit, elemosynas canonicè oblatas ritè recipiendi, ac liberè possidendi, junctis intransgressores gravibus minis.

Hic Papa antequam ad sedem Romanam perveniret, Flugolini nomen gessit, Agnaniæ originem debuit, Innocentii III nepos & Honorii III successor fuit, & XIII Cal. April. Anno MCCXXXVII è Cardinale Episcopo Ostiensi & Veliterno Papa factus est. Hic Fridericum II Cæsarem ad expeditionem Asiaticam seriò exhortabatur. Fridericus se id solum curare simulans, ut Christianis in Palæstina sub impiorum jugo gementibus opem ferret, Cyprum insulam & Acconem cum classe perrexit, sed re infecta Brundisium rediit, Papæ studium planè elu-

dens. Paulò tamen post in gratiam cum Papa rediit CXX auriunciis persolutis. Gregorius turbas populares haud diu post Romæ excitatas lenitate potius quàm armis composuit. Recrudescentes verò non nisi justo exereitu sedari potuere. His succedere iteratæ cum Friderico II simulates : hunc enim Gregorius, pace inter Genuenses & Venetos firmata, denuò diris devovit. Circa hæc tempora prodire terribissima duarum factionum nomina, quæ motibus intestinis totam Italiam mirum in modum longo tempore concussere. Loquor de

Gibellinis & Gvelphis tantas turbas excitantibus, ut cives in civium viscera favirent, malò in dies latius serpente. Præter hæc Fridericus Cæsar Italiæ gravis incumbibat, quem ut domaret Papa concilium Romæ indixit Cæsari imperium abrogaturus. (a) Is verò itinera ad urbem terra marique tam arctè munierat & obsederat, ut Clerici ad Synodum vocati ab ejusdem introitu penitus arcerentur. Gregorius tantum ex eo cepit dolorem, ut mœrore animi confectus XI Cal. Aug. Anno M CCXLI obierit, cùm sedisset Ann. XIV, mens. IV & dies III. Et tantum de Gregorio IX Papa.

Nec Conradi Præsulis Hildesienfis munificentia nostris defuit: annò enim MCCXXXIX medium decimæ Novenenfis, ab Ulrico de Altafago resignatum, ad anniversarium obitus sui diem celebrandum, iisdem confert. Testes: Gervicus Decanus, Meinardus Scholasticus, Conradus Præpositus Montis, Henricus Custos, Mag. Hermannus de Paderburna, Conradus ab Altafago Ulrici frater, Canonici Hildesienfes, Henricus Comes Woldenbergensis, Aschvvinus & Leopoldus de Walmoden, Siffridus de Rutenberg, Conradus Marschalcus, aliique.

Aschvvinus de Walmoden modò nominatus, qui ministerialis ecclesiæ Hildesienfis dicitur, ab Ecclesia Gandesiana petebat, ut dominium IX mansorum Novenii sitorum, quos à præfata Ecclesia in feudo tenebat, sibi conferret, oblati, ad damnum refarciendum, IX aliis Lindedæ sitis. His ejus precibus lubenter annuit Capitulum Gandesianum die Apostolorum Philippi & Jacobi Anno MCCXLI præsentibus Hermannò & Henricò Comitibus Woldenbergiis. Testes: Johannes, Theodericus, Siffridus, & Henricus, Canonici Gandesiani, Petrus, Gerhardus, Godeschalcus, Sacerdotes, Theodolfus Laicus, ejusdem ordinis fratres, Alexander, Bertholdus, Reinhardus, D. Matthiæ Goslariz Canonici, Giselfbertus advocatus Goslarienfis, aliique.

Quid ministerialis nomen hic obvium sibi velit, optimè ab insi-
gui

(a) Vide Platin. de vitis Pontific. p. m. 479. seq. Panvin. de Pontific. Roman. in Gregor. IX. Nigrin. de Eccles. Rom. l. 8. c. 9.

gni Historico (a) Henr. Meibomio edocemur his verbis : *Sunt nostri Equites, die Ritterschafft / Saxonibus die ehrbare und gute Männer; à ministerio, quod ratione clientela principibus debent, Knaben oder Knechte. Ex his torque donati milites Ritter / reliqui famuli vel servi appellati fuere. Idem ministeriales vasallos nominat, id quod ad vocabulum hocce explicandum sufficiat.*

Tabulis supra dictis jungitur clausula : *Tartaris Christianitatem impugnantibus inhumaniter.* His verbis innuitur ingens Tartarorum irruptio in Europam, quæ tum temporis contigit. De hac (b) *Chronicon Eluvvangelse* ita loquitur : *Tartari Poloniam, Tusciam, (Rusliam intellige) & Ungariam ad generalem desolationem rede gere.* (c) Imò refertur, Polonos Russosque è vastissimis Sarmatiæ campis ipsis cecidisse, & barbaros eosdem magnò numero postea inhabitasse.

Circa hoc tempus conventui nostro præponitur PETRUS in ordine secundus : nam de primo RUDOLPHO nomen saltem constat. Huic Conradus Præsul Hildesienfis XV Cal. Sept. Anno MCCXLII donum aræ Ecclesiæ Francobergensis propria manu porrigit, interdictione additò, ne quis Archidiaconus Goslariensis ipsi vel successoribus ejus litem de eodem moveret.

Hic Præpositus anni insequentis VII Cal. Maji duas curias, IX mansos cum decima, molendinum, & sex areas, cunctaque ad hæc bona spectantia, in & juxta Mechtegeshusam sita, centum argenti examinati marcis comparat. Hæc bona sub dominio Ecclesiæ Hildesienfis & Basilio de Wenthusen, Guncelino de Osterrode fratribus, Siffrido filio Leonhardi de Govvische, Walthero Siffridi è sorore nepoti, Mathildi de Goslar viduæ, ejusque filiis Rudolpho & Reinero, in feudo collata erant. Hi, acceptis his C marcis, bona enarrata Conrado Præsuli renunciabant, à quo conventui nostro titulò beneficii perpetui donabantur. Testes : Johannes Cellarius, Reinhardus Scholasticus, Herman-

(a) *Script. rer. German. Tom. I. p. 413. Vid. etiam Fabricii Chron. Misn. & Cranc. metrop. l. 1. c. 2. & l. 3. cap. 11.* (b) *ap. Pistor. ad ann. 1243.* (c) *Paralipom. ad Abb. Ursp. Cbr. sub init.*

Hermannus & Jordanus Clerici, Aschvvinus & Henricus fratres de Montelapideo, Thidericus & Hugo fratres de Holthufen, Henricus Pincerna, Johannes de Lutheren, Hermannus Senior ab Uslar, Conradus & Ludolphus fratres de Elvede.

Basilius Advocatus & Senatus Osterrodenfis hanc transactionem ratam habent. Testes: Gerhardus provisor cœnobii D. Jacobi Osterrodæ, Theodericus & Johannes Sacerdotes, Winandus, Basilius, Conradus, milites, Dethmarus, Johannes, & Johannes, cives Osterrodenfes.

VIII Cal. Maji ejusdem anni Rudolphus de Dalheim miles vendit monialibus curiam, III mansos, & IV areas Scheningæ CXXXV libris Hildesensibus. Horum bonorum decima à Rudolpho resignata sororibus confertur à Conrado Præsule.

Anno MCCXLIV Ulricus ab Altafago juri, quò in medio decimæ Novenii minoris fruebatur, renunciat, & literas à Conrado Præsule hunc in finem olim datas consensu suo approbat. Testes: Hojerus ab Altafago Canonicus Hildesiensis, Conradus Capellanus Winceburgensis, Conradus Sacerdos, Henricus Diaconus Bremensis, Hermannus de Gandersem miles, Johannes filius Rudolphi de Dalheim, Arnoldus & Anno pater & filius de Gowische.

Jus parochiale templi D. Petri Francobergensis olim ad parochianos spectabat, sed ab iisdem conventui dono dabatur in hisce literis:

Venerabili Domino suo CONRADO Hildensemensis ecclesiæ Episcopo Y. miles in Goslaria, S. & R. milites, S. R. B. & J. & G Burgenfes S. Petri in Franckenberch parochiani, & alii quamplures sue possibilitatis in omnibus obsequium. Bene recognoscimus, quod ecclesiam nostram quondam à Domino Ambrosio felicis memorie nobis resignatam sororibus penitentibus compassi pietatis visceribus ordini B. Mar. Magd. donavimus dati donacione, nullo in eadem parochia reclamante, quia Rodolfus,
qui

qui tunc erat dicti ordinis prepositus, ad manus ordinis recepit, & domino Ambrosio, qui plebanus fuerat, contulit custodiendam, tali condicione, ut post mortem suam unum fratrem sacerdotem eligeremus de gremio ordinis in plebanum, eis promissimus, & promissum in electione domini Petri, qui frater est & fuit ordinis, effectui debito mancipavimus. Verum, dominus DEUS est laudandus, divino flamine inflammari, cum presens nequam sit seculum & primum in malum, vestram rogamus sanctitatem, quatenus intuitu DEI bona fide & fideli diligencia tam pium factum coram vobis inchoatum, & nuper etiam terminatum, vestra auctoritate dignemini confirmare, quod nullus imposterum pietatis illusor valeat irritare. Quia commune sigillum non habemus, presentem literam sigillo domini Volcmari solius assignavimus.

His assensum præbet Conradus Præful Anno MCCXLVI libertate addita præpositum pastorem suum sueto ritu denominandi.

Hermannus & Henricus Comites Woldenbergenses decimam Novenii minoris resignaverant; hanc idem Episcopus conventui addidit Id. Maji. Testes: Reinoldus Præpositus major, Conradus Præpositus Montis, Johannes Cellarius præpositus Alsburchensis, Meinhardus Scholasticus, Sigebodo de Scartfeld, M. Volcmari, Heydenricus Canonicus S. Crucis, Albertus de Montesefereno, Daniel & Godefridus Canonici S. Andreæ, Conradus Plebanus Honhamelensis Clerici, Ludolphus Hallermundensis, Adolphus Dassiliensis, Henricus Junior Slademensis Comites, Bertholdus ab Homburg, Hermannus ab Uslaria Nobiles, Bertholdus Advocatus, Siffridus de Rutenberg, Ludolphus Camerarius, Conradus Marschalcus, Hugo ab Insula, Rudolphus de Dalheim, Henricus & Aschwinus fratres de Steinberg, Hugo ab Holt-

husen, Ludolphus de Seledē, Siffridus ab Eitze, Albertus de Novali, & Albertus Junior de Freden milites.

In hisce literis triga dynastarum Saxoniorum vetustate conspicuorum occurrit. Primus ex his est Ludolphus Comes Hallermundensis, cujus origo falsò è peregrinis regionibus deducitur. Est enim indigena, & jam ante Caroli magni in has oras adventum floruit. Hallermundensis comitatus situm habet in ducatu Brunovico-Calenbergenſi, & nomen ab arce Hallermundia, quæ priscis temporibus ad confluentes Halleræ & Leyne exstructa erat, traxit. Hallera rivus hunc comitatum ab occidente orientem versus pererrat, & Halleræ fontibus, vulgò *Springe*/ ac Hallerburgo nomen elargitur. Hæc olim fuit arx munitissima, à civibus Hannoveranis, Münderensibus, Pattensenſibus, Eldags-husanis, & cænobio Wülſinghusano, assentiente Guilhelmo victoriosò Duce Brunov. & Luneburgensī, annò M CCCC XXXV solo æquata.

Primus hujus stirpis, qui à (a) *Letznero* nominatur, est *Otto* filium *Lutbrandum* habens. *Ludolphus*, de quo hic sermo, secundum Clariss. (b) *Meibomius* filius fuit Burchardi unà cum fratre Henrico Anno MCCXXXIV à Stedingis interfecti, qui è Jutta uxore suscepit Gerhardum seniore, Wernerum, Ludolphum, Canonicum, Hildesienſem, & Wilbrandum. Longè ab eo differt (c) *Letznerus*, uti è schemate subjuncto patet:

WIGEBRANDUS

Ludolphus.	Burchardus.	Wulbrandus Adelheidis.	Beatrix.
		I.	
Wulbrandus Adelheidis.	Gerhardus	Elisabetha.	Gertrudis.
II.	I.		
Ludolphus de quo hic sermo est.	Gerhardus II.	Henricus.	Otto III.
Gerhardus III.	Gerhardus IV.	Otto IV.	Comi-

(a) *Geneal. comit. Hallermund. MS.* (b) *Scriptor. rer. Germ. Tom. 3. p. 354.*
 (c) *loc. cit.*

Comites Dassilienses amplas olim habuere terras , nomenque suum posteris notissimum fecere. Hoc ab oppido cognomine traxere, situm obtinente ad Ilmam rivum, qui paulò infra Eimbeccam Grubenhagensis Ducatus metropolim Leynæ sese miscet. De his magnatibus eorumque stemmate & rebus gestis fusiùs egit (a) *Job. Litznerus*, è quo partem stirpis hùc facientem addo :

G U I L I E L M U S

Uxor Mathildis de

Wincenburg.

Janus IV. Hermannus Siffridus. II.		Otto uxor Sa- Henricus Fridericus Archi- lomePlessen- Claudus. Præful Colo- fis. niensis.	
Adolphus audax.	Hunoldus.	Bernhardus ob.A. 1126. uxor Anna Homburgia.	Reinholdus Robertus. Helmber- Archipræ- tus. fulColon.
Bodo	Hermannus	Jordanus mo- nachus Ame- lunxbor- nensis.	Ludolphus Janus Adolphus III. Heidenricus ob. 1259. u- V. ob. A. 1292. obiit 1270. xor Lucca hic obviat. N.
Wittekin- dus.	Ludol- phus.	Conra- dus.	Bernhardus ob. 1309. ux. Mathildis Wol- denberg.
			Simon stirpis ul- timus ob. 1329. ux. Sophia.
			Otto.

Slademensis comitatus in diœcesi Hildesiensi est situs, & superest hodie arx Slademia peculiari præfecturæ nomen dans. Henricus Junior in Tabulis præfatis obviat parentem habuit Henricum, cujus mentio in annum MCCXXXI incidit, & fratrem Ludolphum Canonicum, postea verò præfulem Halberstadensem, qui Anno MCCXLI diem supremum obiit.

Anno MCCXLII turbæ per Germaniam recrduere ; ordines

C 2

enim

(a) in Chronico suo Dassil.

enim imperii, partibus Friderici II Imperatoris, qui ab Innocentio IV Papa excommunicatus erat, derelictis, Anno MCCXLV Henricum Thuringiæ Landgravium Regem Romanorum creârunt. Conradus Friderici filius ægrè id ferebat, & Henricum gravi bello prosequabatur, qui victus contemptum principum incurrit, ignominioso *Regis Clericorum* nomine derisus. Papa verò Fridericum & Conradum æquè odio habens ordines seriò hortatur, ne partes Henrici derelinquerent, sed in debellandis Friderico & Conrado auxilio ipsi essent.

Miseram hanc rerum faciem & turbulenta hæc tempora fastidians Conradus præsul Hildesienfis unicè id curæ habuit, quò à munere suo sese abdicaret, & reliquum vitæ in otio procul à turbis transigeret. Veniâ ejus à legato pontificio præsule Ferrariensi impetratâ splendidam dignitatem derelinquit, & cœnobium Dominicanorum Hildesiæ ingreditur. Nectamen hic à turbarum strepitu immunis erat, schismate, in Ecclesia Hildesienfi oborto, & duobus præsulibus à Canonicis dissidentibus electis. Hôc motus è Saxonia excedit, & ad cœnobium Schönaviense juxta Heidelbergam situm sese confert, reliquum vitæ, quod triennium haud excedebat, in eodem consumpturus.

Hallucinantur autem scriptores, qui XXIV regiminis annos Conrado adscribunt. Hic error corrigi potest è Tabulis datis Id. Maji Anno MCCXLVII, pontificatus ejus vigesimò sextò, in quibus conventui Francobergensi proprietatem decimæ Novenensis confert. Ex eo patet, Conradum munus suum annis viginti sex administrâsse, ab eodem Anno MCCXLVII sese abdicâsse, ac triennîo pôst in cœnobio Schönaviensi vitam finiisse.

Anno MCCXLVIII Innocentius IV Papa ordinis B. Mariæ Magdalenæ privilegia hisce literis confirmat :

INNOCENTIUS episcopus servus servorum DEI
venerabilibus fratribus Archiepiscopis & Episcopis, ad
quos litere iste pervenerint, salutem & apostolicam bene-
dictionem. Ex parte prepositi, prioris, & sororum S.
Mar.

Mar. Magdal. in Alemannia, fuit nobis humiliter supplicatum, ut, cum nonnulli privilegia & indulgentias eis perpetuo ab apostolica sede concessa per obitum predecessorum nostrorum vigore proprio asserunt destituta, providere ipsis super hoc paterna sollicitudine curaremus. Quocirca fraternitati vestre per apostolica scripta mandamus, quatenus hoc non obstante predicta privilegia & indulgentias in suo vigore servetis & faciatis a vestris subditis observari. Dat. Lugduni VI non. Jul. pontificatus nostri A. VI^{to}.

Hæc literas Hilmarus ordinis B. Mariæ Magdalensæ per Germaniam Præpositus Colonie in exaltatione crucis transcriptas & signò suo roboratas Francobergensibus mittit.

Innocentium IV Papam, ut pauca de eodem eloquar, Annò MCCXLIII coepisse, rectè scribunt (a) *Onuphrius Panvinus* & (b) *Helvicus*, probante id literarum præcedentium auctoritate. Ortum debuit familiæ Genuensi Fliscorum è Lavanie comitibus, Anagninæ, cùm sedes ultra XX menses vacasset, electus. Graves, ut dictum, altercationes cum Friderico II Imperatore habuit, imperium eidem in synodo annò MCCXLVI Lugduni celebratâ abrogans. In Gallia remansit ad turbarum usque Italicarum sedationem. Pace enim conclusa in Italiam remigravit, sed Neapolim veniens fatò functus est Ann. M CCLIII, cùm sedisset Ann. XI, m. VI, d. XI.

Anno MCC XLIX Rudolphus de Dalheim miles conventui confert dominium cujusdam areæ, quam Henricus cognomine dives resignaverat, idque præcipuè hanc ob causam, quò sororibus de molestiis illatis satisfieret. Testes : Ulricus ab Altafago, Henricus Sacerdos dictus ab Astveld, Henricus Diaconus Bremensis, Petrus Sub-Diaconus,

C 3

frater

(a) de *Perit. c. Roman. in Innocent. IV.* b *Thyatr. bistor. p. 132. Vide etiam Platin. de vit. Pontif. p. m. 488.*

frater Danemarus alique quamplures. Insignia Dalheimensium hæc figura monstrat:



Anno MCCLI Hermannus Comes Woldenbergensis & uxor ejus Hedvvigis sororibus nostris tres agrorum mansos, eorumque decimam, Scheningæ sitos, & à Bernhardo de Lidinge patre, nec non Bernhardo & Henrico filiis, ac Conrado & Thiderico Bernhardi Senioris fratribus, resignatos, conferunt. Testes: Henricus de Clauenberg, Arnoldus de Govvische, Henricus de Sulingen, & Wernerus de Volquin milites, Henricus Sacerdos, Henricus Diaconus, Petrus, Johannes, & Petrus aecoliti, Dietericus ab Aftveld, Ulricus & Johannes fratres de Bilsten, & Ludolphus Coriarius.

Mortuò Anno MCCXLVII Henricò Landgraviò Thuringiæ Romanorum Rege ordines imperii, consiliò Innocentii IV, Papæ eidem Nussiæ suffecere Guilielmum Hollandiæ Comitem. (a) Hic, Fride-
 ricò II in exilio mortuò, Anno MCCL Francofurti ad Mœnum comitia celebrat, & anno sequente uxorem ducit Elisabetham Ottonis pueri Ducis Brunov. & Luneburg. filiam. Sed, incendiò ipsa nuptiarum nocte inauspicatò obortò, mortem cum uxore vix nudus effugit.

Anno

(a) *Rolevvink. fascic. temp. in Henr. VI. Pauli Lang Chron. Citiz. ad ann. 1242. Chron. Slav. ap. Lindenbrog. ad ann. 1251. Krantz. Saxon. l. 8. c. 17. Fabric. mem. Saxon. ad ann. 1251.*

Anno MCCLII denuò ad focerum Brunovicum venit, & nostris sequentes concedit Tabulas :

WILHELMUS Dei gracia Romanorum Rex semper Augustus universis sacri imperii fidelibus presentem paginam inspecturis gratiam suam & omne bonum. Meritis sacre religionis inducimur, ut, personas religiosas & loca sacra benigni favoris gracia jugiter prosequentes, eorum petitionibus interdum benignum accommodemus auditum. Hinc est, quod nos dilectorum nostrorum Prepositi, priorisse, & conventus monasterii Montisfrancorum in Goslaria, ordinis penitentium, Hildesemensis diocesis, devotis precibus inclinati, monasterium ipsum, & personas ibidem domino famulantes, cum sit novella plantacio, sub protectione sacri imperii atque nostra liberaliter admittentes ipsos cum omnibus bonis suis, que largicione principum, nobilium, seu aliorum fidelium, sive titulo emtionis vel donacionis aut legacionis, sive quocunque alio justo titulo, possident ubique locorum, vel impofterum justis modis prestante domino poterunt adipisci, speciali prosequi volumus gracia & favore, & ea omnia eis & per eosdem monasterio auctoritate regia confirmamus, tenore presencium, districtius inhibentes, ne quis ipsos contrahanc nostram protectionem vel confirmationem impedire audeat vel molestare. Quod qui facere presumpserit, gravissimam celsitudinis nostre offensam noverit se incursum. Datum Brunsvich Kal. Mart. Ind.X. Anno Dni MCCLII.

Quadriennio pòst periit Guilielmus ignobili morte in Frisia :
 (a) quidam eum in paludibus submersum, alii verò à Frisiis interfectum
 volunt, alii aliud mortis genus comminiscuntur.

Anno MCCLIII die Bartholomæi Apostoli Conradus Schola-
 sticus & Hogerus Canonici Ecclesiæ Hildesiensis, juri & actioni, quæ
 in medio decimæ Novensis ipsis competeabant, renunciant. Testes :
 Conradus de Piscina, Ludolphus de Vinkelere, milites, Volradus Ca-
 nonicus montis D. Petri, Henricus, Petrus, Henricus, Johannes, Sa-
 cerdotes Goslarienses, & Henricus Diaconus Bremensis.

Diximus suprà, schisma in Ecclesia Hildesiensi post abdicationem
 Conradi II obortum fuisse : pars enim Canonicorum Henricum
 præpositum Heiligenstadensem, pars verò Hermannum præpositum
 B. Cyriaci Brunovici elegerant. Ille, cùm Hermannus opibus, po-
 tentiâ, & amicis præpolleret, ferè nihil obtrivit, ideoque ad (b) Inno-
 centium IV Papam Lugduni agentem sese contulit, ac post longam
 temporis moram ob Hermannii artes interjectam arbitrum causæ ob-
 tinuit Henricum præfulem Argentoratensem. Is cunctis maturè pen-
 sitatis sententiam pro eodem tulit. Hermannus, appellatione quam-
 vis interposita, secunda vice causà cecidit, ideoque Henricus pacifi-
 cam diœcesis suæ possessionem nactus Francobergensibus A. MCC LIV
 sequentes elargitur literas :

HENRICUS DEI gracia Hildensem. episcopus uni-
 versis Christi fidelibus per suam diocesim constitutis eter-
 nam in domino salutem. Cum domus S. Mar. Magda-
 lene in Vrankenberge apud Goslariam, sūtpote novella
 plantacio, fidelium elemosinis indigeat adjuvari, & inter
 alia caritatis opera elemosina primatum optineat, que pec-
 catum

(a) *Henr. Mut. Chron. German. l. 21. Hist. Landgr. Thur. ap. Pistor. c. 56.*
 (b) *Vid. Brusch. de Archiep. & ep. Germ. c. 11. §. 30. Bunting. de Episcop. Hildes. in*
b. epo. Hist. episc. Hildes. MS. in eod. m.

catum exstinguens felicitatis eterne premia suo retribuit largitori ; universitatem vestram monemus, rogamus, & hortamur attente, in remissionem vestrorum vobis peccaminum injungentes, quatenus de bonis vobis à Deo concessis illuc pias elemosinas & grata caritatis subsidia erogetis, ut per subventionem vestram sorores ibidem domino famulantes valeant sustentari, & vos pro modico, quod inspirante domino ipsis contuleritis, centuplum in presenti & vitam eternam recipere valeatis in futuro. Nos autem, ut quasi per premia vos ad eterna gaudia incitemus, de omnipotentis Dei confisi misericordia, & Apostolorum ejus Petri & Pauli auctoritate, & B. Marie perpetue Virginis meritis confisi, omnibus vere penitentibus & confessis, qui predictis sororibus manum porrexerint subvenientem, vel voluntatem habuerint porrigendi, si suppeterent facultates, XL dies de injuncta sibi penitencia misericorditer relaxamus. Dat. Hildensem. anno Domini MCC LIV Kal. Maji.

Circa hæc ferè tempora legati apostolici per Germaniam munere fungebatur frater Hugo de S. Caro tituli S. Sabinæ presbyter Cardinalis. Is ad Hildesienfès accedens à conventu nostro rogatur, ut, cùm forores ob paupertatem eleemosynis plurimum indigerent, indulgentias iisdem elargiri dignaretur. Fecit id II. Non. Mart. Anno MCCLI quadraginta dies cœnobio Francobergeusi beneficientibus remittens.

Ilicce legatus natione Gallus in quatuor temporibus adventus
A. MCCXLIV ab Innocentio IV (a) Papa è Priore provinciali Franciæ
D . Cardi-

(a) *Vid. Panvin. de Pontif. Rom. in Innoc. IV.*

Cardinalis denominatus est. Legatione Germanica functus obiit annò MCCLXIV. XIV Cal. April. sepultus in templo Prædicatorum Lugduni in Gallia.

A. MCCLVI, VII Id. Jul. Margaretha Abbatissa Gandesiana cœnobio Francobergensi dono dat duos manfos Jerstetti sitos, & ad fanum B. Johannis Baptistæ Dalheimii spectantes, idque cum consensu capituli sui & Lutberti Rectoris Dalheimensis. Testes : Burchardus & Henricus Comites Woldenbergenses, Lippoldus de Luttere, Theodericus de Elvede, Engelhardus de Hanekissen, Henricus de Waninge, & Lutbertus Rector præfatus

Hofce II manfos Henricus Junior Comes Woldenbergensis VIII Id. Octobr. Woldenbergæ Petro Præposito & conventui nostro vendidit, Ecclesiæ Dalheimensi, ne quid damni pateretur, XL agrorum jugera & aream Bornheimii sita conferens. Præsentēs fuere : Margaretha Abbatissa Gandesiana, Burchardus Comes Woldenbergensis venditoris frater, Waltherus de Gandersem, Gerhardus & Henricus fratres de Bandersem, Henricus Camerarius Gandesianus, Ludolphus de Vluenc-husen, Lippoldus de Lutter, Henricus de Wagenige, Thidericus ab Holle, Thidericus de Levede, Henricus de Berkenfeld, Arnoldus ab Herre, Engelhardus ab Hanekissen, Ludovicus de Lindede, & Lutbertus Rector Dalheimensis.

Margaretha Abbatissa, quæ hic loci occurrit, parentem habuit Ottonem, fratres verò Popponem, Gotschalcum, & Ludovicum Dynastas Plessenses, & electa est Anno MCCLIV, uti Tabulæ recitatæ probant, haud verò Anno MCCLI, quæ (a) *Michaelis Rupenii* est sententia. Gerhardus Archipræsul Colonienfis è Waldgraviis Eppensteiniis prognatus eandem confirmavit. Præfuit annis L & obiit Anno MCCCIV.

Lis circa hoc tempus inter conventum & Guncelinum clericum, magistrum xenodochii D. Johannis Brunovici, vertebatur. Is enim a Petro præposito jus parochiale quarundam ædium extra muros Goslar-
rientes

(a) In Catal. Abbat. Gand. MS. in Margar.

rienses juxta Montem Francorum sitarum exigebat. Causam hęc argumentò probare nitebatur, quòd eadem ad borealem urbis partem sita essent, adeoque vigore privilegii, ab Adelogo præfule Hildesiensi quondam concessi, ad templum potius S. Sepulchri quàm Francobergensem spectarent. Petrus longinquam & imperturbatam possessionem allegabat.

Post multas altercationes causa probis viris cognoscenda dabatur: coram his, cùm Petrus & Bruno præpositus fororum B. Mar. Magdale-næ Hildesiæ juratò affirmarent, se à gravibus ætate viris edoctos esse, quòd ædes litigiosæ earumque incolæ potiori jure ad Francobergensem quàm ad S. Sepulchri Ecclesiam spectarent, causâ cecidit Guncelinus. Actum in templo D. Matthiæ Goslariæ Non. Mart. Testes ad-fuere: Johannes præpositus, Rudolphus Decanus, A. Scholasticus, Mag. F., B. Canonicus, H. Plebanus D. Stephani, H. de Alvelde, Lude-gerus & Petrus Sacerdotes, C. de Ostervvyk, H. Bremensis Diaconus, B. & H. Abdiaconi, B. & A. fratres de Govvische, Basilus de Wenthu-sen, H. Bezelini, S. Leonhardi, Edeleres ab Homanneshusen, milites, Robertus de Gosa, alii que quamplures.

Anno MCCLVIII Johannes præpositus, Gertrudis Abbatisa, & conventus Novioperis Goslariæ vendunt Francobergenlibus aream & IV mansos Langenicix sitos XXVI argenti examinati marcis, decimâ tamen exceptâ. Testes: Rudgerus olim forensis templi plebanus, Henricus plebanus Langenicensis, Petrus Sacerdos, Henricus & Henri-cus Diaconi, Bertholdus Subdiaconus, Bertholdus & Arnoldus fratres de Govvische, Burchardus de Lengede milites, Henricus de Borneten, & Conradus de Furenberg, cives Goslarienses.

Idem conventus hęc eodem annò nostris prædium hæreditarium, ejus decimam dictam *Udyt-tins* / & IV mansos Langenicix sitos XXVI argenti examinati marcis vendit, mediò cujusdam areæ ad aliud quod-dam prædium in eodem pago spectantis additò. Testes iidem qui su-prà. Nota: *Udyt-tins* nil esse aliud, quàm decimam ab animalibus terrestribus & volatilibus dari solitam.

Anno MCCLIX Cal. Jun. Ludoldus Abbas cœnobii B. Godehardi

Hildesie nostris confert decimam trium mansorum juxta Novenium majus, & VII jugera ac aream Maldemii sita, à Leopoldo Andrea filio milite, & Conrado de Schoringe resignata.

Henricus Curlandiæ Episcopus, hòc annò Goslariam veniens, cœnobium Francobergense ingreditur, idemque die B. Marcelli Papæ quadraginta dierum indulgentiis dotat.

Anno M C C L X I Theodericus præsul Vironensis Goslariam invisit, & conventui sequentes indulgentiarum literas concedit:

THEODERICUS DEI gracia episcopus Vironensis Christi fidelibus universis presentes literas inspecturis salutem in Dominorum Domino DEI filio JESU CHRISTO. Vite perhennis gloria, qua mira benignitas conditoris omnium beatam coronat aciem civium supernorum à redemptis pretio sanguinis fusi de pretioso corpore redemptoris, meritorum debet acquiri virtute, inter que illud esse pregrande dinoscitur, quod ubique sed precipue in S. S. ecclesiis majestas altissimi collaudetur. Hinc est, quod cum nos locum dilectorum nobis in Christo prepositi & priorisse, totiusque S. Collegii sororum S. Marie Magdalene in Frankenberg Goslar. Hildensem. diocesis duxerimus personaliter visitandum, inspecta ejusdem loci necessitate, earumque favorabilibus precibus inclinati, omnibus vere penitentibus & confitentibus, qui locum ipsum in B. & gloriosè semper virginis DEI genitricis Marie, B. B. Petri & Pauli Apostolorum, sanctique Augustini Confessoris atque pontificis, ac B. Marie Magdalene, necnon in ejusdem ecclesie dedicacionis annue festivitatis, septemque diebus immediate sequentibus, cum cordis contricione & humili-

tate

tate annuatim venerabiliter visiterunt, quique eisdem ad ipsorum propter Christum pauperem, videlicet extreme paupertatis sarcinam portantibus, inopiam sublevandam manum porrexerint quocunque tempore adjutricem, de omnipotentis DEI misericordia, & prenominatorum Petri & Pauli Apostolorum ejus, ac ea, quam nobis licet indignis DEUS contulit, auctoritate confisi, XL dierum uniusque Carene indulgentiam, accedente consensu venerabilis Domini Hildensem. episcopi, in nomine Domini concedimus misericorditer & largimur, peccata & oblita vera fracta, si ad ea redierint, offensas patrum & matrum sine injectione manuum violenta, juramenta temeraria, que fiunt absque tactu reliquiarum aut Evangeliorum, & violaciones dierum celebrium, similiter relaxamus. Datum ibidem in die B. Georgii martyris anno Domini MCC LXI, pontificatus vero nostri anno XIV^{to}.

Henricus Præsul Hildesienfis Anno MCCL VII diem supremum obierat, successorem habens Johannem præpositum montis B. Mauriti extra mœnia Hildesienfis, virum apprimè doctum, cultus divini amantissimum, & insigni comitate præditum. Hinc mihi nullum est dubium, quin conventus noster favorem ejus probè sit expertus. Auxit diocesim suam variis bonis à comitibus Woldenbergiis, nobilibus ab Escherde, aliisque coëmtis. Alberto magno Duci Brunov. & Lüneburgensi, qui Ludolpho ultimo Comiti Peynensi bellum inferebat, socia junxit arma, obsidionem arcis cognominis cum eodem seriò urgens. Causæ hujus belli me latent, asserit tamen (a) *Albertus Krantzius*, easdem fuisse legitimas. Extrema obsessis imminebant, cum Ludolphus clam præfulem permoveret, ut Alber-

D 3

tum

(a) *Saxon. lib. 8. c. 28. Chron. Saxon. p. 336. Fabric. mem. Saxon. ad b. 4.*

rum ad solvendam obsidionem blandis verbis adigeret. Fecit id singulari industria : sed Albertus fraude detecta gravem meditabatur vindictam. Hanc prævenit mors Johannis, quæ contigit An. M CCLXI XVII Cal. Octobr. eique successit Otto Alberti magni frater.

Anno M CCLXII Hojerus Comes Woldenbergensis proprietatem sequimansi juxta Novenium majus siti, quem Johannes de Novven ab eodem in feudo habuerat, Ecclesiæ S. Petri Francobergensi confert. Testes : Conradus de Malhem, Hervvicus Sacerdos dictus de Astveld, Conradus de Piscina, Johannes de Sutburc, Conradus de Vimelhufen, Rudericus de Lochtene, Arnoldus Gnose, Bertholdus de Calbechte, Olicus de Bilsten, Conradus de Cellariopiperis, alii que quamplures.

Insignia Comitis Hojeri de Hartesburc :



Anno M CCLXIII Rudolphus & Johannes de Dalheim fratres, Rudolphi filii, venditionem bonorum Scheninger suum à parente factam revocare conabantur, defectum annorum prætexentes. Petrus verò præpositus transactione cum iisdem inrita turbas hæc confestim assopivit. Testes : Ulricus ab Altafago, Conradus Plebanus Winceburgensis, dictus de Rothinge, Hermannus de Gandersem miles, Hermannus ejus filius, Aschvvinus & Conradus fratres de Steinberg, Thidericus de Stockem, Burchardus de Cramme, Ludolphi militis frater, alii que.

Anno M CCLXIV Ulricus ab Altafago juri suo in medio decimæ
Novenii

Novenii minoris renunciat, consensum dans transactioni à Conrado II præfule Hildesienfi quondam factæ. Testes : Hojerus ab Altafago Canonicus Hildesienfis, Conradus Capellanus Winæburgensis, Conradus Sacerdos, Henricus Diaconus Bre-mensis, Hermannus de Gandersem miles, Johannes Rudolphi filius de Dalheim, Arnoldus & Anno pater & filius de Govvifche.

Anno fequente conventus alebat lites cum Conrado Marſchalcio ejusque fratribus. Ne verò eadem ingravescerent, cauſa Ottoni præfule Hildesienfi cognoscenda tradebatur. Is talem ſententiam Hildesia tulit : *Petrus præpoſitus Marſchalcis XI talenta exſolvito, bi verò litiſuſcepta renuncianto.* Pro hac ſolutione fidejuſſere : Vulhardus præpoſitus Montis D. Mauriti, & Ludolphus de Borſſem, & pro Marſchalcis Ludolphus & Erneſtus Junior Pincernæ. Testes : Ludolphus præpoſitus major, Volquinus præpoſitus, Canonici Hildesienſes, Henricus Pincerna, Ecbertus Camerarius, Albertus Bok, Aſchvvinus & Conradus fratres de Steinberg, & Bertholdus Pyl miles.

Circa hoc tempus Otto præful Hildesienſis Urbani IV Papæ confirmationem obtinuit, negotiò hóc ob teneros annos procul dubiò dilató. Poſt hæc Gregorius X Papa Anno M C C L X X I I I ingentem ſynodum Lugduni in Gallia celebrabat, quò Otto benediſtione ſacerdotali accepta etiam ſeſe contulit. (a) Lugdunum veniens à Wernero Archipræfule Moguntino inſigni & ſplendidâ pompâ eſt inauguratus. Domum rediens ſummò ſtudiò & prudentiâ ſuos rexit, varia bona à prædeceſſoribus ſuis oppignorata redimens, novaque IV marcarum pretiò acquirens.

Anno M C C L X V I I, II Cal. Januar. Hermannus Comes Woldenbergienſis, annuentibus filiis Ludolpho, Conrado, Hojero, & Johanne collationem ſequimaniſi ab Hojero comite VVoldenbergienſi Francobergienſibus factam ratam habet. Testes : Bernhardus ab Hagen, Hojeruſe ejus filius, Arnoldus Knoſe, VVernerus de Dolgen, Thidericus

(a) *Brufcb. de Archiepiſc. & Epiſc. Germ. c. 11. §. 32. Vit. Epiſc. Hildes. MS. in Ottone.*


ricus de Mandere, Bertholdus de Kalbechte, Gerhardus de Gustede milites, Burchardus & Ecbertus de Wolfenbüttel, Ulricus, Bertholdus, & Hermannus de Levensted, alique.

Non possum quin hicce loci de prænobili & pervetusta comitum Woldenbergensium familia paulò exactius agam. Horum comitatus in Episcopatu Hildesienfi situs est, à septentrione Stürvvaldicà & Steinbrugenfi præfecturis, ac comitatu Peynensi, ab oriente Levenburgicà & Lutteranà, à meridie Westerhofenfi præfecturis, ab occidente verò comitatu Winceburgensi & præfectura Mariæburgensi, inclusus. Innersta fluvius, in montibus Hercyniis juxta Clauthaliam scatens, ab ortu ad occasum medium ferè peragrat. Comitatus hicce oppidum Bokenheimense, vicum Werderensem, arces Woldenbergensem & Woldensteinensem, ac demum pagos Lekstede, Heine, Listringen, Nette, Dalem, pluresque alios continet.

Nomen traxit ab arce Woldenbergia, cujus etymologia est facillima. *Wold* enim nostris sylvam, *Berg* verò montem denotant, ut adeò *Woldenberg* nil aliud referat, quàm *Montem sylve immersum*. Stirps horum comitum tripartitim distinguitur in *Woldenbergensem*, *Werderensem*, & *Woldensteinium* ramos, quibus insignis (a) *Heinr. Meibomius* Woldenbroccensem, & Vimmelsensem addit. Prout enim varias habuere sedes, varia quoque nacti sunt nomina. E vetustissimis hujus familiæ est (b) *Hoppenrodio* Sigismundus, quem ludis equestribus Anno DCCCCXCVI Brunovici celebratis interfuisse perhibet, quo fundamento, alii judicent. Verius de Bennone loqui possumus, qui è præposito Goslariensi Meynardo præfuli Milnensi Anno MLXVI ab Henrico IV successor datus est. Hic in tempora calamitosa incidit Saxonibus præfato Imperatori grave bellum inferentibus. A munere igitur suo remotus (c) Clementi III Papæ tandem fit supplex, & Anno MLXXXVIII pristinæ dignitati restituitur.

Obiit

(a) *Chron. Riddegsb. in Job. II. abb.* (b) *Etambuch p. 104.* (c) *Ibid. Lamb. & bassnab. annal. ad an. 1066. Apolog. pro Imper. Henr. IV. ap. Ercher. & Fabric. annal. Mjn. ad a. præfatos.*





Ste

Burchardus I 1256.				
Burchardus II 1274.	Hermannus I 1274.	Waltherus I 1274.	Ho	Otto.
Ludolphus II 1273.	Otto Præsul Hildes.ob. 1335.	Conradus I 1305. 1321.	Hojerus Com.H 1266.	Sophia. Gesa. Notes Gandef. sub rgar. Abbatissa.
Ludolphus III 1305. 1317. 1327. 1331.			Hermann 1305.	Jutta 1305. 1327.
Conradus II 1305.	Johannes III 1331.	Ludolphus		Hedvvigis.
Conradus Johan- IV 1326.	Ludol- phus V 1326.	Henri- cus VI 1326.	He	III.
Hermannus IV Halberst. 1326.	Canonicus	Johannes VI 1326. 1331.	Hojerus non. Hiles. 1331.	lonial. Mathildis ux. Hermanni de Steinberg. 1326.

Obiit XVI Cal. Jul. Anno MCVII, ætatis nonagesimo sexto, sedis XLVII, & ab Hadriano VI Papa Anno MDXXIV quadringentis & septendecim post obitum annis in numerum Sanctorum relatus est, ossibus ejus XVII Cal. Jun. in tumbam marmoream ophitinam solenni ritu translatis. Huic solennitati interfuere Johannes Misnensis & Adolphus Merspurgenſis præſules, Georgius & Henricus Duces Saxonix Georgii filii, Johannes & Fridericus Henrici filii, multique alii primæ notæ viri.

Præter hunc Bennonem citantur à (a) *Job. Letznero* Sophia Wigboldi filia, Wittekindi II Comitissæ Dasselienſis uxor, quæ matrem habuit N. filiam Waltheri Comitissæ Sonnenbergensis, & Mathildis Henrici Senioris filia, Bernhardi III Comitissæ Dasselienſis uxor. Schema Genealogicum horum Comitum è tabulis collectum subjungo, exhibitis insimul variis eorum insignibus:

(a) *Chron. Dassel. l. 1. c. 7. & 13.*



WERNERUS Præpositus Montis-Francorum tertius hoc tempore cœpisse videtur. Is à Johanne de Nowen IV manfos, quos ab Hojero & Hermanno Comitibus Woldenbergiis in feudo tenebat, coëmit. Johannes præfatus eisdem Lutteræ postrid. Epiphan. Dom. Ottoni præfule Hildesiensi resignat. Testes : Heydenricus Cellarius, Halto præpositus Hildesiensis, Thidericus de Tossem, Johannes de Adeneyr, Johannes de Suchteren, Albertus Bok, Eylhardus de Dotessem, & Ernestus Pincerna.

Prid. Apostolor. Phil. & Jacobi ejusdem anni Rupertus præpositus, Heldenburgis Priorissa & conventus cœnobii Brunsteshufani, qui grave æs alienum contraxerant, quò ab eodem sese liberarent Wernero præposito II manfos juxta Novenium majus sitos XXI argenti examinati marcis vendunt. Testes : Theodericus de Calchem, Volquinus, Henricus, Vinco, Clerici, Henricus Camerarius Gandesianus, Woltherus de Gandersem, Albero de Wernigerode, Bruningus Advocatus Gandesianus, milites, Hermannus de Hardenberg, Henricus de Lengeden, Mangoldus de Bruchem, & Siffridus de Sehufen.

Præfatum cœnobium est è vetustissimis Saxoniz, & originem debet Ludolpho Saxoniz Duci Brunonis filio, qui idem D. Stephano Protomartyri sacrum fecit. Romam Anno DCCCLIII profectus confirmationem papalem impetravit, & corpora B. B. Innocentii & Anastasii naetus domum sospesrediit. Angustiores tamen erant cœnobii limites, ideoque idem ad Gandam fluvium, ubi nunc temporis Gandesiæ situm obtinet, Anno DCCCLVI transferebatur. Hinc primæ ædes ad tempora usque Brunonis filii Ludolphi mancæ permansere. Is verò earundem perfectionem (a) Anno DCCCLXIV. exorsus est, & cuncta anno DCCCLXXVIII ad umbilicum duxit, templum specie augustum B. Bonifacio dedicans. Monachi ritus pontificios ad Julii Ducis Brunov. & Luneb. usque tempora coluere, iisque demum Evangelicam doctrinam sunt amplexi. Cœnobium, templo & porticibus;

E 2

ticibus;

(a) Meibom. script. Germ. T. 3. in Synt. Gandes. Topogr. Brun. & Lun. Merian. in hoc mon. Letzner. Chron. mon. MS. p. m. 478.

ticibus exceptis, Anno MDCXXVII ab impiis quibusdam scurris incensum igne penitus periit, successu tamen temporis aliqualer instaurari cœpit.

Advocatia præfatorum bonorum ad Duces Brunovicenses & Luneburgenses, Albertum ac Johannem, spectabat. Hi, precibus Comitum Woldenbergensium moti, eandem conventui conferunt, acceptis ejusdem loco II mansis in *Stebese* à Margaretha Abbatissa Gandesiana, quos Henricus Woldenbergius futuris temporibus ab iisdem in feudo habere tenebatur. Actum Gandesiæ prid. Apostolor. Phil. & Jacobi Anno M C C LXXII. Testes : Thidericus de Calchem, Volquinus de Pader, Henricus, Vinco, Clerici, & reliqui suprà citati.

Die B. Petri Wernerus præpositus Jutræ de Pedele vendit IV marcas argenti examinati proventus annui XL marcis, quibus IV mansos à Johanne de Novven Friderici dicti Grifen filio comparaverat, quotannis in festis Michaëlis & nativitis Christi ad dies vitæ persolvendas, hac tamen lege, ut, Jutrâ mortuâ, tres marcæ cænobio liberè vacarent, quarta verò, in suo & mariti anniversario die sororibus erogaretur.

Anno M C C LXVIII indulgentiarum penus novis augebatur, quas Fridericus præsul Kapoliensis Goslariæ constitutus sororibus concessit. Literæ sunt sequentes:

FREDERICUS DEI gracia Kapoliensis episcopus, Tharbatensis postulatus, Crucis Christi minister, universis in Christo credentibus presentem paginam visuris in domino salutem. Licet is, de cujus munere venit, ut sibi à suis fidelibus digne ac laudabiliter fer viatur, de habundancia pietatis sueq; & merita supplicum excedit, & vota multò majora retribuat sibi servantibus quam valeant promereri; desiderantes tamen domino populum reddere acceptabilem ad complacendum ei, quibusdam illectivis muneribus, indulgentiis videlicet & remissionibus, invitamus,

mus, ut exinde divine gracie reddantur aptiores. Cum igitur occasio ad vestram salvacionem multipliciter vobis a domino offeratur, ut videl. per largicionem elemosinarum & expietis peccata, & premia conquiratis eterna, universitatem vestram rogamus, monemus, & exhortamur in domino, in remissionem peccatorum vobis injungentes, quatenus ad emendacionem ecclesie B.B. Apostolorum Petri & Pauli in Vrankenberch, & ad sustentacionem S. S. monialium ibidem DEO servientium, de bonis vobis à Deo collatis pias elemosinas & grata subsidia erogetis. Nos enim de omnipotentis DEI misericordia confisi, ac B.B. Petri & Pauli Apostolorum ejus, & ea, qua fungimur, auctoritate suffulti omnibus contritis & confessis, qui ad eandem ecclesiam manum porrexerint adjutricem, accedente consensu & licencia domini diocesani, XL dies & unam Karrenam de injuncta sibi penitencia misericorditer relaxamus. Dat. in Goslar anno Dni. MCCLXVIII in die B. Marie Magdalene.

Anno MCCLXIX, XIX Cal. Sept. Guncelinus ab Osterrode miles, assentientibus filiis Albertò, Burchardò, Guncelinò, Ecbertò, Hermannò, & Ernestò, VI mansos Mechtegeshusa sitos, & duas molendini partes conventui vendit. Testes : Johannes de Mela miles, Guncelinus prædictorum pater, aliique. Actum in castro Berkensteinensi.

Anno MCCLXXI Thidericus & Henricus fratres de Walmoden milites, cum consensu fratris Alexandri D. Matthiae Goslarie Canonici, in monte & die B. Georgii in capitulo ejusdem generali Francobergensibus vendunt bona sua Bodensteinenfia, eorum jura, commo-

da, advocatiam, & decimam CCCCX marcis argenti examinati. Fidem pro Walmodiis dedere Johannes Marschalcus, Burchardus ejus filius, Bertholdus, Albertus, Hermannus fratres de Gowische, Henricus & Anno filii Arnoldi de Govische, Ludolphus & Bernhardus fratres de Cramme, Aschwinus de Montelapideo, Brandanus de Lindere, Bruno Cancer, Thidericus & Conradus de Piscina. Testes: Fridericus Decanus, Johannes de Billten, Conradus de Reinstede, Canonici D. Matthiæ Goslariæ, Conradus templi forensis pastor, Henricus D. Jacobi pastor, Elerus de Homanneshusen miles, Burchardus de Billten, Hermannus Senior de Astveld, Thidericus Bonus, Johannes Imminghof, aliique.

Commodus hinc incidit locus de bonis Bodensteiniis paucis differendi. Cænobium B. Godehardi Hildesie multo ære alieno obstrangebatur, ideoque bona præfata, quæ è XIX mansis eorumque decima constabant, conventui de Horto D. Mariæ Goslariæ vendebat, uti ex sequentibus constat literis:

In nomine sancte & individue Trinitatis.

HARTBERTUS DEI gracia Hildensem. Ecclesie episcopus ad cautelam futuri temporis notum esse omnibus volumus, quod conventus S. Godehardi in Hildensem pro quibusdam bonis redimendis & debitis expediendis bona sua in Bodenstein, videl. XIX mansos cum omnibus attinenciis suis, pascuis scilicet, pratis, nemoribus, & decima eisdem bonis attinente, conventui de Orto S. Marie Goslarie pro LXXVII marcis de nostra permissione vendidit & consensu. Nos verò quia eundem locum in omni bono crescere semper desideramus & virtute, dicta bona tam rationabiliter conquesta usui ancillarum inibi
DEO

DEO famulancium cum omni integritate recognovimus, & decimam eisdem bonis attinentem pro remedio anime nostre, ac memoria nominis nostri habenda, perpetuo contulimus, sperantes meritis earum & precibus nos una cum ecclesia nostra apud DEUM quamplurimum adjuvari. Ut autem ab huiusmodi contractu inter prememoratas ecclesias in nostra presencia rationabiliter celebrato oblivionis nocive periculum excludamus, presentem paginam inde conscriptam sigilli nostri placuit impressione communiri. Act. anno domini MCCXIV Id. Sept. Testes hujus rei sunt : Hartmannus Prior, Helmungus, Theodolphus, Hermannus, Henricus, Wernhardus, Sigebodo, Ludegerus, Henricus, Ludolphus, Johannes, Gerbertus, Bertholdus, Ludolphus, Wicmannus, Eckehardus, Sac. episcopi. Laici : Fredericus comes de Poppenborch, Gerhardus de Remstede, Hermannus de Berberge, Ernestus de Netheloge, Wulfhardus de Pethele, Lodewicus Monetarius, Gerbrandus Mercator, alique quamplures.

A conventu præfato bona hæc ad nobiles Walmodios pervenere, ac demum, ut dictum, Francobergensibus haud modicò argentò sunt vendita. Ex hoc patet, (a) *Topographiam Brunov. & Lun.* rem acu haud tetigisse asserendò, nobiles dictos pagum Bodensteinium conventui Francobergensi fervere religionis ductos, & ut sepulturam in cœnobio nanciscerentur, dono dedisse. Prædium hoc ante seculum circiter incendiò conflagravit, & circa festum B. Martini An. MDCXXV ab exercitu Wallensteinii est direptum, quod fatum in bello funestotricennali haud semel ipsi contigit. Incolæ tandem, pace Westphalicà

(a) *Merian. p. 82.*

licâ conclusâ, instaurationem ædificiorum Anno MDCL moliri cœpere. His subjungo particulam stirpis Walmodensis:

N. de WALMODEN.				
Dietericus 1271.		Henricus miles 1271.	Alexander Canon. D. Mat- thiæ Goslar. 1271.	
	Afchwinus 1271.			Henricus 1271.
Afchwinus 1305.	Dietericus Pavvenberg 1305.	dictus miles 1331.	Dietericus 1331.	Henricus.
	Afchvvinus	1331.	Henricus 1331.	

Anno MCCLXXV die Gervasii & Protasii martyrum Johannes Lettoviensis, Episcopus ordinis Teutonici, eleemosynas Francoburgensibus erogantibus, & in festis Patronorum & Sanctorum cœnobii, nec non dedicationis, & majoribus JESU Christi ac D. Mariæ virginis diebus, ad idem accedentibus C dierum indulgentias elargitur.

Circa hoc tempus in vicinis terris graves turbæ oboriebantur. Conradô enim Archipræsule Magdeburgensi Anno MCCLXXVII emortuô Canonici dissidentes pars Ericum Brandenburgium, pars Buffonem Querfurtensem elegere. Erico fratres Johannes & Otto Marchiones Brandenburgenses, nec non Albertus magnus Dux Brunov. & Luneburg. Buffoni verò inter alios Otto præsul Hildesienfis suppetias ferebant. Nec cessavit malum ambobus sponte sese à munere suo abdicantibus & Guntherô Svalenbergiò iplis succedêd. (a) Hicigitur tantasturbas pertæsus Bernhardo Wölpenfi cessit, qui bellum cœptum strenuè est prosecutus. Nec saltem Archiepiscopatus Magdeburgensis, sed

(a) *Chron. Saxon. p. m. 343. & seqq. Chron. Magdeb. ap. Meib. Script. rer. German. T. 2. p. 331.*

sed etiam agri Hildesienſis & Brunovicenſis, mirum in modum vaſtabantur, milite ubique impune graſſante. Ex hiſce malis Otto præſul tantum animi dolorem cepit, ut die Beati Ulrici Epifcopi Anno MCC LXXIX vivere deſierit, ſepultus in templo cathedrali Hildesie.

Annò M CCLXXIX Everhardus & Aſchvvinus fratres de Lutter ad preces HENRICI Præpoſiti Francobergienſis IV conventus, proborumque virorum, juri ſuo in curia Bodenſteinia reſignant, acceptis III argenti examinati marcis. Teſtes : Hermannus Comes Woldenbergius, Engelbertus ab Hagen & Ermbertus de Bokenem.

Hicce Ermbertus cum conſenſu hæredum ſuorum, Bernhardi & Ludolphi è fratre nepotum, decimam Mechtegeſhufanam Henrico præpoſito vendit, eandem Engelberto ab Hagen feudi domino reſignans. Idem, aſſentientibus filiis Thidericò, Geringò & Henricò, eandem decimam Epifcopo Hildesienſi Ottoni reſignat, quieam prid. nativ. Joli. Bapt. Francobergienſibus confert. Teſtes : Johannes major præpoſitus, Leopoldus Decanus, Volradus Montis beati Mauritiï præpoſitus, Cono, Canonici Hildesienſes, Ecbertus Camerarius, Conradus Marſchalculus, Erneſtus Pincerna, Ludolphus de Cramme, Johannes Bok Advocatus VVoldenbergienſis, Henricus Raſchorn, Ulricus de Herre, & Henricus de VValmede.

Anno MCC LXXX die Urbani Engelbertus ab Hagen miles conventui dono dat dimidium manſum Kerknovenii ſitum. Cauſa erat, quòd ſorores pœnitentes filias ejus in conventum receperant.

Annò eòdem Anno de Govviſche miles, animabus parentum remedium allaturus, cœnobio confert piſcinam ſitam in radice montis lapidei, hac lege, ut ſorores anniverſarium eorum diem prid. B. Mar. Magdalen. vigiliis & miſſis funebribus, nec non orationibus, aliisque piis exercitiis pro deſunctis fieri ſolitis, celebrarent. Addit in ſuper libertatem aggerem III pedum altitudine augendi, & piſcinam eouſque extendendi, quantum terræ ab aqua montem verſus ſubmerſum fuerit. Teſtes : Henricus præpoſitus Francobergienſis, Henricus Gladiator, Theodericus de Bledenem, Johannes de Lengede, Sacerdotes, Bertholdus de Govviſche, Siſſridus de Weſterhufen, & Henricus de WValmede milites.

En partem stirpis & insignia Govvifchiorum.

N. de G O W I S C H E.

Bertholdus	1234.	Arnoldus	1234.	Volmarus
		1258.		1234.
Bertholdus	Albertus	Herman-	Henricus	Anno
1271.	1271.	nus 1271.	1271.	1280.



Anno MCCLXXXI in octava Epiphan. Margaretha Abbatissa Gandefiana, Mechtildis præposita, Luccardis decana, & conventus Gandefianus, Henrico præposito & conventui Francobergensi conferrunt propter DEUM duos manfos & duas areas Kerknovenii sitos & vacantes. Sorores igitur pœnitentes in grati animi signum collegium Gandefianum in fraternitatem suam recipiunt, idemque particeps faciunt bonorum operum suorum, pro promissis additis, quòd annuum emortualem diem Abbatissæ solito ritu sint celebraturæ. Testes: Metza & Gretha sorores de Bilsten, Mechtildis de Eversten, moniales Gandefianæ, Thidericus Plebanus D. Georgii, Henricus de Paderborn, Henricus de Dune, Johannes Abbatissæ notarius, & Bruningus advocatus.

Anno MCC LXXXVII Cal. Febr. pontificatus Honorii IV, Papæ annò secundò Maurus Amelienlis, Gerhardus Anagninus, Romanus Crohem-

Crohenfis, Leotherius Verulanus, Perronus Larinenfis, Leo Chalamonensis, Bartholomæus Groſſetanus, Thomas Acerrarum, Ægidius Turtyburenſis & Waldebrunus Avellonenſis ac Glavinienſis Epifcopi, templum Francobergense in feſtis B. Mariæ virginis, B. Petri Apoſtoli, anniverſario dedicationis ejusdem, Michaëlis Archangeli, B. Mariæ Magdalenæ diebus, intraque horum octavas, inviſentibus, eidemque eleemoſynas elargientibus, XL dierum indulgentias Romæ concedunt.

Quinam ſint præfati epifcopatus, è (a) *Paulo Merula* paucis explicabo. Amelia, olim Ameria, urbs eſt Umbriæ Tyberim & Narim fluvios inter ſita, Ciceroni, Straboni, Ptolomæo & Plinio optimè nota, quam DCCCCLXIV ante Perſei bellum annis conditam volunt. Agrum vini, frumenti, & olei fertiliffimum habet, & epifcopatui ſedem dat, qui Pontifici Romano immediatè ſubeſt.

Anagnia in Hernicis ſita dives, forſan ob fœcundum agrum, olim cognominabatur. Ex hac varii prodire pontifices Romani, (b) eosque inter Innocentius III, Gregorius IX, Alexander IV, & Bonifacius VIII. Hodiè ferè deſolata jacet, aſt Epifcopus ſoli Papæ paret.

De Crohenſi, Verulano, & Larinenſi epifcopatibus nil mihi conſtare fateor: Groſſetum verò eſt oppidum Tuſciæ ad Umbronem ſitum ditionis Senenſis, cujus Epifcopus ſolius Papæ imperium veneratur.

Acerræ, retentò nomine antiquò, oppidum eſt Campaniæ in regno (c) Neapolitano ad Clanium amnem haud longè à Neapoli ſitum, cujus Epifcopus ſub Archiepiſcopo Neapolitano eſt.

Terribulenſis præful Turribiæ in terra Laboratoris ſedem habet, & pars eſt Archiepiſcopatus Beneventani, uti & Avellinus iſdem in oris ſitus & Avellii commorans.

Hòc eòdem annò Giſelbertus Archiepiſcopus Bremenſis Goſlariam venit, & conventui Francobergenti ſequentes conceſſit literas:

(a) *Cosmogr. part. 2. l. 4. cap. 24.* (b) *id. p. 1061.* (c) *id. p. 1148.*

GHISELBERTUS DEI gracia Bremensis ecclesiæ Archiepiscopus omnibus Christi fidelibus presens scriptum visui salutem in domino sempiternam. Cum elemosinarum largicio & indulgentiarum largitatum non solum peccatorum larent maculas, sed etiam totius doloris radices extirpent; omnes Christi fideles ad zelum devocionis & ad opera Karitatis inducere cupientes omnibus vere penitentibus & confessis, qui monasterium sanctimonialium in Frankenberch sua respexerint elemosina, de bonis à Deo sibi concessis, secundum quod DEUS ipsis inspiraverit, aliquid ad sustentacionem illarum dominarum, que ibi in paupertate diu noctuque deserviunt, largiendo, XL dies de omnipotentis DEI & B. B. Apostolorum ejus Petri & Pauli meritis & auctoritate confisi, & unam Karenam, misericorditer relaxamus, ut per hec & alia bona, que fecerint, possint ad eterne beatitudinis premia pervenire. Dat. in Goslaria anno domini M C C L X X X V I I, V Kal. Mart. pontificatus nostri anno septimò.

Archiepiscopus hicce nobili Bronchorstiorum stirpi originem debet, & Anno M C C L X X X, haud verò, uti volunt, septuagesimò tertio ad Archiepiscopalem dignitatem pervenit. (a) Hic Kedingos sub jugum misit, & Bremà, ob injuriam à civibus acceptam, indignabundus excessit : ast civibus, qui nudis pedibus eidem obvii erant, & iram insignibus donis demulcere studebant, facile veniam concessit. Anno M C C L X X X V templum Prædicatorum Bremæ consecravit, arcem Teding-

(a) Vid. Henr. Meibom. Chron. Brem. Wolscher. script. Germ. T. 2. p. 60. Krantz. metrop. l. 8. c. 35.

Tedinghusanam exstruxit, Buxtehudam instauravit, & Ottersbergiam arcem, turremarcis Vordenſis, & palatium archiepiſcopale Bremæ confecit. Ultimis vitæ diebus calculo aliisque ſymptomatibus laborans nihilo ſeciùs Stedingos domavit, & tandem obiit Vordæ Anno MCCCVI terræ mandatus Bremæ.

Anno MCCLXXXIX, XVI Cal. Sept. Eberhardus & Aſchvvinus fratres de Lutter dominium dimidii manſi Kerknoventii ſiti Francobergensibus V fertonibus argenti nigri vendunt. Teſtes : Henricus Gladiator, Theodericus de Bredenem, Berimannus montis D. Georgii, & Theodericus D. Ægidii Sacerdotes.

Hoc ipſo anno Rudolphus I Imperator Comitia Erfurti celebravit. Cauſa erat tumultus popularis hac occasione ſuſcitatus : vacante ſede Moguntina (a) Erfurtum per triennium ſerè motibus inteſtiniſ agitabatur, & turbaſtores, blandis quamvis verbis compellati, ſedari haud poterant. Cùm verò Henricus II ad Archiepiſcopatum veniret, & urbem ingrederetur, omni obſequii genere à civibus excipiebatur. Vix autem ab urbe reſceſſerat, cùm plebs in magiſtratum inſurgens omnia ſuſquedeque haberet, non ſaltem in urbe tumultuans, ſed etiam hinc inde per Thuringiam excurrans.

Hoc motus Gerhardus II Henrici ſucceſſor querelas de ſeditioſis ad Imperatorem deſert, qui armata manu ad urbem accedens ſubmiſſè à populo recipitur. Aſt ſtrenuus ſclerum vindex in auctores turbarum ſedulò inquiriſ, & legitimè conviſtos, quos inter octo ex ordine ſenatorio erant, hoc anno capitis ſupplicio afficit. Splendidiſ hiſce comitiis interfuere : Gerhardus Moguntinus, Rudolphus Salisburgenſis, & Ericus Magdeburgenſis Archipræſules, Siſſridus Hildeſienſis, Albertus Halberſtadenſis, Arnoldus Bambergenſis, Volquinus Mindenſis, Conradus Laventinus (quem ſcriptores non recenſent) ac Naumburgenſis & Miſnenſis præſules, è ſecularibus verò principibus

F 3

Wen-

(a) Krantz. Sax. l. 8. c. 34. Job. Maur. Guder. hiſt Erfurt. l. 1. §. 25. Nicol. Serrar. de reb. Mogunt. l. 5. p. 845. Frider. Schmid. Chron. Thuring. p. 108.

Wenceslaus Bohemiæ Rex, Albertus Saxoniz, Albertus, Henricus & Otto, Brunov. & Luneb. Duces, Tilo Marchio Brandeburgensis, ac insignis nobilium virorum turba.

Commoda hac occasione utentes nostri à Rudolpho Archipræsule Salisburgensi & sedis Romanæ Legato, nec non à Conrado præfule Laventino prid. non. Jun. Anno MCCXC octoginta primum, mox XL dierum & unius Carenæ indulgentias impetrant.

Rudolphus hic obuius, è familia Svevica Hoheneccia oriundus, Rudolphi I Imperatoris Cancellarius fuit, electus Anno MCCLXXXIV & confirmatus à Martino IV Papa IV id. Mart. An. MCCLXXXV Bavariam ferro igneque vastavit, quoniam Henricus Bavarus Muldorsium oppidum contra fidem datam expugnaverat. Comitibus Augustanis Annò MCCLXXXVI interest, pacem cum Bavarò init, & in synodo Salisburgensi Anno MCCLXXXVIII celebrata statuit, ne quis Ecclesiasticus munere quodam seculari fungatur. Hinc bello cum Alberto Austriæ Duce est implicitus, quod anno sequente est compositum, quamvis Albertus pacis conditiones minimè impleverit. Rudolphus haud diù post obiit, III nempe non. Aug. Anno MCCXC, haud verò Anno MCCLXXXIX, quæ (a) *Franc. Dukberi* & (b) *Gabriel. Bucelini* est sententia : ei enim repugnat auctoritas Tabularum notarum. (c)

Laventinus Episcopatus Salisburgensi Archipræsuli paret, & Conradus hic obuius, olim Scholasticus Salisburgensis, successit Gebhardo Anno MCCLXXXV.

Hoc tempore ecclesiam Hildesensem regebat Siffridus II è Comitibus Querfurtensibus prognatus, qui Ottoni Duci Brunov. & Luneburg. Anno MCCLXXIX successerat. Is Anno MCCXC Goslarium venit, & conventui Francobergensi sequentes dedit literas:

SIFFRI-

(a) *Chron. Salisburg. p. m. 169.* (b) *German. sacr. part. 1. p. 43.*

(c) *Chron. eccles. p. 1154. quoque Ann. 1290. denotat.*

SIFFRIDUS DEI gracia Hildensem. ecclesiæ Episcopus universis Christi fidelibus salutem in eo, qui est omnium vera salus. Quoslibet Christi fideles ad zelum devocionis & opera Karitatis invitare cupientes omnibus vere penitentibus & confessis, qui in anniversariis dedicationum diebus altaris S. Crucis & S. Andree apostoli, & altaris S. Katerine virginis, & B. Marie Magdalene, monasterii in Frankeneberge civitatis Goslar. devote ibidem convenerint, aut de bonis suis dicto monasterio aliquid erogaverint, de omnipotentis DEI misericordia, & B. B. Petri & Pauli apostolorum ejus auctoritate confisi, XL dies de injuncta eis penitencia misericorditer relaxamus, Datum Goslar. anno domini M CCLXXX.

Præfatus præsul statim sub initium regiminis sui captos in bello, quod Albertus Dux Brunov. & Luneb. contra fratrem Ottonem gesserat, gravi ære redimit, Sarstettum recuperat, Empenaviam instaurat, & oppido in commodiorem locum translato nomen Gronoviæ imponit. Circa hoc tempus Saxonia nostra iterum turbari cœpit. Occasio hæc erat: Henricus mirabilis Dux Brunov. & Luneb. arce Herlingsbergenfi, quam Otto IV Imperator in conspectu ferè Goslarie olim construxerat, occupata agro vicino crebris eruptionibus multum damni inferebat. Præprimis verò ager Hildesienfis sæpius diripiebatur, quò motus Siffridus Alberto, Guilielmo, & Ottoni Ducibus Brunov. & Luneb. aliisque vicinis principibus, nec non urbibus Brunovico ac Goslarie fœdere sese jungit. Hi viribus unitis arcem præfatam obsident: Henricus verò collectis copiis eandem post cruentum prælium ab obsidione liberat sociis in fugam conjectis. Pax quidem hanc cladem subsequēbatur, sed parum firma: anno enim M CCXCI Herlingsberga iterum obsessa brevi sub sociorum imperium redigitur, solo æquatur, & locus Siffrido præfuli domino territorii traditur. Is novæ
arci

arci in eodem monte exstructæ nomen Levenburgi imposuit. (a) Hoc malè habuit Henricum mirabilem, ideoque sœdus cum fratre Alberto, quôcum in gratiam redierat, iniit, & ejus milite auctus arcem coronâ cinxit. Verùm Siffridus cum suis advolans obsidentes victos in fugam conjicit. Hinc Albertus & Henricus Olsburgum ad Fusam fluvium muniunt Leuenthalii nomen eidem imponentes, & agri Hildesienfis incolis multum damni ex eadem inferentes. Siffridus, malo remedium quærens, Papenbergam confici curat, id quod militem præsidium Lauenthalia excedere cogit, quam præsul continuò complanat. Hoc factò arcem Calenbergensem, quam Otto strenuus Dux Brunov. & Luneb. ad Leynam fluvium ædificaverat, expugnat. Otto, par pari Siffrido relaturus, Albertum pinguem & Henricum mirabilem sœdere sibi jungit, & cum Ottone Brandeburgio aliisque magnatibus agrum Hildesiensem longè lateque populatur. Nec segniùs rem gessit Siffridus arces & pagos Uslariam, Eberburgum, Gibellusam, Echtam, aliosque occupans & diripiens. Bellantes demum bellum utrimque pertæli probis viris medianibus pacem iniere. Siffridus ultimis vitæ temporibus arces Wallenrodam, Rutam, Harstettum, Westerhofam, & Hundesrûccam cœmit, & diem supremum obiit VIII (vel secundum alios V) Cal. Maji Anno MCCCX, sepultus in templo cathedrali Hildesiæ.

Anno MCCXCIV prid. beati Martini Episc. Meynerus Comes Slademenfis conventui Francobergensi confert mansum Werræ situm, & à Bernhardo de Werre vasallo suo sororibus dono datum.

Anno MCCXCV in octava beati Jacobi Apostoli Volradus episcopus Halberstadenfis viginti dierum indulgentias conventui clarigir.

Volradus, successor Ludolphi Comitis Slademenfis, è nobili Cransfeldiorum profapia prodiit, & ecclesiæ suæ IX annis præfuisse scribi.

(a) *Hist. Episc. Hildes. MS. in Siffrido II. Cranz metrop. l. 8. c. 39. Bunt. de Ep. Hildes. in b. Ep. Brusib. de Archiepisc. & Episc. Germ. epit. c. 11. §. 33. Henr. Rosle Herlingsberga ap. Meibom. script. rer. Germ. T. 1. p. 775. Gabr. Bacel. German. sac. part. 1. p. 19.*

scribitur. Sive verò secundum *Cranzium* Anno MCCLXX, sive, ut alii perhibent, Anno MCCLXL cœperit, ultra IX annos episcopatum administrare debuit. Tabulæ enim dictæ docent, ipsum adhuc anno seculi decimi tertii nonagesimo quinto in vivis fuisse, nec Hermannum Blancoburgium annò jam nonagesimò seculi præfati sedis Halberstaden- si præfuisse. Celeberrimus (a) *Henr. Meibomius* optimè hunc errorem notavit, asserens, è literis & Tabulis constare, Volradum totis XLII annis, ab anno nempe MCCLV ad annum usque MCCXVII munere episcopali functum esse, cui sententiæ (b) *Homeisterus* quoque subscribit: hinc miror *Gabriel. Bucelin. Germ. sacr. parte 2. p. 21.* scribentem, Volradum obiisse Anno MCCLXX, Hermannum Blancoburgium verò cœpisse eodem anno.

Anno MCCXCVII Henricus Comes Reinsteinius Francobergensibus confert proprietatem trium mansorum; literæ ita sese habent:

Nos DEI gracia HEINRICUS Comes de Regenstein nec non avunculus noster dilectus Henricus Canonicus Hildensem. ecclesie, filius domini Burchardi comitis de Woldenberch, recognoscimus in his scriptis publice protestantes, quod cum communi consensu & bona voluntate III mansos in campo Nowen sitos cum omni utilitate ipsis mansis attinendis, quos etiam Johannes de Barem a nobis quondam jure tenuit pheodali, ecclesie in Vrankenberch intra muros Goslarie civitatis & conventui ibidem proprietatis titulo dimisimus perpetue possidendos, ita, quod nec nos, nec nostri heredes, deinceps contra dictam ecclesiam & conventum de his mansis nullam habebimus

G

actio.

(a) in *Chron. Riddagsb. in Herman. XII. Abb.* (b) in *Catal. Episc. Halberst. MS. in Volrado.*

actionem nec faciemus, sed ejusdem ecclesie & conventus de his mansis contra quoslibet justis volumus Warandatores esse. In hujus rei testimonium presentem literam hinc inde conscriptam sigillorum nostrorum munimine duximus roborandam. Datum & act. A. Dni. MCCXCVII in die inventionis B. Stephani Protomartyris.

Jam olim inter nobiliores Saxonie familias claruit Reinsteinia, sedem in arce cognomine, quæ præruptæ rupi inædificata erat, priscis temporibus habens. Primus, de quo mihi constat, est Burchardus, qui inaugurationi cœnobii Michelnsteinensis Anno MCLII interfuit, quo tempore etiam vixit Conradus monachus ejusdem cœnobii. Alius Conradus in Tabulis Henrici Leonis Id. Novemb. Anno MCLXX Hercebergæ datis citatur. Henricus vixit circa annum MCXC & Henrico Leoni in gravibus quæ gessit bellis strenuam navavit operam. Is filium habuit ejusdem nominis circa annum MCCV obvium, qui Henricum genuit, & hic Ulricum, qui Anno MCCXLII combustioni cœnobii Munche Naumburgensis interfuit, & quadriennio post vivere desiit. Hic è Mathilde Honsteinia suscepit Ulricum, bellum inter Güntherum Svalenbergium, Archipræfulem Magdeburgensem, & Rudolphum Saxonie Ducem gestum Anno MCCCLXXVII unâ sequentem. Partem hujus stirpis ex (a) *Henr. Meibomio* addo:

HENRICUS 1212. 1224.

Theodericus Canonicus & Camerar. Halberst. 1220.	Ulricus.	Siffridus.	Henricus. 1220.
Ulricus 1246. 1275.	Henricus ux. Bia Warbergica 1264.	Otto	Albertus Sigfridus. 1280.
	Ulricus.		Luccardus.
Henricus 1318. 1357.	Ulricus.	Sigfridus.	Gerhardus. Mathildis. Ab hoc

(a) *Chron. Riddagshus. in Contr. IV. Abb.*

Ab hoc schemate multum discrepat (a) *Andreas Hoppenrodius*.
Ultimam perverusstæ hujus stirpis partem sequens monstrat schema:

ULRICUS obiit 1479.

Jodocus obiit 1529.	Bernhardus obiit 1524.	Ulricus obiit 1551.
Ernestus Abbas Michelnstein. elect. 1544. obiit 1581.	Bodo.	(b) Caspar-Ulricus Abbas Michelnstein. obiit 1575.
Ulricus Abbas Micheln- stein. obiit 1578.	Ernestus.	Martinus obiit 1587.
	Hans-Ernestus ultimus familiæ obiit 9. Julii 1599.	

E Tabulis suprà recitatis notari meretur, quod Henricus Woldenbergius præful Hildesienfis, sub Canonici nomine hic obviuſ, non fuerit Henrici Senioris (uti (b) *Clariff. Meibomius* opinatur) ſed Burcharði I filiuſ, & Henrici Senioris è fratre nepoſ, fratres habens Burcharduſ II, Hermannuſ & Waltheruſ. Nec omittenduſ eſt, Henricuſ Reinſteinuſ matrem habuiſſe Henrici ſoreſ, cujuſ nomen non occurrit. Inde forſan eſt, quòd Ulricuſ Reinſteinuſ in tabulis Anno MCCC XXVIII datis præter gentilitia etiam Woldenbergioruſ utitur inſignibuſ, prout hæc figura docet.



G 2

Anno

(a) *Stambuch* p. 76. (b) *Vid. Elie Reufneri Iſagog. hiſtor. p. 624.* (c) *Chron. Riddagshuſ. in Job. II. Abb.*

Anno MCCXCVIII feriâ sextâ Dominicam Lætare præcedente Hermannus Comes Woldenbergius actioni III mansorum Novenii sitorum renunciât. Testes : Senatus Goslariensis, Torbo miles, Albertus & Bernhardus fratres ab Haringen, Gifero de Brocleda, aliique quamplures.

XVII Cal. Jun. Reinhardus & Arnoldus fratres filii Rudolphi cœnobio vendunt II mansos Jerstedæ sitos, præsentè Senatu Goslariensi: Henricus igitur, Ludolphus & Otto, Comites Woldenbergenses, quicquid in hisce bonis juris habebant, conventui renunciant.

Anno MCCC sorores denuò amplas indulgentias impetrant, quarum tenor est hic:

Univerfis Christi fidelibus presentes literas inspecturis nos frater Basilius Jerletanus Armenorum, Adenolphus Confanus, & frater Ranutius Laritanus miseratione divina archiepiscopi, & nos Bernhardus Pacens. frater Antonius Chenadiensis, Manfredus S. Marchi, frater Nicolaus Tortibulensis, Thomas Etesiensis, Nicolaus Neocastrensis, & frater Jacobus Calcedoniensis eadem miseratione episcopi, salutem in domino. Splendor paterne glorie, qui sua mundum illuminat ineffabili claritate, pia vota fidelium, de clementissima ipsius maiestàte sperantium, tunc precipue benigno favore prosequitur, cum devota ipsorum humilitas sanctorum precibus & meritis adjuvatur. Cupientes igitur, ut monasterium monialium S. Petri in Vrankelenberg in Goslaria ordinis S. Augustini Hilkensem. diocesis honoribus frequentetur, & a Christi fidelibus jugiter veneretur; omnibus vere penitentibus & confessis, qui ad dictum monasterium in festivitatibus ipsius

ipsius B. Petri ac Pauli, & omnium aliorum Apostolorum, nec non nativitatis, epiphaniæ, resurrectionis, ascensionis, & Pentecostes, domini nostri JESU CHRISTI, & nativitatis, annunciacionis, purificationis, & assumptionis B. Virginis, & Vincentii, Stephani, & Laurentii martirum, Michaelis archangeli, Nicolai, & Martini Confessorum, ac B. B. Marie Magdalene, Katerinæ, Lucie, Elisabete, Ottilie & Agnetis virginum, in commemoratione omnium sanctorum, & in dedicacione ipsius monasterii & altarium constructorum, in eo devote accesserit annuatim, aut qui ad fabricam, luminaria, reparamenta, ornamenta, & alia caritatis subsidia ipsius monasterii manus porrexerit adjutrices, seu qui ad sustentacionem monialium ibidem degentium suas pias elemosinas erogarint, de omnipotentis DEI misericordia, & B. B. Petri & Pauli Apostolorum ejus meritis & auctoritate confisi, singuli singulas dierum quadragenas de injunctis sibi penitenciis misericorditer relaxamus in domino, dummodo diocesani voluntas ad id accesserit & consensus. In cujus rei testimonium presentes literas sigillorum nostrorum fecimus appensione muniri. Dat. Lateran. anno Domini MCCC Ind. XII die XV mens. Novemb. pontificatus Dni. Bonifacii P. VIII anno sexto.

ALEXANDER Præpositus quintus, huic Siffridus præsul Hildesienfis VI id. Mart. Anno MCCC IV donum altaris ecclesiæ D. Petri propria manu confert Hildesiæ, & cœnobii diplomata, privilegia, ac indulgentias confirmat. Testes : Siffridus præpositus, Henricus Decanus, Bernliardus Scholasticus, Bernliardus Cantor, Otto præpositus

Montis Comes Woldenbergensis, Bernhardus ab Hardenberg, Ernestus Bok, Canonici Hildesienfes.

II. Id. Jun. anni prædicti Conradus Prior provincialis cœnobiorum B. Mariæ Magdalenz, ordinis D. Augustini, & præpositus Slademensis, conventui libertatem concedit, quemcunque sive ordinis prædicti, sive Clericum secularem idoneum eligendi, qui præpositi munere fungatur, eundem in habitu seculari permanentem fratrem ordinis B. Mariæ Magdalenz addies vitæ denominans. Hæc frater Geroldus cœnobiorum ordinis memorati præpositus generalis die Ursulæ Anno MCCC XI rata habet.

Alexander itaque munere præpositi & provisoris instructus ad Conradum suprà nominatum sese confert, & præfatorum confirmationem hisce Tabulis obtinet :

Nos frater CONRADUS, Prior provincialis monasteriorum B. Mar. Magdal. ordinis S. Augustini, prepositus in Slatheim / dilectis suis in Christo filiabus M. Priorisse totique conventui sanctimonialium dicti ordinis Frankenbergensis ecclesie in Goslar cum prima dilectione oraciones in domino. Dominum Alexandrum, exhibitorem presencium, quem vos una cum parochialibus vestris unanimi consensu & canonica electione, ac nostro accedente consensu, in prepositum & provisorum concorditer elegistis, vobis transmittimus, precipiendo, quatenus sibi obedienciam ut fratri nostri ordinis electi teneamini & reverenciam debitam in omnibus faciatis, in nomine domini auctoritate nostra eundem Alexandrum in seculari habitu, quamdiu ipsi placuerit, manentem presentibus confirmamus. Dantes sibi plenariam potestatem confessiones audiendi, excommunicandi & absolvend

vendi, intra & extra excessus spiritualium & temporalium debite corrigendi, omnia & singula faciendi, que per fratrem nostri ordinis electum antecessorem suum rite fieri consueverunt. Nichilominus ratas habere volumus & firmas omnes sentencias & processus & penas, quas idem Dn. Alexander juxta constitutiones & regulam nostri ordinis rite tulerit in rebelles. Insuper nolumus ipsum per nos aut per nostros successores generalem sive provinciales, seu per aliquas frivolas occasiones vel accusaciones indebitas, que aliquando fiunt, quod absit, aliququaliter destitui, nisi inveniretur manifestis aliquibus delictis reclusus, ex quibus esset ipso jure secundum sacros Canones destitutus. Nolumus etiam preactum Dn. Alexandrum & vestrum monasterium onerare per nos sive per nostros successores aliqua persona seu personis nostri ordinis apud vos locandis, nisi de bona ipsius Alexandri & vestri conventus unanimi voluntate. Dat. anno Domini MCCCIII in octava assumptionis B. Marie Virginis.

Nos quoque frater Geroldus B. Mar. Magdal. monasteriorum generalis prepositus omnia & singula prescripta rata servamus, & sigilli nostri munimine confirmamus. Anno Dni MCCCXI in die undecim mille Virginum sigillum est appensum.

Anno MCCCv prid. Servat. Confessor. Alexander à Conrado & Johanne fratribus, ac Ludolpho Comitibus Woldenbergiis dominum Il manforum Astveldæ sitorum duabus argenti examinati martis comparat. Fidem pro his dedere Hermannus de Govvische, Aschwinus & Henricus fratres de Walmede & Throbo milites. Testes: Witte-

Wittekindus de Carslebüttel, Ludolphus de Lochtene milites, Johannes de Barum, Burchardus Honestus, Giselbertus de Broclede, Conradus Mercator, Johannes de Vado, Henricus de Dornethen, Bartholdus Edeleri, Johannes ab Astvelde, & Senatus Goslariensis.

Iidem Comites tempore præfato Alexandro vendunt sequimansum Scheningæ situm. Fidem cum prænominatis fidejussoribus dant Senatui Goslariensi de procurando impuberum consensu.

Iidem feriâ secundâ post octavam pentecostes dominium & jus III mansorum Dornethæ, duorum Astveldæ, & sesquimansi Scheningæ sitorum, conventui nostro vendunt.

Anno MCCC VI die Lunæ post festum Pentecostes Bernhardus & Fridericus pater & filius de Bokenem Henningo ab Astvelde Bodonis filio dominium unius mansi Astveldæ siti certò argentò vendunt. Fidem interposuere Andreas de Berkeveld, Ludolphus de Nette, Heneco Albrecht, Johannes Vischbek, Johannes Trost & Henningus ab Astvelde. Has tabulas signò suò obsignavit Conradus I Comes Woldenbergensis.

Anno MCCCIX Henricus mirabilis Dux Brunov. & Luneb. venditionem proprietatis III mansorum Jerstedæ sitorum ratam habet in hisce literis;

Nos DEI gracia HEINRICUS Dux de Brunefwicte-nore presencium notum facimus universis Christi fidelibus presentibus & futuris, quod, cum Conradus de Bilsten, & Bertholdus Eleri cives in Goslaria tres mansos in villa Jerstede sitos, quos de manu nostra in feodo tenebant, cum omni jure ville, campi, silvarum, atque aqueductuum, de consensu nostro vendiderint Alexandro preposito & conventui monialium ordinis S. Augustini ecclesie Mar. Magdal. in Frankenberch Goslariensi : Nos volentes, & pietatis oculo intuentes, eundem conventum integra ac plena posses-

possessione predictorum bonorum gaudere perpetuo ob honorem Domini & gloriose matris virginis Marie, ac B. Mar. Magdalene, nec non ob spem salutis eterne, proprietatem præfatorum III mansorum cum omni jure predictæ ville & campi præfato conventui damus & concedimus nomine nostro ac heredum nostrorum omnium in perpetuum libere possidendum. Ut autem hec nostra pia donacio firma perseveret, præsens scriptum inde confectum sigilli nostri munimine duximus roborandum. Actum & datum anno incarnationis Domini MCCCIX sequenti die circumcisionis Domini.

Anno MCCCX postr. B. Jac. Apost. Henricus Vodermenger & uxor ejus Adelheidis Alexandro præposito, Adelheidi Priorissæ, & conventui Francobergensi VII argenti examinati marcas hac lege dono dant, ut dimidium marcæ, ex ædibus cœnobii in Frisonum via sitis quotannis persolvendæ, in anniversario suo die inter sorores distribuere-tur, diesque prædictus vigiliis & missarum solennibus prid. Jacobi Apost. in perpetuum celebraretur.

Alexander, quò cœnobii sui utilitati eò magis consuleret, quasdam areas incultas excolendas aggreditur. Harum prima Amelungswische dicebatur, quæ situm habebat infra piscinam inferiorem ecclesiæ Richenbergensis & campos Astveldenfes. Secundæ nomen erat *Grote la/* & tertia sita erat inter dictum *La* & *Hare/* & viam regiam, finesque utriusque *La* & *Hare* attingebat. Opus ad hanc rem erat consensu Arnoldi Thesaurarii ecclesiæ B. B. Simonis & Judæ Goslarie, ad quem jus patronatus ecclesiæ Astveldenfis spectabat; ad hanc enim area prædictæ ab antiquo pertinuerant. Hanc Alexander die B. Joh. Bapt. Anno MCCCXI ea obtinuit conditione, ut præpositus quovis tempore existens de *La* & Amelungswische fertonem, de tertia verò area lotonem quotannis solveret ecclesiæ Astveldenfis ad structuram. Te-

stes : Fridericus, Bodo, Hermannus de Gradu, præpositi Richenbergæ commorantes, Konemannus Scholasticus ecclesiæ Apostolorum Simonis & Judæ, frater Conradus ab Hardenberg ordinis Minoris, Aschvvinus de Saldere, Hermannus de Govvische, milites, Siffridus Scap, Giselbertus de Brocleda alique.

Hisdie B. Nicolai Episcopi annuere Hermannus de Govvische miles, Henricus Comes Reinsteinius, & Hermannus consanguinei Erfeyendi, Arnoldus scilicet miles, Bertholdus, Albertus, & Volmarus de Govvische. Arearum enim dominium ad Henricum Reinsteinium, advocatia ad Hermannum, jus verò pagi & feudale ad reliquos spectabant. Hermannus insuper, acceptis XX argenti examinati marci, se conventum in quietâ possessione defensurum spondet, addita libertate, ericam aratro subigendi, arbores eradicandi, fossas ubique juxta vias perficiendi, sylvas & ligna congruis temporibus cædendi, pecora conventus in pascuis publicis pascendi, ac demum in tantum arandi, ut quivis mansus XX jugera compleat. Testes iidem qui suprâ.

Hôc eodem die præpositus & conventus Richenbergensis, nec non Aschvvinus de Salder, consensum suum Alexandro dant, quoad quædam bona prædictis in locis sita, quorum advocatia ad eosdem spectabat, hôc excepto, ut Richenbergenses minimè tenerentur refarcire damnum ex inundatione aquæ piscinarum in prato Amelungi forsan exorturum. Testes : Hermannus miles, Arnoldus, Bertholdus, Albertus, & Volmarus de Govvische, Arnoldus Thesaurarius, Konemannus Scholasticus ecclesiæ B. B. Simonis & Judæ Goslaræ, Johannes de Barum alique.

Eodem die Hermannus de Govvische cænobiis Novi-Operis & Francobergensi libertatem concedit pascuò, pratis, & campis pagi Langenissen eâ, quâ elapsis abhinc XXVI annis cum parentis & fratrum suorum consensu pactum erat, ratione utendi. Testes : Bodo præpositus Richenbergensis, Burchardus præpositus Montis B. Georgii, Johannes de Barum, Conradus Copman, & omnes Coloni pagi Langenissen.

Hicidem Alexandro & conventui die præfato V marcis argenti examinati dominium unius mansi Astveldæ siti, & à Burchardo ab Assenburg milite comparati, vendit.

Tres mansi & quarta mansi pars in campis Astveldiis supererant ab omni advocatia & impeditioe liberi, qui ad Johannem de Bokenem civem Goslariensem spectabant. Hos aliosque IV mansos ibidem sitos Alexander præpositus à vidua Henningi ab Astveld Bodonis filii, dominium verò aliorum duorum mansorum à Conrado, Johanne, & Ludolpho Comitibus Woldenbergiis die B. Nicolai, tertii etiam & quarti proprietatem ab Hermanno de Govvische coëmit.

Hic præpositus res cœnobii non solum coëmendò bona strenuè auxit, sed etiam advocatiam trium mansorum & curiæ cujusdam in campis prænominatis dono eidem dedit in octava Circumcis. Domin. Anno MCCCXII addito jure pagi, campi, & sylvæ, à festo cathedræ Petri usque ad idem in biennium. Hæc bona Petrus ab Herceberge & uxor ejus Margaretha à consobrinis suis Bertholdo & Alberto de Govvische feudi titulò tenebant.

Die purificationis B. Mariæ Virg. Johannes præpositus, Abbatissa, & conventus Woltingerodensis ad preces Conradi Comitis Woldenbergii Francobergensibus vendunt duas curias, ac duos & dimidium mansos Westharingæ, eorumque dominium & commodum VIII marcis argenti examinati, excepta tamen advocatia, quam Alexander præpositus unà cum altera curia & dimidio mansi emtionis titulò à Conrado, Johanne, & Ludolpho Comitibus Woldenbergiis obtinuerat. Testes: Daniel & Wedego Sacerdotes, Wedekindus de Carslebüttel, Hermannus de Govvische miles, & alii quamplures.

Hanc venditionem esse factam Woltingerodenses eòdem die denudò testantur, Comites verò præfati, acceptis XII marcis argenti examinati, horum mansorum proprietatem in Francobergenses transferunt. Testes: Ecbertus Johannis Comitis notarius, Conradus Plebanus Bornemensis, Sacerdotes, Henricus de Knistede, Henricus Throbo, milites, Johannes, Hertzo, Rudolphus, & Johannes de Barum, pater & filii aliique.

Hoc tempore ecclesiam Hildesiensem regebat Henricus Burchardi I Comitis Woldenbergensis filius, Burchardi II, Hermanni I & Waltheri frater, Decanus primùm Hildesienfis, & demùm successor Siffridi II Anno MCCCX. (a) Huic statim ab initio refragabantur cives Hildesienfes, querentes, se à longo jam tempore juſtò duriùs ab Episcopis haberi. Henricus, vir quamvis ingenii mitiſſimi, aded ægrè id ferebat, ut copiis conſcriptis urbem obſidione cingeret, civesque imperata facere, cogeret. Rebus ſic diſpoſitis iter ad Henricum VIII Imperatorem ingreditur, ab eodemque bona à Siffrido II coëmpta feudi titulò obtinet.

Rediens damnum à præſidiariis arcis Hoimboccenſis ſuis ſæpiùs illatum ægrè fert, ideoque eandem ope dynaſtæ Homburgi oppugnat, occupat, diripit, & ſolo æquat. Litigavit etiam cum Ottone Duce Brunov. & Luneb. ob bona quædam feudalìa. A verbis ad manus eſt ventum, hinc inde excuſionibus factis, varià fortunà varioque exitu. Pax tandem hac lege eſt concluſa, ut Otto quod jure teneretur Henrico præſtaret.

Post hæc tempora Bokelheimium MC argenti marcis comparavit Henricus, & graviter apud Johannem XXII Papam ab æmulis delatus Avenionem perrexit innocentiam ſuam probaturus. Cauſam ejus iteratæ cum Hildesienſibus contentioni adſcribit (b) *Letznerus*, quæ ſecundùm (c) *Cranzium* ortum ex hoc duxit, quòd Stürwaldenſem arcem in conſpectu urbis muniverit. Avenionem veniens gravi morbo corripitur, & diem ſupremum obit IV Id. Jul. A. MCCCXVIII, ſepultus in cænobio B. Clara.

Hic præful Anno MCCCXIV die Cæcilie virg. Francobergenſibus libertatem concedit areas Bodenſteinſes aliaque bona limitibus notandi, prout literæ ſequentes pluribus edocent:

Nos

(a) *Vid. Gaſp. Bruſib. ep. de Archiepiſc. & Epiſc. German. c. 11. §. 3.º. Cranz. metrop. l. 9. c. 3. Bünning. de Epiſc. Hildes. in Henr. II. Vita Epiſc. H. des. MS. in eud. Gabriel. Bucelin. Germ. ſacr. part. 1. p. 19. (b) Chron. Daſſel. l. 2. c. 2.*

(c) *Metrop. l. 9. c. 3.*

Nos HENRICUS DEI gracia Hildensem. ecclesie episcopus volumus, ut prepositus Vrankenbergensis ecclesie in Goslaria areas in Bodenstein, agros, prata, & sylvas sibi pertinentes, per dyocesi nostram ubiq; locorum siros debitis finibus & terminis aliquorum signorum distinctio-
ne possit caute & licite consignare. Nichilominus dantes ipsi & ecclesie ipsius liberam facultatem a predictis bonis evellendi & extirpandi ligna, truncos, & arbores qualescunque, & extendendi in longum & in latum, prout agri culti & inculti ex utraque parte sulcati sulcis evidentibus distinguunt & ostendunt. Licenciamus eciam dicte ecclesie & preposito fodendi fossas, sive faciendi sepes juxta predicta, videlicet areas, agros, prata, & silvas, ac faciendi aqueductus ad piscinas aut molendina, vel querendi lapides ad structuram, & argillam, que in vulgo dicitur *Mergel* / ad agriculturam, sine periculo & prejudicio publice strate, & omnium, quorum interest, vel in futuris poterit interesse. Hinc est quod volumus, ne aliquis officialis aut advocatus noster in omnibus predictis dictam ecclesiam vel prepositum impediatur ullo modo. Dat. anno Dni. M CCC XIV in die Cæcilie Virginis.

Has Tabulas anno sequente alia excepere, quarum tenor est hic:

Nos HENRICUS DEI gracia Hildensem. ecclesie episcopus recognoscimus publice protestantes, quod speciali inducti affectu, quo monasterium Sanctimonialium in Vrankenberch Goslar. nostre diocesis in domino am-

plectimur, assignamus eidem decimam sive usufructum decime novalium terrularum redigendarum ad agriculturam in locis *Sotise / Ederdingesbroc /* & juxta rivum dictum *Grave /* sitis in campis ville *Astvelde*, usque ad summam sex mansorum, de nostri consensu Capituli ac libera voluntate, dictę usufructum decime ad refectionē firmarie & consolationem monialium languidarum specialiter deputantes, pro anime nostre ac animarum parentum ac etiam predecessorum nostrorum remedio, libere in dictum monasterium presentibus transferimus in perpetuum possidendum. Et ne super hiis dubium imposterum oriat, sigilla, nostrum videlicet ac dicti nostri capituli, presentibus sunt appensa. Datum anno Dni. *MCCCXV.*

Domin. Misericord. Domini anni præfati Alexander præpositus cum Bodone præposito Richenbergensi quosdam agros in campis *Astveldicis* permutat.

Anno *MCCCXVII* Otto Dux Brunov. & Luneb. sequentes Tabulas conventui elargitur:

DEI gracia nos OTTO filius illustris principis Domini Alberti ducis de Brunswic, volumus & concedimus de consensu patris nostri, ut prepositus Vrankenbergenſis ecclesie in Goslar areas, agros, prata, & silvas sibi pertinentes per jurisdictionem nostri ducatus ubique locorum sitos, finibus debitis & terminis aliquorum signorum distinctione possit caute & licite consignare &c. reliqua enim Tabulis Henrici præfulis superius recitatis planè respondent. Datum anno Domini *MCCXVII.*

OTTO hic, ob munificentiam liberalis dictus, Alberti cognomento pinguis filius fuit, & parenti Anno *MCCCXIX* mortuo successit,
inter

inter septem fratres natu major, qui partem Ducatus Brunovicensis nactus est. Is Anno M CCC XIX Stederburgensibus aliquot bona vendit, Northusam (a) Anno MCCCXXIX frustra tentat, & urbem ac arcem Wolmerstettensem Anno M CC CXXIV expugnat. Duas in thoro habuit uxores, Agnetem Brandeburgicam & Juttam Hassiacam; Sed ex neutra prolem suscepit. Obiit A. MCCCXXXIV successorem habens Magnum seniore fratrem.

Die Cathedræ Petri Annò M CCCXVII Everhardus & Henricus fratres de Jertze cum consensu fratris Johannis Clerici, matris Lutgardis, uxorum Odilicæ & Salernæ, ac Everhardi hæredum Henrici & Lutgardis, Alexandro & conventui Francobergensi vendunt omnia sua bona, quæ erant pagus Jertze, & indago Smadshagen dicta, cum omni jure ac jurisdictione, ab omni advocatiæ, servitii, & petitionis seu exactionis onere penitus immunia, & præter hæc jus patronatus pagi præfati, jure tamen plebanî ibidem salvo, idque pro CCC marcis argenti examinati ponderis & valoris Brunovicensis. Pro hac venditione fidem dedere: Ludolphus Comes Woldenbergensis, Wittekindus de Carslebützel, Basilius de Vreden, Henricus Throbe, Pyl de Berkeveld milites, Bruningus de Jertze, Conradus de Gandersem, Bruningus de Gandersem, Henricus de Schusen & Heydenricus de Knistede famuli. Testes adfuere: Otto Comes Woldenbergensis majoris Ecclesiæ & Montis B. Mauritiî Hildesiæ præpositus, Conradus & Johannes Comites Woldenbergenses, Henricus Bruningi, Hermannus ab Hedershufen, Johannes de Vado, Canonici Gandesiani, Conradus & Brandanus de Lindede, Henricus de Knistede milites, Leopoldus de Vreden, Hermannus de Gandersem famuli alique.

Singula hæc bona fratres præfati die Jovis post Pascha resignant Henrico præfati Hildesiensi & ejus Capitulo feudi dominis. Testes: Otto Præpositus major, Johannes & Ludolphus Comites Woldenbergenses, Henricus Bruningi Canonicus Gandesianus, nec non plebani Boken-

(a) *Fabric. memorab. Saxon. l. 2. pag. 259. Pomar. Chron. Saxon. p. 376. Bunting. Chron. Brun. edit. Meibom. p. 234. seq.*

Bokenheimensis, Jertzensis & Bilderlaensis, Basilius de Vreden, Conradus Rovere, Willebrandus ab Hareboldessen, Henricus ab Herlingsberg, Burchardus de Mander, Throbo senior & junior, Henricus de Knistede, Fridericus Bokel, milites, Aschwinus ab Oldendorp, Heydenricus de Knistede, Bruningus de Jertze, Hertzo de Barum, Aschvvinus, Willebrandus, & Ludolphus fratres ab Hareboldessen, Ludovicus ab Elvelingerode, Bruningus de Gandersem, Johanes de Nette, Gerhardus de Berle, Rotgerus Svaf, Gerhardus de Maldem, Woltherus de Sozerem, Eylhardus de Nette, Wittekindus & Achilles de Knistede, Thidericus ab Hedershufen, famuli.

Hæcce renunciatio fiebat coram Henrico Hüttemeistero, Johannis Comitis Woldenbergensis Gogrevio, cui judicium in districtu Schufano tum temporis ab Alberto Duce Brunov. & Luneb. demandum erat, id quod Johannes Woldenbergius literis suis die B. Walpurgis datis testatur, maxima testium suprà nominatorum parte adstante.

His ita actis Henricus præsul cum consensu Capituli sui dominium quorundam ex his bonis, imò ipsa eadem bona, eà quâ suprà lege, IV id. Jun. Alexandro & conventui confert Hildesiæ.

Nec minùs ecclesiam Jertzensensem cœnobio Francobergensi incorporat in hisce literis:

Nos HENRICUS DEI gratia Hildensem. ecclesie episcopus presentibus protestamur, quod, cum nuper villam Jertze totam, necnon indaginem Sinachthagen dictam, cum omni jure, jurisdictione, proprietate, ac utilitate, suisque pertinentiis universis, in Prepositum ac conventum monasterii Vrankenberch sororum S. Mar. Magd. in Goslaria transtulerimus, & jus patronatus ecclesie dicte ville Jertze cum prædicta universitate libere transferit ad eosdem; Nos tamen prepositum ac monasterium predictos

ctos adhuc largiori & ampliori gracia prosequi cupientes prefatam ecclesiam in Jertze cum suis iuribus, obventionibus, ac pertinenciis universis, de nostri Capituli ac honorabilis viri Lippoldi de Stockem loci archidyaconi consensu, incorporavimus & presentibus incorporamus, ac unimus monasterio antedicto. Provisio tamen, quod prepositus, qui pro tempore fuerit, dictam ecclesiam per se vel per alium officari faciat, & archidyacono unum festonem puri argenti loco synodaliū procuret in festo S. Michaelis annis singulis ministrari, sacerdos etiam, qui dictam officiabit ecclesiam, archidyacono obedienciam faciet, & archidyaconus ipsum de cura investiet animarum. Sed a prestacione synodaliū prefatus clericus expers erit penitus & immunis, iure tamen nostro & successorum nostrorum, quoad dictam ecclesiam & personam clerici officiantis eandem, semper salvo in omnibus sicut prius. In quorum omnium felicem memoriam & perpetuam firmitatem sigilla, nostrum videlicet, Capituli nostri, & archidyaconi supradicti presentibus sunt appensa. Actum & datum Hildensem. anno Domini MCCCXVII feria sexta proxima ante festum nativitatis B. Johannis Baptiste.

Præter hæc Otto Præpositus Hildesienfis, Ludolphus & Otto, Comites Woldenbergenses, Canonici Hildesienfes, Cal. Sept. proprietatem duorum & dimidii mansorum in campis Jertzenfibus sitorum, & ab Henrico de Jertze famulo resignatorum, Alexandro & conventui in remedium animarum suarum & majorum suorum dono dant.

Ad dilucidanda præmissa fragmenta stirpis Jertzenfis subjungo:

N. de JERTZE uxor Lutgardis.

Eberhardus uxor Odilica 1317.	Henricus uxor Salerna 1317.	Johannes Clericus 1317.
	Johannes 1349.	
Eberhardus 1317.	Henricus 1317.	Lutgardis 1317.

Bruningus de Jertze uxor Elisabetha
1317. 1333.

Bruningus. Lutgardis. 1317.	Ilfabe. Beata. Mechtildis. Petronella.		
Johannes 1333.	Henricus 1333.	Bruningus.	Mechtildis.

Albertus, filius ejus Otto, & Albertus præpositus Eimbeccensis, Duces Brunov. & Luneburg. prid. Pentecost. Anno MCCCXVIII juri suo in hisce bonis, quæ in Comitatu suo Menigæ & Jertze situm habebant, renunciant. Testes : Otto præpositus, Conradus, Johannes, Ludolphus Comites Woldenbergenses, Dethardus de Rostorp, Strum de Gladebek, Henricus de Boventen, Burchardus de Mander, Henricus ab Herlingsberg, Johannes & Henricus Throbo, Henricus de Knistede milites, Henricus & Johannes de Sefen, Ludovicus ab Elvelingerode, Nicolaus ab Helperde, Ulderde advocatus Sefensis, Heidenricus de Knistede, & Heineco de Vireffe.

Sermo hic est de Alberto pingui Alberti magni filio, qui, parente (a) Anno MCCLXXIX mortuo, regimen terræ Göttingensis est aggressus, eidemque fratre Guilielmò absque prole decedente, agrum Bruno-

(a) *Cronz. Saxon. l. 8. c. 32. Bünt. Chron. Br. ed. M. lib. p. 231. 232. & 233.*

Brunovicensem, invitò quamvis fratre Henricò mirabili, Anno MCCXCII junxit. Arcem quoque Nienoverensem Anno MCCCIII ab Ottone Waldeccio coëmit, & hòc eòdem annò, quò hæc Tabulas dedit, obiit.

Filii ejus citantur OTTO munificus, de quo suprà, & (a) ALBERTUS, tum temporis præpositus D. Alexandri Eimbeccæ, postea præsul Halberstadenfis factus Anno MCCCXXIV. Sed antagonistam nactus est Ludovicum de Neindorp, quamvis aliquot annis pòst episcopatu solus sit potitus. Comites Hercynios Anno MCCCXLII acerrimos habuit hostes, de quo infrà pluribus, templum Prædicatorum Brunovici inauguravit, & tandem obiit Anno MCCCLVIII, cum munus episcopale per XXXIV annos gessisset, sepultus in templo D. Blasii Brunovici.

Anno MCCCXX prid. Gregorii Pap. Thidericus de Stockem, Archidiaconus Banni Goslariensis & Canonicus Hildesiensis. literis suis testatur, cœnobium Francobergense ad solutionem annuam unius fertonis haud obligari, quamdiu Johannes Plebanus Jertzenfis rectoratum ejusdem ecclesiæ administraverit.

Continet autem Bannus Goslariensis parochias D. D. Jacobi, Stephani, Thomæ, Johannis, Nicolai, Mariæ Virginis, Mariæ Magdalenæ, Catherinæ, Viti, Bartholomæi, Danielis, Ægidii, S. Sepulchri, Forenses, & Francobergensem, quæ IV marcis & duobus lotonibus communiter taxari solebant.

Transactum erat inter Francobergeneses & Novenenfes, vivente adhuc Henrico præfule Hildesiensi, de quibusdam arcis arboribus confitis, & gramine camporum Bodensteiniensium. Hanc transactionem Otto præsul Hildesiensis die octavo Apostolorum Petri & Pauli Anno MCCCXXV ratam habet. Testes : Johannes ab Oberg, Henricus ab Herlingsberg, Burchardus de Mander, Henricus de Knistede, Aschvinus ab Oldendorp milites, Dethmarus de Lutter, Thidericus de

(a) Cranz, metrop. l. 9. c. 18. Chron. Chr. eccl. p. 1081. Job. Puchbach, in Cassal. Episc. Halberstad. Meibom. script. rer. Germ. l. 2. p. 381. seqq.

Mander, Dinkelerus, Conradus & Richardus de Dalhem fratres, Hildebrandus Vorster, Henricus Berteken, & Volmarus Rese.

Otto hic obuius prædecessoris sui confanguineus, Decanus primum Hildesienfis, præpolitus postea maior & montis B. Mauritiî extra muros Hildesienfes, fuit, & Henrico Anno MCC CXVIII successit nominis ejus secundus. Hic statim sub initium altercavit cum quibusdam nobilibus, quos inter Monnichusii & Engelbostelius primarii erant: Hi enim cum valida manu agrum Hildesiensem hinc inde diripiebant. Verum Otto correptis armis in campum processit, & commodam nactus occasionem ad pagum (a) Oßelse præfecturæ Coldingensis pugnam cum hisdem inivit. Victoriâ potitus primores cepit, gravi-que multavit argentò, quo bona episcopatus oppignorata redemit. Præter hæc Lutteram arcem & præfecturas Bericensē ac Calsfeldensem MMM argenti marcis cœmit. Lindaviam quoque arcem à Dynastis Plessenibus ære suo comparavit, eandemque munitissimam reddidit. Nec minus Sturvaldæ munitiones ad umbilicum duxit, & Simone Comite Dassiliensi stirpis novissimò emortuò, Comitatum ejus Annò MCC CXIX diocesi suæ junxit, fœdus cum Ducibus Brunovic. & Lunenburgensibus pangens. Obiit Anno MCC XXXV hæreditate sua ecclesiæ Hildesienfi legatâ. Malè autem obitus ejus in Ann. MCC XXXIV refertur: vixit enim adhuc Cal. August. Anno MCC XXXV, prout Tabulæ inferius producendæ luculenter probant. Nec stirpis suæ ultimus fuit: Ottò enim Henrici VII filius est is, in quo per vetusta Comitum Woldenbergiorum familia desinit.

Anno MCC XXXIII die B. Virg. Lateranæ Johannes ab Oberg miles ejusque filii Johannes & Burchardus, acceptis a conventu nostro II manlis Bodensteiniæ sitis, ad dies vitæ Johannis senioris & uxoris Berthæ, sororibus parata auxilia quacunque occasione promittunt. En Obergiorum insignia:

Anno

(a) Letzner. *Circen. Dissil.* 1.2. c.3. *Craun. metrop.* 1.7. c.12. *Brühl.* 1.1. de *Archiepisc. & Episc. Germ.* c.11. §.35. *Vit. Episc. Hild.* MS. in Ott. II. *Brühl.* de *Episc.* II. d. in c. d.



Anno MCCCXXVI prid. Pentecost. Comites Woldenbergenses Francobergensibus conferunt proprietatem sylvæ Sunderensis ejusque attinentias, quas Bernhardus & Fridericus pater & filius de Bokem feudi titulò ab iisdem habuerant.

Die B. Jacobi Apostoli Luthardus & Otto Canonicus ecclesiæ Hildensis, Luthardi dynastæ Meynersheimii filii, conventui nostro donodant proprietatem curiæ cujusdam Bokelheimii sitæ.

Ili dynastæ ab antiqua sede, quæ etiamnum in agro Lunenburgensi supereſt, nostris *domicilium Meynardi* denotante, nomen trahunt. Series certa stirpis non datur. Clariss. (a) *Henr. Meibomius* citat Luthardum & Luthardum fratres, qui vixere circa Annum M CCLXIV, quorum alter obiit Anno M CCC III & Riddagshufæ est sepultus. Antiquissimos esse idem perhibet Theodericum & Rudolphum fratres circa Ann. M CXXXIII obvios. Partem stirpis huc facientem è prælaudato (b) *Meibomio* subjungo:

Luthardus Senior miles obiit 1303.

Luthardus miles	Conradus fam.
1322.	1322.
Luthardus 1326.	Otto Canonicus Hildensis 1326.

de quibus hic est sermo.

13

Insignia

(a) in Chron. Riddagshus. in Joh. I. Abbate. (b) Loco citato.

Insignia horum dynastarum ita sese habent :



Hanc curiam Henricus de Knistede, qui sepulturā sibi & uxori in cœnobio procuraverat, pro remedio animæ suæ conventui dono dederat. Huic assensum præbent die præfato Widekindus, Achilles, Conradus Canonicus D. Matthiæ Goslaræ, & Arnoldus ejus filii, curiam dictam Luthardo Meynersheimio resignantes. Testes : Thidericus Pavvenberg, Burchardus de Mander, & Aschvinus ab Oldendorp milites. Donum hoc ratum habet N. uxor Beseconis de Rossing militis è stirpe Meynersheimia oriunda. Particulam stirpis Knistediorum eorundemque insignia lectori ob oculos pono :

HENRICUS miles 1317.

Obiit ante 1326.

Wittekindus 1317. Achilles 1317. Conradus Canon.
1326. 1326. Goslar.

Arnoldus
1326.



Anno

Anno MCCCXXVII die B. Godehardi Johannes senior & Ludolphus Comites Woldenbergenses dimidium decimæ Bokenheimensis, quam à præfule Hildesienfi feudi titulò tenebant, cœnobio nostro vendunt. Hanc Otto præsulprid. Non. April. Alexandro præposito, Berthæ Priorissæ, & conventui cum omni jure & proventibus confert, hacamen lege, ut ab Ecclesia Hildesienfi quotannis CXXX marcis argenti examinati redimi possit.

Die B. Gregor. Johannes de Nette aræ ejusdam sylvæ, in & circa piscinam Johannis Woldenbergii sitæ, renunciat. Testes : Pyl miles, Hogerus de Woldenberg, & Gerhardus de Maldem.

Heneco Pape de Novven VII & dimidiâ argenti examinati marcis ponderis & valoris Goslariensis, quotannis in festo Michaëlis solvendis, tres frumenti modios mensuræ Goslariensis cœnobio vendit. Testatur hoc literis suis Thidericus de Walmoden dictus Pavvenberg datis die Michaëlis. Testes : Burchardus de Mander, Aschvvinus ab Oldendorp, milites, & Wittekindus de Knisted famulus.

Anno MCCCXXVIII Ulricus Comes Reinsteinius conventui donat advocatiam dimidii mansi in his literis :

Nos OLRICUS DEI gracia Comes in Regenstein ad perpetuam rei memoriam notum esse volumus universis intuentibus presens scriptum, quod habito consensu omnium heredum nostrorum donavimus ac presentibus donamus advocatiam dimidii mansi siti in campis ville Astveke, cum omni jure ac utilitate, sicut ad nos pertinebat, clauistro Wrankelenberghe intra muros Goslar. in perpetuum possidendam, renunciantes omni juri, quod nobis in dicto dimidio manso competeat ratione advocatie, vel competere posset in futurum. In cujus donationis evidens testimonium sigillum nostrum apponendum

dum duximus huic scripto. Datum Anno Domini MCCC XXVIII in vigilia Scholasticæ Virginis gloriose.

Anno MCCC XXX die B. Nicol. Episc. Johannes, Ludolphus, & Henricus Comites Woldenbergenses, Ottoni præfuli & Capitulo Hildefienfi tradunt proprietatem IV mansorum juxta pagum Bonyum sitorum, quos nobiles Knistedii feudi titulò ab ipsis tenuerant. Hanc Francobergenses ære suo à præfatis Comitibus comparaverant, adeoque Otto præful eandem Anno M CCC XXXI ineunte quadragesima in Capitulo generali Hildefiæ in eosdem transferebat.

Dietericus etiam de Bothmer & uxor ejus, mediantibus Burchardò de Mander, & Burchardo ab Hagen militibus, die B. Priscæ cœnobio vendunt quædam è bonis Bonyemenfisibus.

Præterea Otto præful Hildefiensis, die Cinerum in dicto Capitulo generali constitutus, conventui dono dat decimam terrarum novallium in Heynsbergensi monte, Bokenheimium & Bodensteinium inter sitò, & IV mansos complectente, cum jure domini.

Die B. Ambrosii Thidericus de Walmoden dictus Pavvenberg & Aschvvinus pater & filius partem sylvæ, quæ olim ager cultus fuerat, sylvamque Sachnovorum & Bodensteiniorum inter situm habebat, cœnobio hac lege donant, ut moniales postrid. B. Ruffi anniversarium parentum suorum diem ritu solenni celebrarent, distributò inter sorores hoc ipsò die, quicquid de sylva memorata quotannis proveniret.

Die B. Walpurgis Henricus & Conradus Comites Woldenbergenses piscinæ Bodensteinix, bonisque à parente & cognatis suis cœnobio donatis, renunciant.

JOHANNES præpositus VI, Kina Priorissa, & conventus Francobergensis die B. Cæciliæ virg. Anno MCCC XXXII tesquintansem, in campis Haringæ mediæ situm, à Burchardo longo, milite, patre Burchardo Canonico Halberstadenfi, Burchardo Vafolt, Burchardo medio, Burchardo juniore, fratribus & filiis Burchardi dicti militis ab

Assc-

Assenburg, assentientibus Henrico Comite Slademensi, Alberto ejus filio & filia Lutgarde, nec non Burchardo Lochten milite ab Assenburg, in usum templi D. Augustini, in medio cœmeterii cœnobii Francobergensis sici, hac lege impetrant, ut horum bonorum proventus Plebano fani dicti traderentur, idemque in summis festis missam in templo majore celebrare teneretur, nec non quacunque occasione in choro compareret, eò, quò ab aliis sacerdotibus fieri consuevit, modò. Jura tamen feudalia sibi reservant, quo, prout occasio tulerit, alium clericum ab Archidiacono investiendum denominare liberum haberent. Præterea proprietatem horum bonorum monialibus prid. omn. Sanct. conferunt.

Notari hic loci meretur, quòd Burchardus ab Assenburg Canonicus Halberstadenensis hic obuius in parte hujus familiæ ab (a) *Henrico Meibomio* productæ frater Burchardi Lochten & patruus reliquorum Burchardorum, Valsolt nempè, medii & junioris, nominetur. Verùm Tabulæ citatæ eosdem expressis verbis fratres & filios Burchardi militis nominant, verba Saxonica hæc sunt : *Eck Her Borchart de lange / gheheten van der Assenborch Ridder / un twe Borchart Domhere to Halverstad / un Borchart Valsolt / un Borchart de middelste / un Borchart de jüngeste / Bröderre / des vorbenomeden Ridderses sone ic.* Et in Tabulis Burchardi Lochten hoc negotium concernentibus ita legitur : *Eck Herr Borchart de Lochte ridder van der Assenborch bekenne openbar allen de desen bres sen un horen / dat ec hebbe laten alle myn gud / dat ec hadde over der overke in der Hildenschen börde unde to Goslare lyt / mynem Brodere herr Borcharte dem langen van der Assenborch dem Riddere ic.* ut adeò hæc stirpis Assenburgicæ pars sequenti ratione disponenda esset:

K

Burchar-

(a) in *Chron. Riddagsh. p. 363.*

BURCHARDUS Henrici Ducis Brunov.
 Marschalc. & Consiliar. 1280.

Burchardus longus miles		Burchardus Lochte miles	
1318.	1332.	1317.	1332.
		Henricus	Burchardus Ludovicus.
		1322.	1333.
Burchardus Canon.	Burchardus Va-	Burchardus me-	Burchardus
Halberst. 1314.	solt. 1332.	dius 1332.	natus mini-
1332.	1345.		nus 1332.

Bruningus de Jertze, Johannes, Henricus & Bruningus, pater & filii, Johanni præposito litem movebant de III mansis in indagine Smadthagen sitis, deque decima camporum ejus & ædibus decimalibus pagi Jertzensis. Hæc die beat. Mar. Magdal. Anno MCCCXXXIII hac ratione componebatur : *Præpositus & conventus dictis nobilibus V argenti examinati marcas enumeranto, big. liti suscepta penitus renuncianto.* Testes : Johannes Plebanus Jertzensis, Henricus de Salder, Conradus de Gremsele, aliique.

BERNHARDUS præpositus VII Johanni annò præfato morienti successit, & statim lites exercuit cum Johanne, Burchardo, Gerhardo, & Willebrando Comitibus Woldenbergiis ob dimidium decimæ Bokenheimensis, quam parens eorum Johannes & consanguineus Ludolphus conventui olim vendiderant. Comites tamen acquievere, & huic decimæ die Viti hac resignârunt lege, ut parentis, matris, & majorum suorum anniversarium obitus diem ritu solenni celebrarent moniales.

Anno MCCCXXXIV die B. Ambrosii Bernhardus præpositus, assentientibus senatu Goslariensi & provisioribus conventus, præfato senatui vendit censum annum IV marcarum argenti examinati XL marci, redemptione tamen sibi reservata.

Anno MCCCXXXV Otto præsul Hildesienfis Bernhardus sequentes elargitur literas:

OTTO

OTTO DEI gracia Hildensem. ecclesie episcopus
universis presenciam visuris seu audituris salutem & sinceram in Domino Karitatem. Notum esse volumus, quod literas reverendi patris & domini Conradi quondam episcopi Hildens. predecessoris nostri bone memorie non cancellatas, nec in aliqua sui parte corruptas, vidimus, audivimus, & coram nobis legi fecimus, tenorem & formam inferius positam continentes : Universis S. matris ecclesie filiis presentes literas inspecturis C. DEI gracia Hildens. episcopus in oracionibus salutem in nomine JESU Christi. Ad prehibendum factis nostris testimonium veritatis auctoritate presencium protestamur, quod quia in ecclesia Frankenberch Goslarie per gratiam DEI conventus dilectarum in Christo sororum penitenciam & prepositus esse cepit, nos ejusdem loci preposito, videl. dilecto filio Petro de Mann, propterea porreximus donum altaris ecclesie memorate, districtius inhibentes, ne aliquis archidiaconus Goslariensis dictum prepositum vel successorem in ecclesia supradicta de dono sive receptione altaris presumat in posterum molestare. Dat. apud Poppenborch anno Domini MCCXLII, XV Kal. Sept. pontificatus nostri anno XXII°. Nos igitur premissa rata & grata habentes ea auctoritate ordinaria in nomine Domini presentibus confirmamus. In cujus approbacionis & confirmacionis nostre testimonium presentem literam nostro sigillo fecimus communiri. Datum in castro Schurett. anno Dni. MCCCXXXV, Kal. Augusti.

Successor Bernhardi fuit JOHANNES II præpositus VIII, cui Ge-
la ab Osterrode die octavo B. Stephani Anno MCCCXLI domum in
cœnobii area sitam, & quotannis lotonem persolventem, dono dat.
Leges donationis fuere, *matetera ejus Giseca eandem ad dies vite in-
colito; si verò eadem monasticam amplexa fuerit vitam, marcæ puri
argenti ipsi persoluito conventus, illa verò præfatas extradito ades.
Quòd si in vita monastica permanferit, conventui omnem suam heredi-
tatem legare tenetor.* (a)

Succedunt hic tempora Saxonix maximè turbulenta, originem è
schismatica Capituli Halberstadenfis electione tradentia. (b) Duobus
enim præsulibus, Alberto nempe Brunovicensi, uti & suprà, & Ludovico
de Neyndorp Anno MCCCXXIV denominatis, graves turbæ in agro
Halberstadenfi sunt obortæ. Nam Johannes XXII Papa Albertò rejectò
munus episcopale Giseconi nobili Holsato demandavit. Is verò Al-
berti potentix multùm impar frustrà auctoritatem suam firmare alla-
borabat. Nihilominus haud pauci è comitibus Hercyniis, qui Alber-
tum gravi odio prosequabantur, armata manu in eundem processere,
agrum Halberstadensem ferè funditus evertentes. Hos inter primo-
res erant Albertus & Bernhardus Reinsteinii, & Burchardus Mansfel-
dius. Albertus fratres & consanguineos, nec non urbes Brunovicum,
Halberstadium, Quedlinburgum, & Ascherslebam, sibi jungens ho-
stium suorum terras tanto furore vastabat, ut pacem nolentes volentes
quavis conditione accipere cogerentur.

Hiscæ temporibus sedi Hildesienfi præerat Henricus III Alberti
pinguis filius Dux Brunov. & Luneb. magnò cum episcopatus damno in
schismate cum Erico Comite Schauenburgico Anno MCCCXXXV
electus. Henricus, ingentis animi princeps, & potentià consangu-
ineorum suffultus, juri suo cedere nolebat. Ast Ericus, Hildesienfis
aliosque Comites episcopatus vassallos socios habens, arma armis op-
pone-

(a) Vid. narnst. histor. de Albert. ap. Meibom. script. German. T. 2. p. 381. seqq.

(b) Cronz. metrop. l. 9. c. 15. Bruseb. ep. de Archiepisc. & Episc. Germ. c. 13.
S. 29. Spangnb. Chron. Mansfeld. c. 284.

ponebat. His auxiliis fretus arces & vicos occupabat, & præprimis oppidum (a) *Damb* vicaptum excidebat & solo æquabat. Henricus sæpius cum hostibus manus conferens terè semper victoriam reportabat. Induciæ demùm in decennium pactæ quietem terris reddidere. Intereâ temporis sedulò agebatur de pace, sed frustra, bellumque induciis finitis gravius ac antea exardebat, episcopatu ad extremam perniciem redactò.

Anno MCCCXLIV die Marc. Evang. Thidericus de Bornem Plebanus Dalheimensis & Comitum Woldenbergensium Capellanus Francobergensibus legat duos manfos & tria prata juxta Bokenheimium sita, quæ à comitibus præfatis ære suo comparaverat, post suum fratrisque obitum. His assensum præbent Woldenbergii, proprietatem horum bonorum ad preces Thiderici cœnobio donantes, & statuentes, ut ambobus emortuis die Sabbatho singularum hebdomadum missa de B. Virgine Maria, & quolibet anniversario Thiderici die obitus ejus hac ratione celebraretur, ut præpositus Francobergensis denarios sesquimarca: valorem æquantes Priorissæ traderet, eademque ipsi duos solidos, cuilibet Capellano unum, cuilibet Scholari tres denarios, reliquum verò fororibus erogaret. Testes : Johannes Plebanus Jerzzenis, Bertholdus plebanus Nettenis, Johannes Throbo, Otto de Woldenberg famuli, aliique.

CONRADUS præpositus IX. Huic Beseco & Henricus fratres de Rumbek die Gereon. Martyr. Anno MCCCXLVI vendunt III manfos Mechtegeshusæ sitos XX marcis argenti examinati. Testes : Burchardus & Gerhardus Comites Woldenbergenses ; Huic venditioni assensum dant Nicolaus de Sehufen, & Henningus de Goslar, juri, quod in his bonis habuerant, resignantes.

(a) *Bruseb. l. c. cap. 11. §. 36. Cærz. metrop. l. 9. c. 21. Vit. Episc. Hildes. MS. in hoc Episc. Gabr. Bucelin. German. sacr. part. 1. p. 19.*

Nobilium de Goslar insignia ita sese habent:



Hòc eòdem annò distributio annua aliquot argenti marcarum hac ratione à conventu disponitur:

Nos CONRADUS DEI gracia prepositus in Vrankenberghe in Goslaria, Margaretha Priorissa, Kunneghundis custos, totusque conventus ecclesie B. B. Apostolorum Petri & Pauli ibidem, omnibus Christi fidelibus presentem literam inspecturis cupimus fore notum, seu visuris publice protestamur, quod bona ecclesie nostre sita in villa Mechtingheshusen, videl. III mansi, cum omnibus suis pertinenciis tam in villa quam in campo, silvis, pratis, pascuis, terris cultis & incultis, quesitis & querendis, que videl. bona os cum oblacionibus quorundam fidelium ad memoriam eorundē & ad usum ecclesie nostre inter virgines in claustro suis temporibus distribuendas comparavimus. Iste autem sunt memorie; domini Wedegonis de Bōrsen felicis recordacionis, ad quam distribuetur una marca puri argenti; item ad memoriam Domini Henrici de Gylde pie memorie dabitur una marca puri argenti; item ad memoriam

riam Gertrudis dicte de Pölde dabitur una marca puri argenti; ad honorem & reverenciam omnium Sanctorum similiter dabitur una marca. Preterea pie memorie fratrum & omnium benefactorum ecclesie nostre habuimus quondam unum equum, qui venditus fuit VII marcis. Ad tales memorias peragendas presentabitur una de prescriptis bonis inter virgines in claustro suis temporibus distribuenda, dilacionibus omnibus postergatis, quæ videlicet bona prepositus & conventus ecclesie nostre comparauimus à Basilio famulo & fratre suo dictis de Rimbeke. Istorum bonorum emptionis testes sunt Henricus Doliator, Conradus dictus Scap, Johannes de Brokelde, Thidericus Unrowe, Conradus Pepergröper, Hermannus Steltenberch, Johannes Vulvold, Johannes Ermberti, burgenfes in Goslaria, & plures alii fide digni. Act. & dat. anno ab incarnatione Dni. MCCCXLVI.

Acta sunt hæc coram iudiciò, testantibus id die B. Galli Burchardò & Gerhardò Comitibus Woldenbergiis, & Henrico de Ganderfem advocato Dynastæ Homburgensis.

Anno MCCCXLVII Abbatissa & conventus Stockerlingburgensis nostris fraternitatem suam in hisce literis elargiuntur:

Anno Domini MCCCXLVII in die B. Marci Confessoris nos Abbatissa totusque conventus sanctimonialium ecclesie B. Laurentii in Stockerlingheborch religiosi dominabus maxime devotis ordinis S. Augustini ecclesie B. Petri Apostoli in Frankenberghe oraciones nostras indefessas. Ut communiter allegatur omnia transibunt, sed non bona facta

facta peribunt maximopere : sic in spiritualibus nullum beneficium aliis benevolenter inunctum debet sine retributione honorum temporum permanere. Ideo actiones graciarum pro donis & beneficiis vestris referimus universis, & per unum munus, quod nobis optimum videtur terrarum, nostre fraternitatis offerimus in his scriptis, omnium quoque missarum, vigiliarum, castigationum corporum, orationum, ceterorumque bonorum operum, que per sorores nostri ordinis dominus per misericordiam suam fieri dederit, participationem vobis concedimus presentibus & futuris. Insuper nichilominus addendo de gracia spirituali, etiamsi forte obitus aliquarum vestrarum sororum contigerit, & nobis intimatus fuerit, pro ipsa misse & oraciones injungantur, prout pro nostra sorore defuncta fieri consuevit in nostro conventu, & ut constitutio nostri ordinis precipit generalis. In cujus concessionis testimonium hanc literam sigillo nostri conventus duximus roborandam. Valete in filio virginis gloriose. Datum ut super.

Die Johannis Evangelistæ anni præfati Thidericus ab Hedershusen cum consensu Henrici Comitis Woldenbergii, Henningi Syverdes, Henningi Monnek, Hermannii de Binder, Dieterici Merteningh, Bernhardi Bimekerkhove, Henrici ab Ithusen, Coneconis Lamberdinghe, & Eliconis, Senatorum Bokenheimensium, juri & actioni in bonis Bonyemensibus renunciat, acceptis à Conrado præposito III & dimidio fertonibus.

Desolata ferè erat diœcesis Hildesienfis : bellum enim inter Henricum & Ericum assidue durabat. Diremum tandem est morte,

Erici,

Erici, quæ contigit Anno MCCCXLVIII quæta possessione sedis Hildesienſis Henrico relicta. In hujus mente altè infederat injuria, quam Hildesienſes alique Erici affectæ in bello præterito ipſi intulerant. (a) Gravem igitur vindictam de iis ſumſit Hildesiam & Stürwaldam inter, multos cædens, reliquos in fugam conjiciens. Hoc fracti Hildesienſes gratiam Henrici implorabant, & eandem hac lege impetrabant, ut ſingulis hebdomadibus ad inſtaurandam arcem Mariæburgenſem XII libras Hildesienſes penderent.

Turbis hiſce ſedatis ab excommunicatione papali liberatur Henricus, & ſolenni ritu inauguratur. Succedentibus annis arces oppignoratatas redimit, quæ nil utilitatis ſuis afferebant complanat, hasque inter Grevelslebam, & Gilverhuſam in comitatu Daſſilienſi ſitas, & ruinam minantes inſtaurat, adeò ut moriens decem optinè munitas arces nullo ære alienò obſtrictas, Mariæburgum nempe, Winceburgum, Levenburgum, Stürwaldam, Rutam, Peynam, Slademium, Widelagam, Lutteram, & Woldenſteiniam, ſucceſſori reliquerit. Prætereà Feſtum Corporis Chriſti in Episcopatu ſuo celebrandum primus inſtituit, memoriam annuam ſibi procurat, & demùm ſummâ prudentiæ, fortitudinis & probitatis famâ poſt ſe relicta, diem ſupremum obit menſe Februario Anno MCCCXLII, ſepultus in templo cathedrali Hildesie.

Anno MCCCXLIX die B. Nicol. Epiſc. Johannes de Jertze, mediantibus Hermanno de Govviſche milite, Johanne de Jertze famulo, Conrado Scap, & Johanne Unrowe, civibus Goſlarienſibus, juri, quod in bonis Jertzenſibus habebat, renunciat, idem repetens Anno MCCCCL die Lunæ poſt Epiphaniæ Domini.

Anno MCCCCLI lis, quæ inter Thidericum Archidiaconum Goſlarienſem & Francobergenses vertebatur, hac ratione componitur:

Nos THIDERICUS de Stochem, DEI gracia Hildensium ecclesie majoris Canonicus & archidiaconus civitatis Goſlarienſis, recognoscimus literas per preſentes de
L hoc,

(a) Vid. auctores ſuprà citatos.

hoc, quod credebamus, quemlibet prepositum in Vrankenberge dicte civitatis pro tempore existentem regimen ibidem parochie & curam animarum a nobis & successoribus nostris suscipere debere & tenere. Quod tamen minime debuit fieri, secundum quod apertis literis venerabilium dominorum episcoporum & Capituli Hildesienfis & aliis instrumentis sufficientibus plene instructi sumus & informati, unde impeticionem nostram hactenus super premissis habitam penitus amputamus, nec non presentis tenore revocamus, nolentes eundem de cetero aliquatenus excitare. Ne tamen ex premissis jurisdictio nostri archidiaconatus in aliquo enervetur, prepositus, qui pro tempore fuerit, mandata nostra ac nostrorum officialium adrequenda recipiet, tanquam alter prepositus in nostro archidiaconatu prohibito constitutus. Dantes presentem litteram sigillo nostro munitam super eo anno Domini MCCCCL, tertia feria post epiphan. Domini.

JOHANNES III præpositus X die B. Vincent. A. MCCCCLVI Bodoni de Rottingædes quasdam ad dies vitæ ea lege incolendas tradit, ut suis sumtibus easdem instauraret, & conventui quotannis fertonem argenti solveret.

Gesa de Bredenum Petri filia monialis Francobergensis candelæ B. Virginis in choro monialium lucenti fertonem proventus annui legat, eumque in finem provisoribus Rammesbergensibus V argenti examinati marcas mutuò dat.

Ebelingus Sualenberg quondam conventui obtulerat XII argenti examinati marcas, promissis additis, se pro iisdem quotannis unam marcam soluturum esse. Hujus dimidium die omn. Sanctor. & reliquum die B. Benedicti inter moniales distribui debebat, dandò tamen

ejus

ejus partem præposito, sacerdotibus, & Scholaribus. Sorores è contra dies præfatos vigiliis & missis in remedium animæ Wedegonis de Borsen celebrare tenebantur. Hoc ita tum temporis dispositum fuisse Johannes præpositus, Mechtildis Priorissa, & conventus Francobergenfis literis suis prid. B. Martini Episc. Annò M CCCLVI datis testantur.

Anno M CCC LX die Martis post Domin. Reminiscere, Johannes, Henricus, & Henricus de Jertze juri suo in bonis Jertzensibus renunciant.

RICHARDUS præpositus XI lites exercuit cum Bertramo rectore ecclesiæ Rudensis ob decimam unius mansi Scheningæ. Has Thidericus de Stockem Archidiaconus Goslariensis postrid. Joh. Bapt. Anno M CCC LXV latà hâc sententiâ diremit, *decimam dictam minimè ad Bertramum sed ad cœnobium Francobergense pertinere, illum verò sumtus liti impensos refundere teneri.* Hi cum perceptis IV marcas & XI fectones argenti examinati æquabant, quas tamen Thidericus ad quatuor & dimidiam marcas moderabatur, & rectores, provifores, ac Clericos Archidiaconatus Goslariensis Bertramum seriò exhortari jubebat, ut argentum præfatum mensis spatio conventui solveret, eundem, ni mandatis paruerit, in eventum excommunicans. Is nil id curabat, ideoque Clericis præfatis strictiora dabantur mandata die post festum Bartholomæi, ut Bertramum singulis diebus festis & Dominicis solenniter & publicè pro concione denunciarent, additis monitis, ne populus ullo modo commercia cum eodem haberet.

JOHANNES IV cognomento Brandes præpositus XII, cujus & Mechtildis Priorissæ electio Iusce Tabulis confirmabatur:

Frater SYFRIDUS DEI & apostolice sedis gracia præpositus generalis monasteriorum B. Marie Magdal. per Almanniam ad Romanam ecclesiam nullo medio pertinencium, ordinis S. Augustini, conventui nostri monasterii sororum penitencium in Goslaria, quod vulgari-

ter dicitur Vrankelenberch, salutem in domino sempiternam. Quia personaliter vos commode visitare, prout ex officio nostro tenemur, nequimus; at tamen ne videamur gregem nobis commissum sine duce & rectore deviare, ideo confirmavimus & confirmamus presentibus honorabilem virum Dn. Johannem Brandes in prepositum vestri monasterii & Mechuldim in vestram priorissam, dando eisdem personis, videl. preposito & priorisse predictis, nostram auctoritatem regendi vos in spiritualibus & temporalibus cum revocatione, salvo nostro & nostri provincialis jure, tempore exigente. Unde mandamus vobis conventus sororibus in virtute S. obediencie, quatenus dictis preposito & priorisse obediencias & reverencias debitas faciatis, alioquin omnem penam ordinis, quam ferunt in rebelles, ratam habebimus usque ad satisfactionem condignam. Item volumus & misericorditer vobis indulgemus, ut omnes prepositi & priorisse a conventu concorditer electi & electe virtute hujus litere eadem auctoritate fruantur, ut prescribitur. Act. & datum in Hildensem anno MCCC LXX in die S. Katarine nostro sub sigillo.

Circa hoc tempus lis conventui movebatur de jure patronatus sacelli Ordagshufani à Johanne Throbo milite, Henrico Gere, Henningo Lambertingh, Henningo & Alberto Luderingh, fratribus, Eustachio Merteningh, Conrado Suarte, Ludolpho patrefamilias Jertzensi, Henrico Westfeld, & Henrico Stendal, nec non cunctis & singulis hæredibus Erfsen vulgò dictis. Hos Johannes Præpositus & Albertus Houbeplebanus Jertzensis coram Gerhardo præfule Hildesienfi in jus voca-

vocabant. Is Everhardum ecclesiæ Hildesiensis Decanum denominabat, qui suo nomine causam cognosceret. Cunctis sedulò pensitatis litigantibus diem ad audiendam sententiam præfigit. Hæc IX Cal. Jul. Anno MCCC LXXI talis pronunciata fuit; *jus patronatus sacelli prædicti ad præpositum & conventum Francobergensem spectare, hos esse veros ejus patronos, ipsum verò sacellum ejusq. attinentias & commoda ab antiquo ad ecclesiam Jertzenensem pertinuisse, & jure etiamnum pertinere. Hinc sacellum eidem adjudicari, impositò parti adversæ perpetuò silentiò, eademq. ad litis expensas condemnata.* Testes: Thidericus de Luttingworden Scholasticus templi B. Andreæ Hildesiæ, Thidericus Carpentarius plebanus Elvedæ minoris, Bernhardus plebanus Dietrichshufanus, Aschwinus Pincerna miles, & Eyllhardus Durecop civis Hildesiensis.

Henricus III præsul Hildesiensis mortuus erat, ut suprà dixi, Anno MCCC LXII. Huic Gregorius XI Papa successorem dedit Johannem Schadlandium Coloniensem (e), virum apprimè doctum ordinis Dominicanorum, idque infcio & invito Capitulo. Hic præsul literis magis quàm armis deditus nil nisi tranquillam quærebat vitam, belli strepitus & turbas procul habens. Gravia igitur bella à prædecessoribus gesta edoctus, nec adhuc cuncta esse sedata videns, à Papa instanter petiit, ut munus minus turbulentum sibi demandare dignaretur. Bieneniò igitur elapsò in sedem Augustanam est translatus, successorem habens Gerhardum Dynastam de Monte prope Mindam.

Is ecclesiam Verdensẽ summo cum fructu per aliquod temporis spatium rexit, & Johanne Anno MCCC LXIV Augustam Vindelicorum pergente, ad episcopatum Hildesiensem pervenit. Statim sub initium regiminis ejus LX equites Westphali agrum Hildesiensem rapinis & direptionibus multum infestabant. Gerhardus ægerrimè id ferens juxta Allicam oppidum grassatores hosce ad unum omnes trucidabat aut capiebat. Haud diu post bellum inter hunc præfulem & Magnum

L 3

junio-

(a) *Brunsb. epit. de Archiepisc. & Episc. Germ. c. 11. §. 37. Vti. Episc. Hildes. MS. in hoc Job. Gabr. Bucelin. German. sacr. part. 1. p. 19.*

juniores Duce Brunov. & Luneb. exarsit, veteri odio sepultisque querelis resuscitatis. Magnus, junctis sibi Dietericò Archipræsule Magdeburgensi, Alberto præsule Halberstadenſi, principibus Anhaltinis, Volrado Comite Querfurtensi, Günthero Svarceburgio, & Gebhardo Mansfeldio, insignes coëgit copias, & populabundus agrum Hildefiensē intravit. Gerhardus quamvis viribus multum inferior pugnam minimè detrectabat. Pugnatum est III Non. Septembr. Anno MCCCXLVII ad Dinclerensē pagum summis animis parique virtute. Victoria tamen penes Gerhardum stetit, cæsis ex adversa parte multis primæ nobilitatis viris, & captis inter reliquos Magnò & Albertò Halberstadio. Gerhardus, gravi argento à captivis extortò, cœnobium Carthusianorum Hildefiæ è fundamentis exstruxit, arces Steinbrugensem & Coldingensem perfecit, tectumque turris minoris templi Cathedralis Hildefiæ auro obduci curavit.

Turbis hisce vix compositis novum ei exoriebatur bellum cum Alberto & Ottone Ducibus Brunov. & Luneburgensibus, qui nobiles quosdam Hildefiensē præsuli refragantes tuebantur. Hos subditis multum damni inferentes in arce Walmodensi obsedit & faciliè ad deductionem coëgit. Albertus & Otto, quò præsulem in diversa distraherent, Alvelgium oppidum expugnant & diripiunt, arcem in oppido aspicientes. At cum miles præſidiarius Woldenbergensis XL primæ notæ viros è Brunovicensibus cepisset, res hac lege componebatur, (a) ut oppidum præfatum Gerhardo redderetur, & captivi pristina libertati restituerentur. In hisce & similibus turbis vitam ferè transiegit noster præsul, adeoque annis & curis fractus cum consensu Capituli Johannem è comitibus Hoyensibus episcopum Paderbornensem coadjutorem sibi adſcivit, & tandem obiit Anno MCCCXCVIII, sepultus in templo Carthusianorum Hildefiæ.

Anno MCCCXLVII die Matthiæ Apost. Thilo de Bornumhusen con-

(a) *Bruseb. ep. Archiepisc. & Episc. Germ. c. 11. §. 38. Vit. Episc. Hvd. s. MS. in b. Episcopo. Cranz. metrop. l. 10. c. 52. & 53. Compil. Chronol. ap. Pissler T. 1. ad b. a. Chron. Saxon. p. 497. 498. Gabr. Bucclin. German. sacr. part. 1. p. 19.*

sen conventui vendit dimidium marcæ proventus annui IV marcis argenti examinati, quem post obitum suum eidem legat.

Nec non Johannes Meise & Conradus Ramold, acceptis à Johanne Kissenbrügge & uxore ejus Maria XII martis argenti Goslaricæ, die Mercur. post Pentecost. Anno MCCCC VI iisdem & conventui Francobergensi censum annuum unius marcæ, è dimidio decimæ suæ Westharingensis persolvendæ, vendunt. Hic census post eorum obitum cœnobio legabatur, quò obitus ipsorum dies memorialis celebraretur. Cuncta hæc rata habuit Johannes Antistes Hildesienfis feudi dominus die Vener. post Pentecost.

Hic Johannes in perniciem ecclesiæ Hildesienfis natus esse videtur : hanc enim gravissimo implicitam bello ferè funditus pessundedit. Fuit è Comitibus Hoyensibus prognatus & hujus nominis tertius. Bonifacius IX Papa electionem ejus confirmavit. Primum ipsi bellum fuit cum Friderico Duce Brunov. & Luneburgensi, qui agrum Hildesiensem diripiebat & expilabat. Pace verò brevi post subsecuta arcem Vordensem ope Henrici Ducis Brunov. & Luneb. expugnat Johannes, & luxu sensum diffuens plus sumtuum fecit quam episcopatus ferre poterat. (a) Imò vitam verè Epicuream vixisse scribitur, comessandò, potandò, & scortandò dies noctesque consumens, quò subditorum suorum odium haud absque causa incurrit. Accessit Eggehardi ab Harensee præpositi Hildesienfis majoris gravis persecutio : hunc enim, vanas prætexens causas, Stürvvaldæ arctæ custodiæ mandavit, in qua mœrore confectus, seu potius suspecta morte, miserè periit. Præter hæc acerrimo bello cum Colonienfi & Magdeburgensi Archiepiscopis, Halberstadenfi præfule, & Ducibus Brunovic. & Luneburgensibus immixtus fuit, in quo diœcesis Hildesienfis funditus periit. Hæc enim calamitas in tertium usque annum protrahabatur, & extrema ecclesiæ Hildesienfi imminere videbantur, nisi pax maturè esset subsecuta. Johannes

(a) *Bruseb. epit. de Archiepisc. & Episc. German. c. 11. §. 39. Cranz. metrop. l. 10. c. 46. Vir. Episc. Hildes. MS. & Bunting. in hoc Episc. Letzner. Chron. Dassl. l. 2. c. 12. Bunting. Chron. Brun. part. 1. p. 111. Cranz. Saxon. l. 11. c. 8. Spangenberg. Chron. Mansf. c. 309. Compil. Chronolog. ap. Pistor. ad b. d.*

hannestam grave damnum refarcire nesciens Magnum præfulem Camynensem Coadjutorem sibi adscivit, & obiit die Pancratii Anno MCCCCXXIV cum ecclesiam suam irreparabili cum damno per annos viginti sex rexisset.

ENGELBERTUS præpositus XIII annò præfatò MCCCC VI die B. Martini Episc. cum senatu Bokenheimensi de curia cœnobii Bokenheimii sita, & duobus mansis extra muros, transigit. De hoc præposito præter hoc nil ampliùs occurrit.

Svicheldii circa hæc tempora arcem pervetustam Harceburgiam incolebant, & agrum Magdeburgensem crebris eruptionibus haud parum turbabant. (a) Güntherus Archipræfùl hanc audaciam vindicturus Albertum Halberstadium, Bernhardum & Henricum Duces Brunov. & Luneburgenses, ac urbes Brunovicum, Goslarium, Magdeburgum, Halberstadium, & Hannoveram fœdere sibi jungit. Cuncta bello fortiter gerendo adornantur, & Otto Dynasta Warbergius Svicheldiis erumpentibus invigilat, sed ex insidiis trucidatur. Socii mortem ejus ulturi Harceburgum arcta obsidione cingunt, cuncta sed frustra molientes, quò eandem occuparent: Hyeme enim adventante obsidionem solvere coacti fuere. Induciis factis omnia pacata videbantur; sed Svicheldii prædæ assueti & inducias nil curantes Anno MCCCCXII Goslariensibus pecora denuò abegere. Oppugnatio igitur Harceburgi redintegratur majoribus ac antea viribus. Nec eadem quæ annò præteritò oppugnantium fors fuit; muris enim assiduo labore conquassatis obsessi demum pacem iniere hac lege, *Svicheldii principum & urbium hostes minimè sunt, sed eorum utilitati quantum possunt consulunt, arcem sociis tradunt, & in loco cadis Warbergii sacellum exstruunt.* Henricus igitur eques, Brandanus & Conradus de Svichelde fratres, die B. Benedicti Harceburgum sociis tradidere, qui arcem hanc protinus solo æquarunt.

REMBERTUS præpositus XIV, Gerbergis Priorissa, & conventus Fran-

(a) *Compil. Chronol. ap. Pistor. ad a. 1412. Chron. Saxon. p. m. 451. Fabric. memorab. Saxon. l. 2. p. 279.*

Francobergenſis Anno MCCCCXX Syverdo Syverdi ejusque filio Henningo curiam ſuam Goſlariæ ſitam ad dies vitæ feudi titulò conferunt ea lege, ut conventui quotannis in feſto Michaëlis Archang. III lotones monetæ Goſlarienſis penderent.

HERMANNUS Hildenſem. præpoſitus XV Jutta Oſterrodes Prioriſſa, Bela Pakſteins cuſtos, Gerberga Burmeſters cellaria, Walpurgis Wicken cantrix, & conventus Francobergenſis die B. Hieronymi Anno MCCCCXXII Remberto Dedelvels & Henrico de Guſtede præſbyteris XXIV libris monetæ Peynenſis vendunt duas libras redditus annui in feſto Michaëlis Archang. perſolvendi, & iisdem mortuis ad conventum, devolvendi.

Damnò afficiebatur conventus à Friccone de Damme, Henningo Salge, Statio Velhauer, Tilone Strobek, aliisque diœceſis Hildeſienſis laicis, in equis, vaccis, ovibus, & proventibus. Hinc graves querelas ad Martinum V Papam deferret, qui Anno MCCCCXXIII hanc cauſam Decano eccleſiæ B. B. Simonis & Judæ Goſlariæ cognoscendam tradit in hiſce literis;

MARTINUS episcopus ſervus ſervorum DEI dilecto filio Decano eccleſiæ S. S. Simonis & Jude Goſlarien. Hildenſien. dioc. ſalutem & apoſtolicam benedictionem. Conqueſti ſunt nobis modernus proviſor, prioriſſa & conventus monaſterii in Vrankenberg Goſlarien. per proviſorem & prioriſſam ſoliti gubernari, ordinis S. Auguſtini Hildenſem. diœceſis, quod Fricco Vamnedamme, Henningus Salghe, Statio Velhower, & Tilo Strobek, laici, & quidam alii laici dicte dioc. ſuper quibusdam equis, vaccis, ovibus, pecuniarum ſummis, & rebus aliis ad dictum monaſterium ſpectantibus, injuriantur eiſdem. Ideoque difcrecioni tue per apoſtolica ſcripta mandamus, quatinus

vocatis qui fuerint vocandi, & auditis hinc inde prepositis, quod iustum fuerit, appellacione remota, usuris cessantibus, decernas, faciens quod decreveris per censuram ecclesiasticam firmiter observari. Testes autem, qui fuerint nominati, si se gracia, odio, vel timore subtraxerint, censura simili, appellacione cessante, compellas veritati testimonium perhibere. Datum Rome ap. S. Petrum XI Kal. April. pontificatus nostri anno septimo.



Pta gratis

C. de Urbino.

Martinus V Rōmæ è gente Columna prodiit, & successit Johanni XXIV Anno M CCCC XVI, cunctis ob modestiam & eruditionem acceptus, iustitiæ amans, affabilis, comis, & prudens. (a) Antipapam nactus est Petrum quendam, qui tamen paucorum meruit amorem, reliquis Martini partes sequentibus. Hic Anno M CCCC XVIII concilium Constantiense dissolvit, & vivere desiit Anno M CCCC XXXI, cum sedisset annos XIV, menses III & vixisset annos LXIII.

Circa hæc tempora gravissimæ furentis plebis Halberstadenis turbæ sunt oræ, quas mercator quidam Matthias procerus dictus excitavit. (b) Is enim legitimo magistratu in carcerem coniecto auctoritatem

(a) *Vid. Platin. Onuphr. Panvin. & Nigrin. in Martino V.* (b) *Chron. Archiepisc. Magdeb. ap. Meibom. in Nicol. Archiepisc. Cantz. Saxon. l. II. c. II. Compil. Chronol. ap. Pistor. ad a. 1423. Fabric. memorab. Saxon. ad b. a. Bunting. Chron. Brun. part. I. p. 112. Spangenberg. Chron. Mansfeld. c. 311.*

tem consularem temerario conamine ipse usurpavit. Urbes vicinæ, precibus Johannis præfulis Halberstadenſis motæ, rebelles frustra ad pacem exhortabantur. Imò plebs eò demum furorem extendit, ut quinque è senatoribus publicè capitis supplicio affecerit. Tantum scelus ulturi Johannes præful, Magnus Dux Saxonie inferioris ejus coadjutor, & urbes Brunovicum, Goslaria, Magdeburgum, Hannovera, Hala-Saxonum, aliæque octodecim numero arma junxere, & Halberstadenſes arcta obsidione cinxere. Matthias causæ suæ parum fidens clam ex urbe elabitur, Blancoburgum fugiens; sed in itinere captus in castra deducitur. Reliqui assiduis sociorum oppugnationibus fracti pacem efflagitant, traditis plerisque rebellionis auctoribus. Hi unà cum Matthia coram judicio constituti morti adjudicantur, manūque carnificis impiam exhalant animam. Urbs p̄te cum sociis inita M M M florenorum multam solvit, quò peractò socii A. M CCCC XXV victorem exercitum ab urbe deducunt, quisque domum pergendò.

Anno MCCCCXXIV die Martis post Valentini Johannes præful Hildesienſis, Magnus præful Camynenſis, ac urbes Brunovicum, Hildesia & Hannovera fœdus in quinquennium ineunt, mutua sibi auxilia necessitate urgente promittentes. Quinquennio hoc elapſo Goslaria, Magdeburgum, Brunovicum, Hala-Saxonum, Hildesia, Halberſtadium, Göttinga, Quedlinburgum, Aschersleba, Eimbeca, Hannovera, Helmſtadium, Northeimium, Merspurum, & Hamelia die Lunæ post Quasimodogeniti Anno MCCCCXXIX novum fœdus pangunt.

In hæc eadem tempora incidit bellum Magdeburgicum, quod magno furore utrinque est gestum, multoque sanguine constitit. Huic partim ansam dabat Güntherus Archipræful, partim etiam urbs Magdeburgenſis. Ille enim civium privilegia infringere, hi verò urbem suam invito Archipræfule munire conabantur. Sub initium causa hæc coram concilio Basileenſi ventilabatur; sed cives moræ impatientes Johannem Marchionem Brandeburgensem, Henricum Ducem Brunov. & Luneb. ac urbes Brunovicum & Halam-Saxonum sibi junxere, quorum auxiliò Kalbam, Ackenam, & Stasfurtum expugnârunt.

Güntherus verò à concilio præfato sententiam in rebelles obtinuit, ut sub pœna excommunicationis & proscriptionis cuncta in pristinum statum restituerent.

Hi sententiam parvi pendentes Otterslebam, Schonbeccum, Borgum, Lobergam, Möckemum, Nigripum, & Tuchenam, occupant, Halensibus Fridburgum expugnantibus. At cum hi eadem cum Magdeburgensibus pœnâ afficerentur, (a) senatus satietate turbarum caput veniam à concilio impetrat invitis & insciis civibus. Hi enim Magdeburgenses neutiquam deserturi senatum custodiæ mandant. Urbes tamen vicinæ Magdeburgum, Brunovicum, Halberstadium, Aschersleba, Quedlinburgum, aliæque litem intercipientes turbas hæc prudentiâ suâ sedant.

Canonici vero Magdeburgenses, qui bellum prosequi decreverant, & auxiliis Friderici Saxonix electoris, Guiljelmi Thuringiæ, Ludovici Hassiæ Landgraviorum, & Comitum Svarceburgii, Mansfeldii,

Stolbergensis & Honsteiniî aucti erant, cum XII hominum exercitu Halenses obsident. Obsidio in longum tempus protrahabatur ob egregias urbis munitiones, & fortitudinem militis præsidarii. Bellum tandem ope Johannis præfatis Merspurgenfis & Bernhardi principis Anhaltini hac ratione componebatur, *ut loca expugnata diœcesi redderentur, sumtus bello impensi utrimq; compensarentur, opera daretur, ut Halenses ab excommunicatione liberarentur, & demum Magdeburgenses gravem multam penderent.*

HENRICUS II præpositus XVI, Lutgardis Priorissæ, & conventus Francobergensis die Dominica Epiphan. Anno MCCCCXXXV ædes vetustas frumentarias Alexandro Bodeker hac conditione locant, ut easdem sumtibus suis instauraret, idem post obitum suum ab Alexandri junioris filiabus superstitibus fieret, & cunctis emortuis eadem ad conventum liberè redirent.

Idem præpositus die B. Thomæ Apost. possessori altaris trium magorum

(a) *Chron. Magdeburg ap. Meibom. pag. 357. Cranz. Saxon. l. II. c. 20. & seqq. Spangenberg. Chron. Mansfeld. c. 319. Bünsing. Chron. Brun. part. I. p. 115.*

gorum templi forensis Goslarie proventum annuum IV florenorum Rhenensium, è decima Scheningensi & III mansis ibidem sitis solvendo-
rum, L florenis ejusdem valoris vendit.

Anno MCCCCXLII Magnus præsul Hildesienfis Gisoni Lans-
bergen facultatem concedit Clusam exstruendi. Tabulæ latinè reddi-
tæ hæ sunt:

Nos MAGNUS DEI gratiâ præsul Hildesienfis literis
hisce cunctis easdem audientibus & legentibus notum fa-
cimus, quod veniam & facultatem concedimus Gisoni
Lansbergen ministro nostro Clusam juxta prædium Bo-
densteinense exstruendi, in eadem commorandi, vias &
semitas emendandi & perficiendi, cunctis Christi fidelibus
pœnitentiam peccatorum agentibus, & confessionem, ac
correctionem vitæ efflagitantibus, Gisoni prædicto opem
ferentibus, & eleemosynas larga manu porrigentibus, au-
ctoritate Domini nostri JESU CHRISTI & Apostolo-
rum ejus Petri & Pauli, sedisque Romanæ, XL dierum
indulgentias elargimur. In hujus rei testimonium signum
nostrum hisce literis appendi fecimus. Datis annò à Chri-
sto nato MCCCCXLII die Martis festum Michaëlis præ-
cedente.

Præsul hic loci obviis Saxonie inferioris Ducibus originem de-
bet, & primò sedem Camynensem rexit, Johanni præsuli Hildesienfi
Anno MCCCCXXIV succedens. (a) Is summo studio id allaboravit,
ut res diœcesis fatiscientes reficeret, ideoque plura bona oppignorata
redemit. Postea Guilielmo Victoriouso Duci Brunov. & Luneb. con-

M 3

tra fra-

(a) *Brusch. ep. de Archiepisc. & Episc. Germ. c. 11. §. 40. Cranz. metrop. l. 11. c. 28. Vita ep. Hildes. MS. in hoc Episc. Compil. Chronol. ap. Pistor. ad a. 1432.*

tra fratrem Henricum pacificum bellantem auxilio fuit. Bellum tamen mediantibus Johanne Marchione Brandenburgensi, Ottone Duce Brunov. & Luneburgensi, & Ludovico Hassiæ Landgravio, paulò post componebatur, pacto, ut Henrico Ducatus Brunovicensis permaneret, Guilielmo verò ducatus Calenbergensis additis XIV florenis cederet.

Haud diu ante hoc bellum, annò nempe MCCCXXXI, præsul noster fœdus inierat cum Henrico & Mauritio Comitibus Spigelbergiis contra Ottonem & Fridericum Duces Brunov. & Luneburgenses. Lis tamen brevi post, maximò damnò agro Brunovicensi illato, Hannoveræ auspiciatò componebatur. Hòc factò Magnus A. MCCCCXXXIX die Lunæ post Trinitatis cum consensu Capituli sui & ordinum diœcesis Hildesienfis XL annorum fœdus init cum Luneburgensibus & Hannoveranis, donum MMM aureorum Hildesienfium à præfatis urbibus accipiens.

Anno MCCCCXLIII lites inter Ottonem & Fridericum Duces Brunov. ac Luneb. & Luneburgum obortas unà cum aliis prosperè componit. Anno MCCCCXLVI comitatum (a) Wunstorpiensem à Julio & Ludolpho Comitibus de Rode & Wunstorp emit, sed eundem mox Guilielmo Victoriòso revendit. Alios inter principes bellum infert Sufatenfis, qui se imperio Dieterici Archipræfulis Colonienfis subdlexerant. Graviter quoque altercavit cum Guilielmo seniore, ejusque filiis Guilielmo juniore & Friderico Ducibus Brunov. & Luneburgensibus; his & Hannoverani immiscebantur, sed die Lunæ post Trinitatis Anno MCCCCXLIX pacem cum præfule faciebant. Hic tandem ætate ingravescente coadjutorem sibi elegit Bernhardum Friderici Pii Luneburgii filium, & è vita excessit Annò MCCCCLII, sepultus in templo Cathedrali Hildesie. Schema genealogicum Magni subjungo:

(a) Chron. Saxon. p. 494. Bünt. Chron. Brunov. part. 2. p. 56.

Johannes I Saxoniz inferioris Dux primus (a)
obiit 1285.

Johannes II ob. 1310.	Albertus II ob. 1314.	Ericus I obiit 1338.	N. Filia.
Albertus III obiit 1344.		Ericus II obiit 1401.	
		Ericus III obiit 1411, uxor Catherina Brunovicensis.	
Ericus IV ob. 1435.	Johannes III ob. 1414.	Magnus præsul Hildesiens. ob. 1451.	Albertus Ca- non. Hildes. ob. 1421.
		Bernhar- dus. ob. 1421.	Cathe- rina.

Anno MCCCCXLIII crux quædam argentea consecratur
in templo Francobergensi. Tabulæ sunt sequentes:

JOHANNES DEI & apostolice sedis gratia ecclesie
Misinensis episcopus, in pontificalibus Vicarius generalis
reverendorum in Christo patrum & dominorum, domi-
norum Magni Hylden. & Alberti Mynden. eadem gratia ec-
clesiarum episcoporum universis & singulis presentes no-
stras literas visuris notificamus per easdem, quod ob re-
verenciam dominice passionis presentem crucem argen-
team nobis suffragante Spiritus S. gratia consecravimus
& subscriptas imposuimus reliquias. Scilicet de ligno S.
Crucis, de S. Johanne, de S. Laurentio, de S. Cyriaco, de
S. Odolrico, de S. Bernhardo, de S. Katerina & ejus oleo,
de S. Agneta, de S. Petronilla, & de S. Dorothea. Omnibus
igitur vere penitentibus & confessis, qui oracionem pas-
sionis

(a) Vid. Rittersbus. Tabb. Geneal. in hac famil.

sionis domini nostri JESU CHRISTI coram ista cruce consecratae dominicam recitaverint salute cum Angelica, sive osculum pacis, nec non & benedictionem cum ea devote receperint, quando de junctis eis penitentiis de qualibet particula reliquiarum XL dies indulgentias in domino misericorditer relaxamus. In cujus testimonium sigillum nostrum presentibus est appensum. Dat. anno Domini MCCCC XLIII ipso die B. Elisab. vidue.

Mortuò, ut suprà dictum, Magnò præsule Hildesiensi Bernhardus Dux Brunov. & Luneb. regimen sedis capessēbat, & statim Anno MCCCC LIII die Jovis festum Simonis & Judæ præcedente cum Guilielmo seniore, Henrico pacifico, Guilielmo juniore, Friderico, Henrico, Ernesto, & Alberto Ducibus Brunov. & Luneb. fœdus in triennium inibat. (a) Hicce princeps annis quamvis juvenis moribus & prudentiâ senes æmulabatur, res diœcesis suæ egregiè curans. Imò scribunt, quòd eadem ab ære alieno, quò obstringebatur, liberata fuisset, si Bernhardus eandem diutius rexisset. Nam parente Friderico seculo valedicente fratris sui Ottonis sedulam gessit curam, res ducatus Luneburgensis graviter administrans. Anno MCCCC LVIII bellum gessit cum Guilielmo seniore cognato. Causa hæcerat : Canonici D. Blasii Brunovici, quibus varia erant bona in salinis Luneburgicis, iisdem terè defraudabantur. Sæpius sed frustra à Bernhardo efflagitabant, ut remedium malo afferret, ideoque rem ad Papam deferēbant, optatamque obtinebant sententiam. Hujus executio Guilielmo seniori mandabatur, qui confestim copias conscribebat, & bellum strenuè adornabat. Bernhardus hosti obviam procedens pugnam cum Guiliel-

(a) *Bruseb. de Archiepisc. & Episc. Germ. c. 11. § 41. Cranz. metrop. l. 11. c. 41. Vit. Episc. Hildes. MS. in Bernb. Bunting, Chron. Brun. part. 2. p. 56. Cranz. Saxon. l. 11. c. 37.*

Guilielmo init, & victoriâ potitur. Hanc paulò post secuta est pax, cuncta pacata reddens. Bernhardus, secularem ecclesiasticâ vitâ præferens, Anno MCCCC LIX episcopatum Hildesiensem Ernesto Schauenburgio resignat, ducta ejus sorore Mathilde virgine pulcherri-
mâ & venustissimâ.

Anno MCCCC LXI Ludovicus Hassiæ Landgravius Eimbeccam occupare conabatur, eumque in finem Pylshagam usque cum exercitu processerat. (a) Henricus verò & Albertus Duces Brunov. & Luneb. nec non vicinæ urbes Goslaria, Brunovicum, Göttinga, & Northheimium, opem sociæ urbiferentes conamina Ludovici faciliè eludebant.

Anno MCCCC LXII lites ob bona Canoniconum Brunovicen-
sium in salinis Luneburgicis recrudescabant. Guilielmus senior & Fridericus, suorum causam tuentes, quantum poterant damni Lune-
burgensibus inferebant. (b) Bernhardus verò Luneburgius, junctis sibi Ernesto præfule Hildesienti, & urbibus Hanseaticis, Guilielmi teras
haud segniùs vastabat. Bellum hac tamen lege componebatur, ut
Moringa à Guilielmo in pignore daretur, usque dum lis jure esset
decisa.

Anno præfato die Mercur. post B. B. Petri & Pauli Henningus de
Rode Johanni de Bornumhusen proventum annuum dimidiæ marcæ
sex argenti marcis vendit.

Anno MCCCC LXVI die Panthal. Martyr. idem Johannes præ-
fatum proventum Mettæ Tempels moniali Francobergenli, & post ejus
obitum conventui ibidem in æternum legat.

Anno MCCCC LXVII die Viti martyr. Johannes Dorsted ci-
vis Goslariensis cum consensu fratris Henrici a D. Johannis Evangeli-
stæ, supra sacellum B. B. Brixii & Erasmi in templo Francobergenli sita, L
florenos hac lege dono dat, ut eorū collatio præfatis fratribus ad dies vi-

N

tæ com-

(a) *Crunz. Saxon. l. 12. c. 1. id. metrop. l. 11. c. 49. Bunt. Chron. Brunov. part. 3. p. 95. Spangenberg. Chron. Mansfeld. c. 334. (b) Bunting. Chron. Brunov. ed. Mei-
bom. p. 434. Crunz. metrop. l. 11. c. 49.*

et competeret, iis verò emortuis eadem ad moniales & diaconos templi dicti devolveretur.

Ernestus præful Hildesienſis, qui lucusque eccleſiam ſuam ſatis tranquillè rexerat, ultimis vitæ diebus graviffimo bello involvebatur cum Friderico Duce Brunov. & Luneburg. cujus cauſa mihi non conſtat. (a) Fridericus agrum Hildesienſem ferro ignique funditus vaſtat. Ernestus, quò malo remedium afferret, cum ſuis hoſti fortiter obviam procedebat. Hinc prælium cruentum oboriebatur, nam utrimque magnà ferociâ pugnabatur. Stetit tamen victòria penes Fridericum, Erneſtò ægrè fugà Hildesiam elabente. Hæc clades agro Hildesienſi ingentem calamitatem peperit, imò Ernestus tantum animi dolorem ex eadem cepit, ut Anno MCCCCXXI mœrore confectus obierit.

Obitus verò ejus funeſtior ferè fuit ac bellum antecedens. (b) Schiſmate enim oborto pars Canonicorum Hermannum Haſſiæ Landgravium, pars verò Henningum ab Huſſ Decanum Hildesienſem elegere. Henningus confirmatione papali impetrata bona oppignorata redimere conſtituit, deque eo nobiles ſuos, qui haud pauca ex iſdem poſſidebant, certiores facit. Hi bonis hiſce cedere nolentes vicinorum principum opem implorant, unde nova agri Hildesienſis vaſtitas. Hermannus Haſſius rixas & bellum odio habens, dereliçtâ turbulentâ eccleſiâ Hildesienſi, Coloniam revertitur. Eggehardus itaque de Wenden præpoſitus, Canonici ejus partes ſequentes, nobiles & urbes minores (c) Hermannò Balthaſarem Mekelnburgium ſufficiunt. Hæc cauſa fuit gravis & diuturni belli, Henningo opem ferentibus Guilielmo ſeniore, Guilielmo juniore, & Friderico, Ducibus Brunov. & Luneburgenſibus, Bartholdo præfule Verdenſi, & urbibus Hildesiâ ac Hannoverâ. Hi Anno MCCCCLXXII obſidionem arcis Sturwaldenſis cœpere, eandemque anno vertente fame ad deditionem compulſi.

Baltha-

(a) *Cranz. Saxon. l. 12. c. 9. Vit. Epiſc. Hildes. MS. in Erneſto. (b) Bunting. de Archiepiſc. & Epiſc. German. epit. c. 11. §. 42. Cranz. Saxon. l. 12. c. 10. Henning. Chron. Brun. part. 2. p. 18. (c) Cranz. metrop. l. 12. c. 8. Bunting. de Epiſc. Hildes. p. 105. Vit. Epiſc. Hildes. MS. in Henn.*

Balthasar se frustra contra niti perspicuens vestigia in agrum Melkenburgium relegit, & bellantes radio turbarum capti Anno MCCCCLXXIV firmam pacem ineunt, quâ Henningo episcopatus cunctisjurejurando sese obstringentibus firmabatur.

Bellum hocce subsecuta est sævissima pestis per æstatem anni M CCLXXII Eimbecæ & Göttingæ sæviens, & hyeme sequente Hildesiam transiens. (a) Hinc Anno MCCCCLXXIII Brunovicum, & sequente annò Luncburgum, Halberstadium & in vicinas urbes irrepfit, magnam ubique mortalium stragem edens. Haud parum ad hanc luem contulit ferventissima æstas Anni MCCCCLXXIII; tantus enim calor solis urentis fuit, ut sylvæ Hercynia & Bohemica in flammæ eruperint, & aliquot milliarium spatîo conflagraverint.

CONRADUS Witte præpositus XVII Anno à nato Christo MCCCC LXXIII die Jovis post Dominic. Judica, Elisabetha Abbatissa, Elisabetha Priorissa, & conventus Woltingerodensis, Bartholdo Russen civi Hildesiensi promittunt celebrationem anniversariam memorialem, in se recipientes, quòd idem Francobergensibus octiduò antè sint denunciaturi, quòd cœnobii præpositus vel quidam è Capellanis missam insimul celebrare posset, acceptò pro labore dimidiò floreni Priorissæ Francobergensi tradendò.

Dominicâ post festum Pasch. Conradus præpositus ædes suas in adversâ Innerstæ ripa sitas, & sylvam ad easdem spectantem, quâ annis XL usus fuerat, Henrico Mechtegeshusen eò locat pactò, ut conventui quotannis XXIV florenos solveret.

Henningus præsul finitò bellò enarratò pacificè sedi suæ præfuit ad annum usque MCCCCLXXXI, (b) quòd onus muneris sui pertæsus episcopatum cum consensu Capituli tradidit Bertholdo præfuli Verdensi.

N 2

(a) *Compilat. Chronol. ap. Pistor. ad an. 1472. Chron. Saxon. p. 521. Spangenberg. Chron. Mansf. c. 337. Bunting. Chron. Brunov. part. 1. p. 117.* (b) *Cranz. Saxon. l. 12. c. 36. id. metrop. l. 12. c. 17. Chron. Saxon. p. 354. Bunting. Chron. Brun. part. 2. p. 60. Spangenberg. Chron. Mansf. c. 342. Vir. Episc. Hildes. MS. in Berib. Chytr. Saxon. l. 2. p. 57.*

densi. Is, quamvis insignibus animi dotibus prædictus esset, turbas tamen evitare haud potuit, populò bellis & rapinis assuetò. Occasio hæc erat : Bartholdus, diœcesim ab ære alieno liberare studens, Hildesiensibus vectigal proponebat legibus sat justis. Hi verò vectigal hocce plane respuebant, unde divisio animorum, diffidentia, querelæ, & mussitationes ortum duxere. Imò tandem ad manus ventum est, Hildesiensibus Anno MCCCCLXXXV Bartholdo bellum denunciantibus. Is, junctis sibi Henricò Duce Brunov. & Luneb. Pomerniæ Ducibus, & nobilibus suis, bis in conspectu urbis compareret, & speculas hinc inde sitas exurit.

Hildesiensēs verò facta eruptione Hohenhamelam in cineres redigunt, & pluribus copiis ad urbibus Brunovico, Luneburgo, Magdeburgo, Halberstadio, Goslaria, Northeimio, Göttinga, Eimbecca, & Hannovera, augentur. Præterea Præsules Osnabriigensis & Mindensis, Henricus Grubenhagius, & Lippienses, Hoyenses, Schauenburgenses, ac Diepholtiani comites, urbis partes amplectebantur. Hinc misera ubique rerum facies, agris desolatis, pagis incensis, colonis verò cæsis & captis. Fridericus III Imperator, has turbas resciscens, pacem Bartholdo imperat, denominato Alberto Saxoniz electore, qui causam cognosceret : Præsul verò nil id curabat, bellum strenuè proseguens. Goslarienses nostri fidem sociis probaturi arcem Harceburgensem Anno MCCCCLXXXVI expugnant. Henricus verò Dux Brunov. & Luneb. injuriam hanc ulturus insidias commodo in loco locat, & cives astu ex urbe elicit. Horum animi nuperrimâ victoriâ inflati erant, ideoque incondita turba magno furore è portis erumpit hostem vilipendens. Ast circumventi pars caduntur, pars capiuntur, reliqui fugâ agrè elabuntur. Post varia damna illata & accepta Bogislaus Pomerniæ Dux tandem pacem inter bellantes fecit, sumptibus compensatis, captivis utrimque dimissis, & cuiuslibet suo reddito. Bartholdus post hæc suos multo favore est amplexus, diœcesim summâ regni prudentiâ, cœnobium Ringelheimense, quod ruinam minabatur, illustrans, idem cum monte B. Georgii juxta Goslariam faciens, mori Franciscanorum Luneburgi degentium corrigens, Rotenburgensem artem
in agro

in agro Verdenſi perficiens, ut in eadem Anno MD III prid. Aſcenſ. Domin. fatò fungens, ſepultus in templo Cathedrali Verdæ.

Haſce turbas inſignis excepiſit calamitas cœnobio Francobergeniſi extremam perniciem inferens. Dic enim Veneris poſt Ægidii Anno MCCCCXCIII ignis ex improvifo erumpens tanta ſæviit ferocia, ut brevi temporis ſpatio ſingula cœnobii ædificia in cineres redigerentur, & quinque moniales, tres infantes, alique auxilio iſſis properantes flamma correpti perirent. Haud patiebatur ſororum curta ſupellex, ut damnum ære ſuo reſarcirent, ideoque piorum hominum opem implorare, & eleemoſynas hinc inde colligere decernebant. Hunc in finem die Martis poſt III Magor. A. MCCCCXCIV literas à ſenatu Goſlarienſi impetrant datas ad urbes Hameliam, Lemgoviam, Blumbergum, Hervordiam, Bilefeldam, Warendorpium, Telgetum, Monafterium, Oſnabrugam, Bekenam, Sendenhorſum, Alenam, Lippam, Hammam, Unnam, Camenam, Cunnercum, Veſaliam, Rezam, Calcarium, Cliviam, Arnheimium, Neomagum, Rurmondam, Trajectum ad Rhenum, Amſtelodamum, Hardervicum, Edamum, Monnikedamum, Roterodamum, Lugdunum Batavorum, Hagam-Comitum, Zutphaniam, Coloniam Agrippinam, Dortmundam, Werlam, Suſatum, Geſecam, Soltcothum, & Paderbornam, quibuscœdem rogabantur, ut ſororum miſeriæ & inſigni calamitati larga eleemoſynarum erogatione ſubvenire haud detrectarent.

Anno MCCCCXCV Domin. Quasimodogen. Conradus præpoſitus, Margaretha Prioriſſa, & conventus Francobergeniſis, acceptis ab Henningo Rodehofen & Henrico Witten, teſtamentariis Henrici Rodehofen fratris Henningi, XL florenis, proventum annuum duorum florenorum iſdem vendunt, hoc pacto, ut Henrico mortuo prædicti XL floreni ad conventum devolverentur.

Anno MD I Bertholdus præful Hildeſienſis eccleſiaſticum beneficium templo B. Petri collatum hiſce literis ratum habet:

BARTHOLDUS DEI & apoſtolice ſedis gracia epiſcopus Hildeſemenſis, ac Verdenſium eccleſiarum ad-

ministrator perpetuus, universis & singulis has nostras literas visuris & inspecturis salutem in Domino sempiternam. Sanctissimi corporis Domini nostri JESU CHRISTI Salvatoris, qui, transiturus de hoc mundo ad patrem summum & magnificum, sui corporis & sanguinis memorabile sacramentum instituit, corpus in cibum & sanguinem in poculum tribuendo, memorabile, inquam, ac stupendum, delectabile, suave, tutissimum, & super omnia preciosum, cujus memoracio gloriosa fidelium animos replet gaudio salutari, & cum infusione leticie lacrymas subministrat, decet Christi fideles summa devocione memoriam peragere, ac ipsum puris mentibus, manibus & precordiis devotius adorare. Cum itaque premissorum instinctu dilectus nobis in Christo Petrus Grymmen Laicus oppidi Goslariensis nostre Hildesem. diocesis pro sua suorumque salute Capellani sive ecclesiasticum beneficium perpetuum ad altare sanctissimi corporis Domini nostri JESU CHRISTI predicti situm in parochiali ecclesia S. Petri tom Franckenberge vulgariter nuncupati, oppidi & diocesis predictorum, per eum de bonis sibi à DEO collatis constructum fundaverit & dotaverit, ac ut singulis quintis feriis cujuslibet mensis annis singulis venerabile eucaristie sacramentum ejusdem corporis Domini nostri JESU CHRISTI, in quodam receptaculo predictæ ecclesie depositum, de receptaculo ipso ad prefatum altare & alias cum reverencia & honore debito, sub missarum & aliorum divinarum solemniis, per dictæ ecclesiæ rectorem,

rem, seu per alium ydoneum, deferri possit, a sancta sede apostolica impetraverit & optinuerit, prout in literis super hoc confectis ac nobis exhibitis plenius continetur. Nos, qui ex pastoralis officii debito, ut in nostra diocesi cultus divinus adaugeatur, diligenti cura promovere tenemur, hoc salubre dicti Petri Grymmen propositum ac institutum tanquam rationabile adeoque acceptum approbantes volentesque, ut ex premissis singuli Christi fideles dono celestis gracie uberius reficiantur, de omnipotentis DEI misericordia, ac B. B. Petri & Pauli Apostolor. auctoritate confisi, omnibus & singulis Christi fidelibus vere penitentibus & confessis qui in missarum divinarumque solemniis ac venerabilis eucaristie sacramenti delatione predictis devote interfuerint, totiens quotiens de injectis sibi penitentiis XL dies indulgentiarum misericorditer relaxamus. In quorum omnium fidem & testimonium has nostras literas concessimus, nostroque sigillo jussimus & fecimus communiri. Datum in castro nostro Sturwaldi, anno a nativitate Domini MDI; die vero Sabato XVII mens. Aprilis.

Anno MDVI die Mercur. post Joh. Bapt. conventus civibus quibusdam Goslariensibus ad dies vitæ hortum suum locat, pactò, ut pro eodem singulis annis solidum solverent.

Anno MDXI die Vener. post Barbar. Virg. Johannes Schaper plebanus templi D. Thomæ Goslarie conventui vendit unam marcā proventus annui XIV marci Goslariensibus.

Anno MDXV prid. Epiphan. Domin. Bertholdus Sotinus Vicarius coenobii Francobergensis eidem vendit aedes suas Goslarie sitas LXIII marci.

Anno

Anno MDXIX die Sabb. pasch. Senatus Goslariensis ab HENNINGO prapósito XVIII, Elisabetha Priorissa, & conventu Francobergensi CC marcas Goslarienses mutuò sumit, promisso XII marcarum censu annuò.

Anno MDXX die Lunæ post III Magor. Heyso Bundekenne civis Goslariensis C marcas à coenobio mutuò sumit, & dibus suis Goslariæ pro hypotheca constitutis.

Mortuò, ut dictum, Bertholdo præfule Hildesienfi ad sedem pervenit Ericus Dux Saxonie inferioris & Canonicus Colonienfis. (a) Huic Capitulum, Clerus, & ordines, ampla dedere dona, quæ unà cum tributo è diocesi exacto secum abstulit, traditò munere suo fratri Johanni, cum per anni saltem spatium sedi præfuisset.

Johannes, consensu Capituli impetrato, prid. B. Oswaldi Anno MDIV Hildesiam cum D equis intravit, secum habens Magnum fratrem, Antonium Schauenburgium, & Simonem Lippiensem Comites, ac præter hos magnam nobilium & clericorum turbam.

Huic V & IV Cal. Septembr. Vassalli ecclesiæ & civitas Hildesienfis jurejurandum fidelitatis præstiterè, quos ordine postea secuti sunt Peynenses, Bokelnheimenses, Alveldenses, Dassilienses, Bodenwerderenses, Gronovenses, Eltzenses, aliique. Anno regiminis tertio Romam migravit, ibidemque à Julio II Papa confirmatus est. Commodo ecclesiæ suæ invigilans arces nobilibus in bellis præteritis oppignoras ab iisdem redimere constituit. Hoc gravissimo bello Hildesienfi ansam dedit, quod diocesim saltem non funditus pessundedit. (b) Amplum illud nimis est, ut hic loci describi possit; hoc saltem referre consultum duxi, nobiles Hildesienfes Anno MDXVI prid. B. Joh. Baptiste cum Henrico juniore, Guilielmo & Erico seniore, Ducibus Brunov. & Luneburg. arctum iniisse fœdus, multum postea damni diocesi inferens.

(a) *Brusleb. ep. de Archiepisc. & Episc. Germ. c. 11. §. 45. Vit. Episc. Hildes. MS. in h. Episcopo. Chytr. Saxon. l. 2. p. 57.* (b) *Vid. de hoc bello Chytr. Saxon. l. 8. p. 205. Letzner. Chron. Dassil. l. 2. c. 19. Vitæ Episc. Hildes. MS. in h. Episcopo. Fabric. mem. Sax. l. 2. p. 316. Bunting. Chron. Brun. part. 1. p. 127. & Lüneburgensem.*

rens. Nam Johanne præfule & affeclis ejus proscriptis, & executione Henrico juniore ac Erico demandata, tota ferè diœcesis occupata & præfatis Ducibus decreto Cæsareo adjudicata fuit. Johannes ad episcopatum perveniens novem possedit urbes, VI vicos, VI comitatus, XXIV arces hæreditarias, varia cœnobîa, ac insignem pagorum & villarum numerum. Sed pace Anno MDXXIII prid. Ascens. Domini Quedlinburgi inita vix tertia eorum pars diœcesi relicta est, adeò grave damnum eidem ex hoc bello contigit. Johannes, nullum remedium malo afferre sciens, episcopatum cum consensu Capituli Balthasari Merkelio à Waldkirchen, Caroli V Imperatoris Pro-Cancellario, tradidit Anno MDXXVII ad fratrem Magnum Lauenburgum sese contulit, & tandem in summa miseria exulobiit.

Anno MDXXI Elisabetha Priorissa, Elisabetha Sub-Priorissa, Ymeke custos, Catherina Cellaria, & conventus Francobergensis Henrico Blomberg, Henningo Dyling, & Conrado Calbecht, Diaconis templi parochialis ibidem, mortuò Jordano Odenhusen altaris à aræ B. Joh. Evang. sitæ in sacello, quod est supra sacellum B. B. Brixii & Erasmi, in præfato templo, Johannem Leynemannum diœcesis Hildesienfis Clericum die Zungii Episc. & Confess. proponunt.

Illucescebat paulatim in agro Saxonico divini cultus verum lumen, & tandem hoc anno Goslariam quoque pertransibat, (a) rem gerente Johanne Cleppio, Vicario D. Jacobi. Hunc strenuè juvit Johannes Wesselius, & utrumque sublevavit Nicolaus Ambstorffius, qui primus disciplinam & ritus ecclesiasticos in ordinem redegit, ecclesiarum curam D. Johanni Amando committens. Hinc fidelium numerus indies crevit, & Evangelium in monachorum & monialium claustra quoque perrupit, sorores sic dictas pœnitentes verè pœnitentes reddens.

Hæ Anno MDXXII iterum senatui Goslariensi centum florenos mutuò dant.

Abdicante sese à munere suo Johanne præfule Hildesienfi, Baltha-

O

far

(a) Vid. Job. Sleidan. *hisor.* l. 1. §. 2. & *Chytr. Saxon.* l. 7. §. 8.

far Merkelius seu Merklinus, uti retuli, locum ejus supplevit. Stürwaldam Anno MD XXVIII die Veneris B. Martin. insequente veniens cunctōs comitate, favore, & studio in rempublicam adeo sibi devinxit, ut quivis aureum seculum sub hoc præfule resuscitatum iri crederet. Sed brevi post ecclesia sua derelicta (a) ad Imperatorem in Hispaniam perrexit, & cum eodem iter Italicum ingrediens Bononſæ confirmationem papalem impetravit. Regalibus à Carolo V Augustæ Vindelicorum instructus sedem Constantiensem Hildesiensi junxit. Treveros porrò invifens gravi morbo corripitur & vivere desinit ipso die Pentecostes Anno M DXXXI, sepultus ad B. Simonis ibidem.

Anno MDXXXVII graves turbæ inter Henricum jun. Ducem Brunov. & Luneb. ac Goslarienses sunt obortæ, quæ originem ex hoc trahebant; præfci Duces Brunov. & Luneburgenses urbi metalli-fodinas, sylvas, & ejusmodi farinæ alia bona oppignoraverant. Hæc argento oblato redimere tentabat Henricus, Goslariensibus pecuniam oblatam minimè accipientibus. (b) Hanc ob causam præfatus Dux varias molestias civibus creavit, & præpimis cænobium Reiffenbergense haud procul ab urbe situm probè munivit. Rumor ferebatur, idem cum monte B. Georgii tentatum iri. Cives, quò id impedirent, armata manu ex urbe erumpunt, aliquot è Brunovicensibus cædunt, cænobia vicina in cineres redigunt, & montem B. Georgii urbi imminentem funditus evertunt.

Henricus facinus tam atrox ulturus urbem in causa fractæ pacis coram judicio imperiali compellat, & hoc eodem anno sententiam proscriptionis obtinet. Hanc executurus itinera ad urbem milite obsidet, & Goslarienses eò redigit, & foederis Smalcaldici opem implorare cogerentur. Socii proscriptione sublata mandata à Cæsare impetrant, ne quis urbem turbaret. Nil hæc curavit Henricus, sed bellum

Gosla-

(a) *Brusch. epit. de Archiepisc. & Episc. German. c. 11. §. 47. Vir. Episc. Hildes. MS. in hoc Episc. Chytrai Saxon. ad an. 1521. (b) Chytr. Chron. Saxon. l. 8. ad a. 1527. & l. 10. ad an. 1542. Schard. script. Germ. T. 2. p. 407. Sleidan. histor. l. 15. ad an. 1542. Chron. Saxon. p. 601. & seqq.*

Goslarieſibus indixit, id ſaltem curæ habens, ut eosdem ſub jugum mitteret. Ad extrema igitur redacti denuò ad principes dicti fœderis confugiunt, qui ſociam urbem liberaturi Anno MD XLII inſignem adducunt exercitum, & Henricum è toto agro Brunovicenſi pulſum in Baviariam ſecedere cogunt, de quo agere hujus non eſt loci.

CONRADUS III præpoſitus XIX, de quo nil ampliùs occurrit, quàm quòd circa Annum MD XXII vixerit.

HENNINGUS II præpoſitus XX die Domin. Cantate Anno MD XXXIII in Capitulo conſueto Henrico Dronewulfe altariſtæ ſuo ædes haud procul à templo majore ſitas XL marcis Goslarieſibus ad dies vii hac vendit lege, ut poſt ejus mortem eadem ad cœnobium redirent.

Balthaſari præſuli Hildeſienſi Anno MD XXXI ſucceſſit Otto III, Comes Schauenburgenſis, petente Carolo V Imperatore electus, ſed confirmationem papalem minimè ambiens. Quamnam hæc mora habuerit, cauſam, ane negligentiam aut imperitiam, an verò nummorum defectum, divinare equidem nequeo. Hoc ſaltem conſtat, Paulum III Papa ægrè id ſerentem ſerio ad capitulum ſcripſiſſe, ut de novo præſule denominando eſſent ſolliciti, ne diœceſis quid dampni pateretur, ſemeſtri tantùm ſpatiò pro hoc negotio ipſi conſeſſo. (a) Canonici igitur Anno MD XXXVII unanimi conſenſu elegere Valentinum à Thetleben J. U. D. Præpoſitum D. Bartholomæi Francofurti ad Mœnum, virum prudentem & in rebus politicis verſatiſſimum. Is Romam pergens à Papa ſoleni ritu confirmatur, & X Cal. Junii Anno MD XXXVIII Hildeſiam reverſitur, ſummò ſtudiò & labore res episcopatus curans, quamvis haud modicò tædiò à quibusdam nobilibus & civitate Hildeſienſi ſit affectus. Multa quoque beneficia contulit eccleſiæ cathedrali Hildeſienſi, ſacellum S. Annæ porticibus incluſit & eandem ſuffraganeo Episcopii in æternum addixit. Tandem Moguntiam quæ inſignis ad Rhenum eſt urbs, migravit, ibidemque,

O 2

obiit

(a) *Bruchſch. ep. de Archiepiſc. & Episc. Germ. c. 11. §. 49. Bünning. de Episc. Hildes. p. 611. ed. Meibom. Vit. episc. Hildes. MS. in hoc Episc.*

obiit Anno MDLI, sepultus in cœnobio Franciscanorum ibidem.

HENRICUS III Fricken præpositus XXI die Assumt. Domin. Anno MD XLIV Johanni Pavvel pratum quoddam Lütkenbergam & Dachsteinium interstitum in triennium locat.

Conradus Witte plebanus templi forensis Goslariz Anno MDXII die Domin. divis. Apostolor. sequente testimonium tulerat, quod cœnobio Francobergensi ultra XL annos præpositi titulò præfuisse, ideoque de situ & jure sylvarum ejus optimè edoctus esset. Locum in monte Nauerio, quem vulgò *Rnid* vocant, sylvæ limitem haud esse, sed ante hos LX annos ab Aschvino de Svichelde aliisque per conventus sylvas esse ductum, imò seipsum tam in quàm extra eundem locum ligna, nemine id impediante, cædi fecisse. Hoc testimonium conventus X Cal. Augusti Anno MD XLVI à Cyriaco Schachting notario publico in formam instrumenti redigi curavit.

Valentinum præfulem Hildesensem excepit Fridericus Friderici I (a) filius, Christiani III Daniæ Regis frater, Dux Holsatiz, die Dominica festum Michaëlis insequente Anno MDLI qui Hildesiam XVI Cal. Octobr. Anno MD LIV intravit. Pauco temporis spatio in episcopatu permansit, confirmatione impetrata in Holsatiam rediit ægrotans. Obiit Slesvici prid. Sim. & Judæ Anno MD LVI, ætatis XXV, sepultus ibidem.

Successit eidem Burchardus ab Obergē, qui haud modicò temporis spatio cum Capitulo altercavit. Cumque algidum etiam Hildesensium amorem experiretur, per biennium securitatis gratiā in arce Woldenbergensi est commoratus. Arcem Mariæburgensem postea occupans eandem octo annorum spatio possedit. Pace verò inter Præfulem, Capitulum, & Hildesenses conclusa, & confirmatione à Pio IV Papa impetrata, triumphali ritu urbem Hildesensem intravit, solitis solennibus inauguratus. Anno MDLXIV Stürvvaldam arcem,

M
XXXVI

(a) Bunting, de Episc. Hildes. p. 612. ed. Meibom. Nit. Episc. Hildes. MS. in hoc Episcopo.

XXXVI imperialibus ab Holsatiæ Ducibus redemit, Capitulo Mariæburgum reddidit, (a) & cum XVII annis munere suo functus esset, obiit X Cal. Febr. Anno MD LXXIII in arce Stürvvaldensi, sepultus in templo cathedrali Hildesie, successorem habens Ernestum præfulem Frisingensem & Ducem Bavarie.

Anno MD LXXI die Mercur. post Pancrat. transactum est mediantibus à parte cœnobiorum jussu Julii Ducis Brunov. & Luneb. Matthia Bötticher, & à parte Goslariensium Valentino Grosseheim, Henningo Slüter, & Tobia Mundeken, inter cœnobio Novi-Operis, Francobergense, & Grauhofianum, ac Senatum Goslariensem hac ratione, ut Senatus Francobergensibus villam Bonyemensem, cujus proventus aliquot annorum spatio suis usibus addixerat, redderet, promissò à Julio Duce acceptò, villam Hennenrodensem ad templum parochiale S. Stephani Goslarie spectantem senatui restitutum iri. Reditus & proventus ex ambabus villis hucusque percepti compensarentur, & Tabulæ, instrumenta, ac documenta, villam Hennenrodensem concernentia & abalienata thesaurariis Goslariensibus redderentur. Præterea moniales vicariam, tempore papismi ab ipsis conferri solitam, jam verò alendis pastoribus aliisque piis operibus dicatam, senatui, renunciatione prævia, tradere tenerentur. Senatus è contra dispensationem salariorum, pastoribus & ædituis Francobergensibus solvi solitorum, in se reciperet : Conventus verò lignum, frumentum, cerevisiam, aliaque ab antiquo ipsis erogari solita, imposterum dare haud teneretur. Supellex cœnobii sacra pretiosa & vestes missales conventui eò pactò redderentur, ut, si Pastor aut Capellanus iisdem ad ritus ecclesie celebrandos indiguerit, eadem ipsi commodarentur, hæcque curæ Diaconi dicti templi more hætenus observato committerentur.

Lites quoque Senatus cum Pancratio Becker cive Goslariensi, & Johanne Bussen Pastore Hercensi ob duas vicarias in templo Forenti & Francobergensi, quotannis XL marcas Goslarienses solventes, qua-

O 3

rum-

(a) Bunting. de Episc. Hildes. ed. Meibom. p. 612. Vir. Episc. Hildes. MS. in Burchardo.

rumque jus patronatus vigore foundationis ad dictum Beckerum spectabat, hac ratione componebantur : Beckero ejusque hæredibus jus præfatum imperturbatum remaneret, is verò puerum XIV aut XV annorum, ingenii capaxis, & fundamenta Grammatices edoctum, è stirpe Senatus & thesaurariorum prognatum, proponeret, senatus verò eidem præfatas XL marcas ad prosequendum studia in quinquennium exsolveret. Hòc elapso senatus eòdem temporis spatio redditibus præmemoratis frueretur, eodemque alendis pastoribus suis impenderet. Post novum quinquennium Beckerus alium puerum proponeret, & sic alternis vicibus in perpetuum.

Reliqua cœnobii Novi-Operis & Graulhofianum concernentia, hùc niuinè spectant, ideoque eadem in medium proferre supervacaneum erit.

Et hæc sunt, quæ de cœnobio Francobergensi literis mandare consultum duxi : reliqua enim enumerare pretium non est, cum parum notatu digne contineant. Sub finem ampla privilegia ordini B. Mariæ Magdalænæ per Germaniam à Gregorio IX Papa concessa subjungere lubet :

Venerabilibus Dominis in Christo dilectis, Archiepiscopis, Episcopis, Abbatibus, Præpositis, Archidiaconis, Prioribus, Decanis, & aliis ecclesiarum Prelatis, per Alemanniam constitutis, CONRADUS DEI gracia Hildensemensis Episcopus oracionum & obsequii promptam in Domino devocionem. Quoniam sumus à Domino Papa defensores constituti Prepositi & sororum B. Mar. Magdal. in Alemannia, & ecclesiarum, bonorum, privilegiorum, & aliorum omnium, que possident rationabiliter & possidebunt, consultum nobis visum est, ut rescripta privilegiorum dictus prepositus vel sorores penes se habeant sub bulla nostra, ne quid periculum circa ipsa privilegia
contin-

cōtingeret secum ducta jugiter & ducenda. Est autem hoc : GREGORIUS episcopus servus servorum DEI dilectis in Christo filiabus, priorisse B. Marie Magdalene in Alemannia, ejusdem sororibus penitentibus tam presentibus quam futuris regularem vitam professis in perpetuum. Religiosam vitam eligentibus apostolicum convenit adesse presidium, ne forte cujuslibet temeritatis incursum aut eas a proposito revocet, aut robur, quod absit, sacre religionis infringat. Ea propter, dilecte in Christo filie, vestris justis postulacionibus clementer annuimus, & prefatum monasterium S. Marie Magdalene, in quo divino estis mancipare obsequio, sub B. Petri & nostra protectione suscipimus, & presentis scripti privilegio communitum. Preterea quascunque possessiones, quecumque bona idem monasterium impresenciarum juste ac canonice possederit, aut in futurum concessione pontificum, largitione Regum vel principum, oblacione fidelium, seu aliis justis modis prestante domino poterit adipisci, firma vobis & his, que vobis successerint, illibata permaneant. In quibus hec propriis duximus exprimenda vocabulis, locum ipsum, in quo prefatum monasterium situm est, cum omnibus pertinenciis suis, cum pratis, vineis, terris, nemoribus, usuagiis, & pascuis, in bosco & plano, in aquis & molendinis, in viis & semitis, & omnibus aliis libertatibus & immunitatibus suis. Sane laborum vestrorum, quos de possessionibus habetis ante concilium generale, aut etiam novalium, que propriis manibus aut sumtibus colitis, sive
de or.

de ortis & virgultis & piscacionibus vestris, vel de nutrimentis animalium vestrorum, nullus a vobis decimas exigere vel extorquere presumat. Ad hec liceat vobis personas liberas absolutas a seculo fugientes ad conversionem recipere, & eas absque contradictione aliqua retinere. Prohibemus insuper, ut nulli sororum vestrarum, post factam in monasterio vestro professionem, fas sit sine priorisse sue licentia de eodem loco discedere, discedentem vero absque omnium literarum vestrarum caucione nullus audeat retinere. Insuper auctoritate apostolica inhibemus, ne ullus episcopus vel alia quelibet persona ad sinodos vel conventus forenses vos ire, vel iudicio seculari vocare, vel propria vel possessionibus vestris subjacere compellat, nec ad domos vestras causa ordines celebrandi venire presumat, nec priorisse vestre regularem electionem impediat, aut de instituenda aut removenda ea, que pro tempore fuerit, circa statuta Cisterciensis ordinis se aliquatinus intromittat. Pro consecrationibus quoque altarium vel ecclesiarum, vel quolibet ecclesiastico sacramento, nullus a vobis sub obtentu consuetudinis aut alio modo quicquam audeat extorquere, sed hec omnia vobis episcopus diocesanus impendat. Alioquin liceat vobis quemcunque malueritis catholicum adire antistitem, gratiam & communionem apostolice sedis habentem, qui nostra fretus auctoritate quod postulatur impendat. Quod si sedes diocesani episcopi forte vacaverit, interim omnia ecclesiastica sacramenta a vicinis episcopis

scopis accipere libere & absque contradictione possitis, sic tamen, ut ex hoc imposterum propriis episcopis nullum prejudicium generetur. Quia verò interdum propriorum episcoporum copiam non habetis, si quem episcopum Romane sedis, ut diximus, gratiam & communionem habentem, & de quo plenam noticiam habeatis, per vos transire contigerit, ab eo benedictiones vasorum & vestium, consecrationes altarium, ordines monialium, auctoritate apostolice sedis recipere valeatis. Porro si episcopi vel alii ecclesiarum Rectores in monasterium vestrum, vel personas inibi constitutas, suspensionis, excommunicationis, vel interdicti sententiam promulgaverit, sive etiam in mercenarios vestros pro eo quod decimas, sicut dictum, eis non persolvitis, sive aliqua occasione eorum, que ab apostolica benignitate vobis indulta sunt, seu benefactores vestros pro ea, quod aliqua vobis beneficia vel obsequia ex caritate prestiterint, vel ad laborandum adjuverint in illis diebus, in quibus vos laboratis, & alii feriantur, eandem sententiam protulerint, ipsam tanquam contra sedis apostolice indulta prolatam duximus irritandam, neclitere ille firmitatem habeant, quas tacito nomine Cisterciensis ordinis & contra tenorem apostolicorum privilegiorum constiterit impetrari. Preterea cum commune interdictum terre fuerit, liceat vobis nichilominus in vestro monasterio, exclusis communicatis & interdictis, divina officia celebrare. Paci quoque & tranquillitati vestre paterna imposterum sollicitudine provi-

dere volentes auctoritate apostolica prohibemus, ut infra claufuras locorum seu grangiarum vestrarum nullus rapinam seu furtum facere, ignem apponere, sanguinem fundere, hominem temere capere vel interficere, seu violentiam audeat exercere. Preterea omnes libertates & immunitates à predecessoribus nostris Romanis pontificibus ordini vestro concessas, nec non & libertates & exceptiones secularium exactio-num a Regibus & principibus, vel aliis fidelibus, rationabiliter vobis indultas, auctoritate apostolica confirmamus, & presentis scripti privilegio communimus. Decernimus igitur, ut nulli omnino hominum liceat prefatum monasterium temere perturbare, aut ejus possessiones auferre, vel ablatas retinere, minuere, seu quibuslibet vexacionibus fatigare, sed ea omnia integra conserventur, eorum, pro quorum gubernacione ac sustentacione concessa sunt, usibus omnimodis profutura, salva sedis apostolice auctoritate. Si qua igitur in futurum ecclesiastica, secularisve persona, hanc nostre constitutionis paginam sciens, contra eam temere venire reputaverit, secundo tertiove commonita, nec reatum suum congrua satisfacione correxerit, potestatis honorisque sui careat dignitate, reamque se divino judicio existere de perpetrata iniquitate sciat, & a sanctissimo corpore & sanguine DEI & Domini redemptoris nostri JESU CHRISTI aliena fiat, atque in extremo examine districtè subiaceat ulcioni. Cunctis autem eidem loco sua jura servantibus sit pax Domini nostri JESU CHRISTI, quatenus & hic fru-

fructum bone actionis percipiant, & apud districtum judicem premia pacis eterne inveniant. Liceat etiam Capelano vestro in altari viatico officia celebrare, donec vestra ecclesia consecretur. Item obeunte preposito vestro nullus vobis surrepatur astucia, nisi quem vos canonice duxeritis eligendum. Electus verò a vobis a nemine nisi a Romano Pontifice confirmetur. Item ut ecclesias, que vobis fuerint canonice & pia & provida liberalitate collate, possitis recipere ac libere retinere, auctoritate vobis presencium indulgemus. Item liceat vobis habere liberam sepulturam quorumlibet, qui sepulturam in vestro monasterio duxerint eligendam.



F I N I S.



10 1 2 1 7

